




10867/c



W. C. Hylne.

AMICO E STARELLA, Vito Maria









87/912

I

**S**acram, & Civilem Urbis Catanæ Historiam in præ-  
sens usque deductam a P. D. Vito M. a Catana Priore  
Casinensi elaboratam summa cum animi jucunditate perlegi  
jussu Reverendissimi P. D. Joseph M. a Papia ejusdem Con-  
greg. Præsidis Generalis. In ea quippe insignem eruditionem  
ita cum gravitate, veritateque Historica connectit Sapientif-  
simus Author, ut legentium mentes, non solum quid de an-  
tiquitate, nostrorumque temporum serie præclarissimæ Urbis  
Catanæ sine hæsitatione tenere debeant, edoceat; verum di-  
versis, ac nondum in lucem editis notitiis illam planè, fir-  
miterque informet; quod si aliis Authoribus, qui ea de re  
scripserunt, evenerit, doctiorum judicium esto. Tanto igitur  
splendore patriam, tantaque suavitate Verustatum amatores  
carere, cum nefas sit, meritò publici juris opus hoc fieri cen-  
seo; maxime cum ne vel minimum nævum, quo fides Ca-  
tholica, aut mores ad Christianam normam exacti deformen-  
tur, offenderim. Ita ex animo Deo teste sentio, salva &c. ex  
hoc Siciliensis Provinciæ Archimonasterio S. Nicolai de  
Arena xiv. Kal. } Octob: Anno MDCCXXXIX.

*D. Ludovicus a Syracusis Lector, & Decanus Casinensis.*

**L**ibrum, cui titulus: *Sacra, & Civilis Urbis Catanæ Histo-  
ria &c.* summa veritatis historice puritate, in enarrandis  
rebus dexteritate, Sicularumque rerum sacrarum, ac Civi-  
lium eruditione refertum a P. D. Vito M. a Catana in S. Ni-  
colai de Arena Monasterio Priore Claustrali elucubratum de  
mandato Reverendissimi P. Præsidis nostræ Casinensis Con-  
gregationis attentè legi, & introspexi, eumque in qualibet  
sui parte, ut tacto pectore affirmo, fidei ac moribus conso-  
num inveni. Platæ in Monas. S. Mariæ Fundronis die  
xxix. Augusti MDCCXXXIX.

*D. Romualdus M. a Catana Decanus, Lector, & Con-  
cionator Casinensis.*

†

Opus



*D. Joseph M. Papia Abbas Præses Cōgregationis Casinensis.*

**O**pus inscriptum : *Sacra , & Civilis Urbis Catanae Historia in presens usque deducta* ; cum duo ex nostris Theologis de mandato nostro accuratè legerint , nihilque in eo Catholicæ fidei , moribusve dissonum deprehenderint , illud edi posse ad Nos quod attinet , permittimus . Ferrariæ in Ædibus nostris Divi Benedicti pridie Idus Octob: MDCCXXXIX

*D. Joseph M. a Papia Abbas Præses .*

✠ Loco Sigilli

*D. Benedictus Joannes a Mantua Pro-Cancellarius .*

**D**um ingenii sui lucubrationes Scriptores prælo committunt , æternum sibi nomen apud posteros conquirunt ; quotquot autem priscis edendis historicis Monumentis operam suam conferunt , tum veteres , tum posteros demerentur , laudemq: omni ex parte non vulgarem assequuntur . Hanc sane promeruisse P. D. Vitum M. de Amico Priorem Casinensem non ambigo , de Clarissima Urbe Catana a sui fundatione ad annum 1041. libros conscribentem , quos de benignitate Domini D. Joannis Rizzari Generalis Vicarii mihi commissos , atque attente pervolutos publica luce dignos existimavi ; sive quia nihil a fide dissonum , nil moribus contrarium animadverti , sive quia historicam sinceritatem , eximiamque eruditionem in iis sum admiratus . Et ita sentiebam ex Conventu S. Mariæ Novæ Lucis Pridie Kal. Januarii 1739.

*Frater Euty chius a S. Flavia Augustinensis  
Excalceatus Provinciæ Messanensis Moderator .*

Nil contra Regem , nec contra hujus Regni  
Pragmaticas . & ita &c.

*D. Ludovicus Nava Lector , & Decanus Casinensis .  
Stantibus supradictis Approbationibus .*

*Imp. D. Joannes Rizzari )( Impr. D. Ignatius Rizzari  
Vicarius Generalis . )( pro Ill: de Loredano Pr.*

INDEX



# INDEX.

## LIBRORUM, & CAPITUM.

<b>P</b> Ræfatio	f.	1
<b>P</b> Ad Catanensem Historiam Apparatus	f.	5
<b>I.</b> Catanæ Origo, ejusq: prisca Cultores	f.	5
<b>II.</b> Catanæ Etymon	f.	17
<b>III.</b> Catanæ Situs, Amplitudo, Frequentia	f.	21
<b>IV.</b> Catanæ Ager, ejusque Oppida, ac Flumina	f.	30
<b>V.</b> Catanæ Portus	f.	41
<b>VI.</b> Ætna Mons.	f.	47

## CATANÆ ILLUSTRATÆ LIBER PRIMUS.

<b>C</b> Ap. I. Ævum Poeticum, seu Fabulæ Catanam, ejusque fines spectantes.	f.	51
<b>Cap. II.</b> Heroum Ætas, Erroresque Catanæ fines spectantes.	f.	80
<b>Cap. III.</b> Catana sub Sicanis.	f.	119
<b>Cap. IV.</b> Catana sub Siculis.	f.	126
<b>Cap. V.</b> Catana sub Græcis.	f.	132
<b>Cap. VI.</b> Catana sub Græcis ab Olympiade septuagesimaquinta ad nonagesimam.	f.	151

## CATANÆ ILLUSTATÆ LIB. II.

<b>C</b> Ap. I. Catana Atheniensibus contra Syracusanos fœderata.	f.	173
<b>Cap. II.</b> Catana sub Tyrannis.	f.	192
<b>Cap. III.</b> Catana propriis legibus vivens.	f.	214
<b>Cap. IV.</b> Catana sub Romanis Cōsulibus.	f.	224
Cap.		

I N D E X.	
Cap. V.	Catana sub Romanis Imperator. f. 248

### CATANÆ ILLUSTRATÆ LIBER III.

Cap. I.	Catana sub Romanis Principibus post CHRISTUM natum. f. 261
Cap. II.	Catana sub Romanis Principibus ab Anno ccxlix. ad ccc. f. 278
Cap. III.	Catana sub Romanis Imperatoribus ab Anno ccc. ad cccxii. f. 308
Cap. IV.	Catana sub Romanis Imperatoribus ab Anno cccxii. ad ccccliv. f. 322
Cap. V.	Catana sub Regibus Vandalis. f. 330

### CATANÆ ILLUSTRATÆ LIBER IV.

Cap. I.	Catana sub Græcis Imperatoribus. f. 343
Cap. II.	Catana sub Græcis Imperatoribus ab Anno dclxxxv. ad dcclxxx. f. 360
Cap. III.	Catana sub Græcis Imperatoribus ab Anno dcclxxx. ad Saracenorum Tyrannidem. f. 387
Cap. IV.	Catana sub Saracenis. f. 408





# PRÆFATIO.

**D**u te in limine, Candide Lector, non immoror, paucisque causas, quæ ad scribendum impulerint, quam sequar methodum, operisque institutum aperiam. Eruditissimi Octavius Archangelus, Joannes Baptista de Grossis, ac Petrus Carrera, illi quidem Catanenses Cives, Carrera, & si externus Patria, in nostros tamen propensissimus, spartam hanc disertè exornarunt; verùm nonnulla, nec forte pauca, neque obscuriora eorum stylo excidere. His itaque adnotandis, quum, succisivis horis, ac veluti per otium, ab hinc septennium, quodque excurrit, animum adjecissem, integram elucubrandi Patriæ Historiam, privatis studiis profuturam, cupido tandem incescit. Quod, ut clarissimus Vir Hiacynthus Paternionius, *dum fata, Deusque suebant*, mei amantissimus, quocum omnia communicare consueveram, intellexit, suam mihi operam pollicitus, ut serio rem aggrederer, suasit; decusque Patriæ, cujus amore vehementius exardebat, ob oculos ponens, nutantem me, ad opus, quod plurium industriam viresque exigere videbatur, quamcitus absolvendum, consilio pellexit, suppetiasque promittens, ut cœptis insisterem, auctor fuit.

*Archangelus* enim, (ajebat) cui primas jure deferamus, oportet, civicæ pietatis stimulis actus, ingenti cum laude, Catanæ antiquitatibus laceris, atque dispersis medicas manus admovit, easque, quasi magno naufragio superstites tabulas, in unum congeffit; in ejus tamen libris, & si à Valeriano de Franchis Benedictino-Casinen- si Monacho, varia rerum accessione, Pontificumque Catanensium serie auctis, bene multa desiderantur; nec pauca sunt, quæ publici juris facta, ætati huic cæterarum omnium emunctissimæ negotium facefferent.



*Carrera*, nostris siquis alius addictissimus, illustres Catanæ fastus, à primæva illius Origine ad Christi Domini adventum complexus, quam promiserat post reparatam salutem ad sua tempora Historiam, variis distractus curis conficere, fidemque suam liberare non potuit, atque ejus Adversaria, rei literariæ damno, aut pœnitus interciderè, aut abscondita fortasse per Dracones thesauris suis incubantes, seu per invidos manuscriptorum possessores inter blatas, tineasq: alicubi delitescunt.

*Grossus*, denique improbo quidem labore, summaque ingenii vi scrinia omnia, ac tabularia scrutatus, quidquid ad Patriæ decus conducere advertit, vulgavit quidem; at chronologicam seriem, modo Pontificum Vitas excipias, minime sequutus, ad certa quædam capita præcipua revocans Catanæ gesta, posteriorem *Decacordi* partem, nec curis secundis recognoscere, nec typis tradere, nescio, qua civili laceffit invidia, è re sua duxit. Annalium verò, quos animo conceperat, suisque in libris quam sæpissimè testes advocavit, vix primas exaratas lineas, & quidem autographas, penes Eruditissimum Innocentium Roccafortium Cathedralis Ecclesiæ Alumnum, (asservari) novimus. Laudatos denique Auctores in multis à vero aberrasse, Epistolisque Diodori cujusdam, Orophonis scripto, atque id genus aliis usos, é fontibus hausisse, qui recensioribus Criticis nullimode probantur. Vindicandus proinde Patriæ honor, ejusque Historia (subdebat) eâ, quâ par est, puritate edenda.

Et sane quum hominis, cui a prima adolescentia, arctissimo fueram necessitudinis vinculo conjunctus, quæque acri judicio præditum probè noveram, consilio non obsequi lubenter, religioni penè ducerem, imbecillitatis meæ oblitus, pro ingenii viribus, quas sentio, quam sint exiguæ, provinciam suscepi, summaque contentione, variis licet muniis implicitus, Opus eò tandem deduxi, ut cruditis, deque me optimè meritis civibus offerre



re queam, in spem magnam, & ut confido verissimam, adductus, tenues hosce industriæ meæ conatus, haud omnino aspernatos, & æqui bonique meis iri consultum studiis, ab iis præsertim, qui non vanis divinationibus, futilibusque conjecturis, sed Vero fidem obstringunt suam.

A primævis igitur Catanæ Incolis, ac Cōditoribus, celebriora ejusdem facinora repetam, rerumque in ea belli, domique gestarum in præsens usque deducta recensione, Populos, Principes, Leges, Instituta, Privilegia, Clarosque Viros, nunquam intermissa temporum serie, persequar. Tum Agri Situm, Soli, Cœliq: Ingenium, Inscriptos Lapidēs, Numos, cæteraque decora, ac Monumenta singillatim expendens, Patriæ Imaginem pro virili expressam Orbi literario spectandam, proponam. Quæ sanè omnia, ut congruâ methodo disposita, captuque facillima, ac juvandæ memoriæ per quam accommoda evenirent, quasdam selegi Epochas, seu Æras, quas etiam in partes dividere oportuit, ne longiùs protracta oratio molestiam crearet, singulisque facta in earundem ævum incidentia adsignavi. Quod ab aliis Siculiæ Historiæ Scriptoribus *Fazello*, *Invegio*, *Aprile*, & *Carusio* usurpatum. Eamque nactus occasionem, cum Principum, Regumque in Siciliæ Imperio successiones, tum Insulæ totius compendarios veluti Annales inserui.

Tribus porrò Tomis, Librisque duodecim opus complexus sum. Illorum primus Catanæ Historiam, seu Annales ab ejus Origine ad Saracenos per Northmānos Principes è Sicilia exactos exhibet. Alter ad annū sæculi decurrentis quadragesimum, quo editio hæc adornatur, gestorum seriem producit. Tertius denique, nova, ac vetusta Monumenta, Illustres Viros, atque id genus alia continet; ex his enim complura raptim in Annalibus commemorata, in hoc postremo ex instituto expēduntur.

Jam verò, hæc scribens, in errorem abduci, Patriæ



amore, passum me fuisse nusquam, quod noverim, sanctè profiteor; singulorum causas procul habui, & quæ ab affectu Civium, vel partium studio excogitata, aut ab Antiquis, levi prorsus fundamento, tradita adverti, dissimulare minime veritus, solida, ac veriora, magisque saltem vero proxima edere statui. Scriptorum verba, Catanæ gesta expendens, mea feci, ac plurium quandoque auctoritatem advocavi, synchronasque historias, & si *latino - barbaro* stylo exaratas, quæ in lucem nondum editæ, penes antiquitatis peritos, aut in publicis tabulis asservantur, transcripsi; Cæterum non is sum, qui mihi assenter, tenuique hoc opusculo ætatis hujus eruditissimæ oculos in me convertendos, plaususque obtenturum, mihi pollicear, quin vereor, ne inconsultus videar, quòd in detegenda clarissimæ Urbis facie haud satis pro dignitate adlaboraverim. Illud profectò affirmo, omnem me operam impendisse, ac quidquid in me fuit industriæ, in id contulisse, ut undequaque, ac suis numeris absolutam Patriæ Historiam exhiberem, illius originem in tanta rerum vetustate anxio conjecturarum studio expiscarer, abjectisque procul mendaciis, atque figmentis, omnia ejusdē lipsana divulgare. Quod an fuerim assequutus, Sapientes, æquique rerum æstimatores viderint. Tu interim sin minus rectè hanc mihi cessisse aliam, præstantissimo, quo polles, ingenio, adverte-  
ris, non id voluntati, sed viribus adscribas meis, vulgatumque illud Poetarum ingeniosissimi dictum tecum ipse repete:

*Ut desint Vires, tamen est laudanda voluntas;  
Hac, Ego, contentos, suspicor, esse Deos.*





AD CATANENSEM HISTORIAM  
A P P A R A T U S  
L

CATANÆ ORIGO,  
EJUSQUE PRISCI CULTORES.



Difficile fanè provinciam fuscipit, qui Urbium vetustate, ac fama illustrium foundationem, nullo Antiqui Scriptoris suffragio fultus, expiscandam aggreditur; in tanta quippe temporum distantia, vel ipsæ rationabiles conjecturæ illum deficient, oportet. At quū primæ Populorum, Gentiumque origines, ipso divini Historici exemplo, qui integrum pene Geneseos librum illis edisserendis congeffit, omni ferme ævo adeo sacræ, ac venerabiles ubique sint habitæ, ut eas silentio obvolvere, piaculum adhuc hodie credatur, operis difficultati, ut Patriæ honori obsequar, minimè cedendum duxi, deque Urbis Catanæ Fundatione, ejusque priscis Incolis, nonnulla, quæ certiora videntur, promere in ejusdem Historiæ limine, statui.

B

Si



(a)  
Sicil. antiqua  
lib. I. cap. 8.

II. Si ex antiquissimis Siciliae Urbibus Catanam dicamus, nihil nos facere videbimur, quod evidentibus, firmisque rationibus non innitatur; Græcæ nihilominus originis, recentiorisque ætatis opus complures è Siculis, externiq: pene omnes Historici illam vulgarunt, Thucydidis potissimum testimonio usi, qui lib. 6. *Belli Pelopon.* ex Cluverii interpretatione (a) ait: *Theccles vero, atq: Calcidenses è Naxo profecti, septimo post conditas Syracusas anno, Leontinos, ejectis Siculis, condiderunt, ac dehinc Catanam. Coloniae autem deductorem sibi constituerant Catanenses Evarchum.* Thucydidi consonat Strabo lib. 6. scribens: *Catana à Naxiis condita est.* Designat hujusque Urbis nostræ ortus tempora laudatus Cluverius eodem capite: *Anno scribens, post Trojanum Bellum ccccxviii. idest Olympiadis xi. anno primo, in Siciliam venisse Theoclem cum Chalcidensium Colonia, supra cap. 2. ostensum est; proximo verò anno post, condite fuere Syracusæ, eodem Thucydide ibidem teste. Octavo igitur anno post adventum in Siciliam Theoclis, idest Olympiadis xiii. anno primo, ante natum Jesum Dccxxviii. Catana fuerit condita. Eusebii Chronicon S. Hieronymo interprete in annum ab Orbe condito cccxlii. eandem rejcit, Aesimede quarto jam anno Athenis regnante; quamvis alibi præferat Catanæ exordia Naxo, & Chalcidensium adventui annis ferme Dclxv. ut paulo post demonstrabimus.*

III. Verum Thucydidis verba longè aliter Laurentius Valla Eruditissimus interpretatur. *Insequenti anno Archias ab Hercule oriundus, è Corintho, Syracusas incoluit, expulsis prius ex (a) Insula*

---

(a) Insulam intelligit hic Orrygiam, quæ olim parvo freto à continenti separata, mox conjuncta, hodie verò, medio ponte Isthmo unitur.



## ORIGO.

7

*sula Siculis. Verùm Theocles, atque Chalcidenses è Naxo profecti, septimo post inhabitatas Syracusas anno, Leontinos, ejectis Siculis, incolunt, ac dehinc Catanam, cum ipsi Catanenses Evarchum fecissent Coloniae auctorem. Congruit latinæ Vallengi interpretationi Italica per Franciscum de Solido Strozzi adornata, ac Typis Venetis Gabrielis Gioliti MDLXIII. edita, aliaque Hispanica è Græco textu ab Didaco Gratiano confecta anno MDLXIV. Salmanticæ excusa, quarum prima: E Thucle partendosi con i Calcidesi di Nasso l' anno quinto doppo, che fu habitata Siragozza, habitarono la Città di Leontini, avendone cacciato i Siciliani, e doppo questo habitarono Catania; ma essi Catanei fecero Evarco lor primo capo. Hispanica vero: Un año despues dela venida delos Calcidenses, Archia Corinthio que venia delos descendientes de Hercules vino ad habitar a quel lugar, d' onde al presente es Saragoza, aviendo primeramente alanzado de allì los Sicilianos, que la tenian. Passado esto, siete años despues, Theocles y los Calcidenses salieron de Naxos, y venieron ad echar los Sicilianos, que moravan en la Ciudad de Leon, y la tomaron; y lo mismo hizieron en la Ciudad de Catania, d' onde alanzaron a Ebarco. Et congruentius, sanè, atque ad Thucydidis mentem accomodatius præ Cluverio, Valla, & alii loquuntur, Græcumque verbum Oekizo ab Historico usurpatum per *Inhabito*, aut *Incolo*, latinum reddunt, ut Eruditis est palam. Clarissimè Græcus Scriptor aliunde expulsos ab Archia Corinthio ex insula, ubi nunc Syracusæ, Siculos, tradit, eosque etiam ab Leontinis Duce Theocle ejectos innuit, ac sibi Coloniae Deductorem creasse Catanenses Evarchū, subdit, ut hinc assequamur, cultas jampridem per eosdem Siculos Urbes illas, atque in primis Catanam, antequam Græci sese in Siciliam inveharent;*

Co-



Colonos quippe deducere ejus, qui loco frequentiam inducit, potissimum est munus.

(a)  
Geogr. sac. lib.  
p. cap. 27.

IV. Illud accedit: Urbes, ut plurimum, quæ extant, condi, aut exædificari, quum augmentur, ac reparantur, ab optimæ notæ Authoribus passim dici. Hinc Samuel Bochartus (a) Lilybæum à Carthaginiensibus conditum, post Motyen à Dionysio Tyranno expugnatam ex Diodoro Siculo adstruens, hæc subdit: *Cui loco frustra opponitur, quod idem Diodorus lib. x. narrat, annis scilicet ante Motyes excidium plus minus quinquaginta, bellum inter Egestanos, & Lilybetanos esse exortum super agro ad Mazaram fluvium sito; unde sequatur Lilybæum multo ante extitisse: nam quæ extat Urbs, condi dicitur, cum augeatur, & reparatur. Extabat igitur Lilybæum etiam ante captam Motyen; sed tunc demum evasit celebris novis Colonis additis.* De Catana porro loquens sequenti capite scribit: *Ad Amenani ostium Catana, Catna Parvam sonat; nempe Catana erat oppidulum, antequam Naxii illud auxissent Colonia eò deductâ Evarcho Duce, quos proinde Græci suo more habuere pro Catanae conditoribus.* sed hanc Bocharti, quo ad Catanae Etymon, censionem paulopost expendam, refellamque. Jam vero ex Marcionis Heracleensis textu (b) clarissimè, quod intendebam, evincitur: profectos nempe è Naxo Chalcidenses Urbem nostram incolis frequentasse, minime verò primos condidisse. Habet enim:

(b)  
In Periegesi,  
seu descrip. Orbis Terrarum.

*Post hæc è Naxo Leontini, &  
Quæ ex adverso Rhegii  
Ad fretum Siculum sita est,  
Zancle, & Catana, & Callipolis accipere Colonias.*

Satis profecto constat Zanciam, hodie Messanam, longè primas Græcorum in Sicilia Colonias fundatione



tione sua præcessisse, idque multis ostendunt Scriptores Siculi, probatque Cluverius (a)  $\Lambda$  Naxiis ergo novi tantum in eam habitatores inveci; idque etiam de Leontinis, Catana, & Callipoli intelligendum, ut præ cæteris Marius Aretius *de situ Siciliae num. 20.* Joannes Baptista Carusius *Hist. lib. 2. Aprilis lib. 1. cap. 6.* Petrus Carrera *Mem. Hist. Catan. lib. p. c. p. & 52.* alique disertissime ostendunt.

(a)  
*Lib. p. Sic. Antiq. cap. p.*

V. Cæterum Thucydidem Græcum hominem patrio more, suis adscripsisse præstantissimarum in Sicilia Urbium origines, quispiam non incongruè dixerit. Josephus Hebræus (b) hac Græcos censura inurit: *Græci sunt hujus rei Auctores, qui posteris temporibus comportati, etiam antiquorum gloriam propriam effecerunt, & gentes nominibus exornarunt.* Et Valerianus Pierius (c) *In nulla re, ait: magis Authores diversi abeunt, quam in Urbium originibus; dum Græci sibi omnia adscribunt, Latini sua possidere contendunt.* Ex his itaque, dilucidè factis, crediderim, fieri compertum, quam longè a vero abluferint, quotquot ex Thucydide Catanam Græcis Civitatibus accensere, non dubitarunt; Reliquum nunc est, ut quinam nostræ Urbis, ejusque soli primi Cultores fuerint, paucis subjiciam; quod ut faciliori via assequar, totius Insulæ initia altius repetam.

(b)  
*Antiq. Judaic. lib. p. cap. 10.*

(c)  
*Hierog. lib. 15.*

VI. *De Siciliae priscis incolis* (Bocharti verba mea facio) *mira fabulantur Veteres, quorum pleraque Thucydides lib. 6. in pauca confert.* Fazellus Beroso Anniano plus æquo deferens, fabulas de Saturno, quem Chamum Noe filium credit, nimia facilitate amplectitur, eundemque Saturnum cum suis primum Siciliae habitatorem adstruens, Urbis Chamesenæ Auctorem facit (d) Annio fortasse fabulandi occasionem præbuit Diodorus, qui lib III.

(d)  
*Dec. 2. lib. p. cap. p.*



(a)  
Nat. Eccles.  
Mazarenfis.

1 b 1  
Mem. Hist. lib.  
p. cap. p.

1 c 1  
Zol. Hist. narr.  
p. Decac. tom. 2.  
cord. 6. mod. 12.

1 d 1  
De antiq. Ur-  
bis Panor.  
fol. 161.

\* Saturni adventum in Siciliam clarissimè innuit, eumque Regnum ea in Insula obtinuisse scribit, atque arces Urbium, & loca editiora tenuisse, quæ *Saturnia* idcirco sunt appellata. Chamesena, quò loci sita fuerit, se nondum in comperto habere, ingenuè Fazellus profitetur; Leonardus tamen Orlandinus Drepanum fuisse contendit, cui Pirrus adheret (a) Cæsar Wolphangus Pighius Leontinos censet; Bonfilius in sua *Messana* Urbem hanc Authorem habuisse Chamum scribit; Eruditissimus denique Carrera Octavii de Archangelo conjecturis potissimum innixus: Chamesenam, ubi nunc Catana, olim fundatam dicit (b) Guarnerius, & Grossus aliique ex nostris ficti Orophonis decepti mendaciis, prope Catanam statuunt, ad Xiphonium promontorium. (c)

VII. Meliori via Marianus Valguarnerius Fazelli opinione rejecta, Elisam Javani \* Filium, Japheti Nepotem cum suis, quos Æolicos appellat, Siciliam primo incoluisse, tradit (d) firmatque ex sacris Paginis opinionem, ubi de Elisa, & fratribus dicitur Genesis X. *Ab his divisæ sunt Insulæ Gentium in regionibus suis.* atque ex Eusebii Chronico, Cedreno, aliisque, penes quos illud: *Elisa ex quo Siculi*, perquam frequenter occurrit, ut Invegius, Aprilis, ac noster Carrera etiam advertunt, passimque sacri Interpretes, ac Chronologi referunt. Denique Joannes Baptista Carusius Siculæ Historiæ accuratissimus Scriptor ævo longè inferiori primos in nostram hanc Insulam habitatores inducit, refellitque

---

\* Saturnus in Sicilia, & Africa, nec non Italia, uti perhibent, regnavit, imperiumque in occiduis orbis partibus constituit, & ubique præsidis per arces, & munitiones dispositis, subditos in officio continuit: quo factum est, ut per occidentales Siciliæ partes etiamnum editiora passim loca Cronia, idest Saturnia nominentur.

\* Javan idem ac Saturnus, cujus meminit Diodorus, juxta Valguarnerium, Gentis Græcæ Author.



que variis rationibus Valguarnerium ; nullique hominum ante Pelasgos \* Siciliam partem tenuisse, mordicus substat. Ut res sit, hæc enim ex instituto exponere, longum esset, id ferme apud omnes inconcussum: Cyclopes, atque Læstrygonas, Phæacos, & Lotophagos, quicumque illi fuerint, initio universam pene Insulam occupasse, Ætnæque montis fines, atque Orientales ejusdem plagas tenuisse; Ex his proinde Catanæ exordia repetenda.

VIII. Non me fugit, exleges illos fuisse, Homero teste in Odyssæa, domosque, ac Urbes habuisse nullas, speluncis denique ad vitæ agrestis commoda usos; nec is sum ego, qui cæco Patriæ amore rapi me sinam, ejusque mœnia, ac tures per Cyclopes extructas velim; Illud sanè contendo, sub ipsis initiis, ab Insulæ priscis incolis jacta Urbis nostræ fundamenta, unde longo temporis tractu, adeo celebris, atque insignis emerfit. Quamvis Gigantum opus Catanam non incongruè dixerim, ac vel levi tentata manu ostenderem, laudati Valguarnerii conjecturis potissimum frætus. Hic enim totus est, ut evincat: primis Siciliæ Cultoribus, seu Gigantibus fuisse Urbes in planis maximè regionibus, seu veriùs, patentes undique terras ortum spectantes eosdem incoluisse. Quidni & nostra, quæ orientem respicit Solem ab ipsis condita? Nec enim, ut ille observat, exædificandi Urbes artem ignorasse, Gigantes, credendum, quorum Parentes in campo Sennaar ante Gentium divisiones Turris Babel

---

\* Suos Æolicos Valguarnerius Pelasgos etiam appellat; Bis porro Pelasgos deduxisse suorum Colonias; Historici produnt Elifæ & Javani scilicet ævo, atque Abraami ætate; illosque ex Japheto originem traxisse dicunt.



(a)  
Lib. 7. Hist.  
cap. 56.

authores fuerant. Hinc Plinius (a) *Turres, ut ait Aristotiles, invenere Cyclopes, & Virgilius*  
..... *Cyclopum educta caminis*  
*Menia conspicio.*

Ad suam porro firmandam sententiã ejusdem Poetæ testimonium profert inter alia Valguarnerius:  
*Centum alii curva hæc habitant ad littora vulgo*

*Infandi Cyclopes, & altis montibus errant.*

(b)  
Ad lib. 2. Æ-  
neid: circa me-  
dium.

Ubi Servius Comm. (b) *Ad littora vulgo. ne tantum in montibus esse viderentur.* Nec nisi de Ætnefi Regione, quæ ad ortum vergit, intelligere potuisse Maronem, ii norunt, qui libri ejusdem tertii Æneidum contextus excurrunt. Mirari profectò subit: Authorem hunc Syracusas, Leontinos, suamque Panormum conditas ab Gigantibus Urbes palam vulgare; Catanam vero sub ipso Ætna monte sitã, suppresso nomine, cum cæteris confundere, quum ex Poetæ verbis una præ aliis posset jure merito, extractis per Gigantes Civitatibus accenseri; quod satis etiam innuere videtur Strabo (c) dum ait: *Æolum adjacentibus Liparæ Insulis imperitasse, vicina itidem loca Ætnæ, & Leontinos Cyclopes, & Læstrigones, immanes quosdam homines tenuisse.*

167  
Lib. p. de Situ  
Orbis.

XI. Cyclopes excepere Sicani, quorum originem fusius suo loco expendam. Hos planè ad ortum sub Ætna monte sedes locasse ex Diodoro lib. 6. assequimur. Quandoquidem scribit: *Sicani olim vicatim habitabant, urbes in collibus, ut quisquis natura munitissimus erat, sibi propter latronum incursum, extruentes; ac primitus quidem universam incolebant Insulam, agros colentes, ex quibus vitæ cibum sumebant. Postmodum Ætna, ignes, qui proximas regiones urebant, eructante, cum plures annos id incendium patriam vastaret, timore acti, omissis orientalibus locis, partes, quæ ad occidentem vergunt, petivere.* Ast

Ca-



Catana, inquit, per oram sese effundit maritimam, Sicanorum urbes in collibus ad latronum impetum coercendum locatæ. Ita sanè: Terra tamen, cujus cultu sibi ad vitam necessaria illi comparabant, quæque incendiis vastabatur, eorumque Patria dicitur, Catanæ finibus conclusa, quos Ætnæ ignes, constat, excessisse numquam. Ea igitur per Sicanos, aut inhabitata, aut culta; nec circa Regionem, ubi nunc Catana, colles desiderantur, quos munire contra noxios poterant.

X. *Post multas ætates, profequitur Diodorus, Siculorum Gens ex Italia cum familiis universis in Siciliam transgressa relictum à Sicanis agrum occupavit. Et paulopost idem de filiis Æoli loquens, subdit: Hujus regionis agros, qui ad orientem vergunt, coluere Siculi; qui ad occasum spectant, Sicani. Hi invicem dissidentes, Æoli filiis, tum propter vulgatam Parentis pietatem, tum ob eorum in se curam, ac diligentiam, paruerunt. Imperavit quoque Xuthus (secundus Æoli filius) ei parti, quæ ad Leontinos vergit, usque ad hæc tempora ab eo Xuthia dicta. De Siculorum porro in Sicaniam transitu hæc Dionysius Halicarnassensis (a) habet: At Siculi, Pelasgis simul, & Aboriginibus bello impares, liberis, ac conjugibus cum auro, & argento sublati, totam Regionem (Latium scilicet) eis cesserunt, versique per montana ad meridiem, peragrata omni inferiore Italia, cum undique pellerentur, tandem paratis ad fretum navibus, & observato secundo aestu, ex Italia trajecerunt in proximam Siciliam. E fretu igitur Mamertino ad Leontinos usque sese effuderunt, proximasque Catanæ regiones dubio procul occuparunt. Sed clariùs ad rem nostram Constantinus Prophyrogeneta in Themate Siciliæ: Siculi, ait, transgressi in Insulam, quæ tunc Sicania dicebatur, sedibus circa Ætnam posit-*

(a)  
Hist. Antiqu.  
Roman. lib. I.



*tis, eam incoluerunt, una cum Siculo Rege suo Regnum illic stabiliente, quæ tunc ab hoc Siculo vocata est Sicilia, optimaque ejus loca tenuerunt. Inter optimas verò orientalis plagæ terras fertilitate præstantem, deliciisque, ac commodis uberem Catanæ agrum quis non recenseat? De Siculis suo loco.*

Sub hæc ipsa tempora Phœnices per insulam passim habitaverunt, eodem Tucydide teste, *occupatis ad mare promontoriis, ac parvis Insulis, negotiandi cum Siculis gratia.* At Siculi ab initio nostras tenuere regiones; Phœnices hinc negotiatores in easdem sese effudisse oras, ut illos convenirent, inficiabitur nemo. Illud accedit: Phœnices hosce, non ex Africa tantum, ut Pausaniæ *in Eliacis*, ipsique etiam Thucydidi arridet, in Siciliam trajecisse, sed ex Asia, ut cum Diodoro *lib. 6.* multis probat Bochartus (a) Liquet autem, Tyriis Phœnicibus ex Asia solventibus, quæ ad ortum vergunt littora, ubi Catana, primum occurrere.

(a)  
Lib. I Geogra.  
cap. 17.

XI. Jam vero quod spectat clariora, ac felicia Græcorum tempora, id quidem inconcussum: perperam ab Diodoro Siculo illis maritimarum urbium exordia adscribi hisce verbis: *Ultimas in Sicilia Colonias miserunt Græci illustres, à quibus urbes marinæ sunt conditæ.* Quandoquidem Græcis authoribus nonnullas exordia, quasdam verò civitates, nonnisi incrementa, accepisse, vel ipsomet Diodoro teste, abunde constat. De Orione enim differens, scribit, (b) *Zancloto in Sicilia regnante, urbem ab eo dictam Zanclam, quæ nunc Messana est, edificavit.* Herculem deinde libro eodem Insulam universam circumeuntē inducens, Heracleæ conditorem dicit; atque ad Urbem Syracusarum digressum, auditis, quæ de Proserpine raptu, Cererisq; lacrimis ferebantur, Deabus illis sacrificasse, subdit;  
Her-

(b)  
Lib. 5. Bib. c. 15



Hercules porro , & Orion longissimo temporis intervallo Græcas colonias præcesserunt ; Messana, Heraclea, Syracusæ Urbes maritimæ eorumdem ævo conditæ calamo cespitasse Diodorum, clarissimè arguunt .

XII. Ab eo etiā tēpore , quo in Siciliā Græci trajecerunt, *cum Phœnicibus armis perpetuò contenderunt* , inquit Thucydides, *donec eos omni ora maritima, quam antea tenuerant, pellerent* . Maritima igitur ora ab Phœnicibus , ante Græcorum appulsum occupata: Moyten denique Solentum, aliasque juxta mare extructas Urbes , priusquam Græci in Siciliam transmitterent, id quod dicebamus , conficere, nemo non videt : à Græcis nempe Colonos accepisse Urbes maritimas potius, quam initia, atque in primis Catanam è Naxo profectos Evarcho Duce .

XIII. Quod si Eusebii Chronico deferre aliquid velimus, Catanæ Origo Sicanorum ævo respōdet; ad annum quippe CCCCXCXV. Orbis conditi hæc habet: *Cathinia condita est, & Siside in Sicilia*. Quod non è propria penu , sed ex antiquiore, aut ex Julio Africano excerpfit Eusebius, qui mox ad annum CCCCCLX. scribens : *Catinia in Sicilia conditur*, post illa verba : *Naxus condita in Sicilia , Syracusæ condita* , de Græcorum coloniis intelligere, evidentissimè ostendit. Porro fundatio illa Siculorum in Siciliam adventum annis CLV. Trojæ verò excidium annis CCXXV. Romæ ortum DCXLVIII. Humanæ denique salutis exordia MCCCIV. annis præcessit juxta ejusd: Eusebii computū , qui Christi Domini Nativitatem anno Mundi MDCCXCIX. reponit , Illi casum CCCCXX. Urbisq: initia CCCCCLIII. statuit . Scio Laurentium Bolanum notissimæ famæ virum, deque Patriæ Historiis, si quis alius, optimè

(a)  
*De racor. Cat.*

mè meritum in M.S. Opusculo Catanæ primordia in annum Mundi ciccicdliv. rejicere , Instaurationem verò in annum ciccicccxcii. Ezechia Judeis imperante, ut refert Grossus. (a) Sed Eusebii Chronico Bolani computum omnino respondere, inde colligo , quod Eusebius sub ejusdem Ezechia Regno Græcorum colonias in Siciliā inducit , quos Catanæ instauratores paulò superius vidimus. Bolanus quippe Christi Domini Natalem circa Mundi annum ciciio. cum saniori Chronologorum cētū consignat , penes quos tricesimum primum Orbis conditi sæculum in Quintum, & Quadragesimū Eusebii incidit , quo Catanæ Instauratione per Græcos statuitur .

XIV. Hæc, quæ in medium proferrem, de Catanæ Fundatione, & Origine, ejusque primis Incolis habui; vetustiore ex his, quæ fabulantur Poetæ, nec citra rationem, alii putaverint ; Id tamen, subticentibus antiquis Historicis , conjectare quidem , sed certocertiùs affirmare non ausim .



## II.

## CATANÆ ETYMON.

I. **L**ocis ferme omnibus, vetustate aliqua, aut quovis etiam levi titulo, ubique gentium celebratis ex Hebraicæ linguæ radice, cui Phœnicus sermo prorsus affinis, nomen obvenisse, multis, firmisque argumentis, ac conjecturis in suo præclaro opere conatur ostendere vir summus, nullique linguarum peritiâ secundus, Samuel Bochartus jam superius laudatus. Nostræ hinc Urbis Etymon pari ratione interpretatur, scribens (a) *Catana*, *Catna Parvam sonat; nempe Catana erat Oppidulum, antequam Naxii illud auxissent. Verum, & si Naxios auxisse Catanam, non inficior, è Phœnicia tamen dialecto, ejus fluxisse nomen, facile negaverim; quû ex eodem fonte reliquas deductas voces Siculas, in dubium revocent Eruditi. Marianus enim Valguarnerius in suo præclaro Opusculo de Panormi Origine, ex Græco Æolico eruit, quæ Bochartus ex Hebraico, seu Phœnicio deducit Idiomate. Hinc, ut observat Carusius, (b) verosimile potius, quàm verum uterque Author est confectus. Opidulum ergo ante Naxiorum Coloniam fuisse Catanam, levi prorsus fundamento asseritur, quin ab exordio frequentia celebrem illam satis arguunt, cum Agri ubertas, Cœli temperies, Situs opportunus, Portusque securitas, tum commodâ ad vitam, quibus nostra præcæteris abundat regio, nisi alia suppeterent, quæ superius prægresso capite enumeravi;*

1 a 1  
Geogr. sac.  
lib. p. cap. 28.

1 b 1  
Hist. Sicul.  
lib. p. tom. p.

II. Matthæus Silvagius Catanensis Civis, ab scientia notissimus, in suo *Trium Peregrinorum Colloquio*, hæc de Catana scribit: *Plinius lib. 4. cap.*



6. de Arcadia: Opida ejus Panopolis, Mantinea... Catina, Bocalium. Ex hac Catina Arcadiæ nonnulli testantur, quod originem duxit Theocles Coloniae Ductor Chalcidensium in Siciliam, & ex ejus Patriæ nomine Siculæ Catinae Civitati, quæ nostra est Patria, nomen indidit, ut etiam testatur Hermolaus. Sed ex Arcadia, ejusque Urbe Catina oriundum Theoclem, uno excepto Silvagio, alius dixit nemo. An id scripserit Hermolaus Barbarus suis in Pliniū eundem Commentariis satis celebris, quem consulere non licuit, exploratum non habeo. Sanè Marcianus Heracleensis in sua Periegesi seu Orbis descriptione clarissimis eum verbis *Atheniensem* appellat.

Post hæc Græcas  
Habuit Urbes, ut ferunt, post bella Trojana,  
Quinta decima ætate, Theocle classem  
A Chalcidensibus accipiente; Erat autē hic genere  
Atheniensis.

(a)  
De situ Orbis  
lib. 6.

(b)  
Tom. p. lib. p.  
cap. 52

(c)  
Sic. Hist. lib. p.  
(d)  
Dec. 1. lib. 3.  
cap. 1.

Strabo, Theoclem ab suis Atheniensibus frustra homines, ut secum in Siciliam trāsmitterent, petiisse, ad Chalcidenses porro conversum, eosdem facile impetrasse, refert (a) Marciano autem, ac Straboni Hermolaus longe recentior neutiquam præferendus. Denique Petrus Carrera (b) Catinam Arcadiæ accepisse potius ab hac nostra, quam illi dedisse nomen, opinatur.

III. Ab Evarchi Chalcidensis Uxore *Catana* Josephus Carnevalius appellari Urbem Catanā vulgavit; (c) Id tamen figmenti unde eruerit, non video. Fazellus a Græcis se accepisse tradit: (d) Catanā dici a *Catano* Chalcidensium Duce; Sed Thucycidi Dux Chalcidensium Theocles, Coloniae Catanensis Deductor Evarchus: Christophorus, Scanel-  
lus in *Chronico Siciliæ* ex Thucydide, Polibio, Stra-  
bo-



bone, Diodoro, & Ptolomeo Chalcidensibus Hechatæū fuisse Ducem, ab eoque Catanam Hechatæam nuncupatā dicit; id autē in laudatis Authoribus desideratur. Stephani quidem Byzantini *Epitomator* Hechatæi meminit, quem Catanæ conditorem adstruit, sed aliunde Urbis nostræ Etymon deducit, dicens: *Catana Urbs Siciliae, authore Hechataeo, in Europa, dicta autem ab eo, Quod Theoclis Chalcideus navis in (\*) Amelianū Flumen ascendit. Nam Dorienses reliquorū Græcorum Nayn sine y dicunt Nan.*

IV. Ex Gentilis quidem Scriptoribus laudatus refert Carrera, Catanam quasi *Kat Aetnam*, idest *sub Aetna positam* appellari; Græcis enim *Kata Sub* sonat. *Ætnapolis* quoque nomine olim insignitam quamdam Urbis regionem ex Blundo colligit. Catanam fanè Hiero Rex circa Olympiadem LXXVI. *Ætnam* dictam voluit, ut Diodorus, Straboque testantur; verūm id posterioribus longè sæculis factum, mortuoque Hierone priscum assumpsit Urbs nostra nomen, ut passim tradunt Historici.

V. In eandem Carreræ sententiam pedibus ultro ire videtur Gervasius Tornaceus (a) Catanæ nomen ab *Kata* & *Ano* idest *Sub Alto* deducens. Urbs enim Catana sub altissimo totius Insulæ, imo & Italiæ monte, sita jacet. Quū enim à primis Siciliae Incolis conditā Catanā, satis in superioribus sit demonstratum, sive *Æolici* illi fuerint, ut Valguarnerio arridet, sive *Pelasgi*, ut Carusius tradit, è Græca dialecto ejus fluxisse nomen, evidens omnino erit. Hinc Humbertus Goltzius varias re-

(a)  
Præf. ad Hug.  
Falcian.

---

(\*) *Amelianum* perperam appellat Stephanus Amenanum, qui mediam interfluens Urbem, hodie Judicello corruptè, & Amasenus a Catancensibus Scriptoribus dicitur, ut Cluverius optime observat.



ferens de Catanæ Etymo opiniones. Rationem nominis Catanæ, ait, nonnulli ad Catanum Coloniam conditorem referunt; variant tamen alii, qui nominis originem ex vocibus Katano confusis sumunt, deducta ex situ Urbis vocabuli causa, eo quod Catana ab Æt-na digredientibus in proclivi planitie sita est. Sunt et qui nomen ejus inde factum opinentur, quod Catana eò loci condita sit, ubi Theocles ad Amenam flumen, quum condendæ Urbi sedem quæreret, navem appulisset, quasi Katà Nan, hoc est juxta Navem esset condita. Mitto hîc quorundam opinionem, qui ex Catanô Saturni, & Zanclos fratre, Chami, & Senæ filio nomen inditum Urbi Catanæ dixerunt cum Orophone; hæc enim prorsus fabulis accensenda.

VI. Cæterum vulgò *Katane* ab iisdem Græcis dicitur, usurpaturque etiam ab Latinis Poetis, ut in Silio:

*Tum Catane nimium ardenti vicina Typhæo.*

(a)  
Gleb: Hist.  
nar. p.

(b)  
Tom. 2 fol. 202.

Vitandus hinc Jo: Bap. Guarnerius, (a) ex hoc Silii carmine Urbem nostram Tetrapolim adstruens, quasi plurium numero *Catanæ* fuerit à Silio appellata; *Catanæ* enim adjunctum *Vicinæ* responderet, essetque carmen vitio obnoxium, quod Author Sicil. in Prosp. advertit. (b) Apud Historicos, & Oratores, Catana dicitur, & Catina, maximè Ciceroni; Cathinîa apud Eusebium, unde & Cathinienses Justinô, quem malè idcirco fugillat Cluverius. Urbs denique Cataniensis passim in diplomatis, ac ævi medii Scriptoribus audit.



## III.

## CATANÆ SITUS,

## AMPLITUDO, CELEBRITAS.

I. **A**D radices Ætnæ celeberrimi totius Orbis, nedum Siciliæ, Montis, Jonio mari abluta sedet Catana: *Ad Jonium Mare*, inquit Mela, (a) *Illustris Catana surgit*; quâ Insula hybernium respicit ortum, sub quinto Cæli clymate, ut Silvagius scribit (b) ad longitudinis gradum nonum atque tricesimum, latitudinis vero tricesimum septimum cum quadraginta pene minutis. Eximia hinc, ac singulari gaudet aeris, atque aquarum salubritate, frugum abundantia, agrique perenni fecunditate, ut ne dum Civibus, quos acri ingenio præstantes gignit, usque ad delicias, sed et finitimis, ac toti pene insulæ, exterisque etiam, ac remotis vitæ commoda largissimè suppeditet; meritoque ab Alphonso Rege (c) *Ejus Cælo vix ullum in Sicilia purius, ejus agro nihil uberius, ejus situ nil esse gratius*, asseritur.

(a)  
*De Situ Orbis.*(b)  
*Colloq. Trium  
Peregr.*(c)  
*In Diplomate  
anni 1445.*

II. Tetrapolim fuisse olim, idest Urbes quatuor, seu verius Regiones, quarum quælibet par urbi, complexam, cum Petro Blundo *De Admirabilibus Siciliæ* Archangelus, Grossus, Carrera; alii-que ex nostris adstruunt, singulisque proprium fuisse nomen tradunt: Ætnapolis ad Aquilonem sita, quæ potius suburbium mœnibus vallatum, pedibusque ferme xx. à secunda regione distabat. Huic nomen *Dimitiraja*, seu ut accuratius observat Author Siciliæ in Prosp. (d) *Demeterea*, à Cerere sic dicta, quam Græci *Demetir* seu Terræ Matrem appellant. Templum enim totâ Siciliâ insigne regioni insidebat,

(d)  
*Tom. 2. f.  
203.*



(a)  
*Tom. 2. Ss. Sic.  
 in vita s. Leon.  
 magn, Cat. Ep.*

bat, quam ad occasum, & Septentrionem sese extendisse ex ejusdem templi, aliorumque ædificiorum ruderibus eruunt. Tertia subsequebatur à foro & Templo *Lunæ* nuncupata, & tandem quarta mari proxima ad Meridiem *Catana* appellata, unde reliquis postea nomenclatura. Hactenus illi. Ego ex ruderibus passim in recenti Urbis molitione post anni *MDXCIII*. Terremotum detectis, atque ex Ethnicorum sepulchris id colligo: Catanam ab austro fuisse mari conterminam; Naumachiæ enim atque Hippodromi, prope *Ursinam* Arcem, extra *Decimæ* portam, vestigia, quæ anno *MDCLXIX*. ignis *Ætnæ* lapidibus obruta, olim vero patebant, ut post Carreram fatetur in Animadversionibus (a) Cajetanus, id citra dubium omne satis evincunt. Extendebatur ad Aquilonem ultra collem, ubi nunc S. Dominici Cænobium, ad villam usque deliciarum a *Biscari* hodie appellatam; quæ enim eadem villa occiduum respicit Solem, ingentia pene spectantur ædificiorum vestigia Urbis forte mœnibus substructa; ad jactum vero lapidis novissimè anno *MDCCXXX*. innumeri cum vasculis, ac lucernis loculi, ac variæ sepulchrales inscriptiones inventæ. Succedunt Saracenorum delubra vulgo *Moschee* prope Minorum, quos Reformatos appellant, Cænobium, extra Urbem dubio procul sita. Cereris denique Templum pomerio conclusum statuo, quamvis apertè Carrera adversetur, cujus alibi opinionem expendo.

III. Lapidum congeries anno *MDCLXIX*. ex *Ætnæ* visceribus egesta, nobis sanè reliqua eripuit monumentorum rudera, quorum indicio occidentalis lateris fines describere quam facillimum; Ex tot nihilominus, tantisque dirutis molibus, stratis marmoreis opere tessellato, & columnarum fragmentis, atque aquæductibus in regione *Cursus* olim  
 Bo-



lani tempore, ut ipsemet apud Carreram testatur, detectis, quæque nostris etiam diebus in *Cypriane* regione, ac viciniis passim effodiuntur, id verissimum judico: Urbem nostram fuisse hac in ora præ cæteris quondam structuris refertissimam, ac magnificentissimis instructam operibus; Quæ fusiori stylo de Ruderibus differens suo loco persequar.

IV. In area denique novi Valetudinarii, seu Acensis portæ, olim a Stefichori sepulchro *Stefichoreæ* appellatæ Amphitheatrum surrexisse constat, ad jactum verò balistæ é conspectu antiquissimæ ædis S. Mariæ de Bethleem, & Carmelitarum Cœnobii, cunctis obvia sepulchrorum vestigia, atque inscripti lapides sese produnt ac loculos etiam in ampla, & regia via, quæ ad suburbium ducit, frequentissimos offendes, Hinc merito non ultra ex hac parte Urbem productam autumamus. Cum præterea extra Portam *Lanceam* ad Ortum, ac juxta Monialium S. Agathæ Claustra, proximumque S. Catharinæ Senensis Cœnobiū, & in ipsa Episcopalis Palatii area lapides sepulchrales, loculos plumbeos, vasa cinerum, urnasque fictiles, ac lucernas effossas hac nostra ætate, ex civibus nemo est, qui ignoret, firmissime opinamur: partem Urbis, quæ a Principe Templo ad Orientem protenditur, omnino ejusdem ævi opus non esse, idque antiquissimæ pomerii moles etiam evincunt, nuper hoc ipso, quo scribimus, anno detectæ, dum fundamenta domus Oratii Paternionis S. Juliani Dinastæ effoderentur.

V. Hic porro in describendis Catanæ Situ, atque Amplitudine id veluti inconcussum me assumpsisse, cunctis est palam: Sepulchra nempe veterum extra Urbis pomerium, ipsisque sub mœnibus, ac secus vias, quæ ad portas ducebant, fuisse

ut



ut plurimum fita. S. Joan: Chrysoſtomus *de fide, & lege naturæ*: Ideo, ait, omnis Civitas, omne Caſtellum ante ingreſſum ſepulchra habet, ut contendens intrare in civitatem, quæ imperat, & floret divitiis, aliisque dignitatibus, priuſquam videat, quid ſecum concipit, videat primum, quid ſit. Cui Varronis effatum reſpondet: Secundum viam exponebant, quo prætereuntes moneant, & ſe fuiſſe, & illos eſſe mortales. Ovidiuſ vero habet: (a)

(a)  
Metham. lib.  
13.

Urbs erat & ſeptem poſſes oſtendere portas;  
Hæ pro nomine erant, & quæ foret illa docebant;  
Ante Urbem exequiæ, tumulique, igneſque, rogiq.

(b)  
Lib. 5. Tuſcul.  
queſt.

Denique Tulliuſ (b) de ſepulchro Archimedis Syracuſis a ſe invento loquens: Eſſe ad portas Agrigianas magna frequentia ſepulchrorum. Sed enim ſepultos intra mœnia nonnullos legimus, quos virtus legibus ſolviffet, ut idem loquitur Tulliuſ (c) quorundam producens exemplum; communis attamen locus extra Urbem cum Romanis poſt leges x. virales, tum Græcis; modo excipias Lacedæmones, quibus intra Urbem ſecus Deorum ædes ſepelire licebat, ut obſervat Gualteriuſ in *Antiquis Siciliæ Tabulis*, ubi allatis utitur testimoniis (d) quæ & Orſatus etiam in ſuis Marmor: Erudit: uſurpavit.

101  
Lib. 2. de  
legib.

★

(a)  
Animad. fog.  
98. Edit. Meſſan.

VI. Jam verò ad Catanæ Situm redeo, quem ad Cibaliſ regionem, atque ad Ulyſſis portum, ſeu Ongiæ ſtationem extendunt ex noſtris bene multi, Joan: Bapt. Guarnerj freti conjecturis, qui Catanæ veſtigium ad ficti Orophoniſ mentem, Urbem triplicimuro circumdatā exhibentiſ, exactiſſimè delineavit, ediditque etiam inter alias Siciliæ Civitates Joannes Andreas Maſſa Societatiſ Jeſu, ſed exhibilari meritò hic poſſem, nugæ hujusmodi, atque id genus fabulas expendens; complura nihilo minus ædificiorum rudera, quæ adhuc ſuperſunt, ſub-



Suburbiū aliquod olim haud procul mœnibus, ad portum usque, & ad Aquilonē sese extendisse, innuunt.

VII. Alii Urbis medium, ubi olim S. Mariæ de Bethleem Ecclesia, nunc verò Carmelitarum ædes exurgit, constituunt, illudque ad hanc eorum firmandam opinionem, suppetias ferre credunt, quod in S. Leonis Magni Catanensis Pontificis legitur Actis: Heliodorum magicis præstigiis celebrem ab eodem Sancto Episcopo extra Ecclesie fores, ubi solemne sacrum peragebat, combustum. Alibi verò in aliis Actis ad Magum concremandum media in Urbe ignem fuisse excitatum, refertur. Constat (subdunt) traditione ab antiquis deducta, Ecclesiam, ubi hæc gesta, eodem in loco constituisse, quem recens S. Mariæ de Annunciata, seu vetus S. Mariæ de Bethleem occupabat. Sed hanc vulgi opinionem eruditissimè confixit Cajetanus in *Animadversionibus*, ubi hæc profert. (a) *Tradunt Menæa divum Leonem in Urbe media pyram adornari jussisse, quæ Heliodorus combustus est, membranæ M. S. Syracusanæ haud procul Ecclesiæ foribus fieri fossam præcepisse, lignorumque struem in eam congestam succensamque. mox subdit; Ex his famam corrigas Catane in vulgus jactam, quæ Heliodorum ait, in area Virginis Annunciatæ extra Urbem crematum, arguas ut minimè veram; nam contra scriptorum fidem. Sed enim Menæa in Urbe media (et loco nomen Achelles ex Encomiaste Catanensi) Heliodorum combustum affirmant; Codex Syracusanus haud procul ab Ecclesiæ foribus. Igitur ea Basilica D. Mariæ, S. Leonis ævo, in Urbis medio sita erat, neque hæc, id est Catana, ea tempestate ad aream illam protendebatur. Probandæ rei prompserim duo præcipua argumenta: alterum est, quod Heroum sepulcra extra Urbem erant, & monumenta sepulchri Stesichori adhuc*

(a)  
Ad vitam S.  
Leonis tom. I.  
ss. sic.



extant ad ædem, quam vocant Bethleem, quæ non procul ab area Virginis Annunciatæ. Alterum est: intra Cænobium B. Virginis Annunciatæ vetus est Ecclesia S. Leonis, quod Oratorium ab eodem S. Leone constructum, fama est apud Catanenses, & conjecturæ neque illæ spernendæ. At membranæ Syracusanæ habent D. Leonem Oratorium non longè à mari extra Urbem extruxisse. Igitur si locus is extra Urbem erat, ævo S. Leonis, & Heliodorus in medio Urbis fuit crematus, cremari in hac area non potuit, in qua S. Leo Oratorium struxit. Hactenus Cajetanus.

VIII. Situm, atque amplitudinem Urbis nostræ omni ferme ævo, æquavit populi frequentia. Hanc ex Colonis ab Hierone Tyranno in eam deductis, quos, teste Diodoro, fuisse non minus, quam millia decem scimus, laudatus Carrera fati appositè colligit; (a) proditque etiam eorundem Colonorum facta ab civibus post Hieronis obitum expulsio, audaxq. facinus, dirutum nempe ab iisdem Tyranni sepulchrum, ac detestatum Diomenis filii imperium. Hinc nedum a Sapientia, Opibus, & Equestri militia, verum a florentis quoque populi frequentia Catanā extollit Pindarus (b) Quin & Tullio parum fuit, Catanenses locupletissimos, Populique Romani amicissimos, Catanā verò locupletem, honestamque vocare, nisi & copiosam itidem prædicaret. Frequentiorem præ Messanenfi celebri emporio Catanam vocat Strabo, (c) ex Cluverii interpretatione illis verbis: *Messana satis frequens, frequentior tamen Catana, quæ colonos accepit Romanos, minus utraque frequentatur Tauromenium*. Quamvis autem Guarinus Veroneus hunc Strabonis textum reddat: *Messana frequentiores habet aceolas, quam Catana, nam habitatores admisit Romanos plurimos, pauciores tamen*

quam

(a)  
Lib. I. tom. I.  
cap. 2.

(b)  
In nemæis  
ode 9.

(c)  
De situ Orbis  
lib. I.



quam utraque habet *Tauromenium*; Cluverii nihilominus lectio ipsi Placido Reinæ (a) probatur, & Authoris menti magis videtur congruere. Colonos quippe accepisse Romanos sub Augusto Cæsare Catanam, nunquam verò Messanā explorata res est, ex Plinio, aliisque, ut quid autem ad majorem Urbis Catanae frequentiam præ Messanenſi adstruendam, illud subderet Strabo: *Quæ Colonos accepit Romanos*, sive ut vertit Veronenſis: *Nam habitantes admisit Romanos plurimos*. Ineptè quidem velut argumentum inferioris populi multitudinis, id videretur adjectum.

(a)  
Not. gisc. mess.  
lib. 1.

IX. Ceterum, post hujusmodi verba ex Strabone recitata, subinfert Cluverius. (b) Posterioribus quoque temporibus Catanam fuisse maxime celebrem patet ex Ausonii Carmine, quod de nobilioribus Imperii Romani Urbibus composuit, ubi unas duas in Sicilia memorat: Catanam & Syracusas: *Quis Catanam sileat, quis quadruplices Syracusas?* Sed eadem celebritas patet ex duobus Itinerariis Romanis; nam in eo, quod Antonini nomini adscribitur, itinera eò terminantur ad Thuscum mare a Thermissis, ad Lybicum ab Agrigento. In tabula verò nomen quidam Catanae interiit, signum tamen illustrioris Urbis extat cum numero XLIII. millium passuum, quæ inde Syracusas usque numerantur. Concludit demum Urbs ipsa Catana inter tres totius insule celeberrima censetur. Reliquæ duæ sunt Panormus, & Messana. Hæc, ipsis Cluverii verbis, referre placuit, ut clarior inde, vel externi hominis testimonio, Catanae gloria fieret. Hinc facile quisque colliget, quā nimio Patriæ amore ductus Eruditus quidam novissimè scripserit: Catanam magnam olim fuisse Urbem, ac nunc esse, nusquam verò Panormo comparandam. Vel enim, solo Ausonio teste, Urbs

nostra

(b)  
Sicil. Antig.  
lib. 1 cap. 8.



nostra adeo celebris, ut una per insulam universā Syracusis æquari meruerit. Quis verò, nedum populi multitudine, ac gloria, sed & aliis præclarissimis titulis, in toto terrarum Orbe olim vix ulli secundas Syracusas nesciat?

X. Illud non reticendum, Apostolorum Principem Catanam adeo suspexisse, ut illam, veluti inter primas Siciliæ, Pontificali dignitate donatam, voluerit, unde in proximas terras Evangelium derivaret. Id quippe, ut suo recenseam loco, cum primis attendisse Apostolum, in Pontificiis constituendis sedibus, Agiographi observant, quatenus majori facilitate in reliquas minoris frequentia, obscurique nominis Urbes Fidei sese lumen effunderet. Neque Ecclesiasticæ solùm, sed sæcularis etiã politia prerogativâ clarissimam prodit Catanam longa in ea, ac diuturna Romani Præsidis inhabitatio; Hinc Pirrus (a) Catanam *Romanorum Præsidum Sedem* appellat. Quanam quippe populi frequentia, divitiarum copia, Magistratuum amplitudine efflouisse opinandum, Urbem totius Provinciæ Caput supremæ Potestatis incolatu constitutam, ubi universæ Insulæ agi negotia, in quam ex omnibus ferme locis, ad jus efflagitandum, oportuit convenire.

(a)  
Not. Eccl. Cat

XI. Pulsis postrema ætate Saracenis, quos uni amplificandæ Panormo incubuisse, constat, in pristinum splendorem Catana restituta, adeo excrevit, ut ipsismet Panormo, ac Messanæ frequentissimis profecto, nullique Italiæ Urbis, si unam, aut alteram demas, forte secundis, æquari, earumque Socia passim, ac *Tertia Regni Soror* meruerit appellari, quod extremis verbis innuit suprarelatus Cluverius; dignamque Aragonenses Reges Siciliæ *Principes*, quam sibi in Regium adsciscerent Do-



micilium, putaverint. Quocirca haud immerito, Michaelis de Platia non infimæ notæ Historici testimonio, in perantiquo ms. Chronico, *Siciliæ Caput, atque Regni Sedes* audit. Ejus denique magnificentiæ, nobili scientiarum omnium Academia, Alphonsus Rex, cognomenro *Magnanimus*, consuluit, cujus frequentandæ gratia, ex universo confluunt Regno, quotquot lauream assequi cupiunt magistralem.

XII. Hodie è terræmotus anni MDCXCIII. ruinis, velut e cinere rediviva Phœnix, in amplissimā exurgit Civitatem, quadraginta ferme stadiorū ambitu, suburbiis exceptis, quibus undequaq: vallatur, ac magnificentissimis ædificiorū molibus sacris, profanisque, quæ publicis, quæ privatis, necnon validis ad oram vel maximè maritimam propugnaculis decoratur; præcipuum illi ornamentum regiæ viæ, amplissimæque aræ, ac frequentes, quæ miro insternuntur ordine, superaddunt, ut jure meritò, fore, ut primas habeat per Siciliam, omnentur, quotquot enascentis demirantur exordia.



CATANÆ AGER,  
EJUSQUE OPIDA, AC FLUMINA.

I. **V** Etusti Catanensis Agri fines decernere operosa res est; variant enim Scriptores. Pausanias (a) a Meridie ad Megarensē Hyblam extendit, quæ & Gereatis, seu Gelcatin olim, hodie \* Myrillæ vulgo dicitur. *Fuere*, ait, *Hyblæ Siciliae Civitates duæ: cognomine Gereatis una, altera, ut erat, ita etiam vocabatur Major. Retinent hac etiamnum ætate prisca nomina; & earum quidem altera in agro Catanensi plane deserta est; altera Gereatis in iisdem finibus ad vici formam redacta*. Sugillat, nescio, an jure, Pausaniam Cluverius, (b) quod Geleatin inscitè Catanensium vicum sua ætate dixerit, quum Syracusanorum fuerit; quasi non possent pro temporum varietate agri etiam fines variari. Hos porro ad Symethum usque contrahere videtur Thucydides; (c) de Syracusanis quippe, eorumque fociis loquens, qui a Nicia decepti ad invadendam Catanam properabant: *Profecti*, ait, *Catanam versus, castra posuerunt ad Symethum flumen in agro Leontino*. Hinc Thucydidi meridionale Symethi littus Ager Leontinensis occupabat. Idem fortasse terminus ad occiduum hyemale Solstitium, Leontino enim succedebat Palicensis Ager, quum Palica ad Naphtiae lacum perstaret. Quam porro Tullius cum in actionibus contra Verrem, tum in Philippicis Agri Leontinensis feracitatem celebrat, de patenti undique cam-

(a)  
In Eliac. P.  
lib. 5.

(b)  
Sic. ant. lib. 2.  
cap. 8.

1 c 1  
Belli. Pelop,  
lib. 6.

\* Hyblam hanc fuisse Megaram contendunt alii ad Alabi fluminis ripam in patenti regione sitam. Myrillas verò Saracenicum Opidum credunt.



Campo vulgari nōenclatura Catanæ *Piana* appellato intelligi, rectè opinatur Carrera; quamvis non minor profecto esset Agri citra Symethum fœcunditas, qui ad Catanenses spectabat.

II. Hyblam subinde Majorem, velut alii volunt, Secundam, ad occidentem Solem, Ineffamque, seu Ætnam Opida non ignobilia Catanæ Ager claudebat. Thomas Fazellus (a) quo loco illa steterit, et quæ ejus essent vestigia, incompertum se habere fatetur; *nisi forte*, inquit, *Judica Urbs non procul inde in monte sita, & a Rogerio ævi processu funditus deleta haberi queat*; In regione tamen *Aquæ rubræ, & Aquæ ferri* p. m. circiter novem ab urbe Catana prope Paternionis opidum sitam dicit laudatus Carrera (b) ubi etiam Ineffam, de Monte Ætna scribens, statuerat (c) Verùm Cluverius, ac novissimè Franciscus Honoratus Colūna in suo eruditissimo opere de Paternionis Urbe firmis rationibus, conjecturisque non paucis Agri Catanensis Hyblam eodem loci, ubi nunc Paternio, stetisse ostendunt.

III. Major de Ineffæ seu Ætnæ opidi situ controversia; Fazellus enim (d) Catana xii. fere p.m. ad Orientem distitam credit, subditque, *quod ad Mascalin, ubi Urbis veteris jacens plura circum arcem cernuntur monumenta, plerique, sola opinione ac conjectura ducti, fuisse eam referunt*. Alibi verò horum sententiam improbens, (e) prope Centuripem, peculiari loco minime indicato, statuit. Ab ea id est Centuripe non procul etiam discedebat Inessa vetustum oppidum, ut ex superioribus Thucydidis verbis inferimus, quibus astipulatur & Strabo, qui eam *Inveffam* appellat, & Diodorus, qui *Ætnosiam* cognominat, qui simul omnes in iis agris sitam eam fuisse conveniunt; quorum equidem authoritas eorum

(a)  
Dec. p. lib. 10  
cap. 2.

(b)  
His. Cat. lib. 2.  
cap. 8.

(c)  
lib. p. cap. 2.

1d7  
Dec. lib. 3.  
cap. p.

7e7  
lib. 10 cap. 2.



rum opinione, qui ad Mascalim eam fuisse arbitrantur, certior haberi debet: Ut mirari subeat, scripsisse Cluverium, quod a recta via hinc aberraverit Fazellus, Inessamque apud Mascalim statuerit. Cluverius ipse Inessæ, seu Ætnæ situm vocari hodie *S: Nicolai de Arenis Cænobium* contendit, opidumque consequenter sub ipso monte ad meridiem milibus circiter duodecim a Catana distitum locat. At neque id Cænobium Centuripæ propinquum, ut Thucydides de Ætna testatur, ac cum eo etiam Strabo, & Diodorus; nec illius campi segetum feraces habentur, uti Inessenses; quin ingenti arene vi obducti, hybernoque tempore nive rigente, vinetis vix apti, nonnisi colonorum industriæ fructus reddunt. Non inficior ex eo passim ad Ætnæ montis verticem iter Viatoribus patere; quod de Inessa affirmat Diodorus. Sed ex aliis etiam Opidis montem hodie conscendi, apertissima res est.

lal  
Tom. 1. lib. 2.  
Cap. 8.

IV. Carrera in Memor: Hist: (a) triginta circiter stadiis ab Opido Paternionis salebroso in loco, Ætneisque lapidibus repleto, cui vulgari vocabulo nomen *Civita*, Ætnam stetisse opinatur. Verum Servilis belli tempore, locum hunc tumultuario opere a rebellibus munitum alibi dicam. Pomerium enim e nigro soluto lapide summo quidem labore, nec minori artificio constructum Opidulo vallando omnino impar, vix quatuor patet stadiis; quamvis murus cubitis circiter duodecim latus, altusque ad viginti hodie alicubi videatur; ædium verò vestigia intra vallum, æqualis omnino structuræ, Opidi faciē exhibent nullam. Post Adranum quoque ad Symethi littora opus non absimile undique munitum occurrit, quod Servorum etiam propugnaculum creditur.

V. Jam verò, quum ex Diodoro constet,  
Ser-



Servos Ætnensi opido occupato, diu sese in eo contra Romanos exercitus, velut in arce tutissima, defendisse, non longè ab hujusmodi propugnaculis illud statuendum putaverim; & conjecturis agendo, eò loci, ubi S. Mariæ de Licodia sedet hodie Cænobium Ætnam stetisse opinaverim. Moveor primò, quia contra Centuripem, nec longè ab ea, juxta Diodorum, aliosque id opidum surgebat, ejusque campi Hyblensibus contermini. Hyblam aliunde mediā inter Ætnam, Urbemque Catanam locāt veteres; tum duodecim circiter pass. millibus a Catana distabat; præruptoque, atque adeo a natura munitissimo in loco esse oportuit. Quæ fanè omnia Licodiano colli optimè congruunt; quamvis enim hodie xvi. circiter p. m. numerent a Catana Licodiam, recto tamen itinere vix xii. inter sese absunt. Accedit, quam sepiissime edificiorum rudera fossoribus, arationemque exercentibus ibidem occurrere, quin & sepulchra pluribi Ego ipse per collis declive detexi. Ex hoc denique perquam facilis ad Montis verticem ascensus. *Hinc enim Mons incipit in altum sese attollere*, ut de Ætnæ, suæ Inessæ situ Strabo testatur lib. vi. De Hybla, Inessaque seu Ætna, passim in Annalibus. Ex earum porro situ colligimus: omnem Ætnæ Montis regionem austrum spectantem Agri Catanensis partem fuisse.

VI. An fuerit olim hæc tot frutetis dives, tantisque ad vitæ subsidium, imò ad delicias, referta commodis, nec non pagis, vicis, ruralibusque domibus undique occupata, ac veluti exculta, satis compertum non habeo. Celebrant Veteres Ætnæ regiones a fœcunditate, vinetis, frugibus, amœnitate, pascuis, nemoribus, aliisque id genus dotibus; sed ingēs hodie huic nostræ meridiōali



lib. 14.  
Bib. Hist.

167.  
Com. in  
lib. p. Polibii.

107  
Lib. 13.

107  
Sic. Ant.  
lib. 10 cap. 2.

107  
Dec. p.  
lib. 3. Cap. 2.

scilicet ornamentum accedit a viginti & amplius opidulis, quorum aliquot ædificiis, atque incolarum multitudine non ignobilia. *Acis* hinc ejusque Pagi ad Orientem velut Agri Catanensis pars, & *Xiphonia* olim ad ejusdem nomenclaturæ promontorium sita, censebatur; Portus subinde *Vlyssis*, ubi *Italium* castellum, cujus meminit *Diodorus* (a) *In Catanæ regione castellum erat nomine Italium, quod Barcas Carthaginensis oppugnatum...* A *Casaubono* (b) *Longonis* appellatum, quasi illud idem esset, quod ab *Ongia* hodie dicitur, ut observat *Carrera*. Etsi potius *Italium* vetus *Acis* arcem, *Ongiæ* castello celebriorem, fuisse putaverim.

VII. *Limnam* *Nonnius* in *Dionysiacis* (c) prope *Catanā* statuit: *Et qui Catanam apud Limnam Vicinam Sirenibus Urbem habitabant.*

Sed an locus fuerit ejusdem nominis, aut opidum, prorsus incertum. *Apolloniam* in Agro Catanensi, ex cujus reliquiis *Apollonia* altera, quæ nunc *Pollina*, juxta *Cephalædem* condita, memorat *Maurolycus* in *Catalago Urbium*; sed *Cluverio* teste (d) nonnisi una *Apollonia* extitit olim, *Aluntio* proxima, in hac *Siciliæ* *Insula*. *Engium* denique *Fazellus* an eo in loco, qui prius *Ongia*, nunc *Lognina* dicitur, & a veteribus *Portus Ulyssis*, fuerit, subdubitat; quavis prope *Leontinense* emporium *Agniuni* vulgo appellatum rectius statuatur. (e)

VIII. Ad *Catanæ*, ejusque Agri flumina venio. *Amenanus* mediam Urbem interfluens *Amenas* *Pindaro* in *Pythiis* dicitur; de *Hierone* enim loquens, qui ut vidimus, novis inductis colonis, *Catanam Urbem* *Ætnam* appellari voluit, *Ode prima* scribit:

*O Jupiter effice autem semper talem fortunam  
Amene ad aquam Civibus, & Regibus,  
Ut dijudicent veram famam hominum.*



Amenam hinc vocant Goltzius, aliique ex Recentioribus cum Bocharto, qui ex Phœnicio vocabulo *Mana*, quod latinè *coercere* est, & *cobibere*, ejus deducit nomen: *videtur*, ait, *occulta vi per intervalla cobiberi. Amenanus, quominus fluat*. Subditque: *Græci posteriores ex Amena fecere Doricè Amenanon, quasi a debilitate sic diceretur; Quod tamen hujus amnis naturam non exprimit*. Amasenus & Anisenus ab Ovidio (a) Amelianus apud Stephanum Bizantinum, vulgo Judicello; ab Archangelo demum & Carrera (b) Chamasenus, quasi a Cham Noe filio, & Chamasena urbe nomen fortitus. Fulvius tamen Urfinus a Cluverio laudatus numum profert, ubi *Amenanos* Græcis characteribus legitur. Hinc in Ovidii exemplaria, Stephanique Epitomatores mendum irrepisse optimè idem Cluverius advertit (c) rectumque nomen *Amenanus* esse tradit. Celebratur autem Amenanus nedum iisdem Pindaro, Stephano, & Ovidio, sed Straboni etiam, Ptolomæo, & Claudiano. Ubi enim hic Naiades enumerat Proserpinæ sodales, Amenani etiam Nymphæ meminit, quavis aliqui aliter legant, ut Joannes Andreas Massa observat. (d)

IX. Fluminis hujus fontes occulti, ut & cursus etiam, hac nostra ætate; erumpit enim sub ipsis Catanzæ mœnibus ad meridiem non longe a litore, quum per meatus, ductusque inferiores Urbis regiones interfluat; superiori autem ævo pleno alveo excurrerebat, interdumque evanescens rursus erumpere videbatur, ut mox dicendum. Oritur nihilominus e radicibus Ætnæ Montis, atque ut Archangelo apud Carreram, & Maurolyco arridet, e Gurridæ lacu juxta Randacium. *Gurrida*, inquit hic (e) *Fluvius est in agro Randacii, qui ibi absor-*

(a)  
Metam.  
lib. 15.  
fast. lib. 4.

(b)  
lib. 2. cap. p.

(c)  
Sic. Antiq.  
lib. p. cap. 9.

(d)  
Sic. in prof.  
tom. p.

(e)  
Rerum Sic.  
lib. p.



(a)  
De situ orbis  
lib. 5.

*tus in Catanensi Urbe subterlabitur*. Postquam enim in ejusdem nominis lacum ix. circiter stadiorum ambitu patentem sese fluvijs hic exonerat, æstivo tempore, lacus pene evanescit; quumque ejusdē aquæ ingēti pluviae copia exuberant, Amenanus ruptis venis exundat, quod novissimè anno MDCCXXXVIII. observatum; quum enim hic e ductibus egressus publica iam compita occupasset, datis ad Randacienses literis, Gurridam solitò majoribus aquis excrevisse, accepi. Fucini lacus exemplo rem confirmat Strabo<sup>(a)</sup> *Ferunt, ait, hunc lacum aliquando ad montana usque impleri, rursumque subsidere, ita ut palude obducta, loca rursum detegantur, & cultui apta sint. Sive scaturigines aquarū, quæ sunt in imo, sparsim locis aliis scaturiant, rursumque in unum confluant, sive prorsus deficiant fontes, ac rursum exprimantur; quod Amenano evenire fluvijs, perhibent, Catanā perfluenti, qui per aliquot annos destitutis aquis, deinde iterum fluit. Hinc Ovidius in Metamor. canit.*

*Nec non Sicanijs volvens Amenanus arenas  
Nunc fluit, interdum suppressis fontibus aret.*

(b)  
Dec. p. lib. 3.  
cap. 1.

Concinunt Cluverius, ac Fazellus, <sup>(b)</sup> quorum hic: *Oritur autem, scribit, ex radicibus Ætnæ montis, cujus cum fons nondum pervestigari potuerit, in media tamen Urbe, longo tractu, pleno fluit alveo. Aliquando verò obturatis venis totus per aliquot annos evanescit, rursusque postmodum subito erumpens, excurrit. Ita alternis vicibus, perpetuò ignotis naturæ causis, itque, reditque; tantam quandoque Catanæ Urbi calamitatem asserens, ut inundationem, aut cladem inferat; nam cum excurrit, crassior Urbis aer redditur, ac insalubris, & pestilens Catanensibus efficitur. Verum, ætate mea nunquam omnino, aut totus evanuit, quod adnotare libuit, ne ulla in re*



lectori videar imponere. Cæterum ejus aquæ limpidissimæ, ac salutare passim civibus usui sunt, molasque per Urbem, ac prope littus, & bene multas convolvunt, olim vero Thermas, quarum extant rudera in vico S. Pantaleonis, alluebant.

X. *Symethus* longe ab Urbe p. m. ferme decem excurrit, maximusque inter totius Insulæ censetur annis, cum si aquarum copiam spectes, tum si decursus tractum. Magnus hinc vulgo appellatur, atque a Catana, cujus alluit agrum, nomenclaturam sortitur, sæpiusque a Scapha, qua traicitur, Siculâ linguâ *Farretta* nuncupata, eo illum vocabulo dicunt. Symethi Insulæ olim Regis meminit Servius (a) cujus filius Acis alteri Catanensis agri flumini nomen dedit. Celebris est Symethus apud omnes ferme veteres rerum Sicularum Scriptores, quorum congerit authoritates Cluverius; Poetisque etiam memoratur. Caput habet in media ferme Sicilia triplex, quorum quodlibet ingentem facit *Fluvium* ut Fazellus testatur (b) Ad montem Capitii opidi primum oritur, fluensque Trahynam, ac Cisarum opidulum sinistrorsum relinquens, Maniacis agros rigat, ubi Broli, & vicinorum collum receptis fluviolis augetur; nec procul, falcato fluxu dilapsus Ætnæ radices alluit, subindeque Rayhalbuti amnem ad dexteram, Adrani aquas ad sinistram excipit, ac denique Paternionis opidi, cujus induit nomen, agrum excurrit, ubi scaphæ usum habens, per Catanensium fines dilabitur. Alterum porro caput supra Assorum est ad Montem Artifinum, quâ Orientem respicit; unde dilapsæ aquæ, paulo inferiùs fontis maximi, qui ex Tavi monte & ortum & denominationem habet, influxu augentur, ac Tavi etiam annis vocabulum fortiuntur. Hic ergo sub Enna alium excipit flu-

(a)  
Com. in Vir.  
giliæ Æned.  
li b. 9.

(b)  
Dec. p. lib. 3.  
cap. 2.



fluvium, amissoque priori nomine, Chryfas a Veteribus; Dictainus hodie appellatur, fluensque longo tractu, Symetho unitur. Jam tertium caput ad montem Aydonis initium sumit; hinc Cannæ hospitium, cuius ibi nomen induit, præterlabitur, Gabellamque hospitium aliud, longo atque obliquo cursu, excurrente, agrum irrigat Catanensem, postque Dictainum in Symethum illabitur.

XI. Sed quem hucusque descripsimus fluvium, Fazellus, Maurolycus, Bonfilius, Philotheus, Aretius, alique ex Siculis scriptoribus Teriam appellant, fretique Maronis autoritate, qui lib. Æneidos ix. crevisse Arcentem scribit:

*Symethia circum.*

*Flumina, pinguis ubi, ac placabilis ara Palici*

Symethum S. Pauli flumen credunt. Cum Teriam trajeceris ad quatuor p.m. Symethi fluvii ostium occurrit, inquit Fazellus (a) Appellatur hodie is a S. Paulo. Quinque fontibus non longe a Mena Urbe exurgit. Eorum hæc sunt nomina, Macubus, Pipinus, Ochula, Canalis Calcagnus & Fons Ferratus. Hic idem ille est fluvius apud Authores celeberrimus, quod ad ejus verticem, qui a faucibus p.m. ferme xxx. recedit Thalian Nympham a Jove compressam duos peperisse gemellos Poëtarum fabulis traditum est, quos cum illa metu Junonis optaret a terra absorberi, paruit quidem terra Nymphæ optatis, attamen eos paulo post in lucem edidit; unde Palici dicti, quasi ex terra renati, & pro Diis a veteribus Siculis sunt habiti, quibus & Lacum ac Templum ad verticem hujus fluvii astantia ac miranda plura consecravit Antiquitas. Authores hosce nihilominus longè a verò aberrasse efficaciter Cluverius ostendit, ac post illum Carrera (b) qui toti sunt, ut evincant, Symethi nomine Catanæ fluvium venire; Teriam vero

Leon-

(a)  
Dec. p. lib. 3.  
cap. 2.

(b)  
lib. 2. cap. 5.



Leontinensem esse amnem a S. Leonardo, Reinam-  
que aliter appellatum, ad cujus ostia bis Atheni-  
ensium Classem Thucydides lib. v. appulisse testa-  
tur. Strabo enim (a) *Sita sunt*, ait, *Centuripa su-  
pra Catanam Ætnæos montes attingentia & Symethū  
flumen, quod in Cataneusium agrum defluit*. Plini-  
us Symethi ostium Teriæ præponit (b) *Colonia Ca-  
tana, flumina Symethum, Terias, intus Læstrygonii  
campi, oppida Leontini, Megaris*, Ovidius (c) Syme-  
thi aquas in mare illabi tradit, quod de S. Pauli  
flumine intelligi profectò nequit, quippe Catane  
amni circa Symethi campum unitur. Campus hic,  
ubi olim opidulum ejusdem nominis, ad australem  
fluminis oram situs.

(a)  
De Situ Orbis  
lib. 6.

(b)  
His. nat.  
lib. 3. cap. 8.

(c)  
Fast. lib. 4.

XII. Denique Virgilius prope Symethum  
aram esse Palicorum poeticè scribit, celebrior e-  
nim amnis eo in agro non effluebat Symetho,  
quin & Palicii lacus aquas in Symethum illabi for-  
tasse noverat: Quid quòd Palicos Crateres verè  
ad Symethum in agro Paternionis extitisse non  
inani conjectura inferius dicemus? Sed Sole clariora  
hæc sunt, ut in iis immorari, non levis esset tem-  
poris jactura. Cæterum Ptolomæus ex errore inter  
Catanam & Tauromenium Symethum locat; *Catana  
colonia, Symethi fluminis ostium, Tauromenium co-  
lonia*: Perperam quoque Scylax in Periplo post Le-  
ontinos Symethum statuit: *Urbes a Peloriade Græ-  
cæ sunt istæ Messana cum portu, Tauromenium,  
Naxus, Catana, Leontini, Symethus amnis & Urbs  
Megaris*. Videfis laudatos Cluverium, ac Carrerā.

XIII. *Acis Fluvius apud Catanam*, inquit  
Hesychius; e monte Ætna in mare decurrit juxta  
Vibium in Catalago Fluminum, nomenque fortitur  
ab aquarum celeritate. *Acis Fluvius celeriter flu-  
ens, & ipse a sagittaria cuspide nomen accepit.*

Scri-



# CATANÆ

40

(a)  
Ad Iliad.  
lib. 16.

(b)  
Iliad. p.

(c)  
m. s. opusc.  
De Patria  
S. Ag.

Scribit Eustathius in Homerū (a) Et Theocriti scholia-  
stes: *Acis fluvius Siciliae sic dictus, quia fluentia ejus sa-  
gittæ sunt similia*. (b) Illum cum Acefine in agro  
Tauromenitano malè confundit Fazellus. Aquam  
esse, quæ ad *Regitanam* effluit, opinatur Cluve-  
rius; sed verior illorum sententia, qui cum Car-  
rera & Blanditio (c) sub excelsa rupe, cui Acis o-  
pidum hodie infidet, in Jonium mare illabi putāt,  
ubi *Aquæ Grandes* ab opidanis appellatæ, ingenti  
copia, ac rapiditate erumpunt. de eo alibi.



## CATANÆ PORTUS

I. **A**B Ulyssis appulsu denominatum. Catanæ Portum, olim ad duo circiter millia passuum ab ea recedentem, testatur Plinius, qui orientale Siciliæ latus describens, (a) *Colonia*, inquit, *Tauromenium*, quæ antea *Naxos*, *Flumen Asnes*, *Mons Ætna* nocturnis mirus incendiis . . . *Scopuli tres Cyclosum*, *Portus Ulyssis*, *Colonia Catana*. Homerus quippe Ulysses suum ad Ætnæ littora deduxit, ubi Cyclosum terra, ac Polyphemi antrum, ut infra contra Cluverium probabimus; Quò etiam & Virgilius Trojanâ classem, duce Ænea, appulisse docet. Uterque autem Portus meminit, & ille quidem in *Odyssæa* lib. ix.

(a)  
lib. 3. cap. 8.

*In ea Portus opportunus, ut non opus funibus sit,  
Neque anchoras ejicere, neque rudentes alligare,  
Sed qui appulerint, manere aliquādiu, donec nautarū  
Animus voluerit, & aspirarent venti.*

Virgilius vero *Æneidum* lib. iii.

*Interea fessos ventus cum Sole reliquit,  
Ignarique viæ Cyclosum allabimur oris.  
Portus ab accessu ventorum immotus, & ingens  
Ipse, sed horrificis juxta tonat Ætna ruinis.*

II. Non inficior, alibi ad Erycem montē in Drepanensi littore Portum ab Ulyssæ appellatum etiam extare; eò enim, per Insulæ oras aberrans appulit quoque Ulysses, ut ad Pachinum; at Polyphemum hîc sub Ætna lumine orbatum decepit. Hinc Vibius Sequester in *Catalago fluminum* de Acis amne non longe a Portu fluente loquens: *Acis*, ait, *ex monte Ætna in mare decurrens, ex cujus ripis Polyphemus saxa in Ulysses egisse dicitur*. Inde etiā



(a)  
Sicil. ant.  
lib. p. cap. 9.

Scopuli ipsi a Cyclopibus appellati, Acisque cum Polyphemo ob Galatheaë amores inimicitiaë eodem in littore a Poetis finguntur. Non ergo ab Euripide, aliisque vetustis Homeri Commentatoribus, accepere Virgilius ac Plinius, ut tradit Cluverius, (a) quod hîc steterit Ulyssis Portus; Ille enim Siciliam, Aetnaëque oram vidit, ac diu in ea versatus est, ut in ejusdem vita Donatus testatur, & Georgic. lib. i. ipse scribit:

*Quoties Cyclopum effervere in agros  
Vidimus undantem ruptis fornacibus Aetnam,  
Flummarumque globos, liquefactaque volvere saxa.*  
Plinius verò pauca, quæ de Sicilia edidit, ex probatis excerptis Authoribus; nec Insulaë littora, Romæ diu versatus, publicisque perfunctus officiis, ac Classi aliquando præpositus, ignorare potuit, ut aliud pro alio vocabulum obtruderet. Denique Strabo ter Ulysssem in Siciliam appulsum refert; Aetnæo igitur seu Catanensi, Drepanitano, & Pachino Portui potuit ab eo nomen appingi.

III. Jam verò Atheniensium Classem biscentum triginta Navium sub Nicia, Lamacho, & Alcibiade hunc aliquando tenuisse Portum ex Thucydide *de Bello Pelopon.* & Plutarcho *in Niciâ* colligimus, atque in eo non semel hyemasse Græcos, indeque ad Syracusas obsidendas profectos Scriptores tradunt. Navalis autem apud Plutarchum mentionem fieri credit Carrera, atque ex illis Historici verbis deducit: *Atheniensibus plerumque in Urbe Catana commorantibus, statuisset amicos Syracusanorum, cum hos advenire cernerent, simul & portas occupare, & Navale incendere.* Sed ubi legitur *Navale* juxta Carreræ editionem, alibi, & rectius, habetur *Classem incendere*, ut suo loco adnotabimus. Tresdecim nihilominus turribus instructum Navale



eò loci extitisse scribit Archangelus, & ex eo tradunt Carrera, & Grossus. Occurrit porro etiam penes alios ævi posterioris Authores ejusdem Portus mentio; ut apud Christianum Arabem in *Siciliæ descriptione*, quod passim per Annales, atque in Historiæ decursu Lector advertet.

IV. Quonam verò tempore Ætnæ incendiis nobis ereptus, incompertum me habere profiteor. Petrus Bembus, qui diu Messanæ versatus, ut Lascarim audiret, Montē conscendit, ejusdem describens ignes: (a) *Inter maxima, ait, profluvia longe memorabile illud est, quod paulo ante nostram ætatem, usque intra Catanam decurrens, non parvam Urbis partem incendio populavit; quin etiam Portum eum, de quo ait Virgilius:*

(a)  
Dialogo  
de Ætna

*Portus ab accessu ventorum immotus, & ingens*

*Ipse, sed horrificis juxta tonat Ætna ruinis. ita implevere fluenta Ætnæa, ut jam errasse Virgilium putes, quod Portum ibi esse ingentem dixerit, qui pene nullus est. Audivit Bembus in Sicilia Lascarim circa finem sæculi xiv. Fazellus & ipse prorsus similia habet (b) *Inter memorabilia Ætnæ profluvia longe illud est præcipuum, quod ætate Patrum nostrorum decurrens per xxviii. ferme passuum millia usque ad mare Logninæ pervasit, atque ingentem Portum, cujus Homerus, Virgilius, & Plinius meminerunt, ita implevit, ut hallucinatos Poetas plerique sint arbitrati, cum nulla prorsus vel Statio ibi hodie appareat. Scribebat Fazellus circa annum MDXXX.**

(b)  
Dec. p. lib. 2.  
cap. 4.

V Carrera ævo longè superiori id accidisse in Ætnæ descriptione tradit, Sæculo nempe a Christo nato tertio (c) loquens enim de Incendio, quod post Virginis Agathæ Martyrium anno ccliv. Catanæ fines invasit. *Tam terribile, inquit, hoc*

(c)  
Lib. 2. cap. 11.



fuit Incendium, ut quum igne peritura crederetur Catana, per duo ferme milliaria discesserint Cives. Unde rustici accurrentes ad Sepulchrum S. Agathæ, ejusdem rapuere Velum, quod quum igneis opposuissent torrentibus, quæ rectâ versus Urbem pergebant, coegere easdem flamas ad lævam flectere manum, ita ut iter Portum versus intēderint, illumque compleverint universum, amplam ibidem relinquentes copiam montanorum, & aridorum, quæ ibi hodieque visuntur, saxorum. Hactenus Carrera ex Avercampi latina versione, qui Bembum consequenter, ac Fazellum falsitatis arguit. Verum in Historicis Catanæ memoriis, (a) re maturius considerata, aliud fuisse incendium scribit, quo maritima ora, Portusque devastatus, post Rogerium nempe hujus nominis primum, ante Alphonsi Aragoniæ & Siciliæ Regis ætatem, qui primus extruendi Molem, Catanensibus facultatem fecit. Hinc Grossus in annum MCCCXVIII. exitium hoc incidisse opinatur; Id tamen, quum vix historiæ congruere animadverterem, in Annalibus improbavi; conjecturisque agendo, Incendium, quo Portus lapidea Ætneusi materie completum, anno MCCCLXXXI. statui; Anceps animo nihilominus sum, an acu, ut dici assolet, rem tetigerim.

VI. Illud hic non omitam, quod suo etiam loco adnotandum censui, malè a Bembo vulgari, Ætneo Incendio non parvam Urbis partem absorptam; nusquam enim ante annum MDCLXIX. Catanam, ejusque mœnia ignis impetiit, profluviumque, quod Ongiæ Portum diripuit, ad mille circiter passus ab Urbe septentrionalem primò regionem, subinde Portum, ejusque fines invasit, ut intuentibus manifestum. Quod nulla porro Navium Statio appareat, ubi olim Portus, ut

scri-



scribit Fazellus, ubi ipsa experientia falsum evincitur; satis quippe comoda, & secunda quantumvis angusta hodie sub Ongiæ turri seu specula existit, sinusque relictus vetusti Portus non obscurum præbet indicium. Cæterum Cluverius perperam ad meridionale Xiphonii (\*) Promontorii latus Portum statuit. *Ulyssis Portus in eo fuit sinu ad meridionale Promontorii latus, in quo nunc Turris seu Specula vulgari vocabulo dicitur Lognina.* Post promontorium enim Insula, ac tres Cyclopum Scopuli, juxta quos Statio lingua vernacula *Trizza*. Subinde ingens eminet moles undique prærupta, naturæ profecto opus, cui Acis Arx infidet, succeditque ad orientalem oram Statio Ongiæ, ubi olim Portus.

VII. Hic porro ad Leucotheæ fines, ubi hodie vicus *Canalichio*, sinu quidem amplissimo, in mediterranea diffundebatur, qui & fluvium excipiebat ab eadem Leucothea appellatum. Hujus aquæ hodie sub Fasani, & Leucotheæ collibus ingenti quidem copia emanant, atque in Urbem deducuntur; alveus verò nedum in patienti proxima regione, sed prope *Trimisteri* Opidulum, ubi Ætnæorum lapidum congerie occupatur, evidentissime dignoscitur. Portus fauces ab Ongia, ad Gaytum extendebanturbis mille passuum spatio; in ipsis verò Insula erat, quæ Portum ab omni ventorum impetu immotam, tutissimumque reddebat, de qua & Homerus locis laudatis.

In-

---

(\*) Xiphonium Promontorium cum Similis Historicis appello Caput Malendinorum hodie vulgo nuncupatum, quamvis Cluverius Xiphonium, ad S. Crucis caput statuat, ubi Taurum nostri, & rectius, collocant.



*Insula deinde brevis a Portu obtenditur  
Terræ Cyclopum non prope, neque remota,  
Sylvosa. In ea vero capræ infinitæ nascuntur  
Sylvestres; neque enim frequentatio hominū prohibet*  
Hæc bis mille etiam passibus ambitu patebat, unde  
duplex ad Portum aditus navibus erat, ad cujus  
initium juxta eundem Homerum fluebat limpida  
aqua e fonte sub specu; circumque Alni nasce-  
bantur. Fons hic juxta Carreram hodie prope Ga-  
ytum frigidas ac lucidas emittit aquas.  
De Idalio Castello prope Portum sito, cujus Dio-  
dorus meminit, superius dixi; de Ongiæ Templo  
ac Sepulchro alibi differendum. Quod de annulo  
ferreo demum ac vetustissimo muro sub Leucotheæ  
colle vulgus enarrat, traditione majorum accepi-  
mus; sed ejus hodie vestigium extat nullum.



## ÆTNA MONS.

**Q**Uum nihil Sicilia Ætnâ mirabilius  
 in se contineat, totique Insulæ atq;  
 ab una ipsa ingens celebritas, decusque obveniat,  
 eò congruentius illius descriptio hoc in Apparatu  
 expeti videbatur, quò non modicam exinde Urbs  
 nostra gloriam nancisceretur, quæ ad ejusdem radi-  
 ces jacens, ipsius non immeritò sibi vindicat deco-  
 ra, suaque vicissim cum illo ita communicat, ut  
 unius notitia alterius censerì possit Historia. Ve-  
 rumenimverò actum me agere animadvertens,  
 postquam tam multi, magnique nominis Scriptores  
 spartam hanc exornaverint, horum dumtaxat te-  
 xere Indicem mihi proposui; præsertim quòd ab  
 eorum singulis adeo pro merito susceptæ provin-  
 ciæ sit defudatum, ut vastum hoc argumentum pe-  
 nè exhaurire videantur; nec si genio etiam meo in  
 Patriam propensissimo vellem liberius indulgere, a-  
 liquid, quod de novo hoc loci promerem, suppe-  
 teret.

II. Celebratur igitur Ætna cum Philoso-  
 phis, rerumque naturalium Scriptoribus, tum Hi-  
 storis, Oratoribus, Poetisque ferme omnibus  
 Græcis, Latinisque, maximè autem Cornelio Se-  
 vero, qui *de Ætna* præclarissimum edidit *Poema*.  
 Scripsit subinde circa sæculi xvi. initium *de Ætna*  
*Dialogum* Petrus Bembo dignitate, ac scientia Or-  
 bi notissimus, ubi quæ ipse vidit, Montis cacumen  
 ascendens, literis consignavit. *Ætnæ Topographiâ*  
 Antonius Philotheus de Homedeis Siculus mox pu-  
 blicè juris fecit, nec minus eruditè, quàm accura-  
 tè illius faciem exhibuit, atque anni MDXXXVI. In-  
 cendium

Cornelii Severi  
*Poema.*

Philothei To-  
*pographia.*



Fazelli de  
Ætna, & ejus  
ignibus.

Cluverii de  
Ætna.

Goltzii, & Al-  
berti de Ætna.

Carrera Æt-  
næ descriptio.

cendium, quod Catanae studiorum gratia degens aspexit, Verticem, Craterem, quos ante trienniū, iterumque post eruptionem præsens agnoverat, adamussim descripsit. Ejus autem Opusculum Italicè vertit Leonardus Orlandinus, rerumque varia accessione auxit. Nec diu post Thomas Fazellus in eximio suo opere de *Rebus Siculis Decadis Primæ Libro II. De Monte Ætna, & ejus ignibus* plura congestit, summumque etiam verticem, ac illius Regionem, quas diligenti studio lustraverat, posteris pernoscendas reliquit.

III. Sæculo decimo septimo ineunte, Philippus Cluverius vir Gallus, summo conatu, universam Siciliam docta peregrinatione obivit, singulaque ejusdem loca, improbo labore, pede emensus, Ætnam quoque Montem ex imo ad supremum tumulum invisit; Hinc in sua *Sicilia Antiqua* fedulam, dignamque ingenio suo Ætnæ Montis imaginem, inseruit, Incendiorum historiam, causasque Libro primo cap. VII. cumulatè, atque eruditè exposuit. Complura etiam ad id spectantia Humbertus Goltzius, & Leander Albertus, ille de Sicilia, hic de universa Italia, ejusque Insulis differens, sub idem tempus scriptis mandarunt. Tribus subinde libris Petrus Carrera anno MDCXXXV. Ætnæ descriptionē adornavit, in qua præter varias res memorabiles, Incendiorum continetur Historia, ac in eorum causas inquiritur; mira denique thaumaturgi Veli Catanensis Virginis Agathæ virtute patrata enarrantur. Præclarum hoc Opusculum latinè redditum a Sigeberto Avercampo habes inter Siculos Historicos sumptibus Petri Vander Aa Lugduni Batavorum recusos. Idem Carrera Tomo primo Memor. Hist. Urbis Catanae libro II. rursus Ætnæ ideam optimè expressam dedit, ut vix aliud

optare



optare queas.

IV. Jam vero memorabilis Incendii, quod anno MDCLXIX. erupit, occasione, nonnulli prodidere libri illius Historiam vulgantes, veluti Thomæ Tedeschii Notitia, Caroli Mancini Enarratio, Ætneus Cataclysimus Francisci Monaco. Eminent autem præ cæteris Joannis Alphonsi Borelli Primarii in Messanenſi olim Academia Artis Medicæ, ac Philosophiæ Professoris Meteorologica Historia, de qua inferius. Novissimè Joannis Andreæ Massa Societatis Jesu *Mons Ætna in prospectu* anno MDCCIX. lucem aspexit, quo doctissimus Author, ac de sua Catana meritissimus, aliis, qui de hac re scripserunt, longe antecelluit, omniumque conatus superavit, ut nec postremus in eorum numero, nec ab aliis relictus videri possit. Lusere demum phalerisque poeticis Ætnam exornarunt nedum laudatus Carrera, sed et Henricus Scipio Ode Italica, quæ inter ejus opera legitur, ac Joseph Mazara lepidissimo Poemate, ut Vigintimilius de Siculis Poetis testatur.

*Incendii  
de anno  
1669. Hist.*

*Borelli  
meteorolog.  
Hist.*

*Massæ Ætna  
in prospect.*

*Poetæ  
recentiores*

V. Quum porro in igne illo perpetuo, quæ intra viscera mons gignit, alitque, felicibus ingeniis stadium velut quoddam, in quo quisque pro virili decurreret, disposuisse Natura videatur; hinc præter huc usque enumeratos Fazellum, Cluverium, Carreram, alii & bene plures sunt, qui Philosophicè Ætnam perscrutantes suum de illa judicium variis lucubrationibus tulere. Et ut Veteres hic omitтам, quorum præcipuas auctoritates Cluverius fusè expendit; nec non Laurentii Bolani ejusdem argumenti opusculum, quod periisse dolemus, illosque præteream cursim de Ætneis ignibus agentes, Athanasium Kircherium cum primis recenseam, qui in *Mundo subterraneo* Tomo

*Bolani de  
Igne Ætneo*



Kircherii  
de Incendiis  
Ætnæ

Schotti  
de Ætnæ  
Ignibus

Masculi opus

Portii  
Physiologia

Bottoni  
Pyrologia

Borelli  
Opusculum

Campaille  
dissertatio

primo lib. iv. multa de illis congerit, testisque ocularis Ætnænsis Crateris anno MDCXXXVIII. latissimè de concepto in iis cavernis incendio differuit.

Gaspar subinde Schot in *Magia universalis* Parte Prima lib. i. qui & ipse non semel ad igneos rimandos effectus Catanam venit, complura etiam ingeniosè, solidèq. in id argumentum disputavit. Jam tertius ejusdem Societatis Joannes Baptista Masculus, dum Vesuviani Incendii eruditè explorat naturam, Ætnænsis etiam velut ex instituto rimatur causas. Scipio Portius Catanensis duodenis lustris in Patrio Gymnasio Philosophiæ Interpres, mox in opere Physiologico Quæsito secundo de Ignibus Ætnæ, eorumque causis scripsit. Dominicus Bottonus Siculus Leontinensis hinc integrum Librum tertium *Pyrologiæ* edifferendis ejusdem Incendii mirabilibus, quæ cum Bauginæ Duce coram inspexit, sedulo adhibuit; Post quem Alphonsus Borellus jam laudatus librum dedit, cui titulum fecit: *Historia, & Meteorologia Ætnænsis Incendii anni MDCLXIX.* Demû Vir summus, Siculusque Philosophus jure optimo appellandus, Thomas Campaillus Muticensis Patricius dissertationem in hâc rem nuper edidit, in qua Borelli de Voraginis profunditate errores ostendit, refellitque, ac magno rationum pondere, eximioque ingenio de Ignis Materie, Accensione, & Multiplicatione differit.

VI. Ex horum itaque scriptis velut e limpidissimis fontibus haurire poterit, quisquis absolutissimam Ætnæ imaginem, intimamque cupit assequi notitiam. Nos interim ad alia properamus,





# CATANÆ ILLUSTRATÆ LIBER PRIMUS

## CAP. I.

### ÆVUM POETICUM, SEU FABULÆ CATANAM, EJUSQ. FINES SPECTANTES

**D**Eorum Ætas Græcis Poetis celeberrima, qua decurrente frugum messibus annos computabant; adeout Auream etiam illam nuncupatā plerique velint a frumento, quod verè mundi Aurum, Deorum Ævo apud Ægyptios, si Vico (a) credimus, respondet; atque in Orbis conditi Sæculum nonum supra decimum incidit, quod post Diluvium sæculum creditur secundum. Eodē plane tēpore Idololatriæ Epocam statuit Bianchini- us (b) & Mythicam seu fabulosam Theologiam a Varrone & Augustino memoratam (c) incrementa accepisse, credunt Eruditi.

Ab hac ætate Gentium Historia sumpsit exordia; quotquot enim fabulæ olim a Poetis inventæ, deducta traditione, circumferuntur, nonnisi Urbium, ac Populorum facinora repræsentant, atque Gentium Fundatores eorumque gesta, quodam veluti arcano velo obducta exprimunt. Poetas enim, qui primi Gentium Sapientes merito appellati, non

(a)  
*Tabul. Chron.*

(b)  
*Decad. 2.  
cap. 19.*

(c)  
*Lib. 6. Civit  
Dei cap. 5.*



(a)  
Divin.  
Instit. lib. 2.  
cap. 11.

(b)  
de die Nat.  
cap. 5.

(c)  
lib. 18. Civit.  
cap. 13.

(d)  
de Præp.  
Evan. c. 10.

omnino mentiri solitos, sed figuris obscurasse, quæ dicebant, Lactantius advertit. (a) Et Eusebius *Primam Ægyptiorum Theologiam veram fuisse Historiam fabulis interpolatam* perspicuè tradit. Hinc Censorinus (b) apud Bianchinium, libros, qui prophanos Deorum ritus cōplectebantur, Historiæ monumenta a Mystis servata appellat, & Evelmerus a S. Augustino ibidem commendatus: *Omnes Deos non fabulosa garrulitate, sed historica diligentia homines fuisse, mortalesque*, fatetur; Ipse demum Augustinus: *fabulas confictas*, ait, *ex occasione Historiarum, quæ res veraciter gestas continent.* (c) Non inficior sub his ipsis fabulis universa etiam Philosophiæ præcepta veluti sub quibusdam integumentis latere, atque arcana dogmata ad mores rectè informandos, vitamque honestè instituendā Veteres comprehendisse. Hinc illud Eusebii (d) *Non ignoro esse nonnullas fabulas apud Græcos hominibus utiles.* Adeout illas edifferendo, quæ ad Patriam nostram ejusque fines pertinent, mei instituti partes esse duxerim, cum Historiæ veritatem tum mysticas fabularum significationes quàm brevissimè exponere. Ex his vero nonnullas, ut ingenuè loquar, quæ rebus nostris accensentur, vix congruere, resque alibi gestas quoquomodo confundere, tam evidenter constat, ut Ego, exscriptis Authorum verbis, qui fabulas hujusmodi Patriæ adjudicant, mox subdere, quomodo res sese habuerint, minime dubitaverim.

### I. CATACLYSMUS.

Universale Diluvium, quod Cataclysmū Æthnici appellant, nedum Philologicis rationibus, quas congerit Martinus Scoochius, aut Astrologicis Petri Alliaci, ac Joannis Pici Mirandulani, quæ prorsus incertæ, sed Phisicis etiam ex prophana

Hi-



Historia fabulisque petitis demonstrari Vicus (a) & Bianchini (b) rectissime censent. Ipsum Varro Romanorum disertissimus *Ogigis* appellavit, atque ab alio solius Ægypti, quod Faraonis ejusque exercitus in Mari rubro submersio passim creditur, distinxit. Græci universæ terræ Cataclysmum a *Deucalione* dixerunt, ac tertium in Attica inducere, cujus in Historiis mentio nulla; adeo ut confictum omnino passim velint Authores, meritoque suspicantur *Deucalionem* ex Ægypto, aut ex Asia in Atticam delatum circa mundi sæculum quintum atque vicesimum, facta unius aut alterius diluvii enarratione, Græcis Poetis, ut tertium obtruderent, a se etiam nuncupatum in Attica, ansam dedisse, ut advertit Bianchini. Sed jam de *Deucalione*, quæ ad nos spectantia circumferuntur, ex Hygino audiamus. (c)

II. DEUCALION & PYRRHA

*Cataclysmus*, quod nos *Diluvium* vel *Irrigationem* dicimus, cum factum est, omne genus humanum interiit, præter *Pyrrham* & *Deucalionem*, qui in montem *Ætnam*, qui altissimus in Sicilia esse dicitur, fugerunt. Hi propter solitudinem, cum vivere non possent, petierunt ab *Jove*, ut aut homines daret, aut eos pari calamitate afficeret. Tum *Jovis* jussit eos lapides post se jactare. Quos *Deucalion* jactavit, viros esse jussit; quos *Pyrrha*, mulieres. Ob eam rem *Laos* dictus. *Laos* enim græcè lapis dicitur. Hucusque Hyginus. Cujus narrationi notas aliquot subdere placet a *Thoma Munchero* adornatas, quæ ad rem nostram pertinent. (*Deucalion*) *Promethei* & *Pandoræ* filius fuisse traditur ab *Hesiodo*, & *Apollonio* lib. 3. v. 1085. ad quem versum consule *Scholia*, & *Lucianum de Dea Syria*. Unde disces, *Deucalioni*, quæ tribuuntur, ea maximam partem convenire *Noacho*

(a)  
In Assiom.  
novæ Scientiæ

(b)  
Dec. 2.  
cap. 17

(c)  
In fabulis  
cap. 153.



cho. Triclinius in Pindar: Olymp: 9. Matrem Deucalionis Clymenem facit. (In Ætnam Montem) Servius ad Eclog. 6. 41. in monte Atho servatos eos prodit. Ovid. p. met. 317. in Monte Parnasso. Nihil tamen hic mutandum. Audi scholiastem Germanici: Aquario: Nigidius Hydrochoni sive Aquarium existimat esse Deucalionem Tessalum, qui maximo Cataclysmo sit relictus cum uxore Pyrrha in Monte Ætna, qui est altissimus in Sicilia. Hec Muncherus (a) Que porro de Pyrrha & Deucalione traduntur, Noe prorsus convenientia, quod Muncherus advertit, Natalis Comes in sua Mythologia ex variis cum Poetis, tum Historicis congerit (b) In quadam nempe arca, rebus necessariis eò comportatis, servatos fuisse, quumque terra multos dies sub aquis latuisset, ut experirentur, an aquæ decrevissent, columbam quamdam, quam secum habebant, emisisse; hanc, quia non invenisset ubi consisteret, cito ad arcem evolasse, quumque demum emissa amplius non rediisset, siccum jam alicubi, nec longe, terræ solum illos intellexisse; egressosque Themidis oraculum, quæ tunc in monte altissimo responsa dabat, adiisse, ut, quo pacto posset humanum genus reparari, sciscitarentur. Hæc & alia abulis quidem intermixta, historicæ nihilominus veritati sunt consona; Re enim vera Deucalionis vitæ integritate, ac erga Deos immortales reverentiâ cæteris præstans hominibus, Universalis Diluvii historiam ab Ægyptiis edoctus, cum Græcis communicavit, quos rudes, ac veluti lapideos, omnisque religionis expertes, moribus, Deorumque cultu informavit, atque ad humanitatis studia revocatos veluti in homines convertit. Subdit clarissimus Joan. Andreas Massa (c) Deucalionis fabulâ Poetas innuisse, ab hominibus non longe post

(a)  
Mythol. latin.  
rom. p. fol. 223.

(b)  
lib. 8. cap. 17.

(c)  
In Ætna  
cap. 12.



post Diluvium in Ætna monte ejusque finibus sedes fuisse locatas ; Et sane Deucalionem omnium primum Urbes condidisse Diisque templa exædificasset auctor est Apollonius .

*Condedit hic primus Urbes, & templa Deorum*  
Quod vero lapides cum uxore Pyrrha jactando, illos in homines converteret ; videtur plane significare, quod e petrarum caveis, ac montium speculuncis, ubi primi post Diluvium homines inhabitant, gradatim ad plana colenda loca ab ipsis fuerit genus humanum revocatum .

Effloruit Deucalion Sæculo quinto supra vicesimum ut Bianchini ostendit (a) quod a Diluvio septimū. At cum Noe characterem exprimat, atque hinc a nonnullis optimæ notæ authoribus cum eo confundatur, jure merito Ævi hujus primum occupat locum, nec incongruè ab Eruditissimo Vico Ætati Deorum præponitur, inque sæculum decimum septimum rejicitur . Videsis Cluverium *German. Antiq.* lib. p, cap. xxxii. Joannē Ravisium *in Offic. Brietium* lib. v. cap. xi. ac Bocacium lib. iv. cap. xlvii. qui tamen ad Parnasum Deucalionem delatum, cum Ovidio, ac Theodontio scribit ; quamvis illum Promethei filium indubiè adstruens nobis quodammodo favere videatur ; Pausanias enim Ætnæum Promethæo genitum dicit, qui nomen fortasse Monti indidit, aut ab illo accepit .

(a)  
Decad. 3.  
cap. 25.

III. GIGANTES SUB ÆTNADAMNATI  
Jovi bellum inferre avsi Gigantes, Deosque cælo pellere conati, dignis affecti pœnis, hæc illac detrusi sub altis montibus dicuntur . De Typhone Hyginus (b) *Tartarus ex Terra procreavit Typhonem immanni magnitudine, specieque portentosa, cui centum capita Draconum ex humeris enata erant . Hic Jovem provocavit, si vellet secum de regno certare*  
Jovis

(b)  
Fab. cap. 152.



Jovis fulmine ardenti pectus ejus percussit ; cui, cum flagraret, Montem Ætnam, qui est in Sicilia, super eum imposuit, qui ex eo ardere dicitur.

Typhon (alii Typhœum appellant, ac Titanis filium faciunt) tanta corporis magnitudine fuisse, fertur, ut quum tota Sicilia tribus constet promontoriis, supra ejus corpus injecta, seu posita a Poetis fingatur; quumque ex uno in aliud latus volvitur onusque detrectat, insula e fundamentis excutitur. Ovidius (a)

(a)  
Fast. lib. 4 &  
met. l. 5.

Alta jacet vasti super ora Typhoeos Ætna.  
Cujus anhelantis ignibus ardet humus.  
Et alibi Fusius

Vasta Gigantæis injecta est insula membris.  
Trinacris & magnis subjectum molibus urget,  
Æthereos ausum spectare Typhoea sedes.  
Nititur ille quidem, pugnatque resurgere sæpe:  
Dextra sed Ausonio manus est subjecta Peloro,  
Leva Pachyne tibi, Lilybæo crura premuntur.  
Degravat Ætna caput, sub qua resupinus arenas  
Eiecat, flammamque fero vocit ore Typhæus;  
Sæpe remoliri luctatur pondere terræ,  
Oppidaque, & magnos devolvere corpore montes;  
Inde tremit tellus.

(b)  
Pythio. Ode p.

Eadem habent inter Græcos Pindarus (b) alique, quamvis Virgilius, Lucanusque Typhœum, alibi damnatum sub Inarine Campaniæ monte fabulentur. Virgilius:

Tum sonitu Prochita alta tremit, durūque cubile  
Inarine Jovis imperiis imposta Typhæo.  
Lucanus verò:

Undat apex Campana fremens, cui saxa vaporat  
Conditus Inarines æterna mole Typhæus.  
Sed hæc fortasse ad exprimendum ignem ab Inarine etiam monte ejectum; Typhœum enim ex Pa-  
pia



pia penes Boccacium (a) *Flammas Ejaculantem* significare discimus.

(a)

*Geonol. Deor.*

*cap. 22. lib. 4.*

Quintus Smyrnæus rebellem Gigantem sub Ætna damnatum Enceladum appellat. Enceladum etiam dixere ex Græcis Orpheus in Argonauticis, Callimachus, Oppianus, atque ex Latinis Seneca, Cornelius Severus in Poemate de Ætna, Sydonius, ac ipse Virgilius (b)

(b)

*Æncid. lib. 3.*

*Fama est Enceladi semjustum fulmine corpus  
Urgeri mole hac, ingentemque insuper Ætnam  
Impositam, ruptis flammam expirare cavernis;  
Et fessum quotiens mutat latus, intremere omnem  
Murmure Trinacriam, & Cælum subtexere fumo.*

Virgilio accinit Claudianus (c)

(c)

*De Raptu  
Proser. lib. p.*

*Ætna Giganteos numquam tacitura triumphos,  
Enceladi bustum, qui saucia membra revinctus  
Spirat inexhaustum flagranti pectore fulgur;  
Et quoties detrectat onus cervice rebeli,  
In destrum levumque latus, tunc insula fundo  
Vellitur, & dubiæ nutant cum mænibus Urbes.*

Et sanè non alium a Typhæo Enceladum esse dixerim, nisi illos diversos Horatius ostenderet (d) ut Boccacius advertit; inquit enim Poeta:

(d)

*lib. 3. ode 4.*

*Sed quid Typhæus & validus Minas  
Aut quid minaci Porphyryon statu;  
Quid Rhecus, evulsisque truncis  
Enceladus jaculator audax  
Contra sonantem Palladis Ægida  
Possent ruentes?*

Hinc Philostrati, quem sequitur Cluverius, sententia in Vita Apollonii minimè arridet (e) ubi scribit: *Ajunt Typhæum quemdam, seu Enceladum sub Ætna monte ligatum, montique obluctantem hunc ignem anbelando emitte.* Nam & Porphyrio- nem quoque, ut ex Divo Hieronymo discimus,

(e)

*lib. 5. cap. 6.*



& Rhæcum sub Ætna damnatos Veteres affirmant;  
Hinc Lucanus (a)

(a)  
Phar. lib. 6.

*Teque sub Ætnæo torquentem vertice vulsas ,  
Rhæceferox, quamvis Boreas inverteret Ornos*  
Denique Claudianus (b) Gigantum spolia atque exu-  
vias per Ætnæum nemus dependere fabulatur, at-  
ab his cuique arbori nomen appictum scribit.

(b)  
de Raptu  
Proser.  
lib. 4.

*Lucus erat prope flavū Acim, quē candida præfert  
Sepe mari, pulchroque secat Galathea natatu,  
Densus, & innexis Ætnæa cacumina ramis  
Quelibet usque tegens; illic posuisse cruentam  
Ægida, captivamque Patrem post prælia prædam  
Advexisse datur. Phlegreïs sylvæ superbit  
Exuvîs, totumque nemus victoria vestit..  
Hic patuli rictus, hinc prodigiosa Gigantum  
Tergora dependent, & adhuc crudele minantur  
Affixæ facies truncis, immaniaque ossa  
Serpentum passim tumulis exanguibus alben  
Et rigida multo suspirant fulmine pelles;  
Nullaque non magni jactat se nominis arbor.*

Hæc mythicè de Typhæo & aliis: Nunc abscondita  
corticibus, ut verbisutar Boccacii, evisceranda sunt.  
Typhæum igitur istum Titanis, ob elatum ejus spiritū,  
filium dixere, & Terræ ob potentiam; Cum dicat  
Theodontius: eum antiquissimum Ciliciæ fuisse Regem.  
(Siciliæ legit Becussius Italicus Boccacii interpres, &  
fortè rectiùs) Et Osirim fratrem superasse bello, atque di-  
scerpisse membratim; & bellum adversus primum Jo-  
vem movisse; sed ab eo superatum atque occisum. Verum  
fictionibus, quibus hæc historia dedisse causam, satis ap-  
paret, erit explicatio ista: Videntur enim in his natu-  
ram, & causam terremotuum satis convenienter, la-  
tenter tamen, ostendere, qui finxerunt. Dicit enim  
Papias: Typhonem seu Typhæum idem sonare, quod flā-  
mas ejicientem, ut per hoc satis videre possimus, eos  
pri-



primò exhalantem in visceribus terræ clausum ignem ostendere voluisse, in quantum illi superimpositos montes a Jove, idest a natura rerum, ajunt; Inquantū autem Typhæum se erigere conantem dicunt, terræ-motuum causam ostendunt. Est autem terra, ut plurimum cavernosa, in quibus cavernis, ut aer interclusus sit, aliquando necesse est, & ibidem nonnumquam contingit per subterraneos meatus aquam etiam penetrare, cujus qualicumque motu oportet, ut aer etiam moveatur, qui motu suo, & ab obicibus hinc inde percussus, & in vehementiorem motum excitatus calefit. Eo autem calefacto, tantæ potentie efficitur motus ejus, ut circūadjacentia cuncta concutiat, & moveri faciat; & si bituminosa, atque sulphurea terra loco tali propinquior sit, ut accendatur confestim necesse est; nec extinguitur unquam tali materie perdurante; Et cū nequeat ignis teneri clausus, & eo ardente multum augeatur aeris, nec tanti sit capax locus, fit non solum concussio grandis terræ adjacentis, sed etiam aperiri cogitur, & exitum præstare accenso igni, qui evaporans Typhonem id est ejicientem flammam locum facit; Et cum Sicilia & Inarines hujusmodi naturæ sint, ideo Typhoni superimpositos finxere Prudentes. Hæc ex Boccacio fusiùs exscripsimus; nostra quippe regio præ cæteris hisce malis subjecta, quorum proinde causas noscere non injucundum. Jam vero Jovi indictum a Gigantibus bellum impios hominum conatus in Campo Sennaar designare Agiographi pene omnes, quos laudat Augustinus Calmetius (a) tenent. Quid enim aliud, vel supra altissimos montes illos conscendisse, ac faxa ingentia in Deos ejaculasse, vel montes supra montes ad vim cælo inferendā imposuisse, significat, quam Turris illius, cujus altitudo cælum contingeret, impudētissimā constructionē, ut in Genesi vulgatū?

Gen-

(a)  
Differ. ad  
Hist. vet. &  
novi testamen.



Gentium dispersionem tunc factam, Gigantum per varias Orbis partes debellatio, Herculis ope, a Diis patrata innuit. Protrusi denique in ignem. Typhæus, Enceladus, Rhæcus, alique, Satanam, sociosque Angelos Deo omnium conditori ac Domino rebellantes, infernis ignibus addictos indicant, vel Ethicè scelestos homines, ac superbiâ tumentes, a Deo gravissimo flagitiorum vindice profligatos, acerbisque suppliciis affectos; ut

(a) Boccacius in Encelado & Natalis Comes (a) scribunt. Vicus (b) elapsis post Diluvium biscentum circiter annis, Mundi vicessimo sæculo, fulmina e cælo primum descendisse tradit, ingenti quippe aquarū vi, quæ diu terras occupaverant, ignitas exhalationes impediende, ea concipi ante id tempus potuisse, vix credibile. Hinc in Gigantibus ab Jove protrusis historiam recognoscit de illapsis e Cælo primis tonitribus super mōtiū cacumina, a Gigantibus, primisque illis hominibus, ob diluvii metum diu inhabitata; quos metu perterritos ad plana incolenda loca compulsos proinde credit. Hæc, si vera essent, antiquissimam Urbis Catanæ originem non levi conjectura firmarent.

(a)  
Myth. lib. 6.  
cap. 21.

(b)  
In Affomat.  
novæ Scientiæ

#### IV. CERES.

De Deorum natura differens Tullius eos & esse, & in Cælo esse, nec otiosos contra Epicurum probat:

(c) Unde autem tot in mundum Deorum nomina emerferint, disputans: *Multæ autem, ait, aliæ naturæ Deorum ex magnis beneficiis eorum, non sine causa & a Græciæ Sapientibus & a Majoribus nostris constitutæ nominatæque sunt. Quidquid enim magnā utilitatem generi afferret humano, id non sine divina bonitate fieri erga homines arbitrabantur. Itaque tum illud, quod erat a Deo natum, nomine ipsius nuncupabant, ut cum fruges Cererem appellamus, vinum*

*autem*

(c)  
lib. 3.



autē Liberum ; tum autem res ipsa , in qua vis inest major aliqua, sic appellatur , & ea ipsa vis nominatur Deus , ut Fides & Mens . Et paulopost : Suscepit autem vita hominum , consuetudoque communis , ut beneficiis excellentes viros in Cælum famâ , ac voluntate tollerent . Hinc Hercules , hinc Castor , & Pol- lux , hinc Æsculapius &c. Alia quoque ex ratione & quidem physica magna fluxit multitudo Deorum , qui induti specie humana fabulas Poetis suppeditaverunt ; hominum autem vitam superstitione omni referferunt . Hæc ex Tullio præfari de Cerere verba facturū oportuit ; tot enim , tamque diversa de illa vulgan- tur , ut , aut multas fuisse Cereres , aut sæculis quā- plurimis illam vixisse , aut denique , quod veriùs , uni , eidemque sub varia acceptione varia item fa- cinora homines appinxisse autumandum .

Diodorus de Diis secundum Aegyptios loquens : Duos esse Deos , ait , (a) & eos æternos arbitrati sunt , Solem videlicet , & Lunam , & hunc quidem Osiridem , hanc Isidem certa nominis ratione appellarunt . Mox subdit : deinceps Saturnum , qui Sororem Rhean- ceperit uxorem , ajunt , extitisse , genuisseque se- cundum quosdam Osiridem , & Isidem . Plures genu- isse Jovem , & Junonem tradunt , qui propter vir- tutem universo Orbi imperarunt . Hos quinque genu- isse Deos Osiridem , Isidem , Typhona , Apollinem , & Venerem ; et Osiridem interpretatum Dionysium , I- sidem verò Cererem . Hæc Osiris in uxorem sūpta , re- gnoque suscepto , multa contulit ad usum vitæ commu- nis . Ejus enim virtute , mutuâ cibi gratiâ , cædes ho- minum cessarunt . Invento enim ab Iside primū tritico , & hordeo , quæ prius incognita hominibus , casu inter cæteras herbas oriebantur , ab Osiride verò eorū fructuum cibi utilitate animadversa , omnes eo nutri- menti genere esse usos . Leges quoque Isidem sta-

(a)  
Biblior.  
Hist. lib. 1.



tuisse ferunt quibus Justitia æquè omnibus servaretur, vi, atque injuria, timore pœnæ sublati.

Hac de caussa prisca Græci Isidem Legiferā appellarunt. Jamvero quum liquidò constet Osiridem Ammonis esse filium, qui communi aliunde Scriptorum calculo Chamus Noe filius creditur, Isidem idcirco Osiridis uxorem ejusdem Chami filiam credi, atque in sæculum mundi vicesimum rejici oportet, interque ea numina ob impensa mortalibus beneficia famâ, & voluntate in Cælum, ut ait Tullius, elata adscriptam putamus. Cæterum Porphyrio Ceres eadem est, ac Ops, seu Vesta. *Id, quod est in terrena vi Princeps, atque primum, Vesta nominatur. Et Opem quidem lapidosi, ac montani; Cererem verò plani, ejusdemque feracis soli vim appellarunt. Nam Ceres, cum cætera planè omnia cum Ope communia habeat, tum hoc ab illa differt, quod ipsa Proserpinam ex Jove, hoc est recentem, & tenellum ex cretiorum, ac cæterorum hujusmodi virgultorum seminibus ramum educit. Quæ causa etiam est, quamobrem ipsius effigies spicis coronetur, ac papaveribus, quæ magnæ fecunditatis symbola sunt, ambiatur: Porphyrio adhæret Cicero, (a) expendens enim in impias fabulas, ut ait, inclusam physicam rationem, & Proserpinam frugum semen esse adstruens, subdit: Mater autem est a gerendis frugibus Ceres, tamquam Geres. Alibi verò (b) Chrysippi referens sententiam hæc habet: Idem disputat, Æthera esse eum, quem homines Jovem appellarent; quique aer per maria manaret, Neptunum, Terram, eam, quæ Ceres diceretur.*

(a)  
Lib: 2.  
de nat:  
Deorum.

(b)  
Lib: 1.

(c)  
Myth. lib. 5.  
cap. 11.

Jam communis Mythologorum sensus nihil aliud esse Cererem, quam frumentum statuit; unde illud carmen a Natali Comite relatum (c)

Nim-



*Nymphæ Aqua sunt, frumenta Ceres, Vulcanus at ignis.*

Proserpinam verò illius filiam herbarum radicem, quæ clam per humum serpit, ac meritò ex Jove, sive ex ætherea benignitate, & semine fingitur nata; alterutro enim deficiente frustra proventus frugum expectatur. Cereris porro Genitor Saturnus, Ops Mater: ille namque Tempus, hæc Terra credebatur, eique propterea Siciliam fuisse consecratam, quoniam frumenti feracissima sit Insula.

Et fanè potiori jure ad nos spectare Cererem ex aliis, quæ de illa feruntur, eique Scriptores tribuunt, apertissimè constat. A Theodontio enim apud Boccacium (a) Prima Cæli, & Vestæ filia, Saturni soror, Sicani Trinacriæ Regis antiquissimi conjux dicitur, quæ Insulæ incolas frumenti usum docuit. Hinc apud eos festa Cerealia primò instituta, quod innuere videtur Cicero, (b) dum Cererem Siculam antiquissimam, & principem omnium sacrorum, quæ apud omnes gentes, nationesque fiebant, adstruit; & clarissimè tradit Valerius Maximus (c) illis verbis *Quoniam sacra ejus, Cereris Siculæ, inde orta credebant*. Inter Deas indigenas meritò recenseri affirmat Cajetanus, (d) atque ex Julio Solino, Lactantio, Tullio, & Aristotele eruit Petrus Carrera (e) Solini verba sunt *Hic primum, nempe in Sicilia, inventa Comedia est; hic & cavillatio mimica in scena stetit; hic domus Archimedis, qui juxta syderum disciplinam machinarius commentor fuit; hic Lais illa, quæ eligere Patriam meruit, quam fateri. Gentem Cycloperum vasti testantur specus, Lestrigonum sedes adhuc sic vocantur. Ceres inde magistra sationis frumentariæ.* (f) Lactantius

(a)  
Geonol: De-  
or. lib: 8.  
cap: 4.

(b)  
Verr: 6.

(c)  
Lib: 4. cap: 1.

(d)  
Isagog: cap: 3.

(e)  
Cat: Hist:  
lib: 1. cap: 1.  
n. 8.

(f)  
Polyb hist:  
cap: 55.



(a)  
Divin: Instit:  
Lib: 2. cap: 1.

(b)  
De Admir:  
Aud: n: 80.

(c)  
Lib. I.

tius verò ex Tullio in Verrem Actione 6. Vnum ait, (a) libet commemorare de Cerere Catanensi, vel Ennensi, quarum alterius tanta fuit religio, ut adire templi ejus secreta penetralia Viris nefas esset; alterius antiquitas tanta, ut omnes historiæ loquantur, ipsam Deam fruges in Ennæ solo primum reperisse. Cicero laudata Actione 6. in Verrem: Vetus est opinio, Insulam Siciliam totam esse Cereri & Liberæ consecratam. Hoc cum ceteræ gentes sic arbitrantur, tum ipsis Siculis tam persuasum est, ut animis eorum insitum, atque innatum esse videatur. Nam & natas esse has in his locis Deas, & fruges in ea terra repertas arbitrantur. Denique Aristoteles (b) Sicilia mons est Ætna nomine, in quo antrum quoddam inesse traditur, in cujus circuitu cæterorum florum ingentem copiam omnibus anni temporibus innatam esse asserunt . . . . Triticum quoque hoc in loco reperiri affirmant dissimile illi, quo Accolæ utuntur, nec non cætero adventitio, quamdam tamen peculiarissimam magnitudinem sortitur. Hoc enim adnotarunt primum triticeum fructum apud ipsos apparere; quocirca Cererem sibi vendicarunt apud se, Deam hanc natam, educatamque fuisse. Ubi nota: Cererem necdum Siculam dici ab Aristotele, sed natam, educatamque in Ætnæ solo. Hinc Claudianus in Raptu Proserpinæ, de quo mox dicam, Cereris describens domum, illam in Ætna merito statuit illis verbis. (c)

Devenere locum, Cereris quæ tecta nitebant  
Cyclosum firmata manu; stant ardua ferro  
Mœnia, ferrati postes, immensaque necit  
Claustra Chalybs, nullum tanto sudore Pyracmon,  
Nec Steropes construxit opus.

Ubi enim Cyclopes nisi in Ætna, ut mox videbi-



debimus ? Et alibi idem Poeta

*Ætnæ Cereri proles optata virebat*

*Unica*

Huc facit, quod Politianus in *Ambra* scribit Jovem inducens sic loquentem:

*Utque Rhodos Solem, Venerē Paphos, atque Cythæra*

*Junonemque Saphos, Cereremque Typhojas Ætna*

*Sic me Creta colit.*

Id demum in celebri illa Inscriptione a Gualtherio inter Siciliæ tabulas relata:

ΔΗΜΗΤΡΙΩ ΙΕΡ...

Idest *Catanæ Cereri sacrum*. (Ceres quippe *Dimitir* græcè appellatur.) quæ olim fornicie ejusdem Cereris Templi insculpta videbatur, innuisse Catanenses rectè observant Carrera, & Blanditius; idque Catanensia numismata, ubi Ceres frequentissimè occurrit, ut suis locis expendam, satis clarè evincunt. Et ecce inquit Blanditius (a) mihi illam multò antiquissimam obviam factam Reginam olim Ætnæ regionis, ac Legiferam Cererem, quam de nomine percontari non fuit opus; cum spicea corona, tridens in sinistra manu pro sceptro, & liber in destra apertus Cererem ipsissimam declarent, qualem in numismatibus Græcis Catanæis cusam habemus. Legiferam, inquam, utpote quæ invento frumento in agro suo Catanensi, prima quoque leges invenisse, et dedisse mortalibus tradatur; ideoque Orpheus in Argonaut: Herodot: et Pausanias in Boeot: Cererem Thesinophoram, idest Legislatricem compellent, Plinius verò sic lib: 7. cap: 16. scribat: Invenit frumenta Ceres, cum antea glande vescerentur, eadem molere, et conficere, in Attica, Italia, et Sicilia; ob id Dea judicata: Eadem prima leges dedit. Atque his de causis cen-

(a)

De Pat: S.

Aghat: lib: 1.

m. f.



*seo a primis Catanaeis suæ Cereri ædificatum fuisse apud Catanam Templum, de quo sic Cicero Act: V. in Verr. loquitur: Sacrarium Cereris est apud Catinenses eadem religione, quæ Romæ, quæ in cæteris locis, quæ in toto Orbe terrarum. In eo sacrario intimo fuit signum Cereris perantiquum &c. Cujus templi januæ illa inerat Epigraphæ, quæ adhuc viget in vestibulo Palatii Senatus Catan:*

*K. ΔΗΜΗΤΗΡΗ ΙΕΡ .. idest Catanae Cereri Sacrum.*

Jāvero Cereris Siculae fabula minime gratis cōficta; ferunt enim frumentum sua sponte natum fuisse in Sicilia, quod, quum a nemine colligeretur, in terram rursus recidebat. Id ut Cecrops Athenarum Rex a quopiam percepit, qui colligeret, & ad se adsportarent, misit. Quumque Triptolemus prior cepisset, terram arasset, satoque frumento messem demum maturam succidisset, Commentarios de cultu agrorum scripsit, qui ad omnes mortales sunt pervagati. Hinc fabulae locus a Cerere, quam hospitio exceperat, frumenti ferendi artem Triptolemum edoctum, Orbem peragrassæ universum. Ita ex variis Authoribus Natalis Comes (a)

(a)  
lib: 5. Myth.  
cap. 13.

Arundelliani Lapides Cererē, ac Triptolemum in annum ante Christum natum mccccviii reponunt, Regnante Athenis Eristæo, qui annis prope clx Cecropi posterior.

Cæterum, quæ ad Cererem, ejusque cultum apud nostros spectant, de Templis, prophanisque Aris, differendo, inferiùs expendam, complura etiam habes, ubi de antiquis Catanae Numis, atque Inscriptionibus.



## V. PROSERPINA.

De Proserpina hæc habet Blanditius laudato Opusculo m. s. *Apud Regiam Legiferam Cataneam Matrem aderat Proserpina etiam ipsa Regina Catanea, ac Legifera spicis coronata; sic enim eam prisca numismata Catanea promunt, sic etiam sub signo per antiquo docent subscripta verba:*

ΠΕΡΣΕΦΟΝΗ ΒΑΣΙΛΙΣΣΗ ΚΑΤΑΝΑ :: A

idest Proserpina Regina Catanea; ideoque Legiferam cum Matre appellat Aristophanes in *Cerealis*: Bonum omen esto, preces fundite legiferis Cereri, & Proserpinæ. Censeo autem earum leges spectasse ad civilem vivendi rationem, ortumque tribuendum compertis frugibus in agro Catanensi, Leontinoque contermino, ubi fruges sponte nascentes suâ, cum Mater, ac filia animadvertissent, docuerunt homines ferarum ritu viventes agricolationem, diviserunt agros, ædificarunt oppida, concordia munierunt, beneque vivendi leges sanxerunt. Hæc ille

## VI. PROSERPINÆ RAPTUS.

Primus omnium Musæus Eumolpi Pater sæculi octavi, & vicēsimi initio Proserpinæ Raptum versibus vulgavit, ut habent Tabulæ Arundelianæ. Ultimus verò ex Poetis elegantissimè tribus libris eundem complexus est Claudianus, qui sub Honorio Augusto effloruit. Unde autem hic eruerit, nescimus; Musæi quippe opera periisse dolent meritò Eruditi. Id citra dubium: Raptum a Claudiano in Ætna monte, ejusque finibus statui, quidquid obtendat post Turnebum Cluverius (a) Claudianum emendans, raptamque Proserpinam in Enna monte, qui Siciliæ Umbilicus appellatur, mordicus sustinens. Illum profectò

(a)  
Sicil. Antiq. lib. 2.  
cap. 7.



(a)  
lib. 2. cap. 3.

Prepar: E-  
vang: lib. 10  
cap. 3.

(c)  
Dec. 1: lib: 10.

(d)  
De Admir:  
and. cap. 116.

fectò calamo cespitasse luculenter Carrera ostendit (a) singula Claudiani loca expendens, quæ quum aptari Ennæ nullimode queant, causâ excidisse suâ Cluverium abundè satis evincunt. Ab iis hic exscribendis, ne actum agere videar, consultò abstineo; aliquot tamen versus ex industria inferiùs proferam, ut sese dabit occasio, fabulam exarando. Id præterire omnino piaculum duxerim, quod idemmet Carrera appositè satis observat: Proserpinæ nempe Raptum Ennæ foundationem præcessisse annis circiter septingentis, si cum Eusebio Pamphilo (b) hunc ducentis annis ante Illi ruinam contigisse dabimus, cujus calculo Arundelliani etiam lapides respondent. Ipso enim Cluverio teste xi Olympiadis anno secundo Enna Urbs a Syracusanis primò condita creditur, eique nomen inditum ab Enno Duce, ut tradit Fazellus. (c) At, inquires, Mons extabat, etsi Opidum Syracusanorum, ævique recentioris fuerit opus; uerum fuisse Monti Ennæ nomenclaturam priscis illis temporibus, ante Ennum Ducem, ut hinc posset cum Ætna confundi, est omnino hariolari.

Non inficior, Tullium, Diodorum, Livium, aliosque Proserpinæ Raptum Ennæ adjudicare; id tamèn populari voce inter Siculos vulgatum, ob Cereris in Enna celebre Templum, ab illis Authoribus sine delectu, literarum monumentis traditum, jure optimo adstruit laudatus Carrera. Tullio aliunde, Diodoro, ac Livio alios haud imparis notæ objicimus, qui pro Ætna militant; licet illos etiam emendare, seu ut verius dicam, corrumpere, Cluverius studuerit. Et primò Aristotelem (d) Siciliæ Mons est Ætna, in quo Antrum quoddam inesse traditur, in cujus

cir-



circuitu æternorum florum ingentem copiam omnibus anni temporibus innatam esse asserunt; sed multò maximè locum aliquem immensum violarum repletum fuisse, quæ regionem proximam suaviolentia replerent. Quamobrem venatores, cum canes ab odore devicti fuerint, leporum vestigia insectari nequeunt. In hoc autem hiatus occultus est ingressus, quo Plutonem Proserpinam rapuisse fabulantur. Quæ sane de Ennensi monte dici nequeunt; Est enim undique præruptus, omnium rerum per se indigus, ut Blanditius ait: & caliginosus, cui autumnalibus, hyemalibus, vernisque mensibus incubant densæ nebule sæpissimè, durantque nunc ad unam, nunc ad duas, tresque continuatas hebdomadas.

Opponimus secundo Solinum (a) Hic ibidem Campus Ætnensis, omni die, quem propter demersum est foramen, quo Ditem Patrem ad raptus Liberæ exeuntem fama est luce hac usum. Inter Catanam, ac Syracusas certamen est de Illustrum Fratrum memoria. Ubi observa: post Ætnensem Campum descriptum statim subdere Solinum Piorum Fratrum facinus, cui Catanensem regionem dedisse causam, omnibus est exploratum, quasi loci proximioris vellet Historicus celebritatem commendare.

(a)  
Polybis:  
cap. II.

In Solini porro editione a Martino Antonio Delrio adornatam irrepfit etiam textus depravatio; sed in notis editor hæc scribit. (Campus Ætnensis) Vet: Cod: Hennensis; lege Ennensis, quia Proserpina juxta Ennam rapta fuit. Ut hinc intelligas, Solinum: Ætnensem Campum scripsisse, ac perperam a nonnullis, qui Tullio deferunt, emendatum. Jam tertio Plutarchus (b) Itaque, ait apud Ætnam in Sicilia nemo canes ad venandum educit, quod ibi multum floreant, ac toto anno pullulet Origanum,

(b)  
Quest. natur.  
n. 23.



locique assiduus odor bonus abripit ferarum vestigia. Fabula etiam fertur, Proserpinam ibi, cum flores legeret, raptam a Plutone fuisse, ideoque illum locum venerantes, tamquam asylum non insidiari pascentibus ibi animalibus. Huc facit vetus ac commune prologium, cujus meminit Rhodiginus

(a)  
Vari: Lect.  
lib. 25. c. 20.

(a) Venator Ætnæus idest, qui casso labore Canes ad venandum educit.

(b)  
Fabul. cap. 146.

Sed Hyginum præstat audire, qui ex Antiquioribus fabulas excerpfit. (b) Pluton petit ab Jove Proserpinam filiam ejus, & Cereris, in conjugium daret. Jupiter negat Cererem passuram, ut filia sua in tartaro tenebricoso sit; sed jubet eum, rapere eam flores legentem in Monte Ætna, qui est in Sicilia. In quo Proserpina, dum flores cum Venere, & Diana, & Minerva legit, Pluton quadrigis venit, & eam rapuit. Notat hinc Muncherus: An in Ætna legebat flores, cum in Raptoris manus incideret Proserpina? Et Scholiastis Pindari ad Nem: verba adfert, quæ de Ætna urbe intelligi possunt, subditque: An potius scribendum in nemore Ennæ? Arnobius lib. 5. Consimiliter Henne nemus, & flores quid sunt? Confer Jul. Firm. in E. P. R. Ovid. 4. Fast. 421. Diodor. lib. 5. Cicer. 6 Verr. Sed mutare quidquam nos vetat luculentus locus Aristotelis lib. de Admir. Aud. cap. 116. quem videre opere erit pretium. Lactan: ad Stat. 5. Theb: ver: 357. Ut Proserpinam circa cacumen Ætnæ flores legentem raperet. In Argum: lib: 5. Met. Ovid: fab: 6. Uti Proserpinam circa Ætnam flores legentem cum Minerva atque Diana raperet. Ad locum ergo, quo rapta est, respexit Seneca Her: Fur: ver: 660. cum de Proserpina diceret: Quam tota irrita quæsit Ætna mater. Columella lib. 10.

Æquo-



*Æquoris Ætnæ vernantia lilia carpsit,*  
*Raptaque lethei conjux modo facta Tyranni*  
 Allegatis a Munchero subdere possem Op-  
 pianum in Cynegetico lib. 3. Ausonium in Epist.  
 ad Theonem, Statium in Achil: lib. 1. Silium  
 Italicum lib: 14. quorum congerit textus lauda-  
 tus Carrera, doletque illos a Cluverio injuriâ  
 obelo confixos.

Nec negotium faceffit, quod Tullius lau-  
 data Act: 6. in Ver: Ennâ describens extare antrum  
 adfirmet illis verbis: *Enna autem, ubi ea, quæ*  
*dico, gesta memorantur, est loco præcelso, atque*  
*edito, quo in summo est æqvata agri planities,*  
*& aquæ perennes; tota verò omni aditu circum-*  
*cisa, atque dirempta est. Quam circa lacus, luci-*  
*que sunt plurimi, & lectissimi flores omni tempo-*  
*re anni. Lacus ut ipse raptum illum virginis,*  
*quem jam a pueris accepimus, declarare videa-*  
*tur. Etenim prope est spelunca quedam conversa ad*  
*Aquilonem infinita altitudine, qua Ditem Patrem*  
*ferunt repente cum curru extitisse, abreptamque*  
*ex eo loco Virginem secum asportasse. Nam*  
*ut omittam, falsa esse, quæ de loci amœnitate,*  
*perpetuisque floribus tradit, ut superius ex*  
*Blanditio vidimus; antrum quoque nostri desi-*  
*gnant prope collem Cereris, hodie S: Sophiæ, A-*  
*quilonem versus hians, quod a Plutone appella-*  
*bant; unde in apertum hunc prodiisse cum qua-*  
*drigis fabulantur. Nec luci, floresque perpetuò*  
*vernantes, nec lacus per omnem Montis Ætnæ*  
*ambitum desiderantur, ut meritò ejusdem ex-*  
*primens faciem, clarissimus Petrus Bembus (a)*  
*hæc inter alia scribat: Imi colles ac omnis ra-*  
*dicum ambitus per oppida, & per vicos frequens*  
*incolitur, Baccho, Pallade, Cerere feraces ter-*  
*ræ*

(a)  
 Dialog. de  
 Ætna



*ræ armentorum omnis generis, supra quam credas, feracissime. Hic amenissima loca circumquaque, hic fluvii personantes, hic obstrepentes rivi, hic gelidissimæ fontium perennitates, hic prata in floribus semper ac omni verna die, ut facile quilibet Puellam Proserpinam hinc fuisse raptam putet.*

*Jam vero sic apud Mythicos factum memoratur: viduas dudum transegisse noctes, ac steriles duxisse annos Pluto querebatur; petiit ideo ab Jove, ut sibi in conjugem Cereris filiam Proserpinam Virginem pulcherrimam deligeret. Annuit Deorum maximus, sed Cereris veritus repulsam, ut sibi puellam vi surriperet, Plutoni permisit. Claudianus poeticis usus phaleris Plutonem ab Jove, quâ minis quâ precibus conjugium per Cyllenium postulasse elegantissimè scribit, subditque: (a)*

(a)  
*De Raptu  
Proser. lib. I*

*Audierat mandata Pater, secumque volutat  
Diversos ducens animos; quæ tale sequatur  
Conjugium, stygiosque velit pro sole recessus  
Certa requirenti tandem sententia sedit.*

*Ætnæ Cereri, proles optata virebat,  
Unica, nec tribuit Jolelem Lucina secundam  
Fessaq: post primos hæserunt viscera partus.*

*Prosequitur deinde: Proserpinam thoro matu-  
ram certatim a Procis expeti clarissimis, at Ma-  
ter raptum timens*

*Commendat Siculis furtim sua pignora terris,  
Infidis natam laribus commisit alendam,  
Æthera deseruit, Siculasque relegat in oras,  
Ingenio confisa soli;*

*Subtexit totius pene insulæ Trinacriæ descripti-  
onem, mox Ætnæ Montem veluti ob oculos  
ponit:*

*In medio scopulis se porrigit Ætna perustis;  
Ætna Giganteos nunquam tacitura triumphos.*

At



Atque ejusdem incendia, causasque illorum expendens concludit

*Hic ubi servandum Mater fidissima pignus  
Abdidit, ad Phrygios tendit secura penates.  
Interim Jupiter vocata ad se Venere, illi consiliū suum aperit, quæ cum Pallade sorore ad locum tendit  
Cereris quæ tecta nitebant  
Cyclopum firmata manu.*

Deas, ut sensit adesse, Proserpina, occurrit læta, noctemque cum illis exegit; Mox verò ut illuxit fidei oblita Parentis riguos saltus petit (a)

*Ter cardine verso.*

(a)  
De Raptu  
Pros: lib. 2.

*Præfagæ cecinere fores, ter conscia fati  
Flèbile terrificis gemit mugitibus Ætna.  
Nullis illa tamen monstris, nulloque tenetur  
Prodigio; Comites gressum junxere sorores,  
Quas inter Cereris proles, tunc gloria Matris  
Mox dolor, æquali tendit per gramina passu.  
Viderat herbofo sacrum de vertice vulgus  
Ætna parens florum, curvaque in valle sedentem  
Compellat Zephyrum: Pater o gratissimè Veris,  
Qui mea lascivo regnas per prata volatu,  
Semper, & assiduis irroras flatibus annum,  
Respice Nympharum cætus, & celsa Tonantis  
Germina per nostros dignantia lucere campos.*

Aderat enim, ut Claudianus præmiserat, Nadjadum cohors, atque Amenani (legunt alii Chrimnissi) Pantagiæ, Gelæ, Camarinæ, Arethusæ, aliorumque Siciliæ fontium Nymphæ euntes Deas comitabantur, quæ florum sponte enascentium manipulos colligentes calathos implent, atque in primis Proserpina:

*Sociat flores, seseque ignara coronat  
Augurium fatale thori.*

O

hic



Hic amœnissimi lacus Pergusæ seu Pergæ mentionem ingerit. Poeta, quem non longe ab Enna designat Cluverius; & extare quidem ibi etiamnum hodie Lacum non inficior; suum tamen ostentant Scriptores nostri, & bene multi prope Urbis mœnia ad æstivum solstitium, ab anno MDCLXIX Ætnæis lapidibus obrutum ab *Anicito* appellatum. Quamvis putaverim *Pergæ* lacum antiquis celebratum alibi circa montis radices in *Leucotheæ* Regione tribus ferè passuum millibus a *Catana*, ex illa ingenti aquarum copia, quæ inde eo loci emergit, olim efformatum contra *Plutonii* antri hiatum, de quo superius, fuisse situm; favetque vetus traditio, quæ *Leucotheæ* fluminis meminit, cuius fortasse fontes in vallem aliquam prius coeuntes, inde cursum fumebant, ac in Portum illabebantur; hinc ille:

*Haud procul inde lacus. Pergæ dixere Sicani.*

*Talia virgineo passim, dum more geruntur,*

*Ecce repens mugire fragor, conflare turres.*

*Pronaque vibratis radicibus oppida verti,*

*Causa latet; dubios agnovit sola tumultus,*

*Diva Paphi, mixtoque metu perterrita gaudet.*

*Famque per anfractus animarum Rector opacos*

*Sub terris quærebat iter, gravibusque gementem*

*Enceladum calcabat equis.*

Quumque nulla pateret via, prohibentibus undique rupibus oppositis, indignatus tenebrarum Rex.

*Saxa ferit sceptro. Sicula tonuere cavernæ,*

*Turbatur Lipare, stupuit fornace relicta*

*Mulciber, & trepidus dejecit fulmina Cyclops.*

Erumpensque semianimem Virginem, Deasque frustra implorantem curru rapit. Disflugiunt Nymphæ Pallas, Venusque furorem simulant, in raptorem invehuntur.

*Inte-*



*Interea volucris fertur Proserpina curru,  
 Casariam diffusa Notò plantuque lacertos  
 Verberat, & questus ad nubila fundit inanes.  
 Victusque fletu Pluto, lachrimas tergit,  
 Et placida maestum solatur voce dolorem,  
 Illud subdens inter alia de Stygio Regno, quò  
 properabat.*

*Zephyris illic melioribus halunt  
 Perpetui flores, quos non tua protulit Ætna.  
 Hæc fatus, ovantes  
 Exhortatur equos, & tartara mitior intrat.*

Ferunt, viam sibi aperuisse Ditem prope Sy-  
 racusas, lacumque eo in loco repente extitisse,  
 ubi Syracusani festos dies annuos celeberrimo  
 virorum mulierumque conventu agebant. Pausa-  
 nias verò in Atticis ait: lacum fuisse apud Ca-  
 phisum amnē, cui nomen: Caprifico; unde fama est  
 cum rapta Proserpina Orcum ad infera descen-  
 disse, Orpheus denique in Argonauticis videtur,  
 Proserpinam super mare latam innuere, cuius  
 carmina apud Comitem habes. (a)

(a)  
 Myth. lib. 3.  
 cap. 16.

*Dum hæc agerentur, Cererem peracti  
 Terrebant simulacra mali, noctesque timorem  
 Ingeminant, omnique perit Proserpina somno.*

*Namque videbatur tenebroso (b) obtecta recessu  
 Carceris, & sevis Proserpina vincta catenis  
 Non qualem Siculis olim mandaverat arvis,  
 Nec qualem roseis nuper convallibus Ætnæ  
 Suspexere Deæ . . . Obrigit visis, profiliensque  
 Cybelem matrem alloquitur.*

(b)  
 De. Rapt. Prof.  
 lib. 3.

*Jam non ulterius Phrygia tellure morabor  
 Sancta Parens; revocat tandem custodia cari  
 Pignoris, & cunctis objecta fraudibus anni.  
 Nec mihi Cyclopum quamvis extructa caminis  
 Culmina fida satis; timeo ne fama latebras*

Pro-



*Prodiderit, leviusque meum Trinacria colet  
Depositum; terræt nimirum vulgata locorum  
Nobilitas; aliis sedes obscurior oris  
Exquirenda mihi; gemitu, flammisque pro-*  
*pinqui*

*Enceladi nequeunt umbracula nostra taceri.*

His prolatis Sicaniam petit, moxque ut  
neglecto cardine resupinas vidit aulæ suæ fores,  
vestes cōscidit, & fractas cum gramine avellit aristas;  
auditaque ab alumna raptus Proserpinæ historia,  
post varios questus, quum de prædone esset incerta,  
de quærenda filia consilium capit:

*Notæque jugis illabitur Ætnæ*

*Noctivago tædas inflammatura labori*

*Accensis tædis in Ætnæ vertice, quas sibi  
ipsa præferebāt, orbem terrarum peragraffe uni-*

<sup>(a)</sup>  
*Verr. 6. Diodor.*  
*6. Ovid. Fast. 4.*  
*Met. 5.*  
*Stat. 12. Theb.*  
versum refert Cicero; aliique <sup>(a)</sup> At quum  
nusquam filiam inveniret, didicit ab Arethusa  
Nympha raptam fuisse ab Orco, atque ad in-  
feros deportatam.

Quid actum deinceps, quidve denotet fa-  
bula apud Mythicos habes; id unum observa:

Scriptum nempe a Theogene, & Apollodoro

<sup>(b)</sup>  
*Lib. p. de Diis*  
Cyreniaco <sup>(b)</sup> Jovem ad placandum Proserpinam,  
ipsi Siciliam donasse; quò fane collimare videtur

Græca illa Epigraphes superiùs relata, *Proserpina  
Regina Catanæa*, cujus meminuit etiam Gualtherius

<sup>(c)</sup>  
*In Tabul. Sicul.*  
<sup>(c)</sup> Scribit Carrera in Orco ex Ætnæ latebris  
erumpente ejusdem montis ignes posse designa-

ri, qui in apertum exilientes undique vastita-

tem terris inducunt, ac segetes, herbarumque  
radices, quæ per Proserpinam significantur,  
veluti abripiunt. Natalis Comes *Non defuerunt*

<sup>(d)</sup>  
*lib. 5. Myth.*  
*cap. 14*  
<sup>(d)</sup> tamen, ait, <sup>(d)</sup> qui incredibilem annonæ penuriam  
fuisse, significari crediderint per eam fabulam,  
quod



quod Pluto Proserpinā rapuit sub terras, quia ita corruptæ sint sementes celi vitio, & inclementia, ut pene extincta sint frumenti semina in Sicilia per id tempus. Facinus porro, quod fabulis hisce adumbratum Veteres volvere, de Ævo Sicanorum differens inferius aperiam.

## VII.

## SIRENÆ PROSERPINÆ

## SODALES

**S**irenæ Proserpinam comitabantur, quum hæc ab Orco raperetur; de quibus Ilygius (a) Sirenes, inquit, Achaloi fluvii, & Melpomenes Musæ filia Proserpinæ raptu aberrantes, ad Apollinis terram venerunt, ibique Cereris voluntate, quod Proserpinæ auxilium non tulerunt, volaticæ factæ sunt. His responsum erat tandiu eas victuras, quamdiu cantantes eas audiens nemo esset prætervectus. Quibus fatalis fuit Ulysses. Astutia enim suâ, cum præternavigasset scopulos, in quibus morabantur, præcipitarunt se in mare, a quibus locus Sirenides cognominatur, qui est inter Siciliam, & Italiam. Ælianus verò (b) Sirenas ore puellari, ac virgineo, alis, pedibusque avium effingi scribit, quod quum essent Proserpinæ sodales, mox ut hæc rapta fuit, ut undique eam terra, marique perquirerent, alas a Diis postularunt, atque impetrarunt, in aves idcirco conversæ. Aliano accinit Ovidius (c)

(a)  
Fab. 141.

(b)  
de Animal.  
lib. 17. cap. 23.

(c)  
lib. Met.

Vobis, Achaloides, unde  
Pluma, pedesque avium, cum Virginis ora geratis?  
An quia cum legeret flores Proserpina vernos,  
In comitum numero mistæ Sirenes eratis?  
Quam postquam toto frustra quæstis in Orbe



*Protinus, ut vestram sentirent æquora curam,  
 Posse super fluctus alarum insistere remis  
 Optastis, facilesque Deos habuistis, & arctus  
 Vidistis vestros subitis flavescere pennis.  
 Ne tamen ille canor mulcendas natus ad aures  
 Tantaque dos oris, linguae deperderet usum,  
 Virginei vultus, & vox humana remansit.*

Sirenarum porro scopulos prope Pelorum fuisse nonnulli fabulantur; hinc oram Siciliae a Peloro ad Acim fluvium a Sirenis appellatam testatur Strabo.

## VIII.

## VULCANUS, EJUSQUE

## MINISTRI CYCLOPES.

(a)  
 de nat. deor.  
 lib. 3. n. 39.

**V**ulcanum artes illas excogitasse, ex igne quotquot sunt, adeoque Deum ignis creditum, Mythicis omnibus notissima res est. *Vulcani autem complures, ut ait Tullius (a) Primus Cælo natus, ex quo Minerva Apollinem eum, cujus in tutela Athenas antiqui Historici esse voluerunt. Secundus Nilò natus, Opus, ut Ægyptii appellant, quem custodem esse Ægypti volunt. Tertius ex tertio Jove, & Junone, qui Lemni fabrice traditur præfuisse. Quartus Menalio natus, qui tenuit Insulas propter Siciliam, quæ Vulcaniæ nominabantur. Hinc fabulandi occasio Antiquis data: Ætnæ montis cavernas, in quibus magna vis ignis subterranei exæstuat, Vulcani officinam esse, ubi ille Jovi fulmina, tela, atque arma Heroum Cyclopibus ministrantibus fabricaretur. Idem Tullius de div. 17. Cyclopes Jovi fulmen fabricatos esse in Ætna putant. Videntur autem intelligere inter Æolias, seu Vulcanias Insulas, Ætnamque meatus esse pro-*



profundissimos, unde illæ ignes inter sese invicem  
cōmunicant; nam & Uulcanias etiam Specus ejus-  
dem Numinis domum appellant, ibique ipsius fuisse  
incudes affirmant. Famulis porro nomen *Brontes*,  
*Steropes*, ac *Pyracmon* ut Virgilius testatur (a)

(a)  
*Æneid: lib. 1*

*Insula Sicanium juxta latus Æoliæque*  
*Erigitur Liparen fumantibus ardua saxis,*  
*Quin subter specus, & Cyclopum exesa Ca-*  
*minis*

*Antra Etnæa sonant, validisque incudibus ictus*  
*Auditi, referunt gemitus, striduntque ca-*  
*vernæ,*

*Strictura Calybum, & fornacibus ignis anhelat*  
*Vulcani domus, & Vulcania nomina tellus.*

*Huc tunc ignis potens cælo descendit ab alto.*

*Terram exercebant vasto Cyclopes in antro*

*Brontesq: Steropesq: & nudus membra Pyracmon*

*Et alibi De Ætna singulatim (b)*

(b)  
*Georg: lib: 4*

*Ac veluti lentis Cyclopes fulmina massis,*

*Cum preparant, alii taurinis follibus auras*

*Accipiunt, redduntque, alii stridentia tingunt*

*Æra lacu, gemit impositis incudibus Ætna.*

*Statius quoque Silvar: lib: 3. & Theb. lib: 5.*

*Non tam grande sonat motis incudibus Ætna*

*Cum Brontes, Steropesque ferit . . .*

*..... Ignifera fessus respirat ab Ætna*

*Mulciber . . .*

*Prudentius & ipse*

*Nec non regnare caminis*

*Fertur & Æoliæ summus faber esse, vel Ætnæ.*

*Claudianus denique (c)*

(c)  
*De Imd: Honz*  
*Conf: 3.*

*Vobis jam Mulciber arma*

*Preparat, & Sicala Cyclops incude laborat.*

*Inde Jovis fulmina Propertio Eleg 17. lib. 3.*

*Ovidio de Arte amandi lib: 3 & fast: lib: 1. ac*

*Senecæ*



(a)  
De Rerum  
Inven:

Senecæ in *Hippol: Ætnæa* appellata; quibus con-  
sonans novissimè Sabellicus (a) merito cecinit.

(b)  
lib. i. rerum  
Sic:

*Cyclopes mediâ positis incudibus Ætnâ  
Humanum docuere genus sibi cudere ferrum.*

A Bronte, Sterope, ac Pyracmone tria in Sici-  
lia Opidula denominata testatur Maurolycus (b)  
quorum primum hodie, nec ignobile, sub Ætnæ jugo  
ad occidētem. Vulcano montē dicatum, vel, quod in-  
tra ejus viscera suam ille officinam locarit, vel  
quod ignes perpetuò halat & non raro foras eti-  
am eructet, celeberrimoque demum delubro, ac  
lucō consecratum ab antiquis abunde constat.

(c)  
lib. 2. apud  
Steph. Epitō.

Immo nonnullis, ac Pindaro cum primis Vul-  
canus *Ætneus* memoratur. Cæterum Ætnam  
dici a Nympha cognomine, Oceani filia, Vul-  
cani uxore, ex qua habuit hic Thaliā, Sile-  
nus vetustissimus Author literarum monumentis  
trahit (c) ut inde colligas non incongruè Vulca-  
ni domum Ætnæ montem appellari. Hinc illud  
etiam Euripidis (c)

*In Ætnæam Vulcani*

*Oppositam Phœnicia regionem*

*Siculorum Montium Matrem audior  
Prædicari.*

## IX

*Ætna, Thalia, Palici.*

(d)  
Statut lib. 5  
cap: 18.

**P** Alicorum fabulam Macrobius hoc pacto ex-  
pressit (d) *In Sicilia Symethus fluvius est;  
juxta hunc Nympha Thalia compressu Jovis gravida,  
metu Junonis optavit, ut sibi terra debisceret.  
Factum est; sed ubi venit tempus maturitatis in-  
fantum, quos alvo illa gestabat, reclusa terra  
est, & duo infantes de alvo Thaliæ progressi emer-  
serunt, appellatique sunt Palici; quoniam prius*  
in



in terram merſi denuo inde reverſi ſunt. Proſequitur de Lacu, & Templo, Araque Palicorum, de quibus ſuo loco dicendum. Servius Virgilii Interpres paullo diverſam refert (a) Palicorum, inquit, talis eſt fabula: Ætnam Nympham, vel ut quidam volunt, Thaliā Jupiter cum vitiaſſet, & feciſſet gravidā, timens Junonē, ipſam puellam terræ commendavit, & illic enixa eſt. Partus ejus, poſtea cum de terra erupiſſet, duo pueri Palici dicti ſunt, quaſi iterum venientes. Hi primo humanis hoſtiis placabantur, poſtea quibuſdam ſacris mitigati ſunt, & eorum immutata ſacrificia. Denique apud Stephani Epitomatozem hæc habes. Theophilus Descriptione Siciliæ lib. xi. Pulicinum, ait, eſſe fontem, ac prope eum Templum Palicorum, qui duo ſunt Genii, quos Æſchylus in Ætna Tragedia filios facit, Jovis, & Thaliæ Vulcani filiæ, Silenus vero lib. ii. Ætnæ Oceani filiæ, & Vulcani. Dictos autem Palicos, ajunt, quod cum mortui eſſent, ruruſ ad mortales redierint.

(a)  
In lib. 8.  
Æneid.

Sed & alii de Ætnæ origine aliter ſentiunt. Demetrius enim Calatianus (b) Briarei Gigantis prolem dicit; Alcimus Cælo, & Terra progenitam (c) voluit; Silenus denique ut vidimus Oceano natam, Thaliæ matrem effinxit. Noſtri veterem Inſcriptionem Phœniciis characteribus expreſſam proferunt, ubi Ætna cum Thalia confunditur, quæ latinæ reddita hæc habet: Ætna Thalia Celi, & Terræ filia Jovi Deorum Deo Palicos, & necem mihi peperit Dios, ac æternum igniſſuo Monti, & Urbi in littore nomen dedi. Non peritura his molibus condor. Molem porro ſepulchralem, cujus fit mentio in Egigraphe, prope ſummum Montis verticem pyramidis inſtar ſtetiſſe credunt, ejusque rudera eſſe lateritium

(b)  
de Rebus  
Siculis  
(c)  
de Aſia, &  
Europa



illud adhuc extans, vulgò Philosophi Turris appellatum, tradunt, à Cluverio Templi Vulcani fragmentum perperam creditum, ab aliis vero Empedoclis sepulchrum, unde illi nomen. Inscriptio hæc nescio, an jure a Gualtherio apochriphis accenseatur, de qua suo loco.

(a)  
Lib. II.  
cap. 10.

Palicorum allegoriam expendit ex Theodontio Boccacius (a) *Cur autem Jovis dicti sint filii Palici, & absorta sit mater; talem reddit rationem Theodontius: Dicit autem, non longe a Panormo (\*) non ignobilem fuisse scrobem, loco, ubi dicebatur Thalia, in qua omnis aqua, quæ a plaga illa montis Aetnæi ob imbrem cadebat, mergebatur; & quidquid tunc fuisset in cavernam dejectum non multo post in lacus, seu fontes Palicorum ebulientes videbatur emergi; per quod apparebat imbrem, quem Jovis, idest aeris opere natum volunt, eo in loco sub terras condi, & demum apud lacum Palicorum iterum nasci: & sic a Jove nati Palici.*

De Galathea Aci, & PolyPhemo, sequenti Heroum ævo, dicemus.

## CAPUT II

(\*) Videtur Opidulum intelligere quatuor passuum millibus Catana distitum, Galermus hodie appellatum, juxta quod Thalia scrobem statuit Blanditius in m. s. Opus de patria S. Agathæ. Extat autem ibi Templum dī Joanni sacrum, sub quo adhuc hodie videtur scrobs hæc vulgo a S. Joanne nuncupata.



## CAPUT II.

HEROVM ÆTAS,  
ERRORESQUE CATANÆ  
FINES SPECTANTES.

**S**EPTIMO, ac vicesimo Orbis conditi sæculo Heroum penes Græcos Ætatem statuit Vicus (a) decadem verò tertiam, ac duò priora decadis quartæ sæcula Ævo Heroico assignat Bianchini (b) ab anno scilicet mundi bis millesimo ad termillesimum biscentesimum. Quamvis enim Varro Mythicum id tempus dicat ab Ævo Deorum ad Olympiades elapsum, quòd historias ut plurimum Poetarum figmentis, fabulisque intermixtas complectatur, neutiquam tamen rerum eo decurrente gestarum veritatem in dubium revocat; quandoquidem vixisse per hæc tempora celeberrimos homines, quos Græci Heroas appellant, egregiisque facinoribus reliquos in magnam sui admirationem adduxisse nullus ignorat. Ægyptii vero, apud quos sexto, & vicesimo Mundi sæculo, juxta Vicum, Heroum viguit Ætas, post Orum scilicet Osiridis, et Ifidis, seu Cereris filium, qui ex Diis ultimus Regnum tenuit, suos induxere Pyromos, quos Author Barbaro-latinus apud Scaligerum (c) Semideos vocat. Hos post Deos regnasse refert etiam ex Manethone Bianchini, eamque nomenclaturam fuisse sortitos, quod medii inter humanam, divinamque naturam, & quam sepius altero Parente Deo, altero homine nati crederentur.

Ex his complures Siciliam nostram edidisse, atque ex aliis mundi partibus advectos excepisse

ex

(a)  
Tab. Chren :

(b)  
Univ: Hist :  
Dec : 3 .

(c)  
In Excerptis  
ex Iul. Ari.  
& Eusebio .



ex fabulis evidentissimè constat, & non obscure ex Historiis colligitur. Præ cæteris autem totius Insulæ, Catana, ejusque regio Heroum gestis fœcundior, cum ob ejus originis vetustatem, tum ob Ætnam Montem omni ævo celeberrimum, Poetisque memoratum.

## I.

## HERCULES

**F**ortium virorum, ac bellica virtute insignium imaginem, pene apud omnes, Herculem referre adeo certum est, ut suum habuisse quamlibet nationem, veluti exploratum inter Eruditos censeatur: cuique nempe, adhuc vel rudi populo nequitiam defuisse, qui morum præstantia, bellandi arte, rerumque agendarum prudentia inter cæteros emineret homines, ardua quæque pro Patria aggrediretur, atque amore gloriæ ultro sese periculis objiceret, Herculisque nomine indigitaretur. Hinc Varro ad quadraginta circiter enumerat Hercules, quorum celebrior Ægyptius. Hunc Græci suo more sibi vendicarunt, cum alio confundentes Alemenæ filio, ut Eusebius advertit (a) huic aliorum facinora, atque egregia gesta appingentes, duodecim exantlassent illum labores fabulantur; Tyrannos ubique gentium depressisse, humanas substulisse hostias, ac impia sacra, atque in Siciliam per fretum mirè delatum Insulam peragrassè universam affirmant. Fazellus Herculis miranda cum religionis, tum fortitudinis exempla recensens ex Diodoro hæc subdit: (b) *Hecules confecto Sicule collustrationis itinere, totaque sibi Insula subacta, Ætnæi ignis miracula demum cum inspexisset, trajector rursus euripo in Italiam est reversus.* Eadem habet Maurolycus (c)

Hercu-

(a)  
Præpa. Ez. ã.  
lib. 2: cap 1.

(b)  
Decad. lib 1  
cap 1.

(c)  
Sic: His:  
Comp. lib. 2.



*Hercules libera regione circa Drepanum accolis concessa, ad Ætnam processit. Hinc cum ea accepisset, quæ de Proserpinæ raptu indigene prædicabant, rem ibi divinum fecisse traditur. Quamvis autem Diodorus (a) tantummodo memoret: Herculem. Cereri, & Proserpinæ prope Syracusas, auditis, quæ de raptu Proserpinæ ferebantur, litasse, rursus Sacrificia in Ætna illum obtulisse, explorata res est. Ibi enim in Ciane fôte, veluti in loco, ubi Raptori ad inferna aditus patuit; hinc ubi Raptus evenerat, tedaſq: ad filiã quærendã Ceres accenderat, satis cōgruum Herculi visū præſens veluti numē venerari.*

*Jamvero ex ejusdem Herculis adventu in Leontinesium agrum, qui Catanensi dubioprocul conterminus, adstruunt nostri, lapides illum posuisse olim, atque aras hinc statuisse Catanenses cum Epigraphe; quod minime incongruum putaverim. Ea verò sit habebat: *Hercules non ultra ausus, hic stetit, & aras ejus imperii fines hoc Dearum monumento vallatos esse decrevimus. At cum Ætnam usque Herculem progressum, ad ignis miracula contemplanda, ex Fazello & Maurolyco habeamus, aliud fortasse Inscriptio exprimebat, meritoque illam rejicit Gualtherius.**

## II.

## ARISTÆUS.

**H**unc ex Apolline, & Cyrene Penei filium genitum tradit Diodorus (b) alii verò Deucalionis Filium appellant. Post multa autem præclarè gesta in Siciliam trajecisse, ibique aliquādiu commoratum, quum omni fructuum genere, armentisque Insulam refertissimam deprehenderet, singulorum usum incolas edocuisse authore est idem Diodorus: quo beneficio, subdit, *Siculi, & ii præ-*

(a)  
Biblio: lib. 5.  
cap: 2.

(b)  
Bibl: lib. 5.  
cap: 14.

Rivum, qui in ci-



(a)  
Aet: 5.

(b)  
De Inven.  
Rer. lib, 3.  
cap. 3.

(c).  
Decad 2.  
lib. 2. cap. 14

(d)  
lib: 13. in  
Di onys

*cipue, apud quos nascuntur oleæ, pro Deo, summo honore, coluerunt. Tullius in Verrem (a) Aristæus, inquit, qui, ut Græci ferunt, Liberi filius, inventor oleæ esse dicitur. Plinius Apis etiā et mellis usum, lactisque coagulum illum tradidisse scribit. Polidorus denique (b) Vitis apud Ætnam inventorem, ex Athenæo his omnino Verbis Aristæum prodit: at Athenæus ait apud Ætnam Montem Siciliæ vitem inventam, quod cum Orestæus Deucalionis filius eò regnatum venisset, ejus canis ramum forte evellit, quem ille defodi jusserrat, & inde vitium germina nata, quæ a nomine Canis Ænon appellavit.*

Illud hîc observa, apud Athenæum ex Natalis Comitæ interpretatione anno circiter MDLVI adornata, rem aliter enarrari. Notat hinc Carrera mendoso exemplari usum Comitæ, ac nedum in Ætnæ vocabulo, ut ait Fazellus (c) æquivocationem admisisse, sed in integra pene facti historia, ut Athenæi exemplaria a Comite edita, legentibus patet. Cæterum in ea a Polidoro probata incidisse putandum Silvagium, & Christopharum Ruffinum in Cron: tit: *Tempora ante Diluvium*, quibus se subscribunt laudatus Carrera, & Auctor Sicil. in prosp: Subdit Grossus ex Nonnio (d) perantiquo Scriptore. *Aristæum auxiliariis Sicularum copiis obsecundatum, Indos, in quos sub Aristæi ducatu Bacchus bellum transmiserat, facile debellasse. Quæ sanè Aristæum in Siciliam venisse certo certius evincunt. Quin immo Petrus Bembus in Dialogo de Ætna Poetarum figmenta explicans: ab universa, ait, Ætnæ fertilitate, ut opinor, fabula emanavit: Aristæum Giganta eo in monte ita salvum esse, atque vivere, ut neque ab Ætna prematur unquam, neque flammis cælestibus inuratur.* III



## III

SYMETHUS, ACIS, GALATHEA,  
POLYPHEMUS

**P** Ervetustum Siciliæ Regem Symethum Servius illud Maronis exponens: *Symethia circum flumina*, inducit: Symethus, scribens, *fluvius est Siciliæ a Rege Symetho dictus haud procul ab Urbe Catinesi*. Symetho filiam fuisse Symethidem tradunt, ex qua Faunus Acim suscepit. Hinc Heroem Symethium Acim appellat! Ovidius (a) Ejusdem cum Galathea Nympha amores satis sunt celebres; quos idem Poeta elegantissimè expressit, dum Galatheam Scyllæ alloquentem hoc pacto inducit.

(a)  
Metamorph.  
lib. 13

*Acis erat Fauno, Nymphaque Symetide cretus,  
Magna quidem patrisque sui, matrisque {vo-  
luptas;  
Nostra tamen major; nam me sibi junxerat uni,  
Pulcher, et octenis iterum natalibus actis  
Signarat teneras dubia lanugine malas.  
Hunc Ego, me Cyclops nullo cum fine petebat.  
Nec si quæsieris, odium Cyclopis, amorne  
Acidis in nobis fuerit prestantior, edam;  
Par utrumque fuit.*

Prosequitur amoris vim, et Polyphemi mores, questusque, ac promissa enarrare, concluditque de Cyclope loquens

*Talia nequidquam questus (nam cuncta videbā)  
Surgit, & ut Taurus Vaccā furibundus adempta  
Stare nequit, silvæque, & notis saltibus errat.  
Cum ferus ignaros, nec quidquam tale timentes*

Me



Me videt, aque Acim: Videoque exclamat, & ista  
 Ultima sit faciam Veneris concordia vestre.  
 Tantaque vox, quanta Cyclops iratus habere,  
 Debuit, illa fuit, clamore perhorruit Ætna  
 Ast ego vicino pavē facta sub æquore mergor.  
 Terga fugæ dederat conversa Symethius heros,  
 Et fer opem Galathea, precor, mihi, ferte  
 Parentes.

Dixerat, & vestris peritulum admittite  
 regnis.

Insequitur Cyclops, partemque a monte revulsā  
 Mittit, & extremus quamvis pervenit ad ipsū  
 Angulus e saxo, totum tamen obruit Acim.

Quomodo fuerit de inde in flumen sui nomi-  
 nis Acis conversus enarrans, subdit:

Puniceus de mole cruor manabat, et intra  
 Temporis exiguum rubor evanescere cepit;

Fitque color primo turbati fulminis imbre

Purgaturque morâ. Tum moles tacta dehiscit,

Vivæque per rimas, proceraque surgit Arundo;

Osque cavum saxi sonat exultantibus undis.

Miræque res subito media tenus extitit alvo

Incinctus juvenis, flexis nova cornua cannis,

Qui nisi, quod major, quod toto cæculus ore est,

Acis erat, & sic quoque; erat tamen Acis,

in amnem

Versus, & antiquum tenuerunt flumina nomen.

(a)  
 In Eclogas  
 G. Virgil.

Hæc Ovidius, eademque habet Servius (a)

Silius autem de Aci fluvio loquens scribit (b)

(b)  
 lib. 13.

Quique per Ætneos Acis petit equora fines;

Et dulci gratam Nereida perluit unda.

Æmulus ille tuo quondam Polypheme calori;

Dum fugit agrestem violenti pectoris iram,

In tenues liquefactus aquas evasit, & hostem

Et tibi Victricem Galathea immiscuit undam

Ga-



Galatheam Nerei & Doridis filiam a Polyphemo, qui Rex fuit Siciliæ, ut dicemus, adamatam refert Theocritus in Cyclope; ad cuius quidem amoris remedium & fistula, & musarum cantu usum fuisse Cyclopem, atque ex illa Galatum suscepisse testatur Bacchylides apud Comitem (a)

(a)  
Myth. lib. 9.  
cap. 8.

Appianus (b) Illyrici Provinciam describens: *Asserunt*, ait, *ejus Provinciæ cognomen ab Illyrio Polyphemo ortum habuisse; Polyphemo quippe Cyclopi ac Galathea Celtum & Illyrium, & Gallum filios extitisse, eosque ex Sicilia progressos Celtis, Illyricis, & Galatis, ab ipsis cognomen assumentibus, imperitasse.* Quibus verbis, an Illyrico an-

(b)  
De Bell:  
Illyrico

nuat Historicus Cyclopes Polyphemum, & Galatheam, ut novissimè scribit Ignatius Georgius (c) nemo non videt.

(c)  
Inspect. Crit.  
de S. Pauli  
Naufrag..  
descripti:

De Polyphemo fusius infra, ubi de Vlyssæ ejusque erroribus. Jamvero quod attinet, ad fabulæ significatum clarissimus Blanditius (d) de Ætnæ incendiis differens hæc habet: *Liquet fabulantibus Acim Pastorem a Polyphemo Ætnæis saxi oppressum, quod a Nympha Galathea sibi ille preferretur: Nucleum e putamine eruamus: Acis quidam fluvius erat ita dictus, ut ait Eustathius, quod celeriter flueret, quare a sagittaria cuspide nomen accepit; dumque per Ætnæos lacus in mare procurrentes, ad lacteum Galathea fontem dilaberetur, contigit; ut Ætnæus mons magnæ famæ, quod significat Polyphemi nomen, evomeret incendium, fluviumque Acis corripere, ac ita opprimeret, ut solum ejus rivulos, sub magnis rupibus scopulisque juxta mare exilire permiserit, & antiquum Acis retinere nomen, suumque incendium ab Ætnæo incendio perpetratum testari.*

(d)  
De Patria S.  
Agat. lib. 1.  
cap. 2.

Theodontius itidem apud Boccacium (e) Historiā

(e)  
Geonol. Deor:  
lib. 7. cap. 17



hanc latitare sub ea fictione asserens: Polyphe-  
 mum immanem fuisse Siciliæ Tyrannum, dicit, &  
 cum Galatheam singularis pulchritudinis puellam  
 amaret, eamque per vim obstuprasset, contigit, ut  
 adverteret hanc cum Aci Siculo adolescente mi-  
 sceri; quam ob causam indignatus juvenem jussit  
 occidi, & in fluvium deici, cujus nomen fluvio  
 postea datum ab incolis est; Galatheæ autem, amore  
 non permittente, nil egit.. Boccacius vero allego-  
 ricè rem sic exponit: Galathea Dea albedinis est,  
 per quam albedinem undarum sese frangentium  
 intelligo. Acin autē amat, idest fluvium suscipit, quia  
 flumina omnia in mare volvuntur. Extat hodie frequens  
 Opidum ejusdem nominis, ac non ignobiles  
 pagi, Arxque in abrupta undiq: rupe sita ab Aci eti-  
 am appellata, quorum veteres memorias nuper,  
 Sebastianus Vastacirellus eruditè vulgavit.

Circumfertur denique hæc Inscriptio a Gual-  
 therio inter Apocriphas, nescio, an jure, relata

(a)  
 Tab. Sicil.  
 num. 27.  
 Edit: mess.

(a) ab aliis vero velut legitima ac vera recognita.  
*Diæ Ongiæ, Saturniæ, Etnææ Deorum Matri, Filiæ,  
 Uxori in Portu Sepulchrum, Templum, et Arcem,  
 Acis Fauni filius, Pici Nepos, Saturni Pronepos,  
 Latini Frater.*

Ex qua Acidis Geonologia elucet, Satur-  
 num enim Picum genuisse, ex quo Faunus, Vir-  
 gilius testatur (b)

(b)  
 Æneid. lib. 7.

..... Fauno Picus Pater, isque Parentem  
 Te Saturne refert.

Ex Fauno porro et Nympha *Laurente Marica*  
 Latinus, ut idem Poeta refert; idcirco Acis ex  
 alia Uxore, Nympha scilicet *Symethide* Fauno na-  
 tus, Latini Frater. Hic in Italia regnavit; Acis  
 non immerito Siciliæ Rex a nonnullis dicitur,  
 a Polyphemo ob zelotypiam occisus. Eo mortuo  
 Gala-



Galatheam Polyphemus, et ipse Rex, duxit uxorem, ex qua Galatum, Celtum Illyrium, Hentumque filios suscepit, ut Bacchylides apud Comitem (a) refert, unde Galati, Celtæ, Illyrii, ac Veneti.

(a)  
Pcolp.  
lib.9. cap.8.

## IV CYCLOPES AC LÆSTRYGONES

**D**E his fortasse, velut de Primis Siciliæ incolis, Urbisque Catanæ fundatoribus primùm in hac Historia nobis erat loquendum; Verùm quum multa, quæ de Cyclopibus a Poetis finguntur, Vlyssis atque Æneæ errores attingant, huc opportunius illos rejecimus.

*Incoluerunt Siciliã ab initio inquit Thucydides (b) atque tenuerunt permultæ gentes, quarum feruntur antiquissimi in quadam duntaxat Insulæ parte habitantes, Cyclopes atque Læstrygones, quorum Ego neque genus, neque unde venerint, neque quò abierint, dicere habeo; sufficiat, quod a Poetis memoratum est, & apud se quisque de illis agnoscit. Verùm quod Thucydides sese in comperto non habere ingenuè profitetur, undenam scilicet Cyclopes atque Læstrygones ortum duxerint, nuperi Siculæ Historiæ Scriptores conjecturis agentes expiscare pertentant; quamvis, ut assolet in re incerta, in varias abeant opiniones. Complures enim cum Fazello Berosi Anniani libris innixi, ex Chamo Noe filio; alii, duce eruditissimo Valguarnerio, ex Elisi progenitos primos Siciliæ incolas vulgarunt, atque Æolicos seu Pelasgos appellantes, Cyclopum parentes habuerunt; Pelasgos etiam, sed ævi longe inferioris, qui ex a-*  
bun-

Bel. Pelopo.  
lib.6.



bundantia juventutis foris navigarunt, perque diversas Græciæ regiões, & extra Græciæ terminos Pelasgū nomē ubique gentium celeberrimum reddiderunt, primos Siciliæ incolas Carusius credit, ut alibi scripſiſſe memini, quorum filii Cyclopes ac Læstrygones a Poetis ſunt appellati.

An hi vero ſtaturâ nimis procerâ communem longe excedente, immanibusque viribus fuerint præditi eò majori contentione exagitur, quò penes Eruditos acris illa controverſia invaluit: an verè Gigantes olim in Orbe extiterint, quidve Gigantum nomine in ſacris Paginis veniat. Et ſane ſi Bolducum, qui totus fuit in extrudendis e terra Gigantibus in ſuo præclaro opere *de Eccleſia ante legem* (a) Theodorumque Richium audiamus, nimis credulitatis Fazelium, Valguarnerium, & Cluverium arguentem (b) Poetarum proſus figmenta Gigantes eſſe, Siculoſque Cyclopaſ dicemus, eos verò, quos Scriptura Divina Gigantes appellat, homines fortitudine inſignes, atque a ſæculo potentes referre putabimus. Aſt communi Scriptorum ſenſui adhærentes, et olim ante Diluvium, et poſt ipſum homines magnitudinē corporis, cæteris longe præſtantes terram protuliſſe propugnando, veteres, ac recentiores Siciliæ Hiſtoricos minime allucinatos, creduloſque credemus, Cyclopaſque inſulæ noſtræ incolas per antiquos fuiſſe nullimode in dubium revocabimus.

Non inficior, fabulam omnino ſapere, quod fuerint monoculi, ſeu quod unum in fronte oculum habuerint, homines, hoſpitesque vel maxime voraverint; ſedenim quid hiſce voluerint figmentis Poetæ innuere, inferius videbimus de Polyphemo Cyclopum Principe loquentes; interim

(a)  
lib. 2. cap. 7.  
8. et 9:

(b)  
Orat. de  
Gigantibus



rim in quadam insulæ parte sedem statuisse Cyclo-  
pas, atque Læstrygonas, vel ipso Thucydide  
teste, evidentissime constat, quamvis per uni-  
versam regionem etiam sese effudisse tractu tem-  
poris non negaverim. At qualis hæc specialis  
eorum sedes? Veteres si consulimus, Ætnæ mon-  
tem fuisse dubioprocul inveniemus, ac Leonti-  
norum agrum. Ætna inquit Mela *Cyclo-  
pas tulit.*

(a) Et Eustathius in *Odyssæam* Homeri lib: ix  
Ajunt autem Veteres Cyclo-  
pas ac Læstrygonas in  
Leontino agro, atque Ætna, ut Æolus principa-  
tum obtinuit in Liparæis Insulis. Hinc Strabo de  
Homero poesi loquens: *principia suæ Poeseos*, scribit,

(a)  
lib: 2. cap: 5.

(b) ex *Historia* sumit, cum affirmat Æolū Insulis Liparæ  
adjacentibus imperasse, ac circa Ætnam Cyclo-  
pas incoluisse. Ubi Historicus affirmare videtur, fig-  
mentum prorsus non esse, quod Homerus tradit  
de Cyclo-  
pum in Ætna monte incolatu. Euri-  
pides etiam

(b)  
de situ Orbis  
lib. 1.

*Quæ est hæc Terra, et quinam eam habitant.* (c)

(c)  
in Cyclope

*Ætnæus est tumulus, Siciliæ altissimus:*

*Cyclopes antra habentes, tecta domorum.*

Virgilius *Ætnæos fratres* eosdem appellat *Ænei-*  
dum lib. 3. Ovidius Polyphemum loquentem in-  
ducens (d)

(d)  
Metam. lib. 3.

*Sunt mihi pars montis, vivo pendentia saxo*

*Antra, quibus nec sol medio sentitur in æstu.*

Et Tibullus Neptuni filium eundem Polyphemum  
appellans (e) ait.

(e)  
lib. 4. eleg. 1.

*Cessit & Ætnææ Neptunius incola rupis.*

Ejusdem mentis fuere Valerius Flaccus, Statius,  
Plinius, Vibius, aliique, quorum, quum opportuni-  
tas sese offeret, sententias expendam. Hinc Bi-  
sciola (f) *Cyclopes Siciliæ populos, ad Ætnam*

(f)  
tom. 1. Hor.  
subcis: lib. 7.  
cap. 11.

*montem Virgilius, Naso, Valerius Flaccus, Strabo, Pli-*

T

nus,



nus, innumerabilesque alii literarum monumentis tradiderunt; quamobrem Ætnæi, Siculique dicuntur

Hisce adactus testimoniis Philippus Cluverius qui apud Erycem, ac prope Drepanum Polyphemi sedem statuit, non inficiatur, Ætnam quoque tulisse Cyclopas, seu Gigantes Ætnæ incolas Cyclopas etiam fuisse appellatos, ut Læstrygones agri Leontinensis cultores, Lotophagi Camarinenses a nonnullis sunt dicti; quamvis non nisi ob vitæ, morumque similitudinem Leontinenses, Ætnæique Gigantes id nomen fuerint fortiti, ac alii omnino ab Homericis sint dicendi; sed enim peculiari examine hæc digna censentur, nec cursim pertractanda. Subdam: ab Hesiodo Cyclopas Cæli & Terræ Filios appellari in Theogonia.

*Hæc eadam peperit Cyclopes deinde superbos,  
Argen magnanimum pariter Brontem,  
(Steropemque,  
Qui fulmen, tonitrumque Jovi, gravia arma  
(parabant.*

*Cetera dissimiles fuerant, sed fronte rotundum  
Lumen gestabant mediâ: hinc sunt nomen adepti.*

## V. PORTUS ULYSSIS SUB ÆTNA.

**P**ostquam Siciliæ Cultores, ex vetustissimis Scriptoribus, Cyclopas fuisse, multis laudatus Cluverius <sup>(a)</sup> demonstrasset, de Læstrygonibus differens eos nedum e Leontinensibus agris, sed e Sicilia etiam ablegavit, atque in Formiano Litore, haud procul a Circæo monte in Italia ex Homeri, ut ait, mente constituit. Cyclopas mox omne fere Orientale Insulæ latus ad Pachynum usque

<sup>(a)</sup>  
Sic: Ant:  
lib.2.cap.17.



usque Promontorium, sive ad Camarinensium fines tenuisse, veterum autoritate adactus firmans, universam insulam genus tulisse quondam Gigantum, qui in diversos populos sive familiarum corpora fuere divisi, ex quibus memorantur Cyclopes ac Phæaces, ultro ex illorum ossibus ubique per Siciliam repertis asseruit. Verum non ad Ætnam, Leontinosque, sed ad Drepanum, atque Erycem Ulyssæ, ejusdem enarrans iter, appulsum conatur ostendere; hinc Polyphemum e nostris protrudens finibus in Erycinis statuit hæc scribens. *Illi Poetæ idest Homeri Interpretes licet antiquissimi, imensum errarunt, qui Ulyssæm e Lotophagorum terra navigantem ad Ætnam motem appulisse tradiderunt. Primum enim non observarunt, quod Poeta quoties Ulyssæm suum tranquillo mari, et procul tempestatum abreptionibus facit navigantem, ut e Lotophagorum terra in Caprarum insulam, hinc in Æoliam, inde ad Læstrygonas, ac tandem ad Circen ubique utitur illis verbis hinc ultra, sive prorsus navigavimus. Illi enim sive in Meninge insula, sive in Agrigentino agro, seu denique in Camarinensi circa Pachynum ponant Lotophagos, tamen hinc non prorsus, sed retrorsus ad Ætnam, atque hinc rursus retro circum Pachynum, & majorem insulæ partem ad Æolias insulas deducunt, quod plane ab Homeri mente abhorret. Secundo non observarunt ante Ætnæ littora, imo ante hoc omne Orientale latus insulam ejusmodi esse nullam, qualem Caprariam insulam Poeta describit. Quibus sane argumentis rem cōfecisse sibi persuasit eruditissimus Author, pergitque Hesiodum refellere, qui primus Ulyssæm ad Ætnam deduxit, atque ad Ortygiam Cyclopes locavit.*



Sed ut Hesiodum jure erroris arquit Ortygi-  
am insulam pro Capraria, Cyclopesque Syracusani  
agri incolas obtrudentem, ita et immerito Ulyf-  
sem Ætænis oris exturbare contendit. Quan-  
doquidem Homerus e Malea Pelopōnensi pro-  
montorio in Lotophagorum terram seu Meningem  
insulam, aut Camarinensem in Sicilia agrum,  
prope Pachynum vi tempestatis abreptum Ulyf-  
sem suum describens, ut recto in Italiam, ad quam  
ille tendebat, cursu eundem deduceret, non ad  
Erycem, portumque Drepanitanum, atque inde  
ad Æolias, & ex Æolicis rursus in patriæ con-  
spectū tranquillo mari pervectum promeret; Hinc  
enim non *prorsus, sed retrosus* Italiam versus Ulyf-  
ses tenderet, *quod ab Homeri mente abhorreret*. Con-  
tra eunti a Meninge, aut Pachyno in Itacam,  
quæ Cephaloniæ proxima Jonio Mari ablu-  
itur, in Ætæniensi littore statio omnino congruit.  
Iter igitur per Æolias a Meninge in Itacam  
naviganti omnino impervium. Non sum equidem  
nescius plerosque ex Ætæna per fretum Mamerti-  
num ad Æoliam Ulyfsem deducendo ab hac Clu-  
verii difficultate sese expedire; sed forte bis fre-  
tum trajecisse quispiam negabit, atque in eum-  
dem scopulum impingamus oportet; quippe in  
Itacam tranquillo mari enavigans in Æoli Insulas  
nullimode incurrit, ut sæpius dictum. Homerus  
itaque falsa veris intermiscens, quod Strabo ob-  
servat, ut celebri illi fabulæ de Ventis in utre  
conclusis, quo Ulyfsem ab Æolo donatum con-  
finxit, locum daret, ad Æolias illum ex Ætæna  
advectum vulgavit.

Jam vero, ut ad aliud Cluverii argumentum  
convellendum accedam, illud primū mirari fu-  
bit: Oculatissimum alioqui Scriptorem non ad-  
verti-



vertisse, subjectum Ætnæ littus, ex ejusdem montis incendiis innumeras, ut sic dicamus, quotidie facies induere, quodque arenosum olim tutam prebebat stationem, mox scopulis inaccessum, nautas incertos reddere, an illud idem, an aliud sit, quod olim, quod hodie eorum oculis objicitur. Sane Cluverio eidem Sinus Catanensis orientalis plaga longe alia sese spectandam preberet, ac dudum Sæculi exacti initio, coram ipse eandem prospexerat; Ursinamque arcem, quam proximi maris undis ablutam vidit, arentibus nunc lapidibus obrutam vix agnosceret. Eadem igitur facilitate ante Ætnæ littora, immo ante omne orientale Siciliæ latus insulam extitisse nullam concludit, quod nulla hodie appareat, qua quisque affirmaret, Urbem Catanam scopulis undique nigrisque lapidibus a meridie olim fuisse valatam, quod nostris hisce diebus ex novissima ignium Ætnæorum incursione ab anno MDCLXIX talis sese omnino prodatur.

Sed Portum, ac tutissimum Ætnæam oram habuisse, nedum Virgilius, ac Plinius affirmant ab Ulyssæ nuncupatum, sed Siculi etiam Annales, ac publica documenta, Fazellus, Bembusque, nuperi Scriptores tradunt, Montisque incendiis vastatum testantur. Dignus præ aliis Petrus Bembus externus homo testisque oculatus videtur, cujus hæc verba repetamus ab ipsomet Cluverio relata; (a) de profluviiis enim igneis loquens in suo dialogo de Ætna hæc ait: *Inter maxima profluvia, longe memorabile illud est, quod paulo ante nostram ætatem usque intra Catanam excurrens non parvam Urbis partem incendio depopulavit, quin etiam portum eum, de quo Virgilius Portus ab accessu ventorum immotus, & ingens*

(a)  
lib. p. cap. 9.



(a)  
lib. 2. decad. p.  
cap. 4.

*Ipse sed horrificis juxta tonat Ætna ruinis  
ita implevere fluenta Ætnæa, ut jam errasse Vir-  
gilium putes, quod portum ibi esse ingentem dixe-  
rit, qui pene nullus sit. Similia prorsus habet  
Fazellus (a) Portus securitatem parva insula,  
quæ ejusdem ori obtendebatur, augebat. Hanc  
eamdem esse, de qua Poeta loquitur, nostri mor-  
dicus substinent; illius enim ambitus bis mille  
passus vix excedens Homeri verbis congruit,  
qui parvam seu brevem appellavit; Situs nec  
longe, nec prope Cyclopum terras, eam esse  
evincit, unde eorumdem murmur, ac fumus,  
ovium caprarumque voces possent peraudiri.  
Capras habuisse silvestres, arboribusque fuisse il-  
lam undique refertam subdit Homerus, quæ  
etiam optimè possunt nostræ insulæ aptari.  
Quæ sane omnia Egusæ Insulæ, sive Caprariæ  
ante Erycem montem, ac Drepani portum mini-  
me congruunt, ut meritò contendit Carrera.  
Hæc enim xviii. millibus circiter per circuitum  
absolvitur, ac per decem passus millia a conti-  
nenti dissidens silvis atque arboribus caret; hinc  
exiguam Homerus impropriè appellaret, quodque  
ex ea murmur, vocesque audiri in opposita ora  
a quoquam possent, incongruè nimis diceretur.  
Fateor, nec omnia prorsus ab Homero me-  
morata, posse etiam nostræ Insulæ congruere;  
verùm quis prohibet, quin figuris nonnulla am-  
plificando, usum fuisse Poetam dicamus? Eusta-  
thius ejusdem perantiquus Commentator de  
Æolicis loquens Insulis tradit: *Homerum unius  
tantum meminisse insulæ, quam quidam extra loca  
nobis cognita a Poeta fictam esse volunt, quem-  
admodum, & Phæacum insulam, & Calypsus, item  
Lotophagos, & Cyclopas. Ut igitur potuit hæc*  
juxta*



juxta Eustathium effingere, cur non & Insulam Cyclopum terris objectam modo poetico describere, & eique nonnulla verosimilia appingere? Cæterum Homeri Interpretes, aliosque, Ulyssis errores ex Homeri mente describentes, non adeo Geographiæ expertes putaverim, ut crasso errore Cyclopum sedes in Ætnæ littore locare maluerint; quum terris hisce aliunde neutiquam illa congruere adverterent, quæ Homerus enumerat. Quum igitur consensu veluti unanimi id omnes statuunt, paucis exceptis, qui neque ex nomine laudantur, ut ipse fatetur Cluverius; ne tot tantosque viros in re non parvi momenti in errorem prolapsos dicamus, fatendum, Ætensem portum adjacentem habuisse insulam, quod suum deducit Ulysses Homerus.

Hic a congerendis Interpretum Scriptorumve autoritatibus, quas passim apud Cluverium habes, consultò abstineo; nonnullas enim de Ulyssæ atque Ænea verba facturis expendam. Illud subjiciam: Cyclopum sedes a Vibio Sequestro non incongrue prope Acim fluvium statui (a) *Acis ex Ætna in mare decurrit, ex cujus ripis saxa in Ulysses Polyphemus egisse dicitur*. Neque idcirco in sinistro Ætnæ Promotorii, quod Xiphonium dicunt, latere Portus locandus, ut male Cluverius colligit; Scopuli enim, quos in Ulysses adnavigantem Cyclops intorsit, medii inter Acim, & Portum siti, clarè indicant Ulysses fuga elapsum ad suos in insulam revertendo, solvisse quidem ex Acis ripis, appulisse autem ad dexterum promontorii latus viginti ferme stadiis ab Catana distitum, ubi portum, & insulam nostri collocant, ab Ulyssæ appellatos. Hæc porro Plinii verbis prorsus cohærent, qui

(a)  
In Catalogo  
fluminum

lib.



lib. 18. cap. viii. scribit. *Flumen Asines, Mons Aetna, Scopuli tres Cyclopum, Portus Ulyssis, Catania Colonia.* Cyclopum mores inferius ex Homero delineabimus.

## VI. ULYSSES AD ÆTNAM APPULSUS.

**I**lium a Græcis duce Menelao post decennale bellum flammis consumptum vetustissimo Poetarum Homero authore, qui inter Ethnicos meritò primus censetur Scriptor, jam inde ab annis ferme bismille quingentis Orbis accepit universus. At ex recentioribus complures Homeri Iliadem, atque Odysseam, quibus Trojæ excidium, erroresq: Græcorum describuntur, poeticum prorsus existimant figmentum; nullibi Trojam extitisse, nusquam a Græcis bellum fuisse Dardanis illatum. Hinc Iliade, ubi Achillis fortitudinem, atque insignem animi vigorem Homerus extollit, cujusque laudi ac gloriæ velificatur, non nisi hominis bellandi virtute præditi imaginem effingere. Odyssea verò virum a prudentia, consilio, atque intellectus acumine commendatum sub Ulyssis charactere exprimere Poetam opinantur. Homerum alii omnino negant, paucisque ab hinc annis Joannes Baptista Vicus verum detexisse Homerum in suo de Principiis novæ scientiæ eruditissimo Opusculo (a) multis ostendit, ex variis nempe a Cyclicis Poetis vario tempore vulgatis, inque unum corpus collectis carminibus cum Iliadem, tum Odysseam coaluisse concludens; Herodotum consequenter, Plutarchum, Svidam, Politianum, Camerarium, aliosque sexcentos, qui Homeri vitam literis commendarunt, deceptos; Ditem Cretensem Phrygiumq: Daretem, qui Trojani excidii historiam

(a)  
lib. 3. per totū

con-



## HEROUM ÆTAS

101

conscribere Apochriphis accensendos colligit.

Non desunt denique, qui Trojæ bellum extitisse quidem, sed re infecta Græcos ad propria remeasse contendunt (a) Verum quidquid rigidi aliquot sentiant Critici recentiores, convenit inter Scriptores pene omnes præsertim veteres decennale ad Ilium bellum Græcos aliquando commisisse, ac post Urbis excidium circa Siciliam, atque Italiam illorum aliquot errasse. Non inficior quidem Erathostenem, eiusque sectatorem Apollodorum, ac Philostratum: An Ulysses, et ubi erraverit, in dubium olim revocasse; sed satis longa, docta, exquesitaque Poetam disputatione Strabo vindicavit (b) atque argumenta, quibus contra Homerum Erathostenes usus est, complura confutavit, illud præcipuè ex Polybio repetens: *Omnia nempe confingere neque consentaneum esse, neque Homericum.*

(a)  
Bianchinius  
Hist. univ.  
cap. 29.

(b)  
lib. 2. de  
situ Orbis

Utquumque sit, Homerus libro ix. Odyssææ Ulysses introducens apud Alcinoem in Phæacum insula errores suos enarrantem, exponit, ut ab Ilio profectus primum ad Cicones delatus sit, utque illinc, expugnata Ismaro Civitate, multisque amissis sociis, fugatus abscefferit, atque Maleam Laconiae promontorium circum legerit, ac ad Lotophagos deinde dira tempestate jactatus venerit; unde ad Cycloperum insulam navigavit, atque ad dexterum Ætnæi sive Xiphonii promontorii latus adpulit, ubi hodie commoda satis Nautarum statio, ab *Ongia* appellata; olim vero Portus, & insula extabant. Hinc Tibullus (c) Ulyssis errores per compendium describens ait:

(c)  
lib. 4. carm. 1.

*Ille per ignotas audax erraverit urbes,  
Quæ Maris extremis tellus includitur undis;  
Nam Ciconumque manus adversis repulit armis;*

X

Non



Non valuit Cyclops ceptos auertere cursus;  
 Cessit & Ætnæ Neptunius incolâ rupis,  
 Victa Maronæo sedatus lumine Baccho.  
 Euripides vero in fabula, quæ Cyclops, inscribitur:  
 Jam prope Maleam navigantes  
 Subsolanus ventus adspirans ad navim  
 Impulit, nos ad hanc Ætnæam rupem.  
 Ubi Monoculi filii marini Deum, silumque ob  
 Cyclopes habitant antra vastâ homicide;  
 Stâtus quoque in Tebaïd: (a)  
 Quale vaporifera saxum Polyphemus, ab Ætna  
 Lucis egente manu tamen in vestigia puppis  
 Auditæ, juxtaque inimicum exegit Ulysses.  
 Virgilius Achamenidem unum ex Ulyssis sociis ad  
 Ætnam montē a fugientibus relictum Ænæ in nâ-  
 vi stanti c. littore adloquentem inducens (b) ait.  
 Nam qualis quantusque cavo Polyphemus in atro  
 Lanigeras claudit pecudes, atque ubera pressat.  
 Centum alii curvas hæc habitant ad littora  
 Infandi Cyclopes, et altis montibus errant.  
 Et paulo post  
 At genus e sylvis Cyclopum, & montibus altis  
 Excitum ruit ad portus & littora complent.  
 Cernimus adstantes nec quid quam lumine torvo  
 Ætnæos fratres cælo capita alta ferentes.  
 Strabo denique (c) Accepit ergo Homerus principia  
 suæ poeseos ex historia, nam & Æolum Liparæis  
 insulis imperasse, atque loca circa Ætnam,  
 & Leontinum agrum tenuisse Cyclopas, & Læstry-  
 gonas homines inhospitales tradit. Sed hæc fu-  
 fiori calamo alibi enarrata. Effingit autem lauda-  
 tus Euripides ante Ulysses in eandem Siciliæ o-  
 râm vi tempestatis adactum Silenum quemdam,  
 quum ex Illo redux in patriam navigaret, ap-  
 pulisse

(a)  
lib. 6.

(b)  
Æneid. lib. 2.

(c)  
Desitu Orbis  
lib. 1.



pulisse, captivumque Polyphemi servitio deputatum, huiusmodi colloquium cum eodem Ulyssæ ad littus appellente instituisse.

*Ulys.* Quæ est hæc terra, & quinam eam habitant?

*Sil.* Ætneus est tumulus Siciliæ altissimus.

*Ulys.* Mænia verò ubi sunt, & Urbis turre?

*Sil.* Nullæ sūt; tūuli isti sine hominibus sunt, hospes.

*Ulys.* Quinam verò hanc habitant terram? Est ne aliquid genus ferarum?

*Sil.* Cyclopēs antra habentes, non tecta domorum.

*Ulys.* Cui parent? An popolare est imperium?

*Sil.* Vagi sunt Pastores; nec ullus ulla in re (alteri paret.

*Ulys.* Seminant ne spicas Cereris? aut unde vivunt?

*Sil.* Lacte, et caseis, et pecudum esu.

*Ulys.* Bacchi ne potum habent ex fluxu vitis?

*Sil.* Minime: ingrata enim ei habitant terram.

*Ulys.* Sunt ne hospitales, ac pii in hospites?

*Sil.* Dulcissimas; dicunt, carnes hospites ferre.

*Ulys.* Quid ais? delectantur ne voratione cæso-  
rum hominum?

*Sil.* Nemo venit huc, qui non interfectus sit.

Eosdem omnino attribuit mores Cyclopibus Homeris, sed de soli feracitate aliter sensit. En ejus ex ore Ulyssis verba:

*Cyclopum autem ad terram superborum ex legum*

*Venimus, qui sanè Diis freti immortalibus,*

*Neque plantant manibus plantam, neque arant;*

*Sed hæc infeminata, & inarata omnia proveniunt;*

*Triticum, & Ordeum, atque vites, quæ quidem ferunt*

*Vinum ex magnis uvis; & ipsis Jovis imber in-*

*crementum dat.*

*His verò neque conciones consiliarie sunt, ne-*

*(quæ jura,*

*Sed ipsi celsorum montium inhabitant cacumina;*



*In speluncis cavis; Fus autem dat unusquisque  
Liberis, atque uxoribus, neque se invicem curāt;  
Insula deinde brevis a portu obtenditur.*

*Terræ Cyclopum non prope, neque remota;*

*In quam trāsmittere Cyclopibus neutiquam datum,  
subdit, non enim Cyclopibus naves adsunt, neque viri  
insunt navium fabri.*

Prosequitur deinde enarrationem suam Vlysses, memoratque, quomodo Deo duce insulam tenuit, collectisque velis, cum sociis egressus, somno in maris littore indulgens auroram expectavit. Qua apparente, per insulam obambulans, capras silvestres, quibus insula scatebat, infectatus, decentemque fortitus venationem prædam singulis navibus attribuit, relictisque viribus integram ibi consumpsit diem. Mane altero concione habita, exploraturus homines, quinam essent, cum sua navi transmittens in propinquam pervenit oram; ubi in extrema parte speluncam vidit excelsam, laurisque densam, ac multa in ea pecora, ovesque, et capras quiescentes; juxta autem aula ædificata erat sublimis excisis lapidibus, longisque pinis et quercubus intexta. Hanc vir habitabat ingens, monstrum fane horrendum cacumini silvoso excelsorum montium similis. Porro eligens socios duodecim optimos, alius, ut navem custodirent, relictis, utremque caprinum nigri vini suavissimi, quod a Marone Evanthis filio Apollinis Sacerdote acceperat, secum deferens, antrum adiit, ut a viro hospitalia acciperet. Cyclops autem pascendis gregibus vacabat; tum igne accenso Vlysses, et caseos sumens comedit, expectavitque redeuntem.

Ferebat ille ingens pondus ligni aridi ad opus cœnæ, quod ante antrū dejiciens strepitum edidit adeo

in-



ingentē, ut perterriti hospites in antri recessum repente sese proriperent. Actis interim in latā speluncam pecoribus, ingentique saxo ejusdem aditu occluso, oves caprasque Cyclops mulsit, lactisque dimidium coagulans, textilibus in calathis constructum reposuit, reliquum verò in vasis constituit, ut ei ad cœnam sufficeret; Expeditis operibus, igneque accenso, ut hospites aspexit, quinam essēt, & unde navigarēt interrogavit; cui quū Ulysses se Grecoſ esse a Troja aberrantes, ac milites Agamēnonis respondisset, atque hospitale munus supplex per Jovem *Xenium*, qui Deus est hospitum, ac tutelarioris, postulasset; *Stultus es*, reposuit sævo animo Cyclops, *o Hospes, qui me Deos jubes sive timere, sive observare; non enim Cyclopes Jovem a capra nutritum curant*. Moxque de navi, an alicubi in extremis locis, an prope esset, subdolè interrogavit; cui dolosis etiam verbis usus Ulysses: *Fregit Neptunus*, ait, *terræ quassator ad scopulos conjectans*. Quibus auditis, irruens ille duos ex sociis correptos, quemadmodum catulos ad terram allisit, ac membratim refecans cœnam apparavit, impletoque ventre jacuit inter pecora extensus.

Tunc propius accedens Ulysses, atque acutū stringens gladium vulnerare ad pectus dormientem cogitabat; saniori tamen consilio abstinuit, dolisque rem tentare, quàm vi aperta constituit; non enim ab janua excelsa, Polyphemo interfecto, grave saxum manibus movere potuisset, sævaque morte ibi conclusus cum sociis perire oportebat. Auroram igitur expectavit, qua apparente, duos alios ex suis a barbaro homine occisos indoluit, quos ille pro jentaculo sibi apposuit, actisque ex antro pecoribus, ut ad pascua educeret, ingentem lapidem leviter dimotum, rursus, ne præda eflugeret, ostio admovit.



Interea mala profundè cogitans Ulysses, si quo pacto ulcisci posset, voto Palladi nuncupato, Cyclo-  
pis ingentem clavam, quam ex olea exciderat, ut  
ferret arefactam, corripuens, ope suorum, quan-  
tum ulna est, ex ea exsecuit, frustumque politum  
ac levigatum circa summitatem acuit, abscondens-  
que sub stercore, quod per speluncam fustum erat  
multum, socios elegit quatuor ad opus, quibuscum  
consilium suum communicavit. Jam vero vesper-  
tinus quum rediret Cyclops, ac pecora omnia in-  
tra profundam conclusisset cavam, repaculo admo-  
to, denuo duos hospites corripuens cœnam ex il-  
lorum carnibus instruxit. Tum Ulysses nigri vini  
poculum offerens: *Cyclops accipe, ait, bibe vinum,*  
*postquam comedisti humanas carnes.* Quo hausto: *da*  
*mibi adhuc benignus, ait ille, & tuum nomen aperi, ut*  
*hospitale tibi munus præbeam.* Quumque rursus ac  
tertio propinasset; Cyclops, subdit Ulysses, *inter-*  
*rogas me nomen inclytum. Utis mihi nomen est; Utim*  
*autem me vocant Pater, & Mater, omnesque alii so-*  
*cii.* (Utis idem Latinè sonat ac nullus.) At ille:  
*Utim ego extremum comedam post suos socios; hoc ti-*  
*bi hospitale munus erit.* Dixit, & recumbens ceci-  
dit supinus. Tum Ulysses vectem jam ante le-  
vigatum, sub cinere demisit multo, ut calefieret,  
verbisque ac nutis socios confirmans, ut canden-  
tem oculo Cyclopi infigerent, iussit, ipseque in-  
ferne innixus versavit, veluti quis terebrat vir na-  
vale lignum.

Expergefactus ille horrendè ejulavit, inso-  
nuitque antrum, ac vectem eximens infixum,  
multoque sanguine aspersum, Cyclopas socios al-  
tè vocavit. Hi circa ipsum habitabant in spelun-  
cis, accurrentesque ad antri ostium interrogabant:  
quid-



quidnam ipsum affligeret; quos alloquutus Polyphemus: *Amici*, ait, *Uti me dolo interficit*. Illi vero respondentes: *Volatilia verba*, dixerunt: *Quod si certe jam quis tibi vim infert, cum solus sis, nullo modo licet Jovis magni effugere plagam*. Hisque prolatis, *Uti* vocabulo, quod, ut innui, *Nullus* sonat, decepti, abierunt, risitque Vlysses, quod eo nomine Cyclopem, ipse vero etiam et suos elusisset. Hic porro magna voce ingemiscens, ac dolens, manibus palpat, ut aliquem præhenderet, amotoque ab ostio lapide ad januam sedit, si aliquem fortassis inter oves foras exeuntem caperet. Tum quid facto optimum esset deliberans Græcus hospes, ut mortem evaderet, colligatis ovibus pinguioribus ternis ac ternis, sub ipsis singulos abscondit; Ipse tergum arietis omnium optimi arripiens villosum, sub ventrem dilapsus pendeat, ac mane facto inter pecora immixtus ex antro profuit, cursuque propero, ad navem secum non parvam ovium manum deferens festinavit. Hinc, quando tantum aberat, quantum utique audiri posset, Cyclopem conviciis appetens: *Cyclops*, clamabat, *imbellis viri socios mandere in spelunca haud debebas. Te sane invadere mala facta congruum, justumque erat. Infelix, quoniam hospites non verebaris, tua in domo absumere, te Jupiter ultus est*. Sic dicebat; ille autem ira percitus, verticem magni montis abruptens misit, dejecitque ante navem, ut parum abfuerit, quin perirent, istumque geminavit.

Verum Ulysses ab exprobanda feri hominis immanitate nequicquam se compescens, e navi, elata adhuc voce, agebat: *Cyclops*, *si quis te inter mortales homines oculi interrogaverit indecentem cecitatem dic: Ulysses Urbium eversores evulsi*. Quibus auditis ejulans ille respondit. *Papè, quam*  
sci-



*scilicet mihi prisca vaticinia accidunt. Erat quidam hic vates vir bonus, magnusque Telemus Eurymedes, qui vaticiniis superabat, & vaticinans consenuit inter Cyclopas; qui mihi dicebat, ex manibus Ulyssis privatum iri visu. sed quemdam semper virum ingentem & pulchrum existimabam huc venturum esse, magna præditum virtute; nunc autem me parvus, & imbellis oculo privavit, postquam domuit vino. Sed agè huc veni Ulysses, ut tibi hospitalia præbeam, deductionemque solicitem dare inclytum Neptunum. Hujus ego sum filius, Pater autem meus gloriatur esse. Quumque Ulysses ipsum increpans alloqueretur: Utinam verò anima, & vita spoliatum te potuissem intra Plutonis domum mittere! Continuo ille Neptuno Regi supplicans, manusque in Cælum extendens: Audi Neptune, ait, terram concutiens nigra cesariè, si utique tuus sum, Pater autem meus gloriaris esse, da, ut Ulysses in patriam non veniat. At si illi fatale est, amicos videre, & pervenire domum, suamque in patriam, terram, sero malè veniat, postquam perdiderit omnes suos; nave in aliena, inveniaturque detrimentum domi. Ulysses interim elapsus in parvam insulā pervenit, ubi aliæ naves stabant, lugentesque socii illum expectantes sedebant. Ut littus tenuit, deducta ex navi Cyclopis pecora aliis divisit, Arietem vero, cujus opce evaserat ex antro, Jovi maximo eodem in loco immolavit, atque altero sole conscensis navibus, corde tristatus, quod socios amisit, lætus, quod mortem evaserit, in Æolias aut per fretum, ut non pauci sentiunt, aut per Pachynum, & Lilybæum promontotium navigavit. Hæc ipsis ferme Homeri verbis referre placuit; cæterum complura omnino conficta, nonnulla vero similia putaverim. Quæ uti vera vulgantur*



gantur, Servius antiquissimus Virgilii Interpres et Joannes Tzetzes literis tradiderunt; Polyphemum scilicet Siciliae imperasse, ac circa Ætnam sedem statuisset, quumque eximia prudentia polleret, atque omnia sollicitè providendo solerter ageret, oculum veluti in fronte illum habere Poetæ effinxerunt; cujus etiam ingentem in sibi subditos auctoritatem, potentiâque in prægrandi statura adumbratam voluere. Huic prudentior Ulysses, quum in Siciliae oram ex Ilio redux appelleret, dona detulit, quibus ejus imitem in hospites animum compescuit, dolisque, & artibus illius oculatam vicit prudentiam, atque incolumis cum suis evasit.

Boccacius (a) Polyphemum Neptuni, et Thoese filium dicit; hanc vero Phorco Sardiniae Rege progenitam. Matris autem ope in Siciliam illum transmississe, *cujus cum occupasset partem, seu forte totam, incognitus, Neptuni filius sit dictus et tyrannus insulae factus.* Servius vero (b) Multi Polyphemum dicunt unum habuisse oculum, alii duos, alii tres, sed totum fabulosum est; nam vir hic prudentissimus fuit, et ob hoc oculum in capite habuisse dicitur, idest juxta cerebrum, quia prudentia plus videbat. Verum Ulysses eum prudentia superavit, ob quod eum cecasse fingitur. Tzetzes denique Cyclopes, ait, (c) cum essent ignavi extruendi naves, occidebant hospites applicantes præ timore, ne forte ingressi, obtinerent regiones illorum. Hinc ulterius de Polyphemo et Ulysse subdit: Sic vero et Ulyssem ad hos cum appulisset, custodia coercuerunt, atque interfecerunt hujus socios. Quod appellarunt devorationem olim fabularum scriptores. Verum illa cum titione excæcatio Cyclopis, hujusmodi fuit: Ulyssis socii jam occidendi erant inclusi; pecunias autem dans Ulysses

(a)  
Geon: Deor.  
lib. 10. cap. 11.

(a)  
Æneid. lib. 3.

(c)  
Ghil. 10. His.  
360. num. 921



*Cyclopem inebriat; videlicet ignavum facit ad occidendum hos. Sic verò pecuniarum ebrietate emolito, titione hunc conficientes, fugiunt ex insula; vel certè Elpen filiam, quam habuit vice oculi, cum rapuissent illi (Amaverat enim illa aliquem ex sociis Ulyssis) fugiunt omnes, cum illa carcerem aperuisset. Manifestum hoc autem fuit hominibus circumcirca; quod Cyclopi rapuissent Elpen filiam; ut autem illi ad uicinos Læstrygonas venerunt, hos omnes occiderunt Læstrygones, præter nauem unam Ulyssis; abstulerunt autem & Elpen Cyclopi filiam, & Cyclopi dederunt. Hæc ille.*

## VI. ÆNEAS, ARCENS.

(a)  
Sat. lib. 5.  
Cap. 11.

(b)  
Hist. lib. 1.

**Æ**NEÆ fabulam ad Homerici Ulyssis imitationem confinxisse Virgilium, Macrobius multis ostendit, (a) utque Ulysses suum ille ad Cyclopas sub Ætna, ita & Æneam ad eadem deduxit loca latinus Vates. Mirari profecto subit: Cluverium ac Bochartum Æneæ quoque ap- pulsum ad Ætnæum littus negantes, Erycino ac Drepanitano annuere; ex ipsis quippe Maronis verbis, Æneidum Libro III, ubi ex persona Æneæ, eius describuntur errores, utrumque Scriptorem allucinari apertissimè constat. Non inficior Dionysium Alicarnasseum (b) Qui synchronus Virgilio fuit, Æneæ iter describendo, illum ad Siciliæ oras prope Erycem ac Drepanum advectum expressis verbis tradere; sed & maritimam Ætnæ, totamque orientalem insulæ oram circumlegisse non obscure etiam innuit, dum per Italiæ littora ad Mamertinum fretum, hinc e freto per orientale ac meridionale latus ad Erycem deducit, quod ipse observat Clu-  
verius



verius (a) nec ex Virgilio aliud est Æneæ clas-  
 sis iter: hinc Servius: *Inde prætervectus Æneas*  
*maritima Græciæ, apud Epirum susceptus est He-*  
*leni hospitio; unde profectus Calabriam tenuit,*  
*& illinc statim territus adventu Diamedis, absces-*  
*sit, navigavitque usque ad Scyllam, & Charybdim, quæ*  
*sunt Ætnæ vicinæ. Unde vento pulsus, circumita*  
*maxima parte Siciliæ, Drepanum venit, ubi secun-*  
*dum Virgilium perdidit Patrem. Jam ergo Æneam*  
*Didonem alloquentem audiamus.*

(a)  
 Sic. An.lib.2.  
 cap. 17.

*Interea fessos ventus cum sole reliquit,*  
*Ignarique viæ Cycloperum allabimur oris.*  
*Portus ab accessu ventorum immotus; & ingens*  
*Ipse, sed horrificis juxta sonat Ætna ruinis.*  
 Descriptoque monte subdit.

*Noctem illam tecti Sylvis immania monstra*  
*Perferimus, nec, quæ sonitum det caussa, videmus.*  
*Nam neque erant astrorum ignes, nec lucidus*

*(æthrâ*  
*Sydereâ polus: obscuro sed nubila Cælo.*  
*Et Lunam in nimbo nox intempesta tenebat.*  
*Postera jamque dies primo surgebat Eoo,*  
*Humentemque Aurora polo dimoverat umbram;*  
*Cum subito è sylvis macie confecta suprema*  
*Ignoti nova forma viri miserandaque cultu*  
*Procedit, supplexque manus ad littora tendit.*  
*Respicimus. Dira illuvies, inmissaque barba*  
*Consertum tegmen spinis, at cætera Grajus,*  
*Et quondam patriis ad Trojam missus in armis.*  
*Ipse ubi Dardanios habitus, & Troja vidit*  
*Arma procul, paulum aspectu conterritus hæsit,*  
*Continuitque gradum, mox sese ad littora præceps*  
*Cum fletu, precibusque tulit: Per sydera testor*  
*Per superos, atque hoc Cæli spirabile lumen,*  
*Tollite me Teucris, quas cumque abducite terras:*

Hoc



Hoc sat erit. Scio me Danaïs e classibus unum  
 Et bello Iliacos fateor petiisse penates,  
 Pro quo, si sceleris tanta est injuria nostri,  
 Spargite me in fluctus, vastoque immergite  
 ponto.

Si pereo manibus hominum, periisse juvabit.  
 Dixerat, & genua amplexus genibusque vo-  
 (luntas.

Herebat. Qui sit fari, quo sanguine cretus,  
 Hortamur, quæ deinde agitet fortuna, fateri.  
 Ipse Pater dextram Anchises haud multa  
 (moratus

Dat juveni, atque animum præsentî pignore  
 (firmat.

Ille hæc, deposita tandem formidine, fatur:  
 Sum patria ex Ithaca comes infelicis Ulyssis  
 Nomine Achæmenides, Trojam Genitore  
 (Adamasto

Paupere (mansissetque utinâ fortuna) profectus,  
 Hic me, dum trepidi crudelia limina relinquunt,  
 Immemores socii vasto Cyclopi in antro  
 Deseruere. Domus sanie, dapibusque cruentis  
 Intus opaca, ingens, ipse arduus, altaque  
 (pulsat

Sydera (Dii talē terris avertite pestem)  
 Nec visu facilis, nec dictu affabilis ulli,  
 Visceribus miserorum et sanguine vescitur atro.

Prosequitur subinde Græcus miles enarrare Po-  
 lyphemi in socios immanitatem, atque audax  
 Ulyssis in eo excæcando facinus, tum subdit.

Sed fugite, o miseri, fugite, atque e littorē  
 Solvite. funem

Nam qualis quantus: cavo Polyphemus in antro  
 Lanigenas claudit pecudes, atque ubera pressat.  
 Centū alii curva hæc habitant ad littora (vulgo  
 In-



Infandi Cyclopes, & altis montibus errant  
 Tertio jam Lune se cornua lumine complent  
 Cum vitam in silvis, inter deserta ferarum  
 Lustra, domosque traho, vastosque ab rupe.  
 (Cyclopes)

Prospicio, sonitumque pedum, vocemque tremisco.  
 Victum infelicem, baccas, lapidosaque corna  
 Dant rami, et vulsis pascunt radicibus herbæ;  
 Omnia collustrans hanc primam ad littora  
 (classem)

Conspexi venientem; huic me, quæcumque fuisset  
 Addixi; satis est gentem effugisse nefandam.  
 Vos animam hanc potius quocumque absunite letho.  
 Vix ea fatus erat, summo cum monte videmus  
 Ipsum inter pecudes vasta se mole moventem  
 Pastorem Polyphemum, & littora nota petentē  
 Monstrum horrendum informe, ingens cui lu-  
 (men ademptum.)

Trunca manum pinus regit, & vestigia firmat.  
 Lanigeræ comitantur oves; ea sola voluptas  
 Solamenque mali, de collo fistula pendet.  
 Postquam altos tetigit fluctus, & ad æquora  
 venit

Luminis effossi fluidum lavit inde cruorem,  
 Dentibus infrendens gemitu; graditurque per  
 æquora

Jam medium, necdum fluctus latera ardua  
 tinxit

Nos procul inde fugam trepidi celerare, recepto  
 Supplice sic merito, tacitique incidere funem;  
 Verrimus, et proni certantibus æquora remis.  
 Sensit, & ad sonitum vocis vestigia torfit.

Verum ubi nulla datur dextram affectare po-  
 (testas,

Nec potis Ionios fluctus æquare sequendo



Clamorem immensum tollit, quo pontus, & omnes  
 Intremuere undæ, penitusque exterrita tellus  
 Italiæ, curvisque immugiit Ætna cavernis.  
 At genus, e silvis Cyclopum, & montibus altis  
 Excitum ruit ad portus, & littora complent.  
 Cernimus astantes nequicquam lumine torvo  
 Ætneos fratres, celo capita alta ferentes,  
 Concilium horrendum, quales cum vertice celso  
 Aeriæ quercus, aut coniferæ cyparissi  
 Constiterunt, silva alta Jovis, lucusque Dianæ  
 Precipites metus acër agit quocumque rudentes  
 Excutere, & ventis intendere vela secundis.  
 Contra jussa monent Heleni Scyllam atque  
 Charybdim

Inter utramque viam lethi discrimine parvo  
 Ni teneant cursus; certum est dare lintea retro.  
 Ecce autem Boreas angusta e sede Pelori  
 Missus adest; vivo prætervebor ostia saxo  
 Pantagiæ, Megarosque sinus, Tapsunque  
 jacentem.

Talia monstrabat relegens errata retrorsum  
 Littora Achamenides comes infelicitis Ulyssis.

Quæ postrema verba omnino adnotanda, ex  
 iis enim assequimur, Ulysses, cujus fuerat co-  
 mes Achamenides (\*). Pantagiæ, Megaræ, & Ta-  
 psi littora circumlegisse, antequam ad Cyclo-  
 pas perveniret; quis autem nescit oras hæc  
 ut naviganti Drepanum prorsus impervias, ita  
 ad Ætnam eunti passim occurrere? Ex mente  
 itaque Virgilii nedum Æneas, sed et Ulysses ad  
 Ætnæum littus delatus; constat enim veteres (in  
 his

---

(\*). Pantagias flumen est, hodie Porcarius; in agro Leontino oritur, illa-  
 biturque in sinum Catanensem prope Engionem. Megara Opidum hodie diru-  
 tum, prope nunc est Augusta. Tapsus insula inter Syracusas, Megaramque  
 sita plana ac pene fluctibus par, hodie Magnisi.



his Dionysium Halicarnas: Tibullum, Ovidium, & Virgilium) per eadem loca Æneam circumduxisse, per quæ Homerus Ulyssæ suū ut Bocharti verbis utar<sup>(a)</sup>

<sup>(a)</sup>  
Chāaan lib. I  
cap. 30.

Arcentis filium circa Symethum Catanæ flumen Martis luco eductum laudatus memorat Virgilius Æneidum libro IX, qui & ipse Arcens dicebatur. Hunc sibi socium Æneas adscivit, atque in Palantii obsidione fundæ ictu a Mezentio Turni milite occisum prodit idem Poeta.

*Stabat in egregiis Arcentis filius armis  
Pictus acu chlamydem, & ferrugine clarus Ibera  
Insignis facie, genitor, quem miserat Arcens,  
Eductum Martis Luco Symethia circum  
Flumina, pinguis ubi & placabilis ara Palici;  
Stridentem fundam positis Mezentius armis  
Ipse ter adducta circum caput egit habena,  
Et media adversi liquefacta tempora plumbo  
Diffidit, multa porrectum extendit arena.*

In quæ verba Servius, ait: *Qua recondita historia Arcentem istum induxerit, incertum; neque enim vel sine ratione lucus Martis appositus est; Et quid homo Siculus in hoc bello facit, quem nusquam dicit supra cum Ænea ad Italiam pervenisse. De Symetho Catanæ fluvio, ac Martis luco hic a Virgilio celebratis, deque Palicorum placabili, ac pingui Ara alibi dicemus.*

## VIII. DAPHNIS HERÆI MONTES.

**S**unt in Sicilia, inquit Diodorus <sup>(b)</sup> Heræi montes, quos amenitate, naturaq; & situ locorum peculiariter ad recreationem, et voluptatem æstivam per quam opportunos esse dicunt. Multos enim fontes habent aquarum dulcedine præstantes. Et post pau-

<sup>(b)</sup>  
Bib. Hist.  
lib. 5.



ca: In hac regione convallis quædam arborum,  
divinum habens decorem, & dicatus Nymphis lucus  
existit. Ibi Daphnim Mercurio, Nymphæque geni-  
tum esse produnt, cui laurorum illic multitudo, &  
densitas nomen peperit. Is a Nymphis educatus,  
cum multa bovum armenta possideret, magnam rei  
pastoritæ curam gessit; qua de causa, Bubulci  
quoque nomen acquisivit; & quia excellens in  
homine ingenium ad musicam ferretur, Bucolicum  
carmen, & melos, quod etiamnum apud Siculos in  
usu, & honore est, invenit. Communes etiam cum  
Diana venatus obiisse, Deæque gratiam obsequiis pro-  
meruisse, et fistulæ cantu, ac bucolica melodîa eam  
mirificè oblectasse memoratur. Hæc Diodorus; Par-  
thenius vero in Erotica de Daphni habet: Apud  
Siculos Daphnis Mercurii filius, fistulæ cantor na-  
vus, atque industrius, et ad aspectum venustus.  
Nullum illi erat cum hominibus commercium, sed  
circa Ætnam tum hyeme tum æstate, diu noctu-  
que pervigilans, boves pascebat. Narrant Eche-  
naidem Nympham, cum illius amore capta fuisset,  
imperasse, ne cum muliere consuesceret; idque si  
non obtemperasset, luminum orbitate sciret se esse  
puniendum. Ille itaque ad breve tempus fortiter  
resistebat, quamvis pleræque ejus amore insanirent.  
Postmodum una e Sicilia Reginis multo eum vino  
infectum in sui consuetudinem illexit, cumque ea  
commixtus est; atque ita ex eo tempore, uti Thrax  
Tamyris, ob stultitiam, oculorum lumine viduatur.  
Sic ex Leonis Allatii interpretatione exscribit  
Vigintimillius (a) Parthenii textum; hic porro  
ex Timæo Tauromenitano rem profert. Sed eam  
Nympham Daphnis uxorem, quam Timæus E-  
chenaidem, Theocritus Naiadem appellat in Idy-  
lio VIII. Ex illo tempore Daphnis inter pastores  
pri-

(a)  
De Poetis sic.  
Bucolic. lib. I.  
cap. 7.



*primus habitus est, & valde adolescens adhuc Nympham Najadem uxorem duxit.*

Sositheus verò Syracusanus *Thaliam* vocat, ut in ejusdem Theocriti scholiis adnotarunt Dinus, Eobanus, & Parrasius, ab laudato Vigintimillio fusè commendati. *Thaliæ* autem *Ætnæ* quoque fuisse nomen, atque ad nos pluribus ex titulis illam spectare jam supra vidimus. Quæ profectò, ut *Daphnidem* nostris hisce regionibus haud temere adjudicemus, efficiunt.

Non est hîc, quod velim sub *Ætna* *Heræos* colles statuere, ut post Archangelum mordicus substatinet *Carrera* (a) cum in Historicis *Catanæ* *Memoriis*, tum in *Responsione* ad *Marianum Perellum*, ubi *Parthenii*, ac *Timæi* producta autoritate, *Diodori* textum corrigendum censet. Etsi enim singulas *Naturæ* dotes *Heræis* ab *Diodoro* attributas nostris etiam aptari posse, non inficior, ut ipse *Vigintimillius* (b) fatetur; Ex *Timæo* nihilominus, ac *Parthenio*, atque ex *Thaliæ* amoribus *Daphnidem* *Ætnæ* incolam fuisse evincitur, neutiquam verò ortum in ejus collibus habuisse. Scio *Diodorum*, ubi nam fuerint *Heræi* montes reticendo, quum amœnissimis aliunde tota pene *Insula* abundet, *Siculis* scriptoribus variè inter sese dissidendi de illorum situ, latam aperuisse viam. Hînc *Cluverius* ab *Armellino*, cui *Plutia* nobile opidum infidet, ad *Neptunium* collem, prope *Noariâ*, longissimo sanè tractu per xxx. circiter millia passuum *Heræos* extendit, *Nebrodesq:* inter eos compræhendit. *Fazellus*, *Cimarellus*, alique inter *Troynam*, et *S. Philadelphum* locant, eosque esse putant, qui nunc corruptè *Montisori* appellantur. Prope *Ragusiam*, quæ olim *Hybla* *Heræa* dicebatur, cū *Bonanno* (c) nonnulli statuunt,

(a)  
mem: his. Ca.  
tom. I. lib. 4.

(b)  
Ibidem cap. 5.  
num. 6.

(c)  
Syr. Illustr.  
lib. 2. de  
*Daphnide*




(a)  
de Latin. his.  
lib. 3.

vocanturq; hodie *montes Lisiæ*; in Bidinenfi regione novissimè Ignatius Notus, Bagolinus in colle Bonifacio prope Alcamum Heræos recognoscunt. Vibii Sequestri demum testimonio scribentis de Siciliae fluminibus, *Chrysas ex monte Heræo*, Tavim & Artifinum juxta Assorum, unde Chrysas originem habet, Heræos colles ab Diodoro descriptos credit, nec immeritò Vigintimillius; Vibius enim etsi ætatis incertæ, ut Vossius advertit, (a) longè tamen post Diodorum vixit. Chrysas autem hodie Dictainus in agrum Catanensem effluit ac S. Pauli fluviolum excipit, moxque in Symethum illabitur. Ab emendando nihilominus Diodori loco, quasi hic non Heræos, sed Ætneæ colles describēdos suscepit, omnino abstinere Archægelus, & Carrera debebant; Historicus quippe & Sículus celeberrimum totâ Insulâ montem ab altitudine etiam, atque incendiis commēdasset. Cæterum de Daphnide fusè scribit laudatis in locis Vigintimillius.

Hæc aut penitus fabulosa, aut fabulis intermixta licet sint, ab historiæ studiosis non idcirco despicienda; horum enim temporum Scriptores, quum Poetæ fuissent, versibus res gestas celebrare assueti, fictionibus interpolarunt. Hinc non immeritò, tempus, quod ante Olympiades computatur, myhticum seu fabulosum, ut ex Varrone superiùs adnotavimus, dicitur. *Id tempus* inquit Gerardus Vossius de Rat: Studiorum *ita vocatur, non quia omnia sint fabulosa, quæ illo tempore acciderunt, sed quia fabulis involuta sunt.*





## CAP. III.

## CATANA SUB SICANIS.

## I.

**S** Icanos post Cyclopas Siciliam tenuisse satis communis penes Antiquos opinio. Thucydides: (a) Post hos Cyclopas Sicani primi demonstrantur incoluisse, atque, ut ipsi prædicant, omnino primi; quippe cum sint illius terræ indigenæ. Sed veritas arguit eos Iberos esse, oriundos a flumine Sicano, quod est in Iberia, ab Ligyis ejectos, & ab his tunc dictam Sicaniam insulam, prius Trinacriam nominatam, qui adhuc loca Insule ad occasum vergentia incolunt. Dionysius Halicarnassensis Sicanos genus Hispanicum a Liguribus fugatum libro primo appellat. Verum Diodorus Siculus (b) Sicilia, ait, antiquitus a figura Trinacria dicta est, postea a Sicanis cultoribus Sicania... De Sicanis primis incolis, cum Scriptores nonnulli sententiis varient, ut breviter aliquid differamus, necessum est. Philistus eos ex Iberia in Siciliam venisse affirmat, qui id nomen a Sicano Iberiæ flumine traxerunt. Timæus huius Scriptoris inscitiam arguens, Sicanos ait Siciliæ indigenas esse, multa suæ antiquitatis argumenta afferens, quæ baud operæpretium est, recensere. Diodoro videtur accinere Pausanias (c) Siciliam hæ gentes incolunt Sicani, Siculi, Phryges, illi ex Italia, Phryges a Scamandro flumine, ac Troade profecti. Sicanos enim ex Iberia in Siciliam appulso Historicus minimè dissimulasset, ut Phryges a Troade, Siculos ex Italia profectos asseruit, si non indigenas illos censuisset.

(a)  
Initio lib. 6.

(b)  
Bibliot. hist.  
lib. 6. cap. 1.  
et 2.

(c)  
In Eliacis

II Alibi porro Diodorus scripserat: Sicanos

ve-



*vetustissimos Insule cultores indigenas esse, scriptorum tradunt probatissimi. Ut merito clariss: Cluverius compluribus, satisque firmis rationibus congestis concludat (a) Potior itaque fortè fuerit Timæi Siculi etiam Scriptoris sententia, qui contra ignorantiam Philisti, liquidò, exactè, probèque, et multis argumentis ostendit, Indigenas fuisse, primosque Siciliæ incolas Sicanos. Unde autem genus deduxerint suum Sicani, quærens subdit: Ex Cyclo-  
pū eos genere prognatos voluit antiquus cum primis Scriptor Demetrius Calatianus, quasi vasta illa priscorum Cyclopū proceritas in iis defecerit. Hinc Silius*

(a)  
Sic. antiq.  
lib. 1 cap. 2.

*(b) Post dirū Anthiphatæ sceptrum, et Cyclopea regna.*

(b)  
lib. 13.

*Vomere verterunt primum nova rura Sicani.*

Videsis Bochartum, aliosque Recentiores, qui in Cluverii vestigia incurrentes, indiget as etiam Sicanos adstruunt.

III. At quid de nomine? Variant, & ipsi quidem Authores, qui e Thucydidis mente Sicanis Ibericam, sive Hispanicam fuisse originem affirmant; alii enim a Sicano Flumine, cujus tamen in Hispania nulla unquam vestigia fuerunt, ut Bochartus advertit (c) vel a Sicori, hodie Segre Cataloniæ amne a Pyrenæis defluente, & hujus etiam cum Sicanorum nomine nulla affinitas, vel a *Sicana* urbe uni Hecatæo nota, ut uni Stephano *Dera* Iberiæ regio, in qua Sicanus fluvius; alii vero a Sicano eorum Rege ac Colonix duce dictos voluere. Hinc Isidorus (d) *Sicilia a Sicano Rege Sicania denominata est; deinde a Siculo Itali fratre Sicilia*. Consonant Solinus cap. xi. & Capella lib. vi. a Sicano etiam Rege, longè ante Trojana bella, Insulam appellatam scribentes. Sed præferenda omnino Demetrii Calatiani opinio, qui teste Scholiaste Theocriti (e) tradit: *Briarei*

(c)  
Chanaan.  
lib. 1.  
cap. 30.

(d)  
Etymol.  
lib. 14. cap. 6.

(e)  
In Idylium 1.

uni-



*unius ex Cyclopibus liberos fuisse Sicanum atque Ætnam, a qua nomen monti*

IV Sicanum porro Siciliæ Regem Theodontius a Boccacio (a) laudatus affirmat, cui uxor Ceres frugum inventrix Proserpinam peperit. Hanc venustissima forma præditam, quum Orcus Molossorum Rex deperiret, neque a Matre filiaë amantissima, ut sibi in conjugium daretur, obrineret, noctu Ætnæam oram navibus invadens, e Parentum domo, dolo ac vi puellam rapuit, clasque impositam in patriam abduxit. Populi, ut Matris dolorem lenirent, Proserpinam a Plutone Inferorum Rege raptam, atque in Elysias regiones, Deo tenebrarum nupturam, translatam confinxerunt. Sunt, qui Orcum Cereris militibus insequentibus in lacum quemdam prope Syracusas sese præcipitem dedisse scribunt; sed præferendi, qui fuga elapsum super mare parentum elusisse industriam censent. Orpheus sive Onomacrytus (b) qui Hymnorum Orphei author creditur.

(a)  
*Geonol. Deor.*  
*lib. 3. cap. 4.*  
*et lib. 10.*  
*cap. 62.*

(b)  
*In Argonauticis*

*Ut teneras olim carpens Proserpina flores,  
Sic Patruï decepta dolo, exportata frequentes  
Per sylvas, ut junxit equos sua sub juga Pluto  
Terrificos, celeres; rapta ut Proserpina vasti est  
Per dorsum portata maris, perque æquoris undas  
Vbi sub fabulæ velamine veram prodit historiam.*  
Poeta.

V Atque hinc observa: Proserpinæ raptum nonnisi in Ætna perpetratum: Orcum enim ex ora maritima in proximum venisse montem, brevique itineris tractu cum præda ad suos rediisse valde verosimile videtur. Contra, in mediam usque Insulam, ubi Enna, cum electa militum manu penetrasse, atque inde raptam vi, Regis



seu Reginæ filiam ad suos in littore. reducem opperientes libere adduxisse, facile imponi vix potest. Hanc eandem rationem multis urget

(a)  
Hist. Cat.  
tom. I.  
lib. 2. cap. 3.

Petrus Carrera, ubi de raptu Proserpine (a)

II Sicanis Insulam incolentibus certa Urbis Catanæ initia superius ex Eusebii Chronico consignavimus; hic enim ad annum Orbis conditi ter millesimum septingentesimum nonagesimum quintum ait: *Cathinia condita est, & Sisylde in Sicilia*. Sisylidem urbem nullibi apud veteres Historicos memoratam invenies; hinc corruptum omnino vocabulum censeo. Hic eadem repetere, quæ de Catanæ origine loquens, textumque Eusebii expendens scripsisse memini, non vacat; Id tamen observo, quod, conditam per hæc tempora, ex Eusebio, dum Catanam profero, ejusdem vetustati ulteriori quidquam detractum nolo. Extitisse hoc in littore, aut circa illud mortales complures, qui loci amœnitate, solique fertilitate allekti, suas ibi sedes statim ac Insula incolis frequentari cœpit, statuerint, ut verum habeo. At sub Sicanis, mœnibus forte, ut ea ferebat ætas, extructis, crevisse Catanam in urbem non incongruè censeo.

(a)  
lib. 6. cap. 4.

VII Nec illud Diodori (a) *Sicanos, scribentis, vicatim habitasse in collibus ob latronum metum, pro ut quisque natura munitus esset, aliquid negotii faceffit, ut alibi ostendi; Nam, aut Sicani cum eodem historico Insulæ habitatores omnino primi censentur, & per vicos, immo & per familias ab initio, ut cæteri ubique terrarum mortales, incoluisse dicendum; id tamen, quod Urbes deinde temporis tractu condiderint, non prohibet. Vel si Gigantum filios eos credimus, c speluncis, ubi illi habitabant per familias passim, veluti incremen-*



mento quodam ad vicatim incolendum progres-  
 sos, ut Vicus observat (a) mox, ut noxiis ob-  
 sisterent, qui nulla tenebatur lege, opida val-  
 lasse, demumque urbes condidisse certò certius  
 putandum; nec colles aliunde circa Catanam  
 deerant, ut alibi dixi, quos contra nefarios,  
 prædoneſque Sicani munire poterant; quales Leu-  
 cothæ, Cereris, nunc S. Sophiæ, aliique, ubi  
 etiam ædificiorum rudera ad hæc usque tempora  
 spectamus. Cæterum sub Ætna monte sæpiſſime  
 Gigantum ossa detecta a Majoribus accepimus  
 circa Viægrandis, Pedaræ, ac Tricastanei opidula,  
 vicinasque regiones, quæ satis certum præbent  
 indicium, Sicanos, eorumque patres ibidem loci  
 sedes habuisse.

(a)  
*De princip.  
 novæ scientiæ  
 in Affio:*

VIII Jam vero sub hæc ipsa Sicanorum tempora  
 Orionem, Eunapionis cujusdam Siciliæ Regis fili-  
 um Catanæ diu fixisse sedem nonnulli ex no-  
 stris affirmant; quod apud Veteres non lego.  
 Aniles quasdam fabulas, malosque Genios in te-  
 stes adducunt illi, quibus innixi Orionis etiam  
 ædes digito designant, sed hac in re lectoribus  
 imponere piaculum duxerim. Herculem, qui  
 cum Sicanis, eodem Diodoro teste (b) bellum  
 habuit, ejusdem etiam Urbis fines, ac Ætnæ  
 montem adiisse tradunt, quod quorumdam Scri-  
 ptorum autoritate superiùs in Ævo Heroico fir-  
 mavimus. Cocalum denique nedum in Camico  
 Regnum tenuisse credunt, sed et Catanæ etiam  
 aliquandiu imperasse; ubi illius ædes prope Socie-  
 tatis Jesu Collegium ostendunt, mali cujusdam  
 Genii in Lymphatica muliere id testantis, au-  
 thoritate, Dedalum quoque cum Cocalo diu Ca-  
 tanæ commoratum, Urbis ædificia, ac publica quæ-  
 dam opera in meliorem formam concinnasse ex

(b)  
*lib. 5. cap. 2.*



Diodori Epistolis colligunt, quæ tamen Criticis minimè probantur. Ex iisdem Epistolis Bellum a Libycis Catanensibus illatum fuse describit Carrera lib. iv. quod commissum sub Siculis alii dicunt.

IX Memorabile, ac primum, cujus apud Scriptores fit mentio, Ætnæ incendium hac ipsa ætate accidit. Diodorus <sup>(a)</sup> de Sicanis differens, *lib. 6. cap. 2.* Nulli ergo Regi suberant, sed suus cuique Urbi inerat Princeps. Hi primum universam Insulam tenuere, agros colentes, ex quibus vitæ cibum sumebant. Postmodum Ætna ignes, qui proximas regiones urebant, eructante, cum plures annos id incendium Patriam vastaret, timore acti, omissis orientalibus locis, partes, quæ ad occidentem vergunt, petivere. Complura, quæ ex hisce verbis deduci possunt, atque ad nos attinent, de Priscis Catanae Incolis differens expendi. An verò fuerit ex ea ignis eruptione Urbs quoque ipsa consumpta, anceps sum animi; Ubi enim legunt nonnulli *Patriam*, non incongruè interpretatur Cluverius *Regionem* <sup>(b)</sup> Unius quippe anni incendium Urbi devastandæ fuisset satis; Plurium verò annorum spatio, per universam regionem ignem debacchatū undique sese effudisse, credendum.

<sup>(b)</sup>  
Sic: lib. 1.  
cap. 8.

X Et profectò quidem nedum ab Oriente, et aquilone Catana nigris lapidibus vallatur, sed media etiam in Urbe altè effodientibus, Ætnæque occurrunt moles; ad occidentem quoque æstivum ignei torrentis vestigia undique conspiciamus, nec nisi hyberni occasus, ac meridiana regio ante annum MDCLXIX omnino immunis; Hinc demissior Urbis pars, hujus ævi incendio fœdata. Quamvis mons Virginum, ubi ædes quamplurimæ, atque editiora loca non tam ex Ætnæ materia, quam naturali quadam lapidea nigra mole



mole constant . Glarea enim , lapidesque , quos vernaculè *Tufos* appellant , tenui meo iudicio , naturæ opus censendi .

XI Non ambigo , ante diluviana etiam tempora , ac post non multo , ante Sicanos , nondum Urbe condita , ignes ad littus usque Ætnam eructasse , lapidesque in ipso Catanæ centro defossos illorum esse materiam ; verùm quid si oculatis testibus referentibus , aquæductuum , atque ædificiorum rudera sub lapidea Ætnæa mole paucis ab hinc annis passim detecta , vel in ipsa Principis Templi area obtendant . Hæc nonnisi Sicanorum opera , ante descriptum incendium stetisse , auferim affirmare ; per Urbem enim mediam post Sicanos ignem aliquando grassatum nullibi lego ,



## CAPUT IV.

CATANA  
SUB SICULIS.

## I.

**S**iculorum gens ab Rege, aut duce Siculo appellata, Italiâ excedere coacta, in proximam Insulam transmigravit; nomen, quod illi mutuaverant Sicani indigenæ, delevit, utque deinceps Sicilia diceretur, effecit. Siculi, quos Opi-  
 (a) *Epist. ad Di-* cos Plato appellat (a) Aufones ab Hellanico  
*onis Amicos.* creduntur, ut scribit Stephanus, (b) duce Siculo  
 (b) *apud Cluver:* ex Japygia Italiæ regione in Trinacriam trans-  
*lib. 1. cap. 2.* gressi. Philistus Ligures illos fuisse censet, te-  
 (c) *Rom. Hist.* ste Dionysio Halicar: (c) Oenotri ab aliis di-  
*lib. 1. cap. 3.* cuntur, Româ in inferiorem Italiam Siculo duce profecti. Hinc laudatus Dionysius: *Urbem terræ marisque totius principem, quam nunc Romani habitant, primi in omni memoria tenuisse feruntur Barbari Siculi gens indigena. Et paullo post: At Siculi Pelasgis simul et Aboriginibus bello impares, liberis ac conjugibus cum auro, & argento sub- latis, totam regionem suam eis cesserunt, versi- que per montana ad meridiem, & peragrata tota inferiore Italia, cum undique pellerentur, tandem paratis ad fretum navibus, & observato secundo æstu ex Italia trajecerunt in Insulam proximam. Quæ- nam porro Insulæ loca primo occupaverint, Dio- dorus enarrat. (d) Postquam enim proximas Æt- næ regiones Sicanos metu ignium reliquisse, ostendit, hæc subtextit: Multis deinde sæculis Siculi ab Italia in Siciliam profecti loca tenuerunt ab Sicanis relictæ. Opibus deinceps, ac viri- bus potentes, propinquis agris occupatis, quotidie*

(c)  
*lib. 6. cap.*  
 12.



magis imperium augebant, quoad bello sæpius cum Sicanis moto, certo postmodum fœdere, agrorum fines invicem statuerunt. Ex quibus liquet: Siculos ab initio per orientalem sub Ætna oram sese effudisse, ibique regno constituto, sedes locasse. Mox paulatim finitimis Sicanis subactis, totius tandem insulæ potitos, novum illi nomen indidisse.

II Stephanus apud Constantinum Porphyrogenetam (a) *Sicilia Insula Sicania prius nominabatur, deinde Sicilia appellata est, ut ait Hellanicus lib: 2. de Sacris Junonis. Eodem tempore etiam Ausones ab Japygibus ex Italia detrusi sunt, quibus præerat Siculus, & trajecta Insula Sicania dicta, circa Ætnam sedes stabilientes, & ipsi & Rex eorum Siculus habitarunt, ibi regno constituto; atque inde profectus Siculus totam sibi mox subjecit Insulam, quæ tunc ab hoc Siculo Sicilia nuncupata est, qui in ipsa regnavit. Constat autem circa Ætnam ab Oriente, modo unam excipias Catanam, celebrem urbem extitisse nullam, quæ novi imperii, Regnique sedes statueretur ab Siculis; hinc non incongruè Catanam omnium Sicularum urbium caput per ea tempora dixerim, aut certe inter primas locum habuisse. Sanè enumerans Fazellus (b) Sicularum Urbes. Urbes eorum, ait, Zancle in freto Zanclo eorum Rege auctore, & Orione Architecto, Catana præterea, Leontinum, Syracusæ, Neas, Centoripe, Leghum, Trinacia, Hybla &c. Quarum circa Ætnam ad Orientem sola Catana extabat.*

(a)  
Tem. Imper.  
lib. 2. Tom.  
10.

(b)  
decad. 2.  
lib. 1.

III Nom me fugit, Diodorum de Trinacia, quæ Randacium creditur, loquendo, eam veluti Sicularum urbium Principem vulgare: *Hæc Urbs, inquit (c) multos, & magnæ virtutis viros habuit semper, ideoque principatum inter urbes Sicularum*  
sem-



*semper obtinuit; viris enim ad gerenda imperia idoneis, et celsos ob fortitudinem spiritus habentibus plena erat. Hinc Palmerius secundam post Syracusas, & laudatus Fazellus Siculorum Regiam, ac primariam illorum urbem appellant; Id attamen intelligendum post Græcorum Colonias, qui occupatis maritimis civitatibus, Siculos ad montana compulerunt, ubi aliquandiu sese contra illos tuentes, maximeque contra Syracusanos, Siculi imperii reliquias conservarunt.*

(a)  
*Rom: Hist.*  
*lib. I.*

IV Jam vero Siculorum in hanc Insulam trajectio tertia ætate ante Trojanum bellum ex Helanico statuitur ab Dionysio Halicarnasseo (a) Quum vero Author hic in ætates singulas viginti septem computet annos, qui ter ducti octoginta & unum conficiunt, hinc octogesimo primo anno ante Ilium destructum Siculi in Siciliam transmigrarunt. Errasse porro Thucydidem Cluverius observat: *Dum trajecisse Siculos tradit annis propemodum CCC. antequam Græci in Siciliam venerunt. Hi enim annis quadringentis quadraginta octo post Trojam captam eò pervenere, cui numero si trecentos annos demas, CXLVIII annis post Trojam captam Siculi in insulam trajecisse, ex Thucydidis sententia, inveniuntur.*

(b)  
*Belli Pelop.*  
*lib. 6.*

V Siculis jam latè dominantibus Phænices in Insulam advecti mercaturæ exercendæ gratia, loca circum maritima, parvasque insulas objacentes occuparunt: Thucydides (b) *Phænices præterea circa omnem habitabant Siciliam, occupatis ad mare partibus, parvisque insulis ei objacentibus, negotiandi cum Siculis causa.* Hos Libycos Carthagine profectos nonnulli tradunt, ejusdem Thucydidis testimonio, qui post relata verba subtexuit: *At postquam permulti Græcorum illuc*

*cum*



*cum navibus trajecerunt, relictis plerisque, Motyam, & Soluntem, ac Panormum finitima Elymis oppida, sedibus ibi positis, una incoluerunt, fræti cum Elymorum societate, tum quia exiguo inde ad Carthaginem tractu Sicilia distat. Thucydidi consentire videntur Marcianus Heracleensis, Opida memorata a Carthaginiensibus munita scribens, & Pausanias in Eliacis, Carthaginiensium colonos Phœnices in Siciliam advectos appellans. Verum Asiaticos fuisse Phœnices Siculos colonos disertissimè testatur Diodorus, (a) qui enarratis Phœnicum Tyriensium navigationibus, studio mercaturæ institutis, concludit: Ex qua navigatione per multum temporis opulentiores facti, Phœnices, multis postea annis, colonias non paucas in Siciliam, & vicinas ei Insulas, in Africam item, & Sardiniam, Hispaniasque miserunt. Et Scholiastes Thucydidis Phœnicum in Sicilia originem non a Carthagine deducit, sed ex ipsa Phœnicia, scribens: Simul ob Elymos, qui amici eorum erant, & circa eadem loca habitabant, uti sibi auxiliarentur; simulque ob Carthaginienses, qui originem ducentes e Phœnicia, meridionalibus Siciliæ partibus haud procul aberant.*

*Quod autem Marcianus opida Barbarica in Sicilia a Carthaginiensibus munita asserat, id intelligendum posteris temporibus factum, quando terrâ, marique Carthaginienses latè dominantes, magnam Insulæ partem tenebant. Pausanias demum Phœnices, atque Libycos communi classe in Siciliam appulisse tradit. Ergo non unam solam gentem, concludit Cluverius, Pænorum Carthaginiensium intellexit, sed binos populos, Phœnices scilicet ex Asia, & Pænos ex Libya, quamquam non communi classe in Insulam, uno, eodemque tempore perve-*

(a)  
Bibli. lib. 5.



(a)  
Chan. lib. 1.  
cap. 17.

*nerunt, sed communibus copiis, incolis frequentarunt prædictas Urbes.* Primas hinc Phœnicum colonias ex Asia excepit Sicilia, ut multis laudatus probat Cluverius, urgetque Bochartus (a) Phœniciarum rerum callentissimus. Constat autem, ut alibi memini scripsisse, ex Asia solventibus Orientales Insulæ oras, ubi Catana, occurrere, ut non incongruum sit, conjecturis agendo, asserere: Catanam Phœnices frequentasse, eo vel maximè quòd cum Siculis, ex Thucydide, eorum mercimonia agebatur, quos passim, ac frequentissimè per hæc loca effusos jam supra ostendi. Illud etiam accedit, fecundissimum nempe Catanæ agrum, omnia ad vitæ commodum suppetantem Phœnices allicere quam facillimè potuisse, ut lucra inde majora ex mercibus comportatis, atque hinc extractis assequerentur, ut de Portus securitate, cujus supra meminimus, hîc taceam; occupasse enim ad mare Portus, parvasque Insulas Phœnices jam ex Thucydide constat.

(b)  
Bibl. hist.  
lib. 5.

VII. Cæterum Siculorum genti diu imperasse Æoli filios, atque hos inter Xuthum Orientalem tenuisse regionem, ac circa Leontinos Xuthiæ oræ nomen dedisse Diodorus testatur. Illis autem deficientibus, ad optimum quemque regnum, ac principatum detulere, usque ad Græcorum colonias, ut idem narrat Historicus (b) Sub iisdem Siculis Ætnæ montis incendium ab Orpheo memoratur in Argonauticis.

*At freta Sicaniæ tua jam Lilybæe tenentes  
Æquora sentimus, flammamque per alta videmus  
Ætnæi Enceladi nobis infesta minantem.*

Hæc enim ævo Medææ peracta refert Poeta, quod Siculorum ætati respondet. An porro per agros effluxerit, an e summo vertice tantum sese



fese ignis spectandum præbuerit, ut innuere videtur Orpheus, affirmare non ausim; fortè etiam id poeticè dictum quispiam autumaverit, quod non inficior.

VIII. Bellum Libycum hìc sese opportunè offerret, cujus historiam fusiori calamo Petrus Carrera prosequitur. Sed quum Diodori Epistolis tota innitatur, quas communi calculo saniores Critici rejiciunt, suppositasque credunt, ab ea recensenda consultò abstinco. Libycos ingenti exercitu, Elephantibus, ac curribus instructos Catanam dura obsidione pressisse verosimillimum putaverim; nedum enim Sydonios, sed et Libycos. Phœnices in Siciliam trajecisse complures credunt: At bellū, obsidionemque circumstantia singillatim expendere post tot annorum miryades, subticentibus antiquis Historicis, pene impossibile. Quod summa illos clade nostri affecerint, ductisque spoliis, currus, Elephantesque in prædam egerint, vetus traditio docet; hinc Elephas velut Urbis Insigne a Priscis assumptus. Verū Lapis ille, ubi hæc omnia adamussim descripta, in via Cursus inventus, atque uni Archangelo notus, suspectæ fidei ab Eruditis censetur. De eo alibi, de Inscriptionibus nempe agentes dicemus.



## CAP. V.

## CATANA

## SUB GRÆCIS.

## I.

(a)  
Sicil. Antiq.  
lib. 1. cap. 2.

Ultimas in Siciliam Colonias misisse Græcos, a quibus Urbes maritimæ incolis sunt frequentatæ explorata penes Historicos res est. Annis igitur post Trojam captam cccxlviii. Olympiadis xi anno primo, ut ex Ephoro, & Marciano Heracleensi, aliisque eruit Cluverius (a) dux eorum Theocles Atheniensis Naxum sub Tauro Monte ad ripas Asinii fluminis condidit, Chalcidensibus ex Eubœa deductis incolendam tradidit. Mox Archias Corinthius Syracusas suorum colonia auxit, Megarense Hyblam, Chalcidenses e Naxo profecti Leontinum, Catanam, Zanciam, aliasque incolis frequentarunt, Siculisque ejectis, eorundem agros sibi vindicarunt.

(b)  
de situ Orbis  
lib. 6.

II. Strabo, (b) qua occasione Theocles in Siciliam transmiserit, explicans ait: Ephorus primas hasce in Sicilia Græcicas fuisse Urbes tradit, etate post bellum Trojanum XV. Priores quippe Græcos Tuscorum latrocinia, & incolentium. Barbarorum feritatem adeo reformidasse, uti ne mercaturæ quidem faciendæ gratia eò navigaverint. Theoclem verò Atheniensem ab instituto cursu ventis eò abreptum, cum hominum vilitatem, & inertiam, tum soli bonitatem adnotasse. Quumque domum reversus Atheniensibus, uti Coloniam eò mitterent, non persuaderet, adscito magno Eubœam incolentium Chalcidensium numero, item Jonum, Doriensumque, quorum major pars Megaren-

ses

Ann. æt.  
xpi.  
727.  
Mundi  
3273.

719.



*ses erant, in Siciliam navigasse, ac Chalcidenses quidem Naxum, Dorienses Megara condidisse. In eandem scribit mentem Marcianus Heraclæensis, concluditque. (a)*

*Conveneruntque, ut fama est,*

*Jones, Doriensesque Coloni;*

*Seditione autem inter eos orta, Chalcidenses*

*Condiderunt Naxum, Megarenses verò Hyblam.*

III Sexto hinc allabente anno, vel, ut alii legunt, Octavo, ab Illi excidio cccclvii.

Olympiadis xiii. anno primo ob Cæli inclementiam Chalcidenses plurimi Naxo abscedentes, Evarcho duce, Catanam Urbem a Siculis inhabitatam, non magno labore capiunt, Siculisque in mediterranea remissis, communiunt, atque ædificiis Græco more instruunt. Fazellus Colonie ducem, juxta aliquos fuisse Catanum tradit, juxta Thucydidem verò Evarchum; sed illud unde eruerit nescio. Thucydidis verba ex Vallæ interpretatione hæc sunt. (b) *Theocles verò, atque Chalcidenses e Naxo profecti, septimo post inhabitatas Syracusas anno, Leontinos, ejectis bello Siculis, incolunt, et dehinc Catanam. Colonie autem deductorem sibi constituerant Catanenses Evarchum. Hinc Marcianus Heraclæensis alibi laudatus in Periegesi: Post hæc a Naxo Leontini, & quæ ex adverso Rhegii sita est ad fretum Siculum Zancle, Catana, Callipollis acceperere colonias. Quo quidem sensu Catanam Naxiorum opus appellavit Strabo.*

IV Observat hinc Carrera Evarchum nedum a Chalcidensibus colonie Authorem, sed ab priscis Catanæ incolis fuisse delectum, atque hinc colligit ante Chalcidensium adventum Urbem extitisse; Verùm si Græci Siculos ejecerunt, quinam

(a)  
In Periegesi  
seu Orbis  
descrip.

(b)  
Belli Pelopō  
lib. 6.



illi Catanenses , qui una cum Chalcidensibus Coloniam deductorem Evarchum statuere? Alia igitur via Thucydidis sententiam expendens, alibi Ego Catanam ante Græcorum Colonias conditam firmavi; quum enim Historicus Catanam, ac Leontinos a Chalcidensibus seu conditas, seu inhabitatas pari omnino ratione adstruat, ac Siculos inde vi, armisque e regione exactos describat; jam Leontinensis, & Catanensis regio a Siculis occupata ex Thucydide dicenda, jamque eam infedisse, ac dudum tenuisse mortales aliquot putandum, quum ab novis incolis, non nisi antiquis bello ejectis, sit frequentata. Cesset hinc Græcia mendax celeberrimarum Siciliae Urbium sibi originem adscribere, idque tandem exteris Scriptoribus persuasum iri deinceps confido, quum & ipse Thucydides unde eruunt, id nec intenderit, nec protulerit.

V. Jamvero Chalcidensibus adscribunt nostri celebre illud Amphitheatri ædificium ad aquilonarem Urbis plagam ex nigris quadratis lapidibus compactum, continuatæ Argenidis Authorem secuti, sed hic fabulas contexens id poeticè effinxisse credunt Eruditi, recentiorisque ævi opus Amphitheatrum putant, ut alibi expendam. Bacchi cultum, ejusque sacra Catanæ instituisse Chalcidenses, non ambigo: hinc Avercampus (a) *Catana Colonia Chalcidensium ex Naxo profectorum Patrium sacrorum ritum secum in novas deduxit sedes, cultum videlicet Bacchi, quem lætitiæ datorē, quum in fecundissimo Siciliae solo uberrimè nova Civitas experiretur, tanto magis in honore habere perseveravit, atq; per omnia fortunæ suæ tempora, numismatis non minus, quàm aliis honorū generibus cōdecoravit. In Eubœa quippe, unde Chalcidenses profecti*

(a)  
Præfat. ad  
numismata  
Catan.



festi, Liberi Patris, seu Bacchi religio perantiqua, cultusque celeberrimus, quòd ejusdem in illa regione antrum extaret, unde Dei simulacrum Argivi substulere, atque in patria locarunt, ut Pausanias testatur. (a)

VI. Chalcidensium porro urbes, ac Coloniae per hæc tempora foederatae, quarum praeipuae Naxus, Zancle, Catana, Leontinum, suis legibus, quas e Græcia hauserant, vivebant, magnisque incrementis augebantur; sed profundum de illis apud Historicos silentium, usque ad Phalaridis tyrannidem, quæ circa Olympiadem LI. ab Eusebio statuitur. Andronem nihilominus insignem Tibicinem circa id tempus effloruisse putat Carrera (b) qui primus cum Tibia ludens corporis motus aptos, et concinnos addidit, ut Athenæus ex Theophrasto refert (c) de quo suo loco dicemus. Publicis autem ædificiis crevisse hoc ævo Urbem nostram par est conjectare, Naumachiâ videlicet, Hyppodromo, Thermis, atque in primis Gymnasio, in quibus Juventus corporibus, animisque bene comparata præliis assuesceret, cursu sese exerceret, sanitati consuleret, gloriæque amore capta Patriam tueretur, simul & augeret. Dudum quippe per Græciam publica hæc opera instituta, quanti inde emolumenti, qualisque essent utilitatis, Veteres nostri aliorum exemplo apprime didicerant. Quamvis initio, arte nondum adulta, minori certè magnificentia, quâ posteris inde temporibus spectabantur, extructa hujusmodi ædificia crediderim.

VII. Jamvero illud de Stesichoro celebri Himerensi Poeta circumfertur: eum nempe cultum ingenii in Catanensi Academia fecisse, ibique studiis vacasse. Quod sanè pervetustam ejusdem

(a)  
In Corinthi-  
acis.

(b)  
lib. 5. fol. 398

Cænæ Sapien-  
lib. 1.



dem Gymnafii originem arguit, Urbemque no-  
 ſtram liberalibus diſciplinis aditum per Inſulam  
 univerſam inter primas aperuiſſe dubio procul  
 evincit. Id autem circa quadrageſimam Olym-  
 piadem, ſæculo poſt Græcorum in Siciliam ad-  
 ventum revoluto, eveniſſe ſtatuo; anno enim  
 ætatis vicesimo ſtudiis vacare Poeta minimùm  
 potuit; quumque octogenario major occubuerit,  
 ejusdemque mors Olympiade LV communi calculo  
 reponatur, optimè Steſichori adoleſcentis in Ca-  
 tanenſi Gymnaſio inſtitutio in quadrageſimam  
 rejicitur.

(a)  
 dec. 2. lib. 1.  
 cap. 3.

VIII Per idem porro tempus Tyranni per  
 univerſam Inſulam dominabantur. *Plurimi enim,*  
 ut Fazelli verbis utar (a) *in ejus ſinu, atque de-*  
*liciis enutriti, efferatæ mentis ſævitatem in ea ex-*  
*ercentes, quos inopinatum robur provexit, ejus*  
*viscera recalcitrando diſcerpſerunt.* Phalaridē inter  
 Græcos primùm Tyrannidem Agrigenti invaſiſſe  
 mox ſubdit anno ante Urbem conditam ſexage-  
 ſimo quarto. Verùm in hac Æra conſignanda  
 fallitur; Roma enim ſexta, vel ſeptima circiter  
 Olympiade ortum habuit, quum nondum in  
 Siciliam Græci ſeſe infuderant. Hinc ab Urbe  
 condita anno potiùs centeſimo ſeptuageſimo ſe-  
 cundo Phalaridis Tyrannidem ſumpſiſſe auſpicia  
 dicendum; ſed ut ut res eſt: nam multi multa, ip-  
 ſumque Eusebii Chronicon bis mentionem in-  
 gerit Phalaridis Olympiade xxxii. & ruruſ Olym-  
 piade LI. Conſtat ex illorum ætate, quibuſcum  
 Phalaris vixit, atque ex aliis, quas infra pro-  
 feram, conjecturis, proruſ circa hæc tempora il-  
 lius æram eſſe ſtatuendam.

IX Jamvero inter Phalaridis Episto-  
 las, quas Luciano Philoſopho nonnulli adſcribunt, duæ  
 ad



ad Catanenses exarata recensentur, unde illata utrinque mala, minasque, quas Ille nostris intentat, colligere quis poterit. Prima ex antiquissima Tarvisiana editione anno MCCCCLXXI. Francisco Aretino Interprete, hæc habet.

*Phalaris Cathaniis*

*Cum ad me Cives vestri captivi deducerentur, nonnullos, cum omni spe decidissent, quia non admodum vobis eorum vita curæ erat, liberavi. Non quod mei erga vos odii obliviscerer; maxime namque obliviosus essem, si minorem irâ meâ ultionem a vobis accipere satis existimarem. Verum cum pro meritis mihi pœnas dabit, quot & quanta in me admiseritis, vobis commemorabuntur.*

*X. Et alia: Vos fortasse satis mihi pœnarum dedisse de his arbitramini, quæ in me, & in meos iniquè egistis, cum pro triginta viris a vobis impiè combustis, quingentos milites, pro septem direptis talentis, plurimos census amiseritis. Ego verò, quæ in hunc diem passi, eorum, quæ passuri eritis proœmium fuisse annuncio, adeò ut, quæ nobis fautoribus hostes Urbi mala inferent, confiteri erubescendum sit: Non tamen contra vos odium meum remittam, donec, quæ mundum regit Providentia, eandem in eo gubernando seriem prosequetur. Judicam autem vobis bellum, non tam meâ, quam Deorum gratia, in quorum manibus, & servare omnia, & perdere est. Siquidem divinam sortem, ut reliqua naturæ Elementa, Ætnæus ignis sortitus est, in quem, cum impiè innocentes viros projeceritis, non Phalarim, sed, qui omnia conspiciatur, Solem vobis inimicum comparastis.*

*XI. An bellum, cujus in hac secunda Epistola meminit, nostris Phalaris intulerit, qualisque illius fuerit exitus, omnino latet; trigin-*



ta porro viros illos, quos, ait, innocentes a Catānensibus combustos, condigna pœnâ affectos fuisse tradit Carrera, quòd Vulcani Templi fores, ac sacrum lucum incenderint. Id certè, si mea non me fallunt, verosimile putaverim: Phalaridis nempe ætate Ætnæ Montem conflasse, ignemque ex ejus visceribus erupisse. Fructus ex illis: *Siquidem divinam sortem Ætnæus ignis sortitus est, in quem innocentes viros projeceritis.* In supremum namque Craterem fuisse injectos vix credibile; non incongruum autem, vel in dehiscentis lateris voraginem, vel in igneum torrentem, ibique absumptos mortem oppetiisse. Neque hæc Thucydidi refragantur, qui tria prorsus ab ingressu Græcorum Ætnæ incendia commemorat, quorum unum Pythagoræ, aliud Hieronis, tertium ejusdem Thucydidis ætate obvenisse ex aliis monumentis abundè constat. Nam potuit hoc, quod Phalaridis ævo statuimus, ex minoribus esse, neque aliis fortasse majoris notæ accensendum. Ad Pythagoræ porro ævum, qui circa sexagesimam floruit Olympiadem per annos ferme ducentos incendia quievisse, quæ bis singulo sæculo minimùm defæviunt, Philosophis neutiquam persuasum.

XII. At inquires, Phalaridis Epistolæ suspectæ. Quid vero? Nec enim illas omnino gratis confinxisse Lucianum, aut excogitasse putandum. Scripsit eximius hic Philosophus de Phalaride Dialogum, quem habes tomo primo ejus operum, hæc verò Epistolas ejusdem Tyranni nomine composuit, quamvis circa hoc Criticis non conveniat. At proculdubio Phalaridis gestis, quæ ex Authoribus hauscerat, illas accommodavit, concinnavitque juxta ea, quæ de Tyranno



ranno ferebantur in Historiis ætate hac nostra deperditis. Hinc etsi supposititiæ Epistolæ, vera autem omnino, quorum in Epistolis fit mentio, censenda facinora.

XIII. Phalaridi infensum Stefichorum Himerensem Poetam, quòd cives suos a consilio ineundæ cum eo societatis averterit, tradunt, & Apologum, quo ille usus est, ut in suam iret Populus sententiam, referunt. Rem ex Fazello paullo uberius præstat hìc recitare. (a) *Aucta Republica Himerenses Phalaridem Imperatorem exercitus contra hostes instituere cogitabant, jamque custodes corporis ab eo postulatos daturi erant. Stefichorus, quum plura, ut Cives ab inceptis revocaret, differuisset, lepidissimo tandem eos Apologo in hæc verba admonuit. Equus prata solus obtinebat; cumque Cervus superveniens pascua devastasset, Hominem contra Cervum consuluit. At ille: si frænum, inquit, patieris, & Ego in te ascendero, quam facillimè hostem ulcisceris. Accepit Equus conditionem, atque ita pro ultione Homini deinceps perpetuò servivit. Accepto Apologo, probatoque Himerenses Phalaridē imperio abdicarunt, ac diu fortiter Patriæ libertatem tutati sunt: Exarsit in Poetam Tyrannus, ille autem profugus Catanam venit, quòd longè Agrigento hæc aberat, ejusque Principi adversa habebatur, illius denique obniti viribus potis erat, ac securum alumno olim præbere asylum. Necessitudines cæteroqui, quas, dum vacaret studiis, sibi comparaverat, benevolentia, qua illum Cives omnes prosequiebantur, Scientiæ denique fama, atq: insignia merita, quæ hominem commendabant, ut pronò, lubentique animo exciperetur, stimulum addidere.*

(a)  
Dec. I.  
lib. 9. cap. 2.



(1)  
Ante Xpum.  
552. Mund.  
3448.

addidere . Meritis hinc honoribus a nostris cohone-  
status , atque in Civem adscitus , diu Musis  
vacans vixit , tandemque fato concedens Olym-  
piade LV. nobili sepulchro conditus ab hoste etiam  
Phalaride meruit commendari ; in demortui enim  
gratiam Tauromenitanis captivorum pretia reddi-  
dit ; Filiasque , quæ tunc Catanæ degebant , hi-  
sce litteris est consolatus :

IV. *Mæroris vestri Filiæ quamnam aptiorem  
vobis consolationem quispiam afferat , quam virtu-  
tem Parentis super quo lugetis ? Non enim lacrimis  
Stesichorus , sed laudibus prosequendus est . Equidem  
nolim omnino vos , neque mortuos lugere , neque  
plangere , non quin communiter hi affectus necessariò  
omnibus accidant ; sed quoniam miserorum sint , quo-  
rum non mors , sed vita , vel potius magis debeat de-  
plorari ; non Stesichori , qui tot annos cum sanctis-  
simis diebus in choreis , & cantibus Musarum vixit ,  
cujus nomen in honoribus , & laureis immortale  
servabitur . Et post multa , quæ in eadem pro-  
fert sententiam , concludit : Ipse enim , cum diem  
suum obiret , non impavidus perstitit . Certò nam-  
que scitote Filiæ , cum a nobis captus Stesichorus ,  
in nostram venisset potestatem , nihil quidquam for-  
midavit ; neque tamquam grave quiddam perpes-  
surus fractus animo est ; quippe , qui longè genero-  
sior captivus nobis visus sit , quam hostis . Victa ,  
igitur Tyrannidis nostræ acerbitas ab ejus sapientia  
est ; non quod quidquam vellem in eum gravius ani-  
madvertere ; sed cum cruciatus meos muneri adscri-  
bebat . Ego enim innumeris eum laboribus capere  
conatus , cum affecutus sum , nihil habui , quod mal-  
lem , quam gratiam ei habere , ut a me beneficium  
acciperet ; ex quo non deberi mihi ab eo gratiam ,  
quod duodecim eum annos , tot enim postea vixit , ser-  
vaverim ;*



vaverim, sed ei me arbitror debere, quod & ad alia nos corroboravit, & solus omnium, ut mortem contemneremus, effecit.

XV. Captum a se Stesichorum Phalaris in alia Epistola ad Himerenses scribit, quum a Pachyno in Peloponnesum pro Corinthiis, ad quos a suis mittebatur, navigaret, concluditque: Stesichorus adhuc salvus est, donec, quo eum mortis genere ulcisci velimus, excogitabimus. Sed in alia mox liberè dimissum asserit: Puduit sacrum virum, & sapientiâ clarum, & verè musis creditum interire, atque utinam talium virorum fatum coercere mihi liceret. Ex quibus eruo: Stesichorum, postquam, ut Phalaridis iram evaderet, Catanam se recepisset, in Peloponnesum ad Corinthios pro causis Patriæ enavigasse, atque in itinere a Phalaride interceptum, liberum paullopost dimissum, Himeram fortè ad suos aliquandiu divertisse, ac demum Catanam remeasse, ubi mortem subiit. Dedit porro & aliam ad Filias Stesichori Epistolam Phalaris in hæc verba.

XVI. Tauromenitani, pro quibus ad me scribitis, mandatum a Patre, cum vitâ defungeretur, habuisse, nullâ digni sunt clementiâ. Hi enim ne minimùm quidem a me offensi, adversum me bellum susceperunt. Stesichorus verò, non hoc modò, quod petitis, ut scilicet captivorum pretia, quæ a Tauromenitanis exegimus, reddimandemus, sed quidvis etiam supra vires nostras a nobis promeritus est. Licet enim mortuus nonnullis videatur, nemo tamen, qui rectè sentiat, id dixerit. Mibi quidem Stesichorus vivit; neque tantum apud me Tauromenitanorum odium valeat, ut Stesichoro aliquid petenti, quod Phalaris habeat, negetur. Omnes namque homines ab illo vinci decet, me autem



omnium maximè ; qui in tot hominum millibus, quos expertus sum , præstantioris animi viderim neminem . Nos igitur Tauromenitanis pecunias reddi iussimus . Neque , Medius Fidius , hanc Patri vestro gratiam referre , sed ab eo potius accepisse existimamus .

(a)  
de Poet.  
Dial. 9.  
feg. 332.

(b)  
lib. 20. cap.  
27.  
Var. lectio:

(c)  
Aët. 3. et 4.  
in Verrem

XVII. De Stefichori Sepulchro Catanæ , ut tantum decebat virum , magnificentissimè extructo hæc habet Lilius Gyraldus (a) *Illud quidem Catanæ positum fuisse ante Urbis Portam , quæ ex re Stefichorea dicta est , Octangulum , hoc est octogonum perhibent ; a cuius forma in Talorum & Tesserarum lusu casus quidam Stefichoreus , vel Stefichorites appellatus est , ut Pollux , & Eustatius prodidere . Alii omnia ei sepulchro ex octonis rebus fuisse volunt , octo scilicet columnis , octo gradibus , & octo quoque angulis ; atque inde factum proverbium : Omnia octo , cum rei nihil deesse significamus .* Quamvis autem Lucius Pollux Himeræ id Sepulchrum statuatur , cui Cælius Rhodiginus subscribitur (b) Svidas nihilominus , Lucianus , Pausanias , Scriptoresque Siculi communiore Catanæ constituunt , ejusdemque rudera , ad jactum lapidis ab Urbe ad Septentrionem extra Portam , qua ad Acim opidum itur , designant . Marmoream statuam urnæ insedisse tradit Archangelus in Hist. Catan . Virum eximium lauro redimitum referentem , quod verosimile putaverim ; nam , & Himerenses Civi optimo simulacrum excitasse ex Tullio ediscimus ; (c) quorum fortè exemplum secuti Catanenses , qui studio in Stefichorum minimè se vinci ab Himerensibus sunt passi . De hoc sepulchro suo loco .

XVIII. De mortui Poetæ , ac civis Himerenses sibi corpus vindicare contendebant , bellumque



Iumque Catanensibus indicere ausi, a Phalaride, ut par est credere, supplicias petebant, quibus rescribens Phalaris in hæc respondit: Ego quidem Stesichori gratia facere omnia paratus sum, & si contra ipsa fata arma sumere oporteret, de morte contendere non piget, ut divinum virum, & a vobis, & ab exteris hominibus carminis elegantia laudatum liberarem, quem sanctissimæ Musæ omnibus prætulerunt vatibus, per quem, et cantus, et choreæ plurimum valuerunt. Verum animadvertite, ubicumque sepultus sit Stesichorus, Himerensem esse, & suarum virtutum gratia, omnis etiam Patriæ Civis vocabitur, manebit autem vester. Neque mortuum Stesichorum, sed in poematibus suis, quæ cum universo Orbe communicavit, vivere arbitramini. Veniat Vobis in mentem Himerenses, apud vos eum genitum, educatum, eruditum in versibus, poematibusque consensisse; apud Cathanios verò, et quidem volentes, naturæ cessisse. Et in Himera templum Stesichoro, immortale virtutis ejus monumentum condatur; in Catthania verò sepulchrum. Super hoc, ut satius vobis visum fuerit, consultetis; neque pecuniis, quantum nobis erit facultatis, neque armis egere vos arbitramini. Unum tamen animadvertatis velim, neque decori vobis, cum Siculi sitis, futurum in Sicilia Civitatem capere, neque si non caperetis, tutum. Cæterum nolite Stesichori obitum fletibus, & plantu prosequi, neque illius casu sollicitamini. Mortuum namque Stesichori corpus est, nomen autem perpetuum in vita quidem gloriosum, in memoria autem beatum servabitur. Adquievisse porro Tyranni consiliis Himerenses inde colligo, quod nusquam ab iis illatum nostris bellum legitur; atque Stesichori reliquæ in tumultu diu persistere.

In-



(a)  
de Stratagē:  
lib. 5.

XIX. Inessam agri Catanensis opidum ad radices Ætnæ positum contra Centuripem opprimere interim Phalaris cogitabat; quumque vi, armisque nequiret, dolo, atque astutia illam appetere cogitavit. Teutus eidem dominabatur, cuius filiam sibi in uxorem Phalaris postulavit, quumque nuptiarum tempus adesset, currus mundo muliebri, donisque elegantissimis, ac aureis vasis instruens, Ephebos complures armis clam succintos sub puellari cultu, veluti famulas Sponsæ munera allaturas præmisit. Qui mox, ut excepti, in Teutum nocte, ejusque familiares insurgentes tumultum excitarunt; Tyrannus hinc cum electa militū manu superveniens facili negotio per neglectas portas irrupit, sibi que omnia asseruit, ut Polienus Macedo testatur. (a)

XX. Occiso ab Agrigentinis Tyranno, Siculæ Urbes, quibus ille imperaverat, jugo excusso, in libertatem redactæ Democratico jure vivere cœperunt; mox per Insulam universam Pythagoræ eximii Philosophi operâ Tyrannis extincta; Hunc quippe e magna Græcia seu Calabria, ubi Olympiade sexagesima sedem sibi statuerat, in Siciliam advectum nonnulli perhibent, Urbesque in ea complures in libertatem asseruisse, Catauam nempe, Tauromenium, Himeram, Agrigentum, aliasque, Jamblicus in ejusdem Philosophi vita testatur. Verum id præstitisse per suos discipulos, quos e singulis civitatibus penè habebat, alii probabilius censent; animum quippe eorum ad libertatem semper accendendo, ad factiones funditus e patria evelendas excitavit. Inter Pythagoræ discipulos Charondam Catanensem præcipuum nonnulli recensent, tantoque præceptore adeò illum profecit-

Ante Xpū.  
533.



fecisse, ajunt, ut celeberrimi deinceps Legum Latoris sibi nomen conquiesierit, ut mox dicemus. At Pythagoricæ scholæ potiùs sectatorem alii credunt, aut ultimam senectutem agentem Pythagoram audivisse. Effloruit enim octogesima tertia Olympiade nonaginta circiter annis post Phalaridem; Tyrannidis hinc in Patria circa hæc tempora Extinctor minimè dicendus. An Symmithrio, Phtiphoni, & Phasanidi Catanensibus itidem laus hæc tribuenda? His enim Arcum, Statuasque crexisse Cives cum epigraphe, in qua ab deleta Tyrannide commendantur, Scriptores gentici produnt.

XXI. Jamvero Xenophanis per idem tempus insignis etiam Philosophi incolatu Catana inclaruit. Hic Patria Colophonius, Eleaticæ sectæ Princeps vitam ab omni fastu alienam ad multam senectutem traduxit; pulsus autem ab suis civibus, ut Laertius testatur (a) *In Zancle Siciliae moratus est, atque Catina*. Thaletis, & Pythagoræ contraria sensisse fertur, atque Epimenidem suggillasse; de Deo optimè scripsit, Elegiisque, ac Jambis in Homerum, & Hesiodum scriptis, fabulas de Diis ab iisdem inventas confutavit, ut Clemens Alexandrinus (b) præ aliis tradit. Denique centenario major Catanæ mortem oppetiit, ut Apollodorus apud Fazellum affirmat, ibidem eleganti sepulchro conditus circa Olympiadem sexagesimam sextam. Xenophanem Carnevalius (c) Patriâ Catanensem vulgavit, sed immeritò, fuit enim, ut diximus, Colophonius. Demortuum in Patria Carrera censet, quod a filiis propriis manibus tumulo fuerit demandatus, sed enim oculatissimus Scriptor Diogenis textum non vidit; ait enim hic in Xenophanis vita ex Panetico Stoi-

(a)  
*De Vitis*  
*Phil. lib. 9.*

(b)  
*Strom. lib. p.*

(c)  
*Hist. Sic. lib. 2.*



co lib. *de Tranquillit*: Filios illum suos propriis sepelisse manibus, sicut & Anassagoram. Tanta scilicet animi moderatione præditum, ut filios etiam sepulchro intulerit, ut de Anassagora legitur; non autem contra, a filiis nempe, fuisse sepultum. Calamo rursus cespitasse eundem Carreram liquet, dum Xenophanem in Hieronis ætatem remittit; Hiero enim post Olympiadem septuagesimā floruit, Xenophāes natus Olympiade tricesima, mortuusque centenarius, sexagesimā septimā summum attigit. Effrenis porro lingue illum fuisse scripsit nemo; hinc celebre ejus effatum præ aliis laudatus refert Diogenes: *Tyrannis congregiendum aut minimè, aut suavissimè*. Xenophanis *Placita* habes apud Capasū (a) novissimum Philosophicæ Historiæ scriptorē. Lib. 4. cap. 13. De eo etiam videtis Laertium, & Clementē, Plutarchum, Tullium, Stobæum, aliosque, Philosophum hunc de Deo non indigna scripsisse, asserentes.

XXII. Sub idem tempus, Pythagora adhuc in vivis agente, Siciliæ Insulam terræmotu concussam, Ætnamque Montem ignes eructasse, scribunt Lycosthenes, & Goffridus Viterbiensis in suis Chronicis (b) Hoc autem incendium cum aliō, quod Phalaridis ævo evenisse superius diximus, malè confundit Carrera; ejusdem meminit Tucydides, ac primum post Græcorum in Siciliam adventum fuisse scribit. Quo grassante eximium Fratrum Piorum facinus contigit. Illud sic enarrat Pausanias (c) de Pietate in Parentes differens. *Prisci mortales præ cunctis rebus plurimo dignabantur honore Parentes, quod cum ex aliis exemplis colligas, tum verò ex eorum, qui apud Catanam Pii sunt appellati. Cum enim igneus rivus in eam urbem devolveretur, nulla vel auri, vel argenti habita ratione, fugientes, Matrem hic, Patrem*



*trem ille humeris substulerunt. Sedenim, cum haudquaquam festinantes incendium urgeret; neque illi Parētes propterea dimitterēt, ita igneum torrentē in duas, ajunt, partes discessisse, ut per medios ignes cum ipsis Parentibus adolescentes evaserunt: lis apud Catanenses ad meam usque ætatem honores habentur.*

XXIII. Eadem Historia elegantissimè a Cornelio Severo in *Ætna* describitur, cujus extant apud Cluverium Carmina (a) Sed Author hic more poetico ignem finitimæ Urbis, idest Catanæ portas invasisse scribit, Civesque in opibus asportandis occupatos vorasse; id enim incendium Pios Fratres longè ab Urbe agentes deprehendit. Hinc Piorum campus, ubi eorum statuæ in monumentum erectæ, tumulusque post mortem exstructus, tribus ferme passuum millibus Catanâ ab Aquilone recedebat, quidquid Cluverius, campum ad Meridiem statuens, obtendat, ut alibi dicam. Nec Cononis apud Photium ejusdem facti enarratio omnino congruit (b) *Ignis Ætnæi*, scribit ille, *Crateres tantas aliquando, fluminis instar, flammæ per eam regionem effuderant, ut Catanæis extremum Urbis interitum certissimè allaturæ viderentur. Ex ea igitur Cives quam citissimè fugientes, aurum alii, alii argentum efferebant, alii verò quæcumque in exilio subsidium allatura videbantur. Anapias tantum & Anphinomus præ omnibus, Parentes senio confectos humeris impositos fugientes extulerunt. Cæteros interim flamma adurens extinxit, quæ in eorum circuitu ita diffundi visa est, ut insulæ in modum, circumcirca locus ille igne liber fieret.*

Quod enim ille de Urbe affirmat; de proximo Catanæ pago intelligendū; Cives quippe opprimere fugien-

117  
Sic. Antiquæ  
lib. p. cap. 8.

161  
In Bibliot.  
nar. 43.



fugientes neutiquam flamma poterat, ni illi sese ortasse ingruenti incendio obiicerent, quod incongruum. Habet Catana Montem ab Aquilone, unde ab igne cavendum: Cives ergo, ut hunc evaderent, ad meridiana iter flectere, oportuit, quæ fane loca ante elapsam xvii. sæculum ab hujusmodi incursionibus omnino immunia. Crediderim ergo, pagorum, qui ad Septentrionem sub Ætna frequentissimè occurrunt, incolas metu incendii in Urbem festinasse, oneribusque præpeditos ab igne absumptos, a quo illæsi ob patriam pietatem, mirabili fanè prodigio, fratres dicuntur.

XXIV. De Patria, ac nomine Piorum, qui dissentiant, non desunt. Emantiam enim, & Critonem, ac Syracusios credunt aliqui; Stobæus Philemonum & Calliam, sed Catanenses dicit. Hinc Solinus (a) *Inter Catinam, ait, & Syracusas certamen est de illustrium fratrum memoria, quorum nomina sibi diversæ partes adoptant. Si Catanenses audiamus, Anapias fuit, & Amphinomus; si quod malunt Syracusæ, Emantiam putabimus & Critonem. Catanensis tamen regio causam dedit facti, in quam, se cum incendia protulissent, Juvenes duo sublato Parentes evexerunt inter flammæ illesi ignibus. Horum memoriam ita Posteritas munerata est, ut sepulchri locus nominaretur Campus Piorum. At quam incongruè Syracusani sibi olim illos vendicarint, nomina longè diversa, ut fabulæ fidem adstruerent, appingentes, nedum ex illo Silii Italici (b)*

141  
Polistor.  
cap. 11.

161  
lib. 14.

*Tum Catine nimium ardenti vicina Typhæo,  
Et generasse pios quondam celeberrima fratres,  
Colligitur, sed & Catanensium veteres Numi  
Amphinomi, & Anapiæ epigraphe, & thypo insignes,  
cui-*



cuique obvii, atque antiquæ Inscriptiones, quarum una adhuc extans Catanam *Piorum* Urbem appellat, fatis indicant, ut quum de illis erit sermo, fusiùs dicemus.

XXV. Verùm circa ætatem, qua & factũ consignatur, & incendium deseviit, controversia longe major. Hieronis Tyrannidis initio Olympiade septuagesima quinta, ut mox videbimus, Thucydidis testimonio Ætna vehementiùs exarsit, creditque Carrera eo incendio Fratres pietate in Parentes sese commendasse; sed id fundamento adstruit nullo. Cluverius locis laudatis, etsi incertum tempus esse omnino dicat, ante Alexandri ætatem factum nihilominus consignat; eruitque ex Licurgi contra Leocratem Oratione post Alexandrum recitata, ubi *Campi Piorum* meminit, quem a Patre, & Filio appellatum affirmat, quamvis non duos inducit fratres Patrem, & Matrem sustollentes, sed unum. Liquet ergo ante Alexandri ævum jam facinus per Græciam universam fuisse vulgatum, adeoque multò ante evenisse. Quum verò pro re fabulosa factum Licurgus habuerit, ut idem Cluverius observat, longiùs ante Alexandrum penes Græcos id evulgari cœpisse inde colligo, ac meritò in Pythagoræ ætatem rejicio; quod enim recenti memoria gestum, facilè pro fabuloso nequit proferri. Cæterùm celebres sunt Pii Fratres etiam Senecæ *lib. iii. & vi. de Beneficiis* Aristoteli *de Aud. mirab. cap. iii.* Straboni *lib. vi.* Valerio Maximo *lib. v. cap. iv.* necnon recentioribus Scanello, & Tiraquello, qui perperam quatuor fuisse fratres vulgarunt, Maurolyco, Fazel-lo, aliisque.



XXVI. Mortuus Pythagoras Olympiadis septuagesimæ anno quarto memoratur apud Cotronam Calabriae Urbem, quo quidem tempore Gelon magna æquitatis fama, atque animi moderatione Gelæ, quæ est Siciliae Urbs, dominabatur. Hic ab Optimatibus Syracusanis contra plebem evocatus, rebus ea in Urbe compositis ejusdem etiam imperium adeptus est, Gelamque Hieroni fratri concessit circa Olympiadem LXXIII. ut Fazellus observat. Multis dehinc, domi, forisque præclare gestis septennio integro optimi Principis opinione rebus Siculis administratis, statu communi variis legibus constituto, e vivis excessit, eundemque Hieronem unanimi Syracusani populi consensu sibi successorem delegit. Hic Geloni fratri supramodum absimilis in avaritiam, atque immanitatem Tyrannidis initio proclivis subditas sibi gentes, ac vicinas, fœderatasque Urbes improbè vexavit, nostrisque cum primis infensus, eas variis calamitatibus affecit.

Ante Xpt.  
480.



## CATANA

## SUB GRÆCIS AB OLYMPIADE

## LXXV. AD XC.

I. **H**ierone tyrannidem Syracusis exercente Ætna mons incendia evomuit, omnemque circumquaque regionem vastavit, Xerxes, ait Cedrenus varia referens facinora, Ægypto in potestatem suam redacta, Athenas, juncto Hellesponto, perveniens, Urbem incendit. Romæ Portilla quædam Virgo incesti damnata, defossa fuit. His temporibus Ætnæ mons Siciliæ ruptus est, ignemque edidit. Notat Cluverius: hæc esse minus exactè computata; Ætnæ tamen incendium cum celebri illo Xersis in Græciam transitu convenire clarissimè liquet. Hic enim in Olympiadis LXXV. annum primum incidit, illud vero ex Thucydide eadem Olympiade factum. En verba Historici (a) *Per idem ver, Olympiadis LXXXVIII. anno secundo, Profluvium ignis ex Ætnæ monte omnium Siciliæ maximo emanavit, quemadmodum alias. Fertur autem profluvium hoc quinquagesimo a superiore emanasse anno; idest Olympiadis LXXV. anno quarto.*

(a)  
Belli Pelopō.  
lib. 6.

II. Circa idem tempus Hiero Fratre Polyzelo, cui dudum per insidias mortem intenderat, in pristinam gratiam recepto, Theroni Himerensium Tyrāno conciliatus, Chalcidenses Urbes suis vivētes legibus aggreditur, Leontinisque subactis, Naxum mox, et Catanam longa obsidione pressas tandem sibi subjicit. Hieron autem, inquit Diodorus (b) *Catanenses, Naxjosque Urbibus suis ejicit, coloniasque eò deducit, quinque hominum millia*

(a)  
Bibl. lib. II.

ex

Ante Xpū  
463.  
Orbis con-  
diti  
3537.



ex Peloponneso conciens, adjectis totidem Syracusis, Catanamque immutato nomine appellavit Ætnam; atque agrum illis non solum Catanensem, verum etiam magnam finitimi partem, sorte divisit, suppletis illic decem millibus colonis. Hoc autem ab eo idcirco perpetratum, ut idonea sibi ad emergentes necessitates subsidia quam paratissima forent, simulque ut ex urbe decem millium Colonorum a se condita præmia, laudesque heroicas assequeretur. Naxios verò, et Catanenses patria exutos in Leontinos transcripsit, eamque illis sedem instituit, iussitque uti cum incolis, et civibus Urbem colerent. Huc usque Diodorus, qui rem Olympiade LXXVI. Præfecto Athenis Phedone, gestā cōsignat.

III Eadem habet Fazellus, de Hierone enim loquens : (a) Cum Catana, ait, Naxo, et Leontino Urbibus potiretur, minusque in Cataneis, et Naxiis confideret, Cataneos, & Naxios pulsos in Leontinos transcripsit, atque ex Peloponneso, et Syracusis Colonos ad decem millia ducens, Catanam inhabitare iussit, quò sibi ad necessitates imminentes subsidia quam paratissima, ac fidelissima haberet. Cæterum cum non Tyrannus Catane Urbis, neque Rex, sed veluti Conditor, et haberi, et nominari vellet, abolito Catane nomine, Ætnam eam Urbem, ac se Ætnæum appellari iussit; legesque cum Laconicas tum Doricas incolis præscripsit. Et alibi paullo fusius idipsum firmans (b) cum Hieron, inquit, Syracusarum Tyrannus, Urbem Catanam superasset, expulsis Cataneis, decem Megarensium, Gelorum, Syracusiorumque millibus, magna quoque finitimorum agrorum parte in capita distributa, eam habitandam dedit. Quam cum Doricis, Laconicisque legibus exornasset, quo quasi novæ Urbis Conditor videretur, abro-

(a)  
Dec. 2. lib. 1.  
cap. 4.

(b)  
Dec. 1. lib. 3.  
cap. 1.



abrogato Catane nomine, Ætnam appellavit. Cujus etiam non Tyrannum, non Regem, sed Habitorem, Civemque salutari voluit. Unde et in certaminibus, quibus superaverat victor, non Catanæum se, aut Syracusum, sed Ætnæum nova ambitione proclamari jubebat, ut Pindarus in Olympiis, et Pythiis tradit. Huic Urbi Hiero Chromium, quem ob singularem modestiam, probitatem, ac fortitudinem plurimum diligebat, Gubernatorem præfecit, qui et ipse in Pythiis victor Ætnæus eodem Pindaro teste proclamatus est. Catanenses vero patria exutos in Leontinos transcripsit, eamque illis sedem constituit, jussitque, ut cum incolis, et Civibus eam Urbem incolerent. Hæc Fazellus. Mirari hinc subit Carreram contra Scriptorum mentem aliter eadem enarrare. (a)

(a)  
Cat. Hist.  
lib. 4. com. 1.

IV. Sed quum de Pindaro, et Chromio huc mentio inciderit, illud non reticendum, summum hunc Poetam, cujus consuetudine, et doctrina Tyrannus maximopere delectabatur, Catanam aliquando digressum a Chromio Urbis Optimate hospitio fuisse exceptum; hinc sæpius ille in Pythiis, et Nemæis occasionem nactus Hieronem semel Quadrigis, bis Celere victorem, et Chromium, ut ex Fazello vidimus, Catanam denique ejusque Cives, sub Ætnæ nomine summis extollit laudibus. Placet hic ex ejusdem Odariis pauca recitare, quæ ad rem faciunt. Primam namque Pythiorum Odem inscribit.

Hieronem Ætnæo Syracusano Curru victoriam adepto Mox Ætna monte, ejusque incendiis descriptis, subdit: (b) Contingat Jupiter, contingat, ut Ego placeam tibi; Qui hunc Regis montem, cui cognominem inclitus Conditor decoravit Urbem vicinam, Pythiadisque in curriculo præco proclamavit ipsam,

(b)  
Stroph. 2.  
Antistroph.



(a)  
Stroph. 2.  
Epod.

nunciū afferens super Hieronis egregii Victoris. Et paullo post de Urbe ejusque Civibus (a) Ipsa igitur ratio, hos propter successus, et victoriam jam partam, opinionem affert mihi, ut credam hanc Civitatem Ætnam monti vicino cognominem, in posterum fore coronis, et equis inclitam, et inter dulcifona convivia celebrem. Lyciæ, et Deli imperium obtinens Phæbe, Parnassique fontem Castalium amans, velis hæc animo mandare, et bene instructam viris regionem. Hinc prosequitur

(b)  
Stroph. 3.

(b) A Diis enim molimina omnia moralibus virtutibus, et prudentes, et manibus fortes, et lingua eximii, ac eloquentes nascuntur. Denique de legibus Urbi præscriptis: Age dum postea Ætneo

(c)  
Stroph. 4.

Regi gratum excogitemus hymnum (c) cui Urbem illam, cum divinitus fundata libertate Doricæ li-

(d)

bræ in legibus Hieron condidit (d) O Jupiter effice, quod a te peto, semper autem talem fortunam

Antistroph.

Amenæ ad aquam Civibus, et Regibus largire, ut fama hominum verum dijudicet, ac affirmare possit id verum esse, quod a me dictum. Nam tecum, teque, O Jupiter, Hieroni favente, Hiero princeps vir, filioque dans mandata, populumque Ætnæum honorans, suo filio committet concordem tranquillitatem.

V. De Chromio porro, ejusque domo hæc canit in Nemæis (e)

(e)  
Ode 9. duod. 1.

Chromio Ætneo victoriam adepto curru. Hymnum laudatorium ab Apolline traditum. o Musæ ex Urbe Sycione proficiscentes canamus in recens conditam Ætnam, euntes in beatam Chromii domum, ubi fores apertæ ab hospitibus victæ sunt. Carminum igitur dulcem hymnū facite; Nam Chromius in currum equorum opera conscendens Matri Latonæ, & geminis ejus Filiis Pythonis altæ consortibus præsidibus cantū denunciat.

Eum-



Eundem Chromium Agesidami filium dicit, atque prima ætate ad trajectum Areæ circa Elori Fluminis ripas fortiter se gessisse idem Poeta testatur. Quod sanè sub Hippocrate Gelæ Tyranno, cui Gelon successit, evenisse censet Carrera. Sed præstat ipsum Pindarum audire; (a) Sortem bonam legum constitutione præditam, atque pacatam, orote, ut Ætneorum filiis diu præbeas, Jupiter Pater, & civilibus ornamentis admisceas populum, eique publicam lætitiâ annuas. Sunt enim in eo & equorum studiosi, & possessionibus animos habentes præstantiores viri. (Rem incredibilem dixi; verecundia enim, quæ gloriam affert, lucro surripitur.) Sub Chromio Armiger existens inter pedites, & equos, naviumque in præliis judicasses periculum velocis pugnae, ac insignem Chromii virtutem cognovisses. (b) Quoniam in bello verecundia incitabat ejus animu bellicosum, ad propulsandum mortis exitium. Pauci autem consultando queunt cædis ante pedes existentis nubem convertere in hostium virorum agmina manibus, & animo. Dicitur quidē Hectori decus floruisse prope Scamandri fluentia. At circū ripas Elori præcipitia profunda habentes, ubi Areæ trajectum homines vocant, refulget filio Agesidami hoc lumen in ætate prima. In aliis autem diebus commemorabo ejus multa egregia facinora in pulverulenta terra & in vicino Mari. Chromiū denique Fazellus, ubi de Flumine Eloro loquitur (c) Gelonis generum facit. Insignis fuit hic annis Chromii generi Gelonis memorabili victoria, qui Socerum adjuvans hic Carthaginienses fudit, ut in Nemæis Pindarus, & ejus Scholia ex Timæo referunt. Sed ad Hieronem redeo.

(a)  
Ibid. duod. 6.  
circa finem  
& duod. 7.

(b)  
Duod. 8.

(c)  
Decad. p.  
lib. 4. cap. 2.

Ante Xptū.

450.

VI. Post alteram Celete partam in Olympiis victoriam Hiero in Siciliam revertitur, inde Cata-



Catanam petit, ubi morbo correptus, anno regni sui XII. Olympiadis septuagesimæ nonæ anno primo fato functus est, Trasibulo fratre successore relicto, ac unico filio Dinomene, qui Jovi Olympio, mox, quæ Pater voverat, persolvit. Nobili sepulchro tumulatus, honores funeris non alios nactus est Hiero, quàm si ipsius Catanæ Urbis fuisset conditor. Diodorus <sup>(a)</sup> *Hiero Syracusanorum Rex Catanæ interiit, titulisque, & monumentis Heroicis ejus memoria ornata est.* Censet Mirabella <sup>(b)</sup> Hieronis exuvias a Dinomene Syracusas translatas, ibique conditas, sed ejus conjecturas merito refellit Carrera. Quod enim posuit Syracusis Patri monumentum Dinomones, in perennem rerum ab illo fortiter gestarum memoriam, aliud fuit ab insigni sepulchro eidem Catanæ extructo, ut alibi ostendam.

<sup>(a)</sup>  
Bibl. Hist.  
lib. I.

<sup>(b)</sup>  
Tab. 2. n. 55.

VII. Trasibulus, quum ab ipsis imperii auspiciis Hieronem sævitia, & crudelitate superās, sese civium sanguine maculasset, populis invisus, post menses decem regno excedere coactus Syracusis libertatem restituit. Obstitisse diu Trasibulum Syracusano populo, accitis ex Catana militum præsidiis, quos illuc Hiero colonos constituerat, conductisque externis copiis, locis laudatis Diodorus memorat; at fœderatæ Insulæ universæ Civitates, quum suppetias ad communem libertatem vindicandam Syracusanis misissent, devicto tandem Tyranno, sese ad pristina jura revocarunt. Status hinc popularis ubique constitutus, Jovi Liberatori sacrificia decreta, ac Tyrannide undique debellata, summa pax Siculis parta est.

VIII. Hanc tertio post anno sub ejusdem Olympiadis septuagesimæ nonæ finem variæ seditiones

447.  
Ante Chr.



tiones, ac turbæ Syracusis subortæ inter veteres Urbis Cives, novosque jure Civitatis ab Gelone donatos, magno reipublicæ damno labefatarunt, quumque aliquando ancipiti Marte utrinque pugnatum esset, tandem Syracusanis victoria cessit. Inter hæc Catanæ Coloni a Siculis finitimis Ducetio duce, atque a Syracusiis, quos Hiero Catanæ etiam statuerat, externi vero Urbe pulsos agris, dum belli muniis vacarent, etiā sibi assignatis spoliaverant, bello appetuntur. *Sub idem tempus*, inquit Diodorus (a) *Ducetius Siculorum Dux Incolis Catanæ*, ab Hierone scilicet deductis, *infensus, quod agro Siculis per injuriam ablato (\*) fruerentur contra eos arma movit. Ab Syracusiis similiter eisdem bellum infertur; nam hi communi inter se sorte obtinuerant agros, & illic ab Hierone Principe veluti in Coloniam ducti, belli munera prosequabantur. Catanenses itaque, id est novi Ætnenses, contra instructi procedere ausi, cum multis jam præliis superati, fractis animis jam amplius sese tueri minimè possent, agro tandem & Urbe simul coacti sunt cedere; tum eam, quæ nunc Ætna vocitatur, condunt Urbem, cui antea Ennosia nomen habebatur. Priscique Catanæ incolæ post longum temporis intervallum patrias sedes receperunt.*

(a)  
Bibli. Hist.  
lib. 11.

IX. Ex his Diodori verbis eruit Carrera: Catanēses Cives olim ab Hierone ejectos sub ejusdem mortem Catanam extemplo reversos, mox nova jactura ab Siculis Ducetio Duce, ac Syracusanis prælio victos Incessam sese recepisse; Cluverius et si *Siculorum nomine intellexisse Diodorum Græcos Chalcidenses dicat, ad discrimen*

M m

NOVO-

---

(\*) Hiero enim nedum Catanensem agrum novis Catanæ Colonis, sed finitimorum etiam, siculorum scilicet concesserat, ut vidimus.



*novorum Colonorum a Peloponneso ab Hierone ad-*  
*scitorum; tradit nihilominus: Anno xv. post mor-*  
*tuo jam Hierone priscos loci incolas Siculos ejectis*  
*Catanensibus, qui sub exitum Hieronis eò rever-*  
*terant, Urbem occupasse. Sed utrumque halluci-*  
*nari cum ex iis, quæ diximus, tum ex aliis, quæ*  
*mox dabimus, clarissimè patebit. Subdit enim*  
*Diodorus, postquam Catanæ colonos a Ducetio*  
*victos prodit, hos in montanam Ætnæ oram,*  
*ubi Ennosia, seu Inessa ab Urbe Catana duodecim*  
*passuum millibus distita, sita erat, commigrasse, opi-*  
*dumque mutato nomine Ætnam dixisse, ac post-*  
*liminio priscos Catanenses reversos patrias sedes*  
*occupasse, a quibus longo temporis intervallo ab-*  
*fuerant. Catanenses enim Inessam concedere co-*  
*acti, Opidum non Ætnam appellassent, neque*  
*ab Hierone infenso Principe conditam vulgassēt,*  
*neque longo temporis intervallo patriâ abfuisse*  
*dicerentur, in quam biennio ante, post Hiero-*  
*nis mortem sese receperant. Optimè autem de*  
*Catanæ Colonis ab Hierone inductis, atque a*  
*Ducetio pulsis intelligitur, quod Inessam com-*  
*migrantes Ætnam eam, ab Urbe relicta mutuato*  
*vocabulo, appellaverint, ejusdemque Conditorem*  
*Hieronem suum dixerint, ac simularint.*

X. Sed nil fortè clarius, ad Carreræ & Clu-  
 verii conjecturas convellendas proferri hoc loco  
 potest, quam id, quod ex eodem Diodoro sequi-  
 tur. *His rebus gestis, quicumque Hierone impe-*  
*rante propriis ex urbibus ejecti ad id usque tem-*  
*pus exularant, auxilio sociorum in pristinas quis-*  
*que sedes restituuntur, eosque inde ejiciunt, qui-*  
*cumque per vim, & injuriam alienis locis aut*  
*urbibus infederant. Horum ex numero erant Geloi,*  
*Agragātini, Himerenses, proximè his Regini cum*  
*Zan-*



Zanclis, qui filiis Anaxilæ domini ex imperio & Urbe ejectis, patriæ libertatem recuperarunt. Et paullopost: Postremo civitates fere omnes ad delendos hostes consurgentes, edicto, decretoque communi adversus Inquilinos, advenasque Colonos proposito, sese in jura sua revocarunt. Tum reductis exulibus, Civitates Civibus priscis unicuique suas restituere, simul alienigenas omnes, qui per vim & potentiam aliena loca usurpaverant, non sua, incolas Messanæ constituere. Tumultus itaque seditionesque omnes, quæ per Siciliam solitæ erant concitari, hoc modo sedatæ sunt.

XI. Catanæ porro Cives Chalcidenses, mox ut in patriam reversi sunt, Hieronis tumulum solo æquarunt. Strabo (a) Post Hieronis obitū redeūtes Catanenses inquilinos expulerūt, ac ipsius Tyranni tumulum solo equarunt. Tum leges a Charonda Chalcidensibus Civitatibus observandas sub idem tempus traditas proponunt, quod innuere videtur Diodorus, post allata concludens. Urbibus quoque singulis cura fuit, lapsas leges, & Respublicas jam pridem alienatas pro suo cuique jure, & prisco more instaurare. Tum quidquid publici relictum est agri acceperunt, per civium capita quæque suis distributa sorte, tradunt. Efflorebat magnus hic Legumlator summa nominis celebritate apud Magnæ Græciæ populos, præscriptisque Crotoniatis, Locrensis, ac Rheginis ad vitam recte instituendam, ac rempublicam optimè gubernandam exactissimis legibus, a suis revocatus in Patriam, a qua ob Hieronis tyrannidem diū exulaverat, ac meritis honoribus exceptus, eorum leges reformavit, moxque reliquis Chalcidensibus per Siciliam, necnon Agrigantinis, Himereis, ac Tauromenitanis, vendi

(a)  
De Situ  
Orbis  
lib. 6.



(a)  
*Antiq. lect.*  
*lib. 8. cap. 9.*  
*Myth. lib. 2.*  
*cap. 2.*

vendi formam tradidit, qua servata diu a factionibus liberi perdurarunt. Observant Cælius Rhodiginus & Natalis Comes (a) quod leges ab se latas Charondas a Saturno acceptas prædicabat, ut tanquam a numine conditas homines vererentur, & susciperent.

XII. Interim Ducetius, quem Siculorum Ducem, Libertatisque authorem supra vidimus, gentis suæ Urbes singulas, excepta Hybla in unam & communem duxit ad stipendia contributionem, ac vitæ paræ institutionem, ut Diodorus testatur, tum ex ære publico suorum magna pecuniæ vi contracta, Neam Opidum hodie Næetum, patriam suam in æquum campum transtulit, ac juxta Palicorum lacum in agro Catanensi Urbem haud ignobilem condidit, quam Palicam appellari jussit Olympiadis octogesimæ primæ anno quarto. Eam quum firmo satis muro cinxisset, agros finitimos novis Colonis divisit. Hinc simul ob soli ubertatem, simulque propter incolentium multitudinem brevè Urbs crevit. At non diuturnæ ea fuit felicitas, haud enim multo post jacuit. Urbem hanc, ut de Palicorum Lacu & Templo differens ostendam, nonnulli ad Symethum sub Ætna statuunt, sed passim alii prope Menas fuisse tradunt. Sequenti anno Ducetius Ætnam, quæ olim Inessa, occupat, Principe ejus per fraudem necato (Fazellus (b) aliquæ Ennam legunt.) mox Agrigentinis ac Syracusanis bello profligatis, magnam in spem adducitur, invadendi totius pene Insulæ imperium; sed adversante fortuna ab iisdem Syracusanis victus, suisque exosus factus, vitam egre a victoribus obtinuit.

(b)  
*Decad. 2.*  
*lib. 2. cap. p.*



XIII. Sub idem tempus Ætnæ Montem. exarsisse, atque incendia cruciasset tradit ex Joanne Stobæo (a) Petrus Carrera, ac Piorum Fratrum insigne facinus evenisse contendit. Verùm utrumque hallucinari Thucydidis textus clarissimè evincit, qui in annum secundum Olympiadis LXXXVIII. tertium Ætnæ incendium post Græcorum adventum rejicit, proinde secundum, ut vidimus, ante annum quinquagesimum in septuagesimam quintam incidit Olympiadem; continuari porro, ut Carrera videtur innuere, idipsum incendium per annos ferme viginti quatuor usque ad octogesimam primam, haudquaquam potuit, nec Historici tacuissent, minus ab hac ad octogesimam octavam per triginta circiter annorum spatium protendi.

(a)  
lib. 2. cap. 5.  
Ser. 77.

XIV. Celebris nihilominus hac ipsa ætate Mons Ætna fuit morte, ac sepulchro Empedoclis Agrigentini Philosophi, Poetæ, ac Medici clarissimi. Hic, cum arte, aut maleficiis, nam etiam magicis fuit instructus, Pantheam Agrigentinam mulierem a Medicis destitutam perque dies plurimos animam agentem, sanitati restituisset, ac famam idcirco immortalem sibi comparasset, ut conceptam firmaret opinionem, sacrificiis oblati ante ortum Solis Ætnam ascendit, in ejusque craterem sese conjecit; ut quum amplius non appareret, inter Deos relatum, assumptumque homines crederent. Verùm, ignis illius æneū calceamentum evomit, ac fraude detecta, Philosophi temeritas, ambitionisque studium patuit. Hæc Laertius (b) qui alio longè diverso mortis genere defunctum ex aliis Scriptoribus Empedocle memorat. Cæterum probabiliorem censet Mongitorius (c) M. Antonii Sabellici de morte Empedoclis opinionem

(b)  
De Vitis Phil.  
lib. p.

(c)  
Bibliot.  
Sicul. tom. p.



a Mattheo Silvagio, Carnevalio, aliisque firmatam, qua dicunt, quod quum doctrina, naturalique scientia polleret, atque Ætnæorum incendiorum arcana propius examinare vellet, æneis munitus calceamentis, ut cinerum fervorem toleraret usque ad summum verticem, atque hiatum ascendit, quumque ulterius incautè philosophando procederet, in igneum lapsus est gurgitem, ejusque casum æneum calceamentum ignis vi rejectum prodidit. Hoc autem subdit laudatus Mongitorius ex eo firmari potest, quod Fazellus, Philotheus, Cimorellus, ac alii passim testantur: in tertia nempe Ætnæ regione prope verticem vetustissimi fornicis lateritium spectari, quod vulgo *Turris Philosophi* appellatur; vigetque penes Cataneenses fama, hanc sibi ædiculam testudinato opere Empedoclem, Cæli, ac Syderum motibus liberius contemplandis, construxisse. Quavis, ut verum fatear aliter nonnulli de hoc lateritio sentiant, ut alibi dicam.

XV. Olympiade octogesima tertia *Thuriorum* Urbs ex Sybarentium reliquiis, Grecisque coloniis in magna Græcia crevit, quumque legibus destituta vivendi modum haberet nullum, Catanensem Charondam, qui statuta præscriberet ac rempublicam administraret, & ordinaret, accersit, ut Diodorus testatur (a) qui ab optimis moribus, singulari rerum divinarum, humanarumque peritia, ac cultissimæ cujusque disciplinæ institutione virum commendat. Porro hic aliquandiu apud Thurios versatus, ut suo exemplo leges firmaret, in Patriam denuo rediit, ubi ætate gravis excessit, nobili sepulchro conditus, quod Fazelli ætate inventum, illud esse dicunt in Seminarii atrio locatum. De morte Charondæ varia circumferuntur

(a)  
Bibl. Hist.  
lib. 12.



tur. Sistam hîc Diodori verba. *Quadam die fuerunt, cum in agrum exivisset gladio accintus propter Latronû incursiones, atque in regressu suo convocata fortè concione Populi concederetur, ibique tumultus excitari miscerique plebem, et agitari varie cœptum per facinorosos, & seditiosos viros audisset, immemor gladii ad latus pendentis properat in concionem. At cum lege a se cautum, capitaleque judicatum esset, ne qua quis causa in concionem cum armis prodiret, ibi mox ab æmulis suis notatus criminis objectione. Ea enim occasione oblata haud cessarunt quidam ex eis repente procul inclamantes: Leges inquit, quas condidisti, nobisque composuisti Charondas, primus prævaricari adortus es. Ille repente ad gladium conversus: ita per Jovem, respondit: Verùm mox comprobatas reddam penas, confestimque stricto gladio, sibimet conspicientibus omnibus jugulum aperuit. Hæc suo loco fusius expendam.*

XVI. Leges aliquot a Charonda latas idem Diodorus exscribit, quas inter celebris illa: de Publicis Magistris ære Civitatis conducendis ad juventutis institutionem, habetur. Hinc non incongruè nonnulli publicam Catanæ Academiam Authorem habuisse Charondam dicunt, quavis alii longe ante, Stesichori nempe ætate institutam, ut superius innui, evulgent. Ut ut sit, Hippocratis ævo, qui Olympiade octogesima sexta effloruit, celeberrima habebatur, teste Hieronymo Mercuriale, qui & medica peritia, & studio antiquitatis, ut satis ejus opera declarant, insignis (a) *Tempore Hippocratis, ait, ut Ego reperio, tres fuerunt nobilissimæ scholæ, una Rhodi, altera in Sicilia, & præsertim in Urbe Catanensi, tertia fuit in Gnido. Quas sane publicas fuisse*

(a)  
De ratione  
victus Præfat.  
lib. 1. initio



fuisse Academias, nemo inficias ierit, quidquid Carrera de Rhodia, & Gnidia dictitet, ut unā omnibus præferat Catanensem. Ex illa enim Gnidi prodiisse Ctesiam Artaxerxis Medicum, & Hippocratem idem Mercurialis affirmat, ex alia Rhodi Theophrastum, de Sicula demum idem Author concludit. *Floruit pariter schola in Sicilia, & præsertim Pythagoræ*, ab ejusdem discipulo Charonda dubio procul instituta.

(a)  
Lib. 4. Hist.

XVII. Per idem tempus bellum atrox inter Syracusanos ex una, ac Leontinos, & Catanenses ex parte alia exarsit: Illud compendiarie hoc pacto enarrat Justinus (a) in suo Trogi compendio: *Catanenses quoque, cum Syracusanos graves paterentur, diffisi viribus suis auxilium ab Atheniensibus petivere, qui seu studio majoris imperii, quod Asiam Græciamque penitus occuparat, seu metu factæ pridem a Syracusanis classis, ne Lacedemoniis illæ vires accederent, Lemponium Ducem cum classe in Siciliam miserunt, ut sub specie ferendi Catanensibus auxilii, tentaret Siciliæ imperium. Et quoniam prima initia, frequenter cæsis hostibus prospera fuerant, majore de novo classe, & robustiore exercitu Lachete, & Cariade ducibus Siciliam petivere; sed Catanenses sive metu Atheniensium, sive tedio belli, pacem cum Syracusanis, remissis Atheniensium auxiliis, fecerunt. Hucusque Justinus, qui Leontinensium nullam prorsus ingerit mentionem.*

(b)  
Bib. Hist.  
lib. 12.

XVIII. Eadem vero enarrans Diodorus hæc habet (b) *Præfeto Athenis Euclide, Romani tres Tribunos Consulari potestate creaverunt M. Manliū* <sup>Ante X pū.</sup> *Q. Santiciū Prætextam, Serviliū Cornelium* <sup>420.</sup> *Cesum. Horum temporibus in Sicilia Leontinis Chalcidensium Colonis, Atheniensiumque cognatis adver-*  
sus



*sus Syracusios obtigit bellum. Pressi itaque viribus hostium, tum opibus, potentiaque Syracusiorum quam longe inferiores erant, in discrimen amittendæ per vim patriæ adducti, Legatos Athenas mittunt oratum a Populo auxilium, ut quam celerrimè suæ originis Urbem, jam incumbente periculo, liberare properarent. Legationis ejus Princeps fuit Gorgias Rhetor omnium ætatis suæ sermonis acrimonia longè præstantissimus... Hic igitur Athenas ingressus, cum multa eloquentissime pro auxilio impetrando differuisset, impetrata Atheniensium, cum Leontinis, suadendo, societate, ad suos rediit. Ast Athenienses jam pridem libido haud mediocris invaserat Siciliæ capiendæ propter opportunitatem loci, solique fertilitatem... quibus permoti causis, decreto Leontinis auxilio, centum naves in Siciliam mittunt ducibus Lachete, & Charonde, qui Rhegium advecti centum naves a Rheginis Calcidensibus colonis traditas suæ classi adjiciunt; Inde enavigantes, Insulas primum Liparensium, quod societatem tuerentur Syracusiorum excurrunt. Post in Urbem Locros perlati, captis ibi quinque Locrensiū navibus, castellum obsidere pergunt, cum finitimis Siculis auxilio Myleis occurrentibus. Conserta pugna victor Atheniensis manus supra mille hostium cædit, captivos haud sexcentis pauciores adduxerunt; moxque expugnato castello vi potiuntur. Interea dum hæc fiunt, adnavigant quadraginta naves ab Atheniensi populo missæ, ut generosiùs, atque ferociùs id suscipi bellum pro majestate Urbis videretur. His præerant duces Eurymedon, & Sophocles; contractis in unum locum maritimis viribus, jam haud spernenda classis apparebat ccl triremibus instructa. Dum itaque bellum diutius trahi viderent, Leontini defatigati per*  
*O o*  
*lega-*



*legatos Syracusas missos rem composuere. Triremes Atheniensium bello soluto revehuntur in Patriam. Hæc Diodorus, qui alios Siciliae Populos Leontinensibus fœderatos memorat nullos, ac navium numerum, quæ ab Atheniensibus, Rheginisque vel missæ, vel collectæ nimium augere videtur, quum Thucydides ad Siculam expeditionem sub Lachete, & Chareade, seu Charonde ducibus naves viginti coactas testetur, ut mox videbimus. Fortasse, dum ab Rheginis, & Chalcidensibus Colonis traditas naves aliquot Atheniensibus innuit, de Siculis Chalcidensibus intelligit; Thucydides enim Diodoro vetustior, immo & Peloponnesiaci belli, cui interfuit, Synchronus Historicus Leontinis adhesisse Chalcidicas Civitates apertissimè scribit; hinc non incongruè Justinus ex Trogo bellum inter Catanenses, & Syracusios gestum, legatosque Athenas ab Catanensibus missos enarrat; summa enim inter Leontinos, & Catanenses necessitudo ob communem originem erat.*

(a)  
*Belli Pelopõ.*  
*lib. 3.*

XVIII. Jamvero, quid Thucydides de eo bello vulgaverit, hoc loco sistam (a) *Extremo huius Æstatis (quinto anno belli Peloponnesiaci ab eodem Historico descripti) Athenienses viginti naves in Siciliam dimiserunt ducibus Lachete Melanopi, et Chareada Euphileti filio; Syracusani namque cum Leontinis bellum gerebant; Erant autem Syracusanorum sociæ præter Camerinam, cæteræ Doricæ Civitates, quæ cum Lacedemoniis ante cæptum bellum societatem contraxerant; Leontinorum vero Chalcidicæ, Chamarinaque. Ex Italia Lochri Syracusanis, Rhegini, utpote cognati, Leontinis studebant. Miserunt itaque socii Leontinorum Athenas, qui pro vetusta soci-*



societate, et quia Jones essent, persuaderent illis, ut naves sibi trajicerent. Prohiberi enim se a Syracusanis, & terræ usu, et maris. Et trajicerunt Athenienses perspeciem necessitudinis, eo tamen consilio, ut neque illinc frumentum exportaretur in Peloponnesum, et tentarent, numquid possent Siculas res sibi subjicere. Ex quibus id colligas: præcipuam belli molem Leontinis incubuisse, Chalcidicas vero Urbes Catanam, Naxum, Camarinamque Doricam, Leontinorum socias legatos etiam ad suppctias petendas misisse Athenas; bellum proinde gessisse conjunctis viribus pro libertate tuenda contra Syracusanos, qui nimiam potentiâ, opibusque clati illam labefactare studebant.

XX. Acri deinde pestilentia, quæ ineunte Hyeme Atheniensium vires afflixerat, descripta, prosequitur Thucydides hisce verbis: Eadem Hyeme, qui in Sicilia erant Athenienses, ac Rhegini cum triginta navibus invaserunt Æoli, ut vocant, Insulas, Æstate tutas ab hostibus ob aquæ penuriam. Sunt autem sitæ eæ Insulæ Siculum versus ac Messanum agrum, sociæ tunc Syracusanorum. Vastata horum terra, cum dedere se recusarent, Rhegium rediere Athenienses. Et post pauca: Eadem Æstate (anno scilicet sexto belli) alii quoque in Sicilia, ut quibusque contigit, beligeraverunt, & ipsi Sicilienses inter se, alii aliis arma inferentes, & Athenienses sociis junctis... Etenim Chareade Atheniensium duce occiso a Syracusanis in bello, Laches, penes quem summa potestas navium erat, cum sociis profectus est Mylas Messeniorum, ubi erant præsidio due choortes illorum, quæ cum insidias quasdam classicis tetendissent, ab Atheniensibus, ac sociis in fugam versi,



versi, multos e suis amiserunt; & ad motis ad munitionem copiis pactiorem facere coacti sunt, ut et arcem dederent, & adversus Messanam una dimicarent. Et mox Mamertini progredientibus Atheniensibus sociisque deditiorem, et ipsi fecerunt, datis obsidibus, et quaecumque ad fidei tutelam pertinent praestitis.

XXI. Sub finem ednique Libri, postquam Nisæ opidum incassum ab Atheniensibus, & sociis oppugnatum enarrasset, concludit: Eadem Hyeme, qui apud Siciliam erant Athenienses, cum egressi e navibus in Himeræa essent, Siciliensibus una supernè invadentibus extrema Himeræa, cum ad Æoli Insulas navigassent in Rhegium se receperunt. Ubi Pythodorum Isolochi filium Atheniensium ducem successorem Lachetis offendunt in navium præfectura. Nam Sicilienses socii aditis Atheniensibus persuaserant, ut se maiore classe adjuvarent. Quippe Syracusani cum terrâ forent illis superiores, & mari paucis navibus impedirentur, talem classem instruxerant, ut post hac contemni non possent. Itaque sexaginta naves expleverunt Athenienses tamquam sociis mittendas; etenim tum existimabant citius ibi bellum finitum iri, tum volebant fieri navium experimentum. Igitur unum e ducibus Pythodorum cum paucis navibus miserunt, missuri cum pluribus Sophoclem Sostratidæ filium, & Eurimedontem Thuclei. Pythodorus, accepta jam Lachetis præfectura, profectus est sub extremum Hyemis ad præsidium Locrorum, quod ceperat Laches, & victus a Locris in pugna discessit.

XXII. Per idem Ver ( Hæc nostra potissimum tangunt. ) Profluvium ignis ex Ætna monte omnium Siciliae maximo emanavit, quemadmodum  
alias



*aliàs, & aliquantulum soli Catanensium corrumpit sub Aetna incolentium. Fertur autem profluvium hoc quinquagesimo a superiore manasse anno, & ad summum ter extitisse, ex quo Sicilia a Græcis incolitur. Hæc per eam hyemem gesta sunt, & sextus exiit annus belli hujus, quod Thucydides conscripsit.*

*Ante Xpū.*

420.

XXIII. Auspicatur mox quartum historiæ suæ librum & septimum belli annum, qui fuit tertius belli Syracusani ab expugnatione Urbis Messanensis, ac vastatione Rhegini agri Locræfium opera, enarratisque aliquot levioribus pugnis variâ fortunâ in mari utrinque gestis prosequitur: *Mamertinorum interea omnis populus a terra pariter, & navibus adversus Naxum Chalcidicam, quæ in sinibus sita est, proficiscitur, ac prima die intra muros repulsis Naxiis agrum populabatur, postero cum classe pernavigans ad amnem Acesinem agrum vastat, peditatu oppidum oppugnante. Atque interim Siculi montani, ad ferendam Naxiis opem frequentes in Messenios descendunt; quos, ut conspexere Naxii, addito animo, seipsos mutuo adhortantur tamquam sibi veniant auxilio Leontini cum aliis Græcis sociis; & subito ex Urbe erumpentes in Messenios irruunt, & in fugam vertunt, ac supra mille occidunt, cæteris egrè domum elapsis, nã barbari in viis agres si permultos trucidaverunt, & naves quæ Messanam tenuerant, mox in suam queque Urbem remearunt. Statimque Leontini, ac socii cum Atheniensibus Messanam, ut conquassatam, oppugnatum contendunt; Athenienses quidem a portu cum classe, peditatus vero a terra. At illi, & ex Locrensisibus aliquot cum Demotele post cladem acceptam ad præsidium relictis, repentina irruptione*



invadentes exercitum Leontinorum, plerumque in fugam vertunt, ac multos occidunt. Quo inspecto Athenienses egressi e navibus auxilium ferunt, rursusque Mamertinos persecuti sunt, ad Urbem usque perturbatis instantes, ac posito tropheo Rhegium reverterunt. Post hac Greci, qui in Sicilia sunt inter se sine Atheniensibus alii alios bello infestabant,

XXIV. Anno belli Peloponnesiaci octavo Ante A. ſū.  
419. Syracufani quarto inter Camarinenses atque Geloos induciæ primum inite sunt; mox ceteri Siculi legatis singularum Urbium ad Gelam coactis inter se tractabant si quo pacto reconciliarentur; Et cum multæ ultro citroque sententiæ dicerentur dissentientium, & prout quisque se læsum iri arbitrabatur expostulantium, Hermocrate tandem suadente pax firmata fuit, atque inter se in hanc sententiam convenerunt, ut ab armis discederetur, obrinentibus quibusque quæ obtinerent, modo foret Margantina Camarinorum, pro qua certam Syracufanis pecuniam reddere tenerentur. Socii vero Atheniensium accitis illorum primoribus ajūt fœdera, quæ ineunda essent, fore cum eis communia. His probantibus pacificati sunt. Post quod Atheniensium naves e Sicilia decesserunt. Earum Duces multasse Civitatem subdit Thucydides, exilio quidem Pythodorum, & Sophoclem, pecunia vero Eurymedontem, quasi penes eos fuisset Siciliam subjicere, muneribusque corrupti ac persuasi abscessissent. Hæc fusiori calamo ex Thucydide prosequi libuit, communi enim societate cum nostris Leontini, Naxii, Camarinenses, alique, ac junctis viribus id bellum gessere, ut ab initio docui; hinc ut communis fœderatorū labor, sic & communia, quæ huc usque com-

memo-



memoravi, facinora censenda.

ante Xpi.  
417.

XXV. Post biennium turbatis per Insulam rebus Phæax ab Atheniensibus cum duobus collegis legatus in Italiam atque Siciliam transmittitur, Legationem hanc sic describit Thucydides (a) Cum Leontini Atheniensibus e Sicilia reversis, post conventionem, multos in civitatem adscripsissent, & plebs agrum viritim dividere haberet in animo, id sentientes ii, qui potentes erant, Syracusanis accitis, plebem ejicere, & eâ passim errabundâ, dedentes se Syracusanis, Urbemque deferentes, ac desolantes habitacula, Syracusas, ut Cives, commigrarunt: Quorum plerique displicente sibi factò, relictis Syracusis, locum quemdam Urbis suæ nomine Phoces cepere, & arcem in Leontino agro validam Bricinnias; ad quos permulti exulantis plebis se contulerunt, & pro muris stantes belligerabantur. Hoc cum audissent Athenienses Phæacem miserunt, si quomodo persuasis suis, qui ibi erant sociis (quos inter Catanenses) & aliis, si possent, Siciliensibus, communiter tâquam adversus proficiscentem Syracusanorum potentiam, sumptis armis, liberarent populum Leontinum. Phæax ubi advenit, inductis Camari-  
neis, atque Agragantinis, quia apud Gelas ei è contrario eveniebat, ad cæteros non perrexit, intelligens haud quaquam illis persuasurum, sed rediens per Siculos Catanam, & in transitu Bricinnias veniens, adortatusque discessit. Ex quibus eruo: Phæacem Catanam primo appulsum, quâ civibus persuasisset, mox ad alias perrexisse; sed re infecta reversum, in patriam solvisse.

(a)  
Lib. 5. bell.  
Pelopon.











# CATANÆ ILLUSTRATÆ

## LIBER SECUNDUS

### CAP. I.

#### CATANA ATHENIENSIBUS

#### CONTRA SYRACUSANOS

#### FÆDERATA.

I. **O** Lympiade nonagesima prima incun-  
 Ante Xpū. te Seluntini finitimis suis Ægestanis  
 411. bellum intulere. Hi quòd Chalcidenses essent, ac  
 Orbis con- veteres Atheniensium focii ad suppetias exorā-  
 diti das Legatos suos Athenas direxerant, votique  
 3589. compotes effecti, ut naves sexaginta in Siciliam  
 transmitterent, impetrarant. Catanenses interim  
 ac Leontini auxilia adversus Syracusanos sibi  
 infensissimos ab iisdem Atheniensibus postularūt;  
 hinc illi, cupiditate proculdubio, ut sæpius dixis-  
 se memini, totius insulæ potiundæ specie tamen  
 auxilii cognatis populis, sibique ob fœdera con-  
 junctis ferendi, magno apparatu in Siciliam tra-  
 jicere decreverunt. Catanensium, seu Chalciden-  
 sium legationem enarrans Justinus (a) Interjecto  
 ait, *tempore, cum fides pacis a Syracusis non ser-* (a)  
*varetur, denuo Legatos Athenas mittunt, qui sordi-* Hist. lib. 4.  
*da veste, capillo, barbaque prolixis, & omni squallo-*  
*ris bobitu ad misericordiam commovendam accer-*  
*sito*



sito concionem deformes adeunt; adduntur precibus lacrymæ & ita misericordem populum supplices movent, ut damnarentur duces, qui ab his auxilia deduxerunt. Igitur classis ingens decernitur, creantur Duces Nicias, Alcibiades, & Lamachus, tantisque viribus Sicilia repetitur, ut ipsis terro-ri essent, in quorum auxilia mittebantur. Hic, ut observas, Justinus rursus Catanensium solūmodo meminit, cum Chalcidenses omnes Siculi auxilia postulassent. Num quia tunc Catana inter Chalcidicas civitates principatum gerebat, uti inter Doricas Syracusæ, inter Siculas Trinacia?

(a)  
Bib. Hist.  
lib. 12.

II. Fusius rem enarrat Diodorus, descriptoque inter Seluntinos, & Ægestanos prælio, horumque clade subdit (a) Cum viribus suis Ægestæi disfiderent, Agragantinorum præsidium, & Syracusiorum sibi societatem conciliare conantur. Ea frustra spe cæpta, legatos Carthaginem mittunt, imploratum auxilium, quibus itidem renuentibus, ad maris auxilia societatem, quæcumque fortuna obtulisset, contrahendam convertuntur; quorum consilia casus ipse provexit. Leontinos olim Syracusii Urbe ejectos agro quoque spoliaverant; solo itaque patrio extorres, consilium ineunt societatis Atheniensium sibi rursus conciliandæ. Hac re gentibus communicata, quibuscum amicitia devincti erant, communi decreto, legatos Athenas mittunt, oratum, uti Urbibus suis vi, & potentia quorundam oppressis, opem ferre properarent, simulque eis operam suam pollicentur ad rem Siculam peragendam. Cum Legati Athenas venissent, Leontinis antiquam cognationem, & pristinam societatem commemorantibus, tum Ægestæis ingentem proferentibus ad id bellum sibi pecuniam, quam paratam haberent, simulque capturos contra Syracusios arma spondentibus



tibus; Athenienses adducti statuunt eò dimittere viros quosdam spectatæ virtutis, & fidei, qui simul Insulæ situm, opesque, & Ægestæorum res diligenter explorarent. Quibus Ægestam pervectis Ægestei pecuniæ vim opumve facultatem, quanta domi pollerent, jactari, quantave suburbiis, & locis proximis pro arbitrio cogere in manu esset, ostendere. His diligenter exploratis domum regressi Ægestæorum opulentiam renunciant. Comitibus habitis, de ea re Populus consulitur. Relata in medium consultatione de exercitu in Siciliam trajiciendo, Nicias contrariam habuit sententiam... Alcibiades vero Atheniensium clarissimus hortari pergit Populum, ut id bellum confidenter adoriatur... Persuasus itaque illius sermone, assensusque Populus, extemplo classem ad id idoneam extrui jubet; triginta a sociis triremes missæ, centum ipsi suis opibus instruunt, rebusque muniunt ad bellum necessariis. Quina deinde armatorum millia eis imponuntur eo delectu ex Civibus habito, duces eius expeditionis tres creati Alcibiades, Lamachus, & Nicias.

III. Niciæ, & Alcibiadæ Orationes apud Athenienses, quibus hic bellum capeffendum, detrectandum ille Populo suavit, recitat suo more Thucydides (a) qui classem enumerans, triremibus Atticis centum triginta quatuor, ac duabus Rhodiis biremibus, in quibus armatorum quinque millia, ac centum vehebantur, ultra onerarias naves, quæ fere absque numero, instructam evulgat; ac prospero cursu in Siciliam delatam apud Rheginos primum constitisse, eodemque, ac Messanenses ad societatem ineundam frustra sollicitasse scribit. Pergit mox enarrare, ut completis sexaginta ex omni numero navibus,

sum-

(a)  
Bell. Pelopō.  
lib. 6.



*sumptisque necessariis, Athenienses duces Naxum transmiserint, uno ex eis cum cætera classe ad Rhegium relicto. A Naxiis intra Urbem recepti Catanam navigarunt, sed cum a Catanensibus non reciperentur (aderant enim illic quidam Syracusanorum studiosi) subierunt Teriam flumen, ubi stationem eo die cum habuissent, insequenti Syracusas navigarunt, in Ceterum classe digesta, ac præmiserunt decem naves in portum magnum, quæ subeuntes explorarent, si quid navium ab hoste deductum esset. Et ex eis egressi in terram aliqui denunciarent Syracusanis, Athenienses venire ad reducendos in suam patriam Leontinos jure societatis atque cognationis. Ubi denunciaverunt, situmque Urbis, ac portuum, & omnem circa regionem contemplati sunt, unde appellentibus sibi opportunitas foret oppugnandi, rursum reditum est Catanam.*

IV. Eadem habet Plutarchus cum in Alcibiade, tum in Nicia vita, sed hunc nonnihil incusat, quod militum animos consiliis suis perstrinxerit; Cum enim Lamachus, inquit, relicto cursu petere Syracusas, et quam proximè civitati bellum admoveere suaderet; Alcibiades vero sollicitatis primo finitimis Urbibus, & ad deditionem quasque possent compulsis, tum demum Syracusas aggredi oportere, censeret; Nicias ab utroque dissentiens Siciliam navibus lustrari censebat, ac postquam hostibus armorum, & irivemium apparatus ostendissent, Athenas redire optimum putabat... His ille consiliis passim vulgatis, vehementer animorum ardorem extinxit, & militum obtudit audaciam. Idem ab Atheniensibus captam in portu Syracusano navem e templo Jovis Olympii revertentem refert, quæ tabulas, ubi Civi-

um



um omnium Syracusanorum nomina, quicumque ad bellum idonei essent, inscripta erant, ferebat, quæ passim inter milites vulgatæ Auruspicum mentes turbavere, qui ex hoc jam oraculum fide præfinitum arbitrabantur, quod Atheniensibus prænunciaverat, fore ut aliquando Syracusanorum omnium Athenienses potirentur.

V. Illud etiam Diodorus præmiserat: Syracusios scilicet comperto classem, copiasque Atheniensium Siculis oris advectam in ipso trajectu adesse, creatis Dictatoribus Hermocrate, Sicario, et Heraclide, delectuque militum undique habito, per Siculas Urbes dimisisse oratum, ut pro salute communi contra vim hostis arma fumerent. Ab Agragantinis ac Naxiis responsum datum, se pro servanda fide societatem cum Atheniensibus juncturos; Himereos vero Marmertinosque bello tantisper abfore promisisse, seque de societate ineunda interea consulturos; Selinuntinos Geloos, & Catanenses arma viresque suas pollicitos. Verum de nostris subdubito, tum quod Athenas Legatos cum Leontinensibus jam ex Justino vidimus, misisse; tum quod Diodorus ipse paullo superius sub finem Libri XII. innuerat: Leontinos re cum gentibus communicata, quibus amicitia conjuncti erant, communi decreto Athenienses ad ferendam opem sollicitasse. Quæ autem gens Leontinis, & sanguinis necessitudine, & fœderibus conjunctior Catanensibus? Ab his minime receptos Athenienses quum primo Syracusas obnavigarent ex Thucydide adnotavi; sed causam Historicus aperuit, quod Catanæ adessent, qui Syracusanorum partibus studerent. Putaverim ergo subdolis verbis Syracusarum Legatis Catanenses suppetias promisisse, clam vero Atheniensibus, quibuscum fœderibus



(a)  
In Stratagē.

juncti erant, auxilia spopondisse. Subdit namque laudatus Thucydides, nec Diodorus dissentit, quod mox ut Atheniensium classis Catanam rediit, inito consilio Catanenses abnuerunt exercitum excipere, ingredi tamen duces, & si quid vellent, dicere jussere. Apud quos habente orationem Alcibiade, & in illam concionem conversis Oppidanis, Milites portulam quamdam male constructam subruerunt, ingressique mercabantur per Urbem. Scribit Polienus (a) convenisse Alcibiadem cum suis, ut se pro rostris loquente, dum universus populus concioni intentius assisteret, evulsâ per vim valvâ, milites in Urbem irrumperent, Civesque veluti socios haberent. Sed jam Thucydides: Hos ubi ingressos viderunt, qui cum Syracusanis sentiebant, subito timore percussi, clam profugerunt, non adeo multi; ceteri decrevere, faciendam cum Atheniensibus societatem, jubentes reliquum exercitum accersiri a Rhegio Et profequitur. Qui postea reversi, Athenienses, jam cum omni manu moventes, inde ubi Catanam appulerunt, castra communiunt. Castra hæc extra Urbem ad meridiem statuisse Athenienses opinor, qua parte iter est ad Leontinos.

VI. Dum hîc agerent Athenienses, perlatum est a Camerina, si se conferant eò, ad ipsos defecturam eam Civitatem, simulque Syracusanos classem instruere. Cum omni igitur exercitu, & classe proficiscuntur adversus Syracusas primum; ubi cum nihil navium instrui comperissent, retro se in Camerinam receperunt, appulsique ad littus, præconis voce se venisse nunciant; nec tamen recepti sunt... Ita infecto negotio discessum est; cumque in locum quemdam agri Syracusani descendissent, prædasque egissent, occurrentibus



*rentibus Syracusanis Equitibus, & per eos Pel-  
tatis nonnullis ex levi armatura interfectis, Ca-  
tanam reditum est. Ibi navem offendunt ab Athe-  
nis missam, qua Alcibiades ad se tuendum, cri-  
minibusque, quorum fuerat publicè insimulatus  
respondendum, in patriam revocabatur, cum quo  
& alii milites postulabantur. Audito Populi de-  
creto Alcibiades, his in triremem suam assumptis,  
qui secum erant in eadem calumnia nominati, in al-  
tum obnavigat, ubi autem ad Thurios applicuit, ar-  
repta clam fuga, in Peloponnesum delatus Spar-  
tam se recepit.*

VII. Interim Nicias, et Lamachus Athe-  
nienſium duces in Sicilia bifariam diviso exerci-  
tu, cum omnibus copiis Selinuntem navigant, at-  
que Ægestam, ut promissam, atque oblatam ab  
Ægestanis pecuniam recipiant, ac Selinuntinorum  
vires explorent; profectique Himæram usque,  
quæ Græca ex omni illa Siciliæ ora Urbs erat,  
quum non reciperentur, Hyccharam Sicanicum o-  
pidum (Mycaram Siculorum castellum lego a-  
pud Diodorum) in reditu expugnant; ex cujus  
præda, ac spoliis ad centum talenta cogunt,  
exactisque præterea ab Ægestanis triginta talen-  
tis, juncto eorumdem sibi equitatu, terrestri iti-  
nere per Siculos peragrandō, Catanam repe-  
tunt, navibus, quæ prædam portabant, littora  
circumlegentibus. Ex Hyccarenſi opido Laidem  
famosiſſimam postea meretricem, tunc verò ad-  
modum puellam inter captivos abductam, & in  
Peloponnesum advectam tradit Plutarcus (a)

(a)  
*In vita  
Niciæ.*

VIII. *Inſequenti Hyeme, proſequitur Thu-  
cydides, Athenienſes ad invadendas Syracuſas ſe  
apparabant; viciffimque Syracuſani, & ipſi tam-  
quam in illos ituri. Qui quoniam ad primum ter-  
rorem*



rorem atque expectationem non protinus invaserant Athenienses, quotidie magis ac magis animos sumebant... postulabantque a ducibus, ut se Catanam ducerent, quando hostis in ipsos non iret. Quin etiam Equites Syracusani ad speculandum assidue ad castra usque Atheniensium provecti, cum alia probra ingerebant, tum vero illud: Numquid venissent ad habitandum secum in aliena, quam ad Leontinos in propria sede locandos? Verum Athenienses duces in id intendebant, ut Syracusios Equites, quam longissimè ab Urbe abducerent, ut ipsi interea sub noctem cum classe prætervecti locum castris idoneum per otium occuparent; rati non perinde se valituros, si aut e classe adversus præparatos descenderent, aut terrestri itinere euntes, ab hostium speculatoribus cognoscerentur.. Ut igitur ad votum omnia cederent, hac uti astutia decreverunt.

IX. Mittunt quemdam (Græci Historici verba damus) probatæ sibi fidei, eundemque, ut putabatur, ducibus Syracusanis, ad quos mittebatur, non minus familiarem, qui diceret, se venire a quibusdam Catanensibus, (Erat autem ipse Catanensis,) quorum nomina illi nossent, & eos adhuc superesse suæ factioni studiosos; Is inquit, Athenienses intra Urbem depositis agitare armis, si velint illi certa die prima aurora cuncto cum Populo venire adversus Atheniensium exercitum, se hunc exclusuros ab Urbe, classemque incensuros. Syracusanos autem facile Athenienses adortos, exercitum deleturos; permultos fore Catanenses ad rem peragendam adjutores, & jam paratos esse, a quibus ipse veniret. Huic Syracusanorum duces, ut qui erant alioqui audaciores, & habebant sua sponte animum eundi cum apparatu adversus Catanam



*tanam multo inconsideratius fidem habuerunt. Nec cunctati, constituta die, qua ad Catanam adessent, hominem remiserunt, populoque omni edixerunt (Jam enim Selinuntini, & alii nonnulli ex sociis aderant) ut se nullo delectu ad exeundum expediret. Ubi omnia, quæ ad apparatus pertinent in expedito fuere, & dies, qua constituerant venire, adventabat, profecti Catanam versus castra posuere ad Symæthum Flumen in agro Leontino. Quos ubi advenientes sensere Athenienses, sumptis omnibus copiis, & suorum, & Siculorum, & si quis alius illuc accesserat, eisque in naves, & navigia impositis, de nocte tendunt Syracusas, & sub ortum Auroræ ingrediuntur in magnum portum ante Olympium, tanquam illic castra metaturi. Syracusani interim Equites primi Catanam perlatis, cognito omnem classem vela fecisse, regressi nuntiant peditatui; qua de re cuncti jam reversi sunt ad ferendas Urbi suppetias, & quia longum ipsis iter faciendum erat, Athenienses interea per ocium copias collocaverunt opportuno in loco, unde pro suo arbitrio prælium inire possent, nec ab equitatu Syracusano admodum infestari.*

X. Hoc omnium, inquit Plutarchus, quæ in Sicilia Nicias gesserit, præclarissimum extitit facinus. Verum prorsus fallitur Author hic, dum Niciam terrestri itinere Syracusas duxisse copias scribit, ac omni circum regione occupata, nullo adversante, ponendis castris eum locum, qui esset ab hostili insultu tutissimus, elegisse. Hæc enim Thucydidi nedum adversantur, sed Atheniensium fraudi, quam prospero eventu moliti fuerant, prorsus incongrua videntur; *terrestri enim itinere euntes*, ut idem Thucydides observat, ab hostibus circa Symethum positos & co-



gniti fuissent, & intercepti, neque alia brevior via Syracusas eundi, quam per Symethum, a Syracusano peditatu occupata. Sequenti porro die contra hostes, qui ad ferendam Urbi opem fuerant reversi, sese ad prælium Athenienses instruunt, ac primi eosdem adorti, collatis signis, in fugam vertunt. Cæsos Syracusanos, ingentique itidem pluvia, ac tonitribus territos longo spatio Athenienses sunt persecuti, ac fortasse delevissent, nisi equitatus hostilis, qui permultus atque invictus erat, illos inhibuisset. Syracusanis postero die victoriam concedentibus, mortuos nihilominus reddiderunt numero tam civiū, quam sociorum ducentos sexaginta (quadringentos enumerat Diodorus) quum ex suis, sociisque quinquaginta omnino desiderassent, quorū offibus ex piræ incendio reliquis, Hostiumque spoliis lectis, post aliquot ab hac victoria dies Catanam denuo navigarunt, certisque nuntiis Athenas missis, quibus pecuniam sibi, equitesque postulabant, deficientes ad se civitates aliquot in fidem susceperunt.

XI. Procedente Hyeme classis, quæ ad Catanam erat, continuo Messanam se contulit tamquam receptura eam Urbem per prodicionem, sed quæ tractabantur, Alcibiadis operâ non successerunt. *Interim Syracusani elati animis, inquit Plutarchus, omnem, quæ Catanae adjacet, regionem populati, Castra etiam Atheniensium, quæ non procul ab Urbe posita erant, incendere. Quorum malorum culpam omnes in Niciam referebant, qui periculorum rationibus subducendis occupatus, cum etiam minima quæque caveret, rerum gerendarum gubernatricem temporis occasionem prætersuere sinebat. Cæterum non otiosi reliquum hyemis insumpsere*



sumpsere Athenienses, sed sollicitatis Camarinensibus, ut ad se illos, pro jure societatis sub Lachete initæ, inducerent, quibus tamen neutri patri studere placuit, Siculorum quamplurimos sibi conciliarunt, eos precipuè, qui plana loca incolentes, Syracusanis parebant, illosque, qui in mediterraneis liberas Urbes habebant. Eos porro, qui a Syracusanis deficere recusabant, admotis copiis partim ad deditiōem compulerunt, partim, ne missa ab hostibus auxilia possent adire, prohibuerunt. Subinde e Naxo Catanam venerunt, ubi Castra a Syracusanis incensa excitarunt, ac quæcumque in rem erant, tanquam ineunte statim Vere bellum inituri, paraverunt. Nec illis segniores Syracusani ab Corinthiis cognatis, ac Lacedæmoniis auxilia impetrarunt, seque ad bellum fortiter gerendum munire.

XII. Anno xviii. Belli Peloponnesiaci Olympiadis nonagesimæ primæ secundo, incunte Vere Athenienses, qui in Sicilia erant, a Catana moventes adversus Megaram hostium Urbem adnavigant, ejusque agrum e classe egressi populantur. Hinc castellum quoddam Syracusanorum adorti, cum id non expugnassent, rursus tam pedestri itinere, quam navigatione ad flumen se Teriam recipiunt, agrosque circum ac segetes incendentes, aliquot eorumdem hostium interfectis, ad naves trophæo erecto redeunt. Catanam appulsi, atque illic frumentati cum omnibus copiis Centuripen Siculum opidum profecti sunt, quò quum ex conventionē intrassent, incensis Inessæorum seu Ætnæorum simul & Hyblensium agris discedunt, Catanamque regressi Equites offendunt ducentos quinquaginta



ta, sine ipsis equis, sed cum illorum ornatu, tãquam Sicilia equos suppeditatura, & equestres Sagittarios triginta cum tricenum talentorum pecunia ex Athenis advectos; Quibus frãti auxiliis classem illico Syracusas appellunt, atque ad locum nomine *Leonem* ab Epipolis septem circiter stadiis distantem Pedites exponunt. Hi alacriter, Ducibus prãeuntibus, ad Epipolas cursu contendunt, locumque occupant, (Erant Epipolæ locus præruptus Urbi imminēs hodie, *Mongibellisi*) priusquam Syracusani re cognita adessent, quos nihilominus accurrentes fundunt, atque in Urbem amisso duce, ac trecentis sociis compellunt.

XIII. Postera die exercitus omnis adversus Syracusarum mœnia descendit, & quum nemo obviam prodire auderet, regressus, castellum apud Labdalum in summa Epipolarum crepedine excitant. Nec ita multopost Atheniensibus ex Ægesta Equites trecenti, & Siculorum, Naxiorumque circiter centum supervenerunt. Quumque ipsis essent ducenti quinquaginta, qui sibi equos ab Ægestanis, & Catanensibus sumpserāt, Equitum summa sexcentorum extitit & quinquaginta, quo sane apparatu adversum Tycham profecti (Erat Tycha pars Urbis florentissima) Syracusios ad pugnandum egressos facile fundūt, murumque obsidionis ad Trogilum usque producunt, atque a magno portu ad alterum mare Urbem occludere parant. Varia subinde commissa prœlia circa vallum, quo contra Cives sese munierant, variãque fortunâ illud nunc dirutū, nunc reparatum, quumque aliquando conferta pugna, Lamachus Nicix socius, ut suos adjuvaret, fossam esset transgressus, destitutus, cum paucis gloriosè occubuit. Plutarchus Lamachum

cum



cum Callicrate Syracusanorum Prætore singulâri certamine congressum scribit, atque utrumque mutuis sese vulneribus confecisse.

XIV. Lamachi corpore, & armis potiti Syracusani *effuso cursu*, ut scribit Plutarchus, *Atheniensium muros, & Castra petebant*, ubi Nicias pene solus absque copiis, & auxiliis, infirmo etiam corpore, *versabatur*. Hic urgentis impetus necessitate excitatus, & imminentis periculi magnitudinem animadvertens, familiares, ac servos omnes, qui secum aderant, jussit quidquid lignorum ante muros machinarum parandarum causa convectum fuerat, atque ipsas etiam jam fabricatas machinas in acervum coniectas incendere. Atque eo consilio irruentium Syracusanorum impetum cohibuit, sibi & muris, tum etiam rebus omnibus atque impedimentis Atheniensium salutem attulit. Subdit deinde ingenti spe & animo gerendum bellum suscepisse Niciam, multis e Syracusanis partibus ad eum deficientibus populis, atque undique navigiis ad exercitum frumentum, & omni-fariam generis commeatum suppeditantibus, concluditque: *Et jam Syracusani sese ulterius posse tutari diffidentibus, quibus conditionibus pacem a Nicia petitura essent, consultabant*.

XV. Inter hæc auxilia ad Syracusiorum animos, fiduciamque erigendam ab Corinthiis & Lacedæmoniis Duce Gylippo advenerunt; unde utrinque circa munitiones sæpius pugnatum, ac Niciæ interdum, quandoque Gylippo victoria cessit. Subinde sequenti anno majori vi, atque apparatu gestum est bellum; ex sociis enim civitatibus auctore Gylippo, atque e Corintho suppetias maximo cum successu Syracusani sibi compararunt; Atheniensibus vero Eurimedon



(a)  
*Belli Pelopon.*  
*lib. 7.*

primum multo cum ære, mox Demosthenes cum armatorum aliquot millibus ac septuaginta navibus, auxilio ex Attica advenere, ut Tucydidēs testatur (a) Veris autem initio nondum Demosthene in Siciliam appulso, Gylippi atque Hermocratis hortatu ad navalem pugnam Syracusani sese expediunt, Plemmyriumque castellum ab Atheniensibus munitum dolo capiunt, quum enim Athenienses præsidarii ad spectaculum navalis pugnae intenderent, Gylippus prima luce castelli muros subit, paucisque custodibus in fugam actis, reliquis munitionibus potitur, magnaque pecuniæ vim ibi ab hostibus veluti in tuto positam sibi vindicat. Porro navale prælium Atheniensibus cesserat, qui fugata Syracusana classe, ac decem eorum triremibus depressis posito trophæo parva in Insula quæ Plemmyrio periacet, extractisque hostilibus spoliis in castra rediere.

XVI. Nondiupost Siculi Atheniensium focii, quos inter Centuripini atque Alicyæi memorantur, exercitum, quem ex reliquis Insulae populis sibi studentibus Syracusani contraxerant, per insidias aggrediuntur, ad octingentos ferme conficiunt, legatosque præter unum Corinthium cædunt. Jamvero Gylippus, cognito Demosthenem jam cum auxiliis adventare, terrestrem simul, & navalem experiri fortunam, rursus voluit, suosque ad utrumque prælium educit. Athenienses, qui a principio peti se solo peditatu opinabantur, ubi naves quoque cernunt ex adverso tendentes, classem & ipsi conscendunt, ac quinque & septuaginta navibus impletis, obviam hosti procedunt, cujus erant naves octoginta. Hæ classes, quum diu invicem



cem incurrissent, multaque tentassent, tandem direpte sunt, simulque a muris, ac vallo peditatus excessit. Postera die quievire; at insequenti maturius Syracusani sub eodem conatu, & peditatus, & classis conflixere cum Atheniensibus, quos tandem Aristonis Corinthii suasu, inopinato rursus post prandium adorti fundunt, navalisque victoriae trophæum erigunt.

XVII. Demosthenes interea portum ingressus, ut Atheniensium animos erexit, sic hostium depressit audaciam, advertensque, quonam modo res se haberent, non esse terendum tempus censuit. Machinas igitur contra Urbem, Nicia invito, copiasque admovet, atque ad Epipolas cæsis fugatisque præfidiariis, munitiones invadit; mox tamen, quum longe progredientibus suis nullo ordine, vellet quamvelocissimè nondum expugnata loca percurrere, a Thebanis repulsus, ingentique strage fugatus est. Tunc belli, atque expeditionis difficultatibus serio pensatis, reditum in patriam suadere cœpit, cui tamen Nicias obstitit primum, sed invadente exercitum pestilenti lue, & ipse demum abitionem occultissimè imperavit. Hanc nihilominus lunari Eclipsi perterriti Athenienses quum distulissent, de ea re a transfugis edocti Syracusani, terrestri ac navali prælio illos aggredi decernunt. Confertâ pugnâ Atheniensis classis partim cum Eurimedonte, qui dextrum cornu tenebat, conficitur, partim ad terram usque urgetur, Syracusanus vero peditatus sub Gylippo a Tyrrhenis Atheniensium sociis in fugam versus, in paludē Lyfimeliam deturbatur, ac cum non multa cæde ab Atheniensibus etiam, qui ad suppetias sociis ferendas advenerant, repellitur; unde ab utrisque



que trophæa statuuntur.

XVIII. Subinde Syracusani fauces portus compactis navibus præcludunt, ne posset amplius Atheniensium fuga eos latere. Hi porro, quæ destinaverat hostis probe intelligentes, quum inopia commeatus laborarent, (præmissis enim nuntiis Catanam, tamquam profecturi, ne quid ad se deveheretur, mandarant) Castrorum munitones deferendas statuunt, summoque conatū navale prælium committendum censent, ut si ex eo victores discederent, Catanam sese recipèrent, sin minus incensa classe pedestri agmine abirent, ac locum aliquem sive Barbaricum sive Græcum adipiscerentur. Quæ posteaquam agi placuit, ex templo acta sunt, admotisque navibus ad centum ac decem, hortante Nicia, atque omnium animos erigente, Demosthene, Menandro, & Euchidemo ducibus ad fauces portus jam præoccupatas sine mora se conferunt, ut in altum erumpèrent. Nec segniores Syracusani, & ipsi totidem fere navibus moventes, exitum portus tutabantur, ac in hostes obsessas fauces subire tentantes inveci, multâ ferociâ bellum committunt, victoresque in Urbem redeunt.

XIX. Tunc de abeundo per noctem terrestri itinere Athenienses consilio inito, Hermocratis Syracusani astutiâ a proposito revocantur. Hic enim, quum Cives ad obstruendas vias, & angusta locorum occupanda adducere non posset, ad hostium castra quosdam e suis obscura nocte, quasi essent Atheniensium studiosi, emittit, qui dicunt, ne nocte illa moverent, tamquam Syracusanis itinera obsidentibus; idque postridie potius per otium instructo agmine præstarent. Hæc quum Athenienses milites Ducibus retulif-



retulissent, nullam hi subesse fraudem opinati, ea nocte cunctandum censuerunt. At ubi satis sibi visum est suos instruxisse, tertio a pugna navali die, diviso in duas partes exercitu, Catanam versus moverunt. Syracusani interea ac Gylippus cum suis priores egressi itinera passim obstruxerant, & ad riparum, & Fluminum vada posuerant insidias, fugientibusque occurrentes incessabant, atque ab cœpto itinere revocabant. Tandem Demosthenis copiis, quæ turba præpeditæ lentius festinabant, interceptis, atque ad deditionem cum ipso Duce compulsis, Niciam mox cum reliquis ad Assinorum Flumen aggrediuntur, pluribusque jam fame ac siti confectis crudeliter obtruncatis, Niciam ipsum, qui se Gylippo dederat, capiunt, ac Syracusas cum aliquot captivorum millibus adducunt, ubi Niciam ac Demosthenem, Gylippo invito, obtruncant, reliquis in Lithotomias misere detrufis. Plutarchus ex Timeo tradit: Niciam ac Demosthenē sibi ipsis mortem in custodia conscivisse, eorumque corpora ante fores carceris projecta, ut cuique aspiciendi potestas fieret, diu jacuisse. Atheniensium Socios, servosque dimissos etiam incolumes refert, Siculis exceptis, qui cum Atheniensibus per Lapidicinas damnati.

XX. Atheniensium multitudo, qui e Castris profugerant, quadraginta ferme millium numerum æquabat, sociis, ægrotisque exceptis, qui in castris cum sarcinis remanserant; Ex illis decem & octo millia Diodoro teste (a) in itinere confecta, septē millia in captivitatem adducta, quorum aliqui periere, nonnulli deinceps evaserunt; pauci Catanam elapsi præsertim Equites, quo Duces receptum indixerant, aliquot per Insulam

(a)  
Bib. Hist. lib. 2.



(a)  
In Atroicis


iam dispersi ægrè tandem in patriam remearunt. De Callistrate Empedi filio Atheniensium Equitum Duce insigne facinus Pausanias refert (a) *Is in Sicilia ad Assinorum amnem Atheniensium, & eorum, qui ejus expeditionis socii fuerant, copiis pene ad internicionem deletis, per medios hostes Equitibus, quorum ipse Dux erat, viam fecit, ac deinde Catanam cum magna suorum parte incolumis elapsus, mox eadem via Syracusas pergens eos opprimere est conatus, qui Castra Atheniensium diripiebant. Ibi quinque ex hostium numero cæsis, ipse equo saucio, aliquot vulneribus lethalibus acceptis, parta & Atheniensibus, & sibi insigni gloria, servatisque, quibus imperarat, equitibus, mortem oppetiit.*

(b)  
Dcc. 2. lib. 2.  
cap. 8.

XXI. Memorabili hac victoria potiti, fœderatas Atheniensibus Chalcidicas Urbes Syracusani deinceps impetere non cessarunt, Catanam, Naxum, Leontinos, quæ libertatem diù, ac fortiter contra potentissimum hostem ac recenti triumpho elatum nihilominus tuebatur. Orto autem denuo non multopost inter Selunintinos, & Ægestanos bello, accitisque ab his Carthaginiensium auxiliis, quum & Syracusani vicissim ad ferendas Selunintinis suppetias evocarentur, Inducias idcirco cum Chalcidensibus firmarunt, ut Diodorus testatur. Hinc Fazellus (b) Selinuntē a Pœnis obsessam, atque ad extrema deductam enarrans, Selunintinosque expeditiores Equites, qui labentibus jam rebus opem a sociis exposcerent, destinasse commemorans, subdit: *At Syracusani nuncio accepto, rati Urbem obsideri, quidem, sed expugnari, atque in prædam tam cito dari minime posse, pace cum Catanensibus ac cæteris Chalcidensibus, quibuscum adhuc bellum gere-*



*gerebant, firmata, ingentem militum apparatus, quo Selinuntinis opitularentur, instruunt. Liberi subinde ab omnibus belli incommodis Cives nostri, agris excolendis, Urbi ampliandæ, viribusque instaurandis operam navarunt usque ad Dyonisii Syracusanorum Tyranni dominatum.*





## CATANA

## SUB TYRANNIS

I **P** Atriæ imperium, quod Olympiade <sup>Ante Xpū.</sup> nonagesima tertia, <sup>403.</sup> Dionysius variis artibus occupaverat, crudelitate, ac sævitia rexit, atque non tam Syracusanorum, quam universæ pene Insulæ exitio annis duodequadraginta tenuit. Et primo quidem contra Carthaginienses Gelam gravi obsidione prementes parum feliciter movit, compulsusque suorum rebellione Urbem repetere, ut illos compescuit, mox cum hostibus inito fœdere pacem firmavit. Fœderum porro præcipua conditio illa fuit, ut Dionysio Syracusarum regimen cederet, Leontinii, Messenii, Catanenses, alique propriis legibus viverent. Quum vero Insulæ totius potiundæ ambitione Tyrannus teneretur, contra Urbes illas, quæ belli tempore Carthaginiensium partibus stuerant, exercitum duxit; Nova autem exorta Syracusis seditione, ab incæptis revocatur, Campanorumque militum, quos pretio conduxerat, præsidio rebelles fudit, atque ex iis septem circiter millia Ætnam usque elapsos, odio dissimulato in patriam reduxit, quos tamen non diù, civesque reliquos armis spoliavit, ac durissimè afflixit.

II. Firmato imperio dilatandis ejus finibus animum iteratò adjecit. Diodorus rem ita prosequitur. (a) *Dionysius Syracusarum Tyrannus, ubi post factam cum Carthaginensibus pacem, seditionis Urbane tumultus pacaverat, vicinas Chalcidensium*

(a)  
Bibl. Hist.  
lib. 14.



densum Urbes ditioni suæ adjicere properavit, Naxum scilicet, Catanam, & Leontinos. His ideo potiri cupiens, quod & conterminæ Syracusis essent, & magnam amplificandi imperii commoditatem ipsi præstarent. Primum igitur Ætnam infesto exercitu petens castellum cepit.... Post in Leontinos ducens, prope Urbis mœnia juxta Teriam amnem castra posuit, & explicata statim acie, præconem ad Leontinos mittit, qui Urbem sibi tradere jubeat, se metu oppidanos subacturum arbitratus. Ast ubi detrectare Leontinos imperata, & cuncta obsidioni tolerandæ necessaria comportare videt Dionysius, quod machinis tunc careret, oppugnatione impresens omissa, agros eorū passim depopulationibus, ac prædis agendis vastat, inde in Siculos movet, hos potissimum bello a se peti simulans, ut Catanæi, Naxique tanto segiores circa urbium suarum custodiam redderentur... Post Ennensem expeditionem ab Dionysio factam subdit Historicus. Castris inde promotis Erbitæorum Urbem oppugnandam adortus est; sed cum res non succederet, pace cum illis inita, copias adversus Catanam duxit. Archilaus enim Catanæorum Præfectus ad prodendam illi Urbem se obligaverat promissis. Circa mediam igitur noctem, ad hoc intra mœnia admissus, in potestatem Catanam accepit, tum detractis populo armis idoneū in ea præsidium constituit.

III. Eandem calamitatem Naxus experta, cujus Prætor Procles magnitudine promissorū illectus patriā Tyranno prodidit. Hinc præmiis ille proditori exsolutis, & cognatis insuper concessis, cives reliquos servituti addixit, eorumque opes militibus diripiendas tradidit, murosque & ædificia solo æquavit. Vtriusque mox civitatis captivos sub



asta Syracusis immaniter vendi jussit. *Agrum quidem Naxiorum Siculis finitimis donavit, sed Urbem Catanensem Campanis inhabitandam permittit.* Subinde Leontinos iterum adortus, Urbem cum exercitu circumfedit, legatosque premit- tens, civibus postulavit, ut & deditionem face- rent, & sese Syracusarum civitati aggregarent, qui omni spe auxilii amissa, Naxiorum, & Ca- tanensium excidio considerato, tempori ceden- dum rati, oblatam subeunt conditionem, patriâ- que desertâ Syracusas contendunt. Subactis dolo ac metu Chalcidensibus, contra Carthaginienses bellicos apparatus Tyrannus instituit, atque E- pipolas muniendas ingenti sumptu, ac improbo multarum gentium labore paucos intra dies sus- cipit.

IV. Olympiadis nonagesimæ quintæ anno *Ante Xp̃m.* secundo Rhegini a Chalcidensibus quondam de- *193.* ducti Naxios & Catanenses, quos cognationis jure contingebant, in servitutem redactos graviter ferentes, consternati, ne & ipsi easdem subire calamitates cogerentur, priusquam se Tyrannus stabiliret, bellum maturè eidem facessere cogita- runt. Messanensibus igitur in societatem adsci- tis, transmissa freto quatuor peditum millibus, equitibus quadringētis, ac triginta navibus instru- cti, Syracusas proficiscuntur; sed orta mox dis- sentione, quum Messanenses copias passim dilabi viderent, seque sustinendo bello impares adver- terent, domum reversi, legatos ad Dionysium de pace renovanda destinant, ac facile omnia ad vôtum assequuntur. Tyrannus interim pro- penso studio bellicas promover machinas, & Ca- tapultas noviter inventas, classemque ingentem adornat, recentis structuræ triremes commentus, quarum



quarum materia partim ex Italia transvecta, partim ex Ætna Monte, in quo temporibus illis non exigua Abietum, Pinearumque vis habebatur, deducta. Armis, machinis, navibus expeditis, ad contrahendas inde militum copias se totum convertit, ac ad finitimos quoque sibi fœdere conciliandos adjecto animo, bellum Carthaginiensibus per epistolas indicit, nisi Græcanicis in Sicilia Urbibus excedant. At ubi illos, quod *Ante Xpū,* postulabat, neutiquam annuere accipit, cum suo- *392.* rum delectu, magnaue sociorum manu Erycem versus iter intendit, Motyamque Carthaginiensiū coloniam, quæ præcipua tunc belli arx ad invadendam Siciliam Pœnis commodum præbebat, primo impetu adoritur. Hac post cruentam obsidionem magnis exantlatis laboribus potitus, Leptinem classis Imperatorem, cum navibus centum viginti Carthaginienses, si quando trajicerent, observare jubet; ipse vero exeunte jam Æstate cum exercitu Syracusas regreditur.

V. Sequenti anno, quum Olympias nonagesima sexta ageretur, Carthaginienses peditum atque equitum ingentes copias, navesque quadringentas duce Imilcone contra Dionysium in Siciliam transmittunt. Nihilo segnior Tyrannus in hostes redit, eorumque terminos invadit, agrosque populatus, Halyciæos primum sibi socios adsciscit, mox Ægestam obsidet; At Imilco Pœnorum dux expositis juxta Panormum copiis, jubet præternavigare triremes, ac contra Dionysium movens, Erycis opido in transitu per proditorem accepto, ad Motyam repetendam contendit, eamque brevi expugnat. *Tametsi vero* (inquit Diodorus) *Siculi ad confligendum cum hoste promptos sese exhibebant, Dionysius tamen, quod* *procul*



*procul ab urbibus fœderatis aberat, & comineatus jam defecerat, bellum in alium transferre locum præstabilius duxit. Sicanis itaque aliquot sibi adjunctis, Syracusas raptim contendit, agros ubique pervastans, quâ ducebat.*

VI. *Ægestâ liberatâ, Imilco rem ex animi sententia procedere videns, universo cum exercitu Messanam petit, classe juxta adnavigante, brevique ingens iter emensus ad Pelorum castrametatur; nec diù post Urbem præsidio vacuum, classe in portum investa, per classarios milites occupat; mox cum toto exercitu Syracusas versus expeditionem instituit. Cæterum Siculi, prosequitur Diodorus, Dionysium jam pridem exosi, & tum commodam occasionem nacti ad Carthaginienses, exceptis Assorinis, desciverunt omnes. Dionysius itaque Syracusiorum servis ad pileum vocatis (libertate donatis) sexaginta naves complevit, a Lacedæmoniis etiam plusquam mille mercenarios accivit, & castella per agrum obiens, importato frumento munivit. Summo in primis opere, studioque Leontinorum arces firmavit, fruges ex circumjacentibus agris illuc congeffit. Campanis etiam, qui Catanam eo tempore incolebant, persuasit, ut in Urbem, quæ Ætna jam vocatur, propter eximiam loci firmitatem, commigrarent. Subdit hîc Cluverius, (a) Quos mortales Campanorum loco, Catanæ imposuerit, vel qui postea eam Urbem incoluerint, neque hîc, neque alibi docet Diodorus. Sed veteres Catanenses hâc illac per Siciliam dispersos ad patrias sese recepisse sedes, mox, ut Campani excessere, fatis probabile duxerim, ipso forte Dionysio annuente, qui Siculos demereri in tanto discrimine studebat.*

(a)  
Sic. Antiquæ  
lib. I. cap. 9.

VII. Subinde a Syracusanis partibus progress-



gressus Dionysius sub Tauro monte castra posuit, triginta millibus peditum, equitibus ter mille, ac centum octoginta navibus stipatus. Verum Imilco Messanæ mœnibus dirutis, Magonem Navarchum, cum instructa classe dimittit, ipse pedestribus copiis assumptis, festinatisque itineribus, ad eum locum, ubi olim Naxus, Magonem juxta oram legente, ne evaginatis quidem gladiis pervenit. Per idem porro tempus Ætna mons maximo conflagravit incendio, atque ad maritimam usque oram inter Acis, & Mascalarum opida sulfureas eructationes, liquefactaque saxa devolvit, quæ merito a Cluverio (a) *Magnarum asperumque rupium fœdum, triste, horrendumque spectaculum* vocantur; & licet via patefacta sit, difficilem nihilominus transitum præbent, atque Acis nemus vulgò ab incolis hodie dicuntur. De eodem incendio Orosius hæc habet (b) *His deinde temporibus Artaxerxis nempe, & Cyri Darii filiorum gravissimo terræmotu concussa Sicilia, insuper æstuantibus Ætnæ montis ignibus, favillisque calidis cum detrimento plurimo agrorum, villarumque vastata est.*

(a)  
Sic. An. lib. I.  
cap. 8.

(b)  
His. lib. 2.  
cap. 8.

VIII. Jamvero Diodorus Carthaginiensis exercitus sub Imilcone describens iter, quum ad Naxium usque agrum deductas copias enarrasset, subdit. *Sed quia nuper ignem ad maritimam usque oram eructaverat Ætna, terrestris exercitus non amplius ita duci poterat, ut nauticum ad litus comitantem haberet; maritimis enim tractibus flammantis Ætnæ, ceu profluvio quodam exustis, corruptisque, necessitas pedestre agmen montem circumire cogebat. Magonem igitur jubet, ut Catanam versus naviget; interim per mediterranea raptim ducens ipse, cum classe juxta Catana-*



orum littus conjungere sese illi properat; metus enim suberat, ne copiis a se longius divulsis, Siculi navali Magonem prælio adorirentur. Id quod etiam evenit. Dionysius namque exploratum habens tardiusculam Magonis navigationem, longumque, & operosum terrestribus iter esse, præpropere ad Catanam contendit, ut priusquam Imilconis miles accederet, ipse cum Magone prælium navale iniret; pedestre enim agmen littori obtensum fiduciam suis adjecturum, & majorem hostium metum incussurum sperabat. His ita provisus Leptinem cum tota classe in hostem mittit, jubens, ut constipato navium agmine, prælium committat.

IX. Carthaginienses igitur simulatque littus totum navigiis subito repletum, classemque Græcorum in se directam vident, non parum angi, prorasque terræ obvertere cœperunt. Mox ubi considerant extremum sibi periculum subeundum esse, si classe pariter, & pedestri exercitu confligant; mutato consilio, pugnae navalis fortunam tentare constituunt; navibusque in aciei seriem dispositis adventum hostis præstolantur. Tum Leptines cum triginta navibus longe optimis ante cæteros excurrentes, certamen non instrenuum quidem, sed inconsultum exorditur; & statim incurso in primum agmen facto, initio non paucas adverse partis triremes demergit. Verum ubi conferta Magonis acies triginta illis navibus circumfunditur, virtute quidem Leptiniani, copia vero Carthaginienses superant. Tandem Leptines multitudinis tante vim sufferre haud amplius valens in altum se fuga recipere cogitur; reliquæ deinde naves dissipatis ordinibus in hostem invectæ a Carthaginiensibus facile subiguntur. Navarchi siquidem profligati



*gati abitus in Pænis confidentiam auxit, Siculis contra pavorem non exiguum iniecit. Pugna hunc finem sortita, Carthaginienses hostem fugientem contentius insectati amplius centum naves corrumpunt, actuariis autem navibus per littus dispositis, nautas ad terrestrem exercitum enatantes trucidant. Quod igitur multi non procul a terra perirent (Nam Dionysius suppetias illis ferre non poterat) totus iste locus cadaveribus, & naufragiorum truncamentis oppletus erat. Occubuerunt hic in prælio Carthaginiensium non pauci, e Siculorum parte naves supra centum partim obtritæ, partim captæ sunt, & virorum plusquam viginti millia interierunt. Post hujus pugnae exitum Pæni ad Catanā naves sistunt, quod captas etiam naves pertraxerant, subductasque reficiunt, ut hoc pacto Carthaginiensibus non modo audiendam, sed etiam contemplandam victoriæ magnitudinem exhiberent. Ex quibus extremis verbis conjicio, Imilconē castra cū pedestri exercitu prope Catanam constituisse; Quæ defensoribus, incolisque pene destituta, facile Carthaginiensibus, ut mox dicemus, patuit.*

X. In ea concione, quam Theodorus Syracusanus ad suos cives pro rostris habuit contra Dionysium ab eodem Diodoro exscripta illud inter cætera contra Tyrannum opponit, quod in Cataneorum littore dimicavit juxta Urbem pugnam conseri permittens, ut profligatis in amicos se portus recipere integrum esset. Catanenses igitur jam Pœnorum partibus favebant. Subdit inde. Post conflictum vero navalem cum magnis ventorum procellis obortis, classem subducere Pœnos necessitas adigeret, pulcherrimam vincendi opportunitatem habebat; pedestris enim hostium acies nondum advenerat, navesque ipsorum hyemis violentia



*lentia ad littus ejiciebantur ; tunc si conjuncti pedestri Marte illas adorti fuissent Syracusani , eò necessitate compulsi essent Pœni , ut vel descensu facto extra negotium in manus venissent , aut fluctibus obluſtantes naufragiis littus compleviſſent .* Hæc Theodorus in ſua Concione .

XI. Et ſane , quamquam Siculi Dionyſium , ut contra Imilconem repentino impetu moveret , hortarentur , ipſe tamen haud tutum arbitratuſ , Urbem ſuam præſidio vacuam relinquere , iter Syracuſas verſus inſtituit . Imilco autem Catanæ littuſ aſſecutuſ , quotquot ibi naves invenit , propter venti procellam ſubduxit , & dieſ aliquot militum quieti , ac reſectiōni tribuit . Inde Campanoſ Ætnæ tunc incolæ per legatoſ in ſuaſ parteſ pertrahere niſuſ , quum ſpe fruſtraretur , contra Syracuſaſ claſſem , atque exercituſ duxit . Ac circa Urbem cum peſteſtribuſ copiis caſtramētatuſ , navibuſ biſ mille portum obſtruxit ; adeout quāvis ampliffimuſ hic eſſet , totuſ tamen veliſ obteſtuſ videretur .

XII. Subinde Dionyſiuſ auxilia a Græciſ exoratuſ miſit , quumque aliquot levioribuſ præliiſ terra marique felici omine depugnaffet , ac hoſtium exercituſ rei frumentariæ penuria , premi , morboque peſtilentiali affectuſ animadvertiſſet , metu abjecto , brevi ſoluturuſ ſe belluſ civibuſ pollicetur . Contagio inter Pœnoſ debaccante Tyranni juguſ excutere Syracuſani cogitabant ; quod ille reſciens , facile Legatiſ Carthaginienſium , qui clam Syracuſaniſ Dionyſiuſ convenerant , aures præbuit . Itaque , ut quod reliquuſ de Civibuſ Carthaginiſ in Sicilia eſſet , in Africam transmitteret , Imilconi concedit , hic trecenta talentorum , quæ adhuc in caſtriſ



castris supererant Dionysio tradit. Siculi Pœnorum auxilarii per mediterranea fugâ dilapsi in suam quisque patriam omnes fere evaserunt. Barbari partim in fuga comprehenduntur a Syracusanis, partim abjectis armis se dedunt. Soli Hispani Carthaginensium focii in globum collecti de fœdere ineundo caduceatorem mittentes in mercenariorum agmen a Tyranno cooptantur.

*Hunc in modum, concludit Diodorus, fortuna subitam Carthaginensium rerum mutationem induxit; cunctisque mortalibus demonstratum fecit, quod quicumque altius quam decet sese efferunt, quam imbecilles sint, brevi redarguuntur.*

XIII. Liber Dionysius ab infestatione externi hostis civium etiam animos facile compefcuit, atque ad delenda belli vestigia mentem adjiciens Messanam cumprimis reficiendam, incolisque frequentandam curavit. Id quum Rheginis minimè arrisisset, quod putarent Dionysium Messanam muniendo contra ipsos sese armare, Siculas gentes a Tyranno exactas, aliosque populos illi exosos in tutelam receperunt, Naxiorum & Catanensium reliquiis Mylas inhabitandas, atque Helorim Ducem cum instructo exercitu ad Messanam obsidendam misere. Dum hic porro circa arcem occupatur, Opidani extemplo cum Dionysii mercenariis occurrunt, initoque certamine Messenii vincunt, hostium quingentos, ac plures conficiunt; tum Mylas aggressi Urbem capiunt, Naxios, & Catanenses ibi collocatos data fide incolumes dimittunt, qui ad Græcas Siculasque Urbes digressi, alii alias sedes capefferunt. Neque hîc obtendat aliquis me superius conjectasse post Campanorum recessum Catanenses patriæ restitutos, nunc vero Cata-



nenſium reliquias a Rheginis apud Mylas fuiſſe locatas Diodori authoritate ſtatuerē. Nihil enim incongruum : Catanenſium complures minus Dionyſio inſenſos patriis ſedibus reſtitutos, reliquos vero eidem omnino averſos hūc illuc diſperſos, Mylas tandem Rheginorum opera conveniſſe.

XIV. Jamvero ſequenti anno, qui fuit quartus Olympiadis nonageſimæ ſextæ, Rhegiū <sup>Ante Xpū,</sup> Tyrannus improvifa irruptione aggreditur, ſed <sup>398.</sup> ab Helori repulſus, vaſtatis agris Syracuſas claſſem reduxit. Varias deinde contra Carthaginiēſes, qui res ſuas in Sicilia ſub Magone Præfecto reſtituere conabantur, Græcoſque Italos, & Rheginos expeditiones ſuſcepit, quibus feliciter perfunctus, Rhegium tandem poſt longam <sup>Ante Xpū,</sup> xi. menſium obſidionem Olympiadis xcvi. <sup>382.</sup> anno ſecundo evertit, civeſque, ac ducem ipſū nomine Phythonem virum ſtrenuum duriffime habuit. Hunc fortiter patriæ cauſſa mortem cum ſuis oppetiſſe Diodorus commemorat (a) digniſque ob id præconiis exornat.

(a)  
Sub finem  
lib. 14.

XV. Parta hac victoria Dionyſius in ſumma deinceps pace aliquot annis egit, ſcriben- diſque Poematibus impenſâ operâ animum adje- cit, ac celeberrimos ad ſe viros pellexit. Hos inter Plato ille divinus recenſetur, quem magno in pretio primum habuit, quod dignam Philoſo- pho libertatem in eo deprehenderet, ejuſdem vero verbis quibuſdam poſtmodum offenſus, in publicum productum non ſecus ac mancipium, quinque illum minis venum expoſuit; hinc a Dione ejus diſcipulo, atque ab amicis redem- ptus, in Græciam honorifice dimiſſus eſt, ut

Diodo-



Diodorus enarrat (a) Cæterum Platonem in Siciliam historiæ gratia advectum comperio, Urbemque Catanam suo decorasse incolatu inde colligo, quod ut Ætnæi ignis, incendiique concavi montis naturam scrutaretur, id primò iter instituit Philosophus, ut Apuleius, Cassander, & Sozomenus testantur (b) *Tres Platonis*, inquit Apuleius, *ad Siciliam adventus, primo Historiæ gratia, ut Ætnæ naturam, & incendia concavi Montis intelligeret.* Et Guarinus Veronensis (c) *Ter Platonem in Siciliam navigasse comperio. Nam prima ejus navigatio fuit ad spectandam insulam, & Crateras, qui scatebrarum locus esse dicitur.* Ab Dionysio enim minore accitus, bis postea Insulam repetiit, ut suo loco dicemus.

(a)  
Bib. Hist.  
lib. 18.

(b)  
de Hab. Doct.  
Platon. Lib. I.  
de Magis:  
Philos.  
lib. I. cap. 23.

(c)  
In Vita Platon.

XVI. Olympiade centesima bellum Dionysius Carthaginensibus secundo indixit, ac magno copiarum apparatu contra Magonem florentissimo instructum exercitu aciem direxit. Et, primo quidem prælio victor ipse, Magone Duce occiso, ingentem hostium cædem edit, totiusque Siciliæ potiundæ in spem adducitur; sed collatis denuo signis, multa suorum strage fusus, pacem honestis conditionibus iniit, quam ad tertiam usque supra centesimam Olympiadem servavit. Vbi autem Pœnorum res ex pestilentia afflictas intellexit, eorum in Sicilia ditionem aggredi cogitavit; & Selinuntem, atque Entellam primo impetu subjiciens, Erycinorumque Urbe potitus, Lilybæum tandem obsidione cinxit; sed quod validum in ea præsidium excubaret, statim illam solvit; quumque Carthaginiensem classem incendio absumptam periisse ratus, hostium contemptu rem ageret securius, & naves aliquot Syracusas ablegasset, præter opinio-



nionem in ipso Erycinorum portu a Pœnis petitus funditur. Hinc pactis per Hyemem induciis, Syracusas regressus, ibi nondiu post morbo correptus e vivis excessit. Filio Dionysio duodenni adhuc puero successore relicto.

XVII. Hic Patre nequior, a suorum cæde regnum exorsus, avatitiæ, socordiæ ac luxuriei totum se dedit, omnibus hinc exorsus redditus, civium factione, Urbe excedere coactus in Locros secessit; unde etiam post sexennium eiektus Syracusas rediit; & sese benignissimum initio, ac facillimum exhibuit, mox in priores relapsus mores, vix tandem Dionis eximii viri, cuius supra meminimus, opera, assiduis exhortationibus, novos, ac regios induere cœpit. Quo etiam agente, Platonem ad se e Græcia advocat, saluberrimisque ab eo præceptis institutus longe aliam, ac prioridissimilem, Philosophi ac Regi dignam instituit vitam. Invidorum subinde factione Dion exactus est, moxque Plato Athenas remeavit; unde denuo ab Dionysio precibus, ac literis sollicitatus tertio Syracusas venit, magnumque vitæ periculum apud Tyrannum subiit. Vix tandem elapsus in Patriam, Dioni author fuit, ut Dionysio e Syracusano imperio deturbato, Siculis libertatem restitueret, quod ille naviter, parva licet instructus manu, nondiu post implevit.

VII. Agrigentum enim cum classe Dion appulsus, quam amicis agentibus coegerat, audito, Dionysium per ea tempora circa Adriaticum in Urbibus a se constructis otiari, terrestri itinere Syracusas contendit, tam ingenti Siculorum concursu ad ipsum facto, ut Agrigento solvens mille dumtaxat viris comitatus, fines Syracu-



## CATANA SUB TYRANNIS. 205

racufanos cum exercitu non minore viginti mil-  
 lium intraverit. Magna deinde civium accessi-  
 one auctus, Hominum millia ferme quinquagin-  
 ta sub signis habens, Urbem Triumphantis mo-  
 re ingressus, cives suos in pristinam libertatem  
 asseruit, arcemque, ubi Dionysiani sese munie-  
 rant, obsedit. Hæc ubi Dionysius accepit, ac-  
 celerato itinere, cum navibus regressus sese in  
 arcem retulit, ac Legatorum opera rem primò  
 componere, mox aperta vi milite extra arcem  
 educto dirimere statuit; verùm repulsus, ac na-  
 vali etiam prælio infeliciter gesto, consternatus,  
 quum ne iniquis conditionibus imperium resi-  
 gnare, ac Tyrannidi ultro cedere illi datum a  
 populo, arcis custodiâ filio natu maximo com-  
 mendatâ, cum facultatibus in Italiam ad Locros  
 secundò confugit.

XIX. Necdiu post Dion ab ingratis ci-  
 vibus patriâ exactus, ad Leontinos digressus sum-  
 mo honore excipitur; Dionysiani vero novis  
 suppetiis, ac commeatu instructi oppositas arci mu-  
 nitiones ex improvise aggressi, trucidatis custo-  
 dibus, in urbem irruunt, magnamque hominum  
 stragem edunt; nec nisi Dionis virtute, quem  
 Populus revocandum per supplices legatos sta-  
 tuit, ut Patriæ periclitanti succurreret, tandem  
 repelluntur, ipsaque arce nondiu privantur.  
 Exinde Dion in paternam domum cum suis se  
 recipiens privatam instituit vitam. Per idem  
 tempus Urbs nostra in pristina jura redacta, ne-  
 dum Dionysii jugum excusserat, sed et exter-  
 nos depulerat milites, ut propriis legibus viveret.

XX. Dione per summum nefas a Calippo  
 Atheniense occiso, turbatis Reipublicæ Syracu-  
 sanæ rebus, Catana ejusdem Calippi opera ob-

A a a fidelur



(a)  
Dec. 2. lib. 3.  
cap. 2.

fidetur, ac novo Tyranno subjicitur; ut ex Plutarcho scribit Fazellus (a) Calippus Syracusis oppressis subigendam sibi Catanam perrexit; quam dum oppugnat, Syracusas amisit. Nam Syracusani, eo absente, in libertatem, nullo obistente, sese vindicarunt. Receptâ Catanâ, & subactâ, Calippus Messanam est adortus, quam licet invaserit, maximam tamen militum partem, & Dionis interfectores amisit. Et cum tota ferme Sicilia discurrens, nullam Civitatem cepisset, trajecto freto, Rhegium occupat; ubi cum præ inopia stipendia militibus solvere nequisset, a Leptine, & Poliperconte eodem, quo & Dion, pugione occisus, cedis immerite meritas tandem pœnas dedit.

Ante XII.  
345.

(b)  
Chiliad: 6.

XXI. Diodorus in gestis Anni decimi Regni Philippi Macedonis Olympiadis centesimæ septimæ secundi Calippum, & Leptinem comparato exercitu, Rhegium, quod Tyranni Dionysii præfidiis tenebatur, expugnasse scribit, pulsisque hostibus libertatem ibi firmasse; Dionem verò biennio ante occisum, Hipparinumque Dionis filium sequenti anno, pulso Calippo, Syracusanum rexisse imperium commemorat. Hinc Catana a Calippo expugnata Olympiade septima supra centesimam, quum hic, Plutarcho teste, Syracusas amisit. Floruit porro per hæc tempora Pithon Poeta, et Orator eximius Catanensis Patria, Philippo Macedoni a Secretis, ut Joannes Tzetzes (b) enarrat, ipsi etiam Demostheni ob sermonis elegantiam, ac suavem dicendi vim magnopere invisus. Ejus meminit Athæneus, et Svidas, ut suo loco dicendum.

XXII. Calippo occiso Dionysius repetendi regni occasionem nactus, ex mercenariis militibus instructo exercitu, decimo post principatum amis-



amissum anno Syracusas ex inopinato adortus, Tyrannidem invadit. Tunc per Siciliam universam alii ac alii insurgentes singulas sibi Civitates, Reipublicæ statu abolito, subdiderant, ac libertate adempta earundem imperium vindicaverant. Icetas enim Syracusanus Leontinos, Mamercus Italus Catanam, Leptines Engyum, Argyram Apolloniades, Centuripen Nicodemus premebant. Icetam porro contra Dionysium Syracusani Proceres evocantes, ejusdem auxilio Tyrannum in arcem, insulamque compulerunt, mox ingenti Pœnorum exercitu, qui ad Syracusarum obsidionem properabat, exterriti, Corinthum Legatos ad suppeticas exorandas miserunt. Corinthii classem duce Timoleonte prudentia, virtute, ac rei militaris peritia omnibusque bonis artibus prædito expediunt, quæ Rhegium, primò, mox Tauromenium in Siciliam appulit. Prima Timoleontis expeditio contra Icetam Adranum obsidione prementem fuit, qua victor, fugatis hostibus, Syracusas properato itinere contendit, ac primo impetu Thycam occupavit.

XXIII. Eo quidem tempore Arcem, & Insulam Dionysius, Acradinam, & Neapolim Icetas, Thycam Timoleon occupabant, portum Pœnorum classis instructissima tenebat, necdiu post innumeræ Carthaginiensium legiones Annone duce circa Urbem castrametatæ sunt. *Qua ingenti hostium multitudine* (inquit Diodorus) (a) *cum valde perterritus esset, inopinata, & quæ nullo cōsilio parari potuisset, rerum mutatio subsecuta est.* Primo omnium Marcus (five Mamercus) Catanensium Tyrannus, qui non parvas copias secum habebat, Timoleonti adhæsit; Urbes complures, studio libertatis consequendæ ad eum defecerunt. No-

vissi-

Bib. Hist.  
lib. 16.



*vissimeque a Corinthiis naves decem cum auxiliis, et stipendio missæ Syracusas advenerunt, propter, quæ confirmatus multum est Timoleon, & Carthaginienses timore correpti, classem e portu, imprudenter sanè, eduxerunt, motisque castris in Insulæ partem, quæ suæ erat ditionis, discesserunt. Tunc Iceta auxiliis destituto, Urbs Syracusarum, cum Cives ei tuendæ parum sufficerent, in Timoleontis potestatem redacta est. Ac mox Dionysius ejusdem suasionibus arce tradita, & principatu relicto in Peloponnesum cum omnibus divitiis transit; regnumque nobilissimum per ignaviam, atque animi torporem reliquit. Exauthoratus etiam sequenti anno, juxta Diodorum, Leptines, qui Engyo dominabatur, ac Corinthum migrare jussus a Timoleonte. Græcæ demum Siciliae Urbes ultro se illi dediderunt, ac Siculorum, Siccanorum, & aliarum gentium Civitates, quas tuebantur Carthaginienses, Legatos miserunt oratum, ut in amicitiam, ac fœdus ab eo reciperentur, ut idem subdit Historicus.*

XXIV. Verùm Plutarchus in vitâ ejusdē Timoleontis paullo diversè hæc ipsa commemorat: descripta enim Timoleontis apud Adranum victoria, prosequitur. *Aliæ mox Civitates, decretis subito legationibus, Timoleoni sese, Urbem, agrosque dedere. Mamercus quoque Catanae Tyrannus, vir sane clarus in bello, & qui magnum argenti pondus, & auri habebat cum Timoleone societatem iniit. Dionysius, qui non multum abfuit, ne militibus præda mansisset, Mamercos bello major, et armis, spe omni abjecta, Icetam turpiter victum neglectui habens, Timoleonem admirans illi, & Corinthiis Legatos misit, seque ipsum, atque arcem dedit.*

Per-



XXV. Pergit subinde enarrare, ut Icetas ad obsidendam arcem Syracusanam, clam socio-  
rum auxilia advocans, cum universa classe Pœ-  
norum ducem accersivit Magonem, seu Anno-  
nem, quumque Corinthii, qui in arce erant,  
in summa rerum difficultate positi, rebusque ad  
victum necessariis deficientibus, nihilominus pu-  
gnas agerent; Timoleon cymbis, parvisque navi-  
culis frumentum ex Catana transmisit, quæ, ut  
barbaricas triremes vitarent, per loca fluctuosa  
cursum, navigationemque fecere. Quas intuentes,  
Icetem, & Magonem capiendi Catanam cura,  
atque libido ceperat, ne inde Corinthiis necessa-  
ria asportarentur in arcem. Itaque sumptis, qui  
virtute bellica cæteris præstare videbantur, solu-  
tisque ex portu navibus, Syracusis abeunt. Neon  
Corinthius, qui Arcis præfectus erat, cum videt  
hostes custodiæ gratia relictos otiosè negligenterque  
se in Urbe custodienda habere, subito ruit in Ur-  
bem, & partim cæsis, partim dare terga coactis  
Syracusarum partem, quam Acradinam vocant,  
occupavit, atque in suam potestatem redegit....  
Mago porro atque Icetes, qui jam prope Catanam  
venerant, per nuntium ex Syracusis rerum facti  
certiores, multo dolore, multaque animi ægritudi-  
ne ad Syracusas discedunt, qui neque operam su-  
am pro animi cupiditate navarunt, & Syracusas,  
quæ in manu erant, amiserunt.

XXVI. Interim, ut idem scribit Plutarchus  
auxiliares milites cum classe a Corinthiis Timo-  
leonti accesserant, quibus instructus Catanâ sol-  
vens Messanâ facili negotio potitur, inde Syra-  
cusas contendit, bonâ fortunâ magis, quam exer-  
citu confusus; vix enim militum quatuor millia  
sub se numerabat. Quod quum Magoni denuntia-



retur, suspicatus hic, quod insidiæ sibi tenderentur, statim castra movens, Siciliamque ex manibus dimittens, turpiter, ac temere cum classe in Libyam aufugit. Ictas adhuc bellandi cupidus iis partibus, quas occupaverat, munitis, nondum de capiendis Syracusis desperaverat, Timoleon contra Magonis discessu cognito, milites divisit, ac Neapolim, quæ sola ab Ictæ tenebatur, aggressus, in suam potestatem, nullo ex Corinthiis aut cæso, aut faucio, redegit, Ictæque, ut in Leontinos profugeret, compulit. Hinc arcem toto fere orbe celebrem veluti Tyrannorum Asylum in signum recuperatæ libertatis evertit, populare regimen instituit, leges reformavit, exules in patrias sedes revocans, colonos ex Græcia, ac Asia ad Syracusas frequentandas pertraxit. Inde contra Ictam movit, atque ex Engyo Leptinem deturbavit.

XXVII. Olympiade decima supra centesimam Carthaginienſes novas copias in Siciliam trajecerunt, quibus Timoleon exiguo licet militum numero sese opposuit ad Crinifium fluvium, illustremque de illis victoriam reportavit, cæsis decem millibus, captis ad quindecim millia, cum quibus lovans Syracusas rediit. Hanc porro Timoleonti felicitatem Ictas, & Mamercus invidentes, seu sibi timentes, ne superatis Pœnis, subactisque jam cæteris per Siciliam Tyrannis, eos quoque armis tandem expelleret, atque imperio spoliaret, clam cum barbaris fœdus ineunt, utque novum exercitum in Sicilia cogant, ni velint Insula penitus exulare, suadent. Gisconē Carthaginienſes idcirco cum septuaginta navibus omni commeatu, ac milite instructis mittunt, qui Messanam primo impetu oppugnat, atque

Hipponi

Ante Xpū.  
335.



Hipponi tradit. Gisconi Icetam, & Mamercum in Messanenſi expugnatione adfuiſſe Plutarchus commemorat. Mamercum autem, quod Milites ſtipendiarios Meſſanæ viciffet, elatum, ſcutis in Deorum honorem ſuſpenſis, elegiaca carmina, & ſuperba, & contumelioſa ſubſcripſiſſe affirmat:

*Vilia nos ferimus, dum ſcuta micantia multo  
Detrahimusque auro, electroque, ebore, atque  
Elephanto.*

Timoleon, ubi captam Meſſanam audivit, eò militibus inſtructus proficiſcitur, ſed quum Ictas in Calabriam ad quædam expugnanda opida trajeciſſet, ejus veſtigia inſequitur, cum quo ad Damiriam fluvium congreſſus aliquandiu ancipiti Marte decertat, tandemque ſuperior factus Ictam ipſum in fugam vertit, ac Leontinos uſque in Siciliam infeſtatur, vivumque cum filio capit, moxque populi Syracuſani judicio capitis ſupplicio damnat.

XXVIII. His geſtis contra Catanam copias movit, quo cognito Mamercus, contractis viribus Timoleonti in campum, qui inter Teriam & Symethum fluvios, ſitus eſt, occurrit. Ibi collatis ſignis manus conſerunt, gladiis cominus res geritur, & aliquandiu quidem Mamercus obſtitit, ſed amiſſis tribus militum millibus, quos illi auxiliares Giſco Pœnus miſerat, in fugam verſus, conſilii inops in Italiam ad ciendos in Timoleontem Lucanos navigat. Qui porro Catanenſes cum eo proſecti ſunt, Duce relicto, remenſoque cum navibus pelago, in Siciliam reverſi, Catanam civibus plaudentibus Timoleonti tradunt, qui ſtatim urbi libertatem reſtituit, ut ex Plutarcho tradit locis laudatis Fazellus. Mamercus amiſſâ Catanâ, & Lucanorum auxiliis fru-



frustratus ad Hipponem Messanæ Tyrannum confugit; Hinc Timoleon copiis contra Hipponem eductis, Messanam terra, marique obsidet, ac brevi expugnat, Tyrannum in fuga interceptum cum filiis morti addicit. Mamercus desperatis rebus ea conditione Timoleonti se dedit, ut Syracusani populi iudicio sisteretur.

XXIX. Syracusas igitur deductus quum apud populum compositam pro se orationem recitare moliretur, in tumultum incidit, atque inesorabilem concionem animadvertit, hinc pallio projecto per medium theatrum cursu delatus subsellia tamquam moriturus capite pulsat. Verum huiusmodi mortem obire non contingit, sed ulterius vitam agens, eandem poenā, quā prædones, laqueo enecatus persolvit. Scribit Athenes, eodem Plutarcho referente, Timoleonem dum contra Hipponem, & Mamercum Messanam oppugnaret, oculis aliquatenus fuisse captum, sed pedem minime retulisse, quinimmo pertinaciter oppugnando, tandem & Urbem & Tyrannos cepisse. Exinde pacem Carthaginensibus, eam per legatos enixè petentibus, Timoleon concessit; Campanis, qui Ætnam tenebant exterminatis, Nicodemum Centuripinæ Urbis Tyrannum ad libertatem suis dandam compulit, & Apolloniadem Argyræ Principem regimen deponere iussit; omnibus denique Tyrannis per Siciliam extinctis, Civitates in sua jura restituit, desertasque ac bellorum procellis affectas inductis Colonis reddidit frequentiores. Denique Syracusis vitam agens privatam, senio confectus, Olympiadis centesimæ decimæ anno quarto occubuit, ac magnifico elatus tumulo dignissimis titulis: *Patris Patriæ, ac Tyrannidis Extinctoris* honorari meruit.

Philip-



XXX. Philippus Paruta inter Numismata Sicula tres Mamerci epigraphæ signatos numos refert, de quibus suo loco. Mamerci meminit Ælianus (a) quem Onomarchum appellat his verbis : *Onomarchus Catanae Tyrannus, & Cleomenis filius, etiam Leones habuerunt convictores. Æmilius Probus in Timoleontis vita, Mamercum Italum ducem hominem bellicosum, & potentem Tyrannos adjutum in Siciliam venisse, scribit. Eloquentia etiam valuisse conjicio, quod pro se orationem apud Syracusanum populum recitandam concinnaverit.*

(a)  
De Animal:  
Not. cap. 38.





## CATANA

## PROPRIIS VIVENS LEGIBUS.

**L**ibertate durante, quam Siculis Ti-  
 moleontis peperit virtus, Urbes, ac  
 Opida, summis opibus, populi frequentia, pu-  
 blicis, privatisque ædificiis maximè coaluere, ut  
 merito Urbis etiam nostrę opera eo temporis in-  
 tervallo, magna ex parte crevisse, haud sit in-  
 congruum opinari. Sed non ultra annos vigin-  
 ti, si Eusebio credimus, ea perstitit, Pœnorum  
 enim atque Agathoclis ambitione labefactata, pax  
 omnis intercidit; hinc in miseram servitutem  
 Syracusis relapsis, publicus totius insulę status  
 cœpit bellorum rursus tempestatibus agitari. A-  
 gathocles humili loco, ac patre figulo natus  
 indignis artibus ad majora quęque belli munia  
 evectus, strenuus alioqui, sed vaser, omnisque  
 religionis expers, cæde Optimatum, ac Civium  
 potentiorum proscriptione, viam sibi ad Tyran-  
 nidem Syracusarum paravit, qua tandem Olym-  
 piadis centesimę decimę tertię anno quarto po-  
 titus, milite conscripto finitimas Urbes repen-  
 tino insultu aggreditur, ac socias Pœnorum Ci-  
 vitates incurfionibus vexat. Messanam mox, sed  
 frustra adoritur, progrediensque Mylas obsidet,  
 atque in deditionem accipit.

Ante Xpi  
320.

Quum



II. Quum plures deinde Siculae Civitates contra ipsum convenissent, Amilcaris Pœni ducis sibi tunc conjunctissimi opera, pacem cum illis composuit, utque suis deinceps legibus singulae viverent, permisit. Audito autem Amilcarem ob fœdera secum inita morti fuisse a suis adjudicatum, contra Carthaginienses iterum arma movit. Pœni instructa classe primo Agrigentum, inde Syracusas veniunt, portumque ingressi, a Syracusanis bello laceffiti abire compelluntur; quumque Messanam vela tenderent, suborta repente tempestate, non longe a Catana plurium navium scopulis allisarum naufragium patiuntur; quæ mox in hostium manus devenere. Hisce elatus eventibus Agathocles, ubique desævians contra Pœnorum socios, signa cum illis confert prope Gelam, sed victus, fugatusque Syracusas remeavit, Urbemque instruens, ad bellum sese communiit. Amilcar interim Gisconis filius, alter a memorato, novus Carthaginiensium Dux, victoriâ bene usus, Siculas Græcas Urbes contra Tyrannum sollicitat, pluresque populos in societatem allicit, quorum præcipui Agathocli quammaxime infensi Camarinæ, Leontinii, Catanenses, Tauromenitani, Messenii, atque Abacenini memorantur; quibus auctus auxiliis Agathoclem obsidet, premitque.

III. Verum Agathocles tantis viribus sese imparem contemplatus, Syracusarum custodia strenuis ducibus commendata, ingenti animo atque audacia, cum aliquot electis millibus ac bellico apparatu e portu solvens in Libyam Pœnis bellum illaturus contendit; integrisque quatuor annis illorum res adeo afflixit, ut copias aliquot e Sicilia illi revocare cogerentur; Hinc occiso

a Syra-



a Syracusanis Amilcare, solutaque obsidione, victor in Siciliam, novo auctus titulo *Regis Lybiae*, remeavit. Adversante autem fortuna, eadem, qua vicerat, facilitate a Pœnis victus, ex Africa, quò suis auxiliatum redierat, vix fuga elapsus, ægrè tandem pacem honestis conditionibus, Olympiadis centesimæ decimæ octavæ anno secundo, teste Diodoro, impetravit.

Ante Xpū.  
302.

IV. Rebus confirmatis, initoque cum Dinocrate fœdere (Dinocrates hic pro libertate Siculis asserenda diu adversus Tyrannum bellum gesserat) contra Crotoniates in Italia movit, quos dolis circumventos expugnavit; nec diu in Brutios exercitum duxit, qui de pace legatos mittentes, datis obsidibus Agathoclis præsidium exceperunt. Tandem quum ad bellum tertio Pœnis inferendum sese pararet, suorum insidiis interceptus, annis duodetriginta superbè ac crudeliter regno administrato, septuagenario major in morbum ex propinato veneno fœdissimum incidit; quumque propter mali insolentiam vocem edere non valeret, atque extremò jam afflatus decumberet, a quopiam in rogam injectus adhuc spirans combustus est, ut Diodorus testatur circa Olympiadem centesimam vicesimam (a)

Ante Xpū.  
295.

(a)  
In Excerptis  
lib. 21

V. Post Agathoclis mortem intestinæ per Insulam seditiones majori vi exarserunt. Menon enim, qui Agathocli struxerat insidias, *cristas*, ut inquit Diodorus, ob hoc erigens, quod Regnum abrogasse videretur, Archagathum (Agathoclis ex Filio nepotem) dolo interficit, exercituque potitus, bellum Syracusiis facere & principatum sibi vindicare constituit. Mox Pœnorum auxiliis auctus hostes coegit, ut exules in Urbem

revo-



revocarent, obsidesque pacis traderent. Internis porro odiis, ac tumultibus Civitas ipsa repleta, nonnisi mercenariis militibus remissis, pacari potuit. Hi autem Messanam a Civibus ut focii accepti, nocte hospitibus obtruncatis, ductisque illorum uxoribus, suæ potestatis Urbem faciunt, atque a Marte Mamertinam appellant.

Ante Xpū  
290

VI. Aliquot interjectis annis Tyranni passim per Siciliam præcipuarum Urbium, Diodoro teste (a) sibi denuo imperium vindicarunt. Ictas, quem Syracusani ducem contra Menonem Carthaginiensem creaverant, Syracusarum, Phintias Agrigenti, Tyndario Tauromenii, ac minorum gentium alii dominium usurpantes, mutuis sese bellis confecerunt. Phintias enim, & Ictas ad Hybleum acie instructa concurrentes magnam suorum partem amisere; quumque victor Ictas evasisset, contra Pœnos movit, victusque ad Teriam fluvium in agro Leontino, nono tandem Tyrannidis anno a Thynione quodam exactus, præfectura abiit, Olympiade circiter tertia, ac vicesima supra centesimam. Inter hæc autem Catanensium Civitas uni libertati studebat, atque a partibus aliena, eatenus belli incommodis afficiebatur, quatenus morem gere re ultro citroque excurrentibus opus erat; ne & ipsa civilibus etiam discordiis implexa, uni aut alteri adhærendo suorum excidium pateretur.

Ante Xpū  
283.

VII. Thynio, qui & Theon a Fazello dicitur, (a) ac Sosistrates vir princeps, imperio Syracusano subinde occupato, Pyrrhum Epiri regem in Italia contra Romanos militantem evocare decernunt, quem Mamertini Carthaginiensibus foederati, ne in Siciliam trajiciat, modis omnibus prohibere conantur. Verum Tyndario Tau-

(a)  
lib. 22.

(a)  
Dec. 2. lib. 4.  
cap. 2.



romenii Tyrannus ad illum inclinabat, paratusque erat in Urbem suam recipere, suasque illi copias adjungere. Ille igitur exercitu instructus Tarento solvens, in Siciliam ad Tauromenium defertur. *Hinc accito in societatem Tyndarione, acceptis ab eo militibus*, inquit Diodorus, *Catanam devehitur, atque ab incolis magnificè susceptus, aureisque coronis redimitus, copias terrestres exponit, quibus Syracusis iter habentibus, classis ad pugnam adornata oras interim legit*. Syracusas tunc temporis Pœni terra, marique obsidione premebant, atque insulam Thynio, reliquas urbis partes Sosistratès Thynioni infensus, tenebant. Ubi autem Pyrrhus citra discrimen ad fines appulit, ambos ultro illi omnia cedentes, cum Syracusanis, atque inter sese conciliavit, Pœnos in fugam egit, Urbiumque totius pene Insulæ Legatis undique confluentibus perhumaniter exceptis, Siciliæ Rex salatur.

VIII. Pœnorum exinde audaciam comprefusus Agrigentum cum copiis venit, Urbem, Sosistratis opera, qui eam Phintia fugato tenebat, ac suppetias accepit, ditionemque hostilem invadens, summa celeritate eandem subegit; Lilybæum mox Pœnorum in Sicilia arcem munitissimam aggressus, quum Urbis per vim capiendæ spe excideret, obsidionem solvit, atque aliò impetum suum convertit. Verùm nondiū post, quum superbè ac tyrannicè, mutatis moribus, Siciliæ imperio uteretur, ac Thynione interfecto Sosistratem, ut sibi fuga consulere, coegisset, repentè ab eo Siculorum animis abalienatis, odia exarserunt, pluresque urbes Carthaginensibus, permultæ Mamertinis adhæsere. Ipse seditio- nibus hisce perculsus, peropportunè a Taren-  
tinis



tinis contra Romanos evocatus, provinciam potentioribus relinquens Insulâ excessit.

IX, Pyrrhi fugam (Sic enim ejus e Sicilia discessum visum esse, scribit Trogus) non minores excepere tumultus, ac Civicæ seditiones, quibus frequentiores Pœnorum irruptiones, atque adversus Syracusas ob Insulæ imperium expeditiones accesserunt. Hinc Hieron hujus nominis secundus Dux primùm a suis, mox ab aliis civitatibus belli Præfectus, tandemque ab omnibus totius Siciliæ Rex salutatur. Hic a pueritia admirabilis, in alloquio blandus, in consuetudine justus, in militia strenuus, tantisque naturæ dotibus ornatus, ut nihil regium in eo deesset præter Regnum, vix regimine assumpto, militiam reformare aggressus, deditâ operâ, calidoque consilio in Mamertinos, qui ultra Catanam excurrerant, exercitum movet, ac locatis in fronte, quas delere cogitaverat, cohortibus, illas primo hostium conatui objicit, atque ad internicionem usque delendas relinquit. Mox novis copiis adversus illos victoria elatos serio insultu irruens, ingenti strage eos affecit, atque ovans Syracusas regressus regia corona redimitur.

X. Observat hîc opportunè Fazellus, quod & si titulum haberet Regiæ dignitatis in Sicilia Hieron, ut & alii ante ipsum, non omnes tamen Civitates suo parentes imperio habebat. Plurimæ quippe, cum essent liberæ suis vivebant legibus, & annuis constitutis magistratibus a populo regebantur. Plures quoque Carthaginensium erant ditionis. Reliquæ vero, quæ Syracusanorum imperia subibant, simul cum urbe Regia a Rege moderabantur. Hæc ille (a) Catanam porro inter liberas

(a)  
Dec. 2. lib. 4.  
cap. 9.



(a)  
Bibl. Hist.  
lib. 23.

iberas recenſeri, ex eo evidentiffimè conſtat, quod Pœnis nuſquam ſubieſta, nec inter Urbes ditionis Syracuſanæ, Diodoroſ teſte, habebatur. Inito quippe fœdere cum Romanis, ut idem ſcribit, (a) & inferius expendam, Hieron hiſce conditionibus pacem ſanxit: *Ut Syracuſanos ſub dominio ſuo retineret, & Urbes illis ſubjeſtas: Aera, Leontinos, Magarenſes, Eloreſ, Neatinoſ, Tauromenioſ.*

XI. Jamvero, adverſus Mamertinoſ re bene geſta Hieron eorum Urbem aggreſſus, & ab Annibale Pœnorum Duce circumventus primo obſidionem remiſit, mox ſolvit. Annibal ſubinde, & ipſe Meſſanâ exactus, cum Hierone conveniens, conjunctis viribus in Mamertinoſ movit; qui bello contra Siculoſ, & Carthaginienſes impares, Romam legatoſ ad auxilia imploranda deſtinant. Romani primum cunctare, quod Reipublicæ dignitati incongruum ducerent, Mamertiniſ violati fœderis authoribuſ opitulari, quum de ſuiſ ipſi militibuſ, pari culpa in opido Rhegio laborantibuſ ſupplicium pauloante ſumpſiſſent; ſed quum opulentiffimam ſibi prædam offerri conſpicerent, Italiæ limiteſ egrediendi, Siciliae potiunde deſiderio incenſi, tum vero Carthaginienſium vicinitatem magnopere formidanteſ, ad ſuppeticiaſ Mamertiniſ ferendaſ, animoſ inclinare ſunt viſi. Quumque adhuc ſuſpenſa in Senatu ſententia protraheretur, populi tandem multitudo in Comitiis convocata utile honeſto præferens, auxilia decernit, atque ex cõmuni decreto Appio Claudio Conſuli Provinciã committit.

XII. Mamertini de Conſuliſ adventu certiores facti, audaciuſ Pœnorum præſidium ex  
Urbe

Ante Xpū.  
259.



Urbe propellunt, atque ad arma sese comparant. Carthaginienses vero contractis copiis terrestri circa Urbem, quā meridiem spectat, exercitu disposito, ad Pelorum vero classe locata, Messanam obsident. Adfuit quamprimum copiosa, etiam cum manu Hieron, qui ad aliam Urbis partem castrametatus Mamertinis egressum interdicit. Quod ubi Romanus Consul audivit, cum cohortibus Rhegium pervenit, fretoque trajecto, Messanam applicat, ac legatos ad Hieronem de solvenda obsidione transmittit, se illū bello minime invasurum spondens. Ad quæ Hieron Mamertinos, respondit, ob Camarinam, & Gela excisas, Messanamque nefariè occupatam jure oppugnari. Romanos vero tantopere fidei nomen celebrantes, neutiquam sanguinarios defendere oportere. Quod si pro hominibus effictim impiis tantum suscipiant bellum, cunctis manifestum fore mortalibus, quod misericordiam erga periclitantes, cupiditati suæ prætextum adsciscant, & revera Siciliam affectent.

XIII. His acceptis Consul, periculum subire decernit, ac cum Hierone primū acie dimicare, cui, quum Hieron obviam sese offerret, commisso prælio diu ancipiti Marte pugnatum est, tandem Romani undique victores Regem in fugam vertunt, & usque castra secuti, magnam Siculorum stragem edunt. Carthaginienses, ubi victoriam penes Romanos stetisse acceperunt, metu perculsi, extemplo soluta obsidione in Siculas Urbes sibi subjectas sese recipiunt. Consul vero auctus animis persequi Syracusanorum exercitum statuit, ac prostridie sub auroram illos affecutus, novo cum eis prælio inito, plures fudit, reliquos in proxima fugat opida. Hinc per



Syracusiorum, ac sociorum agros nemine impedi-  
dente incursionibus factis, omnia populatur; Sy-  
racusas delatus Urbem obsidet, partæ victoriæ  
nunciis Romam remissis.

XIV. Eo felici successu vulgato, majoribus  
incepto bello incumbendum viribus S. P. Q. R.  
constituit. Igitur M. Valerium Messalam, & C.  
Otacilium duplici cum exercitu in Siciliam mit-  
tunt, quorum adventu pleræque Civitates ad  
Romanos ultro transferunt. Eutropius (a) Cata-  
nam, Tauromenium, ac quinquaginta ferme a-  
lias Urbes sese Romanis tradidisse scribit M. Va-  
lerio, & Otacilio Consulibus in Sicilia a Roma-  
nis res magnæ gestæ sunt, Tauromenitani, Cata-  
nenses & præterea quinquaginta Civitates in fidē  
acceptæ sunt. Diodorus vero septem, & sexa-  
ginta enumerat, minora etiam, ut conjicio, o-  
pida percensens. Cum ambo inquit (b) Consules in  
Siciliam profecti Adranitarum Urbem obsedissent,  
vi illam ceperunt, deinde cum Centuripinem oppu-  
gnantes ad Aneas aulas sederent, legati primum  
a Lepinis veniebant; postea cum aliis etiam Ci-  
vitatibus timor incubuisset, legatos etiam ipsæ  
mittebant de Pace; oppidaque Romanis dedere pa-  
ratæ erant. Fuerunt autem numero sexaginta septē,  
quarum copiis assumptis, Syracusas petierunt Hie-  
ronem oppugnaturi. Is cum graviter ferre Syracu-  
sios id videret, Legatos de bello derimendo ad  
Consules misit. Qui cum solis Carthaginienfibus de-  
bellare properantes, conditionem non inviti admit-  
tebant. Pacem itaque ad quatuordecim annos com-  
posuere, acceptis centum quinquaginta millibus dra-  
chmarum. Et postquam captivos illi reddidissent,  
permiserunt ei, ut & Syracusanos sub dominio  
retineret, & Urbes illis subjectas Aera, Leontinos,  
Maga-

(a)  
libro 2.

(b)  
In Excerptis  
lib. 23.



*Magarenses, Elores, Neatinos, Tauromenios.* Interea dum hæc geruntur, Annibal cum navalibus copiis ad Xiphonium venerat, auxilium Regi allaturus, sed cognitis quæ facta erant, retrocessit. Acta sunt hæc circa Olympiadem tricesimam supra centesimam anno Urbis conditæ quadringentesimo octogesimo nono, & nonagesimo. Quæ primi Belli Punici veluti rudimenta fuere; mox enim sub aliis Consulibus atrox bellum in Sicilia cum Carthaginensibus exarsit, quo totâ demum Insulâ excedere hi coacti magnis etiam cladibus in Africa sunt affecti, ut Polybius, ac Livius uberrimè in suis libris prosequuntur, cursimque inferius expendemus.

VX. Sub hoc ferme tempus M. Valerius Messala Româ reversurus Catanam divertit, ibique Solaris Horologii artificium miratus, ejusdem exemplar secum in patriam retulit, velut ex Urbe litteris ac scientiis addicta spoliū. Plinius: *Quando primum Horologia (a) exquirens: M. Varro, inquit, primum statutum in publico secundū Rostra in columna tradit, Bello Punico Primo a M. Valerio Messala Consule Catanâ captâ in Sicilia deportatum inde post xxx. annos, quam de Papyriano Horologio traditur Anno Urbis CCCCLXXVII.* Quis porro primus illud Catanæ adinvenerit, ejusdemque Artifex fuerit, temporis injuria, nos latet.

(a)  
lib. 7.  
cap. 60.



## CAPUT III.

## CATANA

## SUB ROMANIS CONSULIBUS

I. **P** Ace cum Hierone Syracusarum Rege firmata novi Consules Romæ <sup>Ante Xpū. 257.</sup> creantur L. Postumius, & Q. Æmilius, quibus <sup>Urbis Con. 492.</sup> Siciliæ Provincia committitur. Hi ut primum <sup>Belli p. Punici An. 3.</sup> Insulam tenere, de Agrigento invadendo consilium inierunt, quod Pœnorum dubioprocul, arx, & caput in Sicilia habebatur. Quo circa ingenti cum exercitu profecti, castra non longe ab ea urbe metantur, ac post longam septem mensium obsidionem illâ tandem potiuntur. Subinde pleraque opida spontanea deditione receperunt, resque Pœnorum adeo consternatas Successoribus reliquerunt, ut terrestri non amplius, sed navali bello rem gerere Carthaginenses decreverint. Romani parandam sibi etiam classem statuere, qua expedita, ligneisque quibusdam instrumentis ad hostium naves innectendas (quæ Corvos postea Nautæ vocaverunt) instructâ, navale prælium ineunt, atque ingentem victoriam de classe Pœnorum reportant; terrestri mox exercitu Urbes aliquot eorum ditionis expugnant.

II. Insequentibus annis vario Marte terra marique pugnatum, ac quandoque victi, sæpissime victores Romani evaserunt, quumque insignem navali prælio victoriam aliquando retulissent, classem in Libyam dirigunt, & ad Mercurii promontorium primo appulsi, Clypeâ insigni



signi tunc civitate expugnatâ , Carthaginem pro-  
 perant , agros depopulantur , suburbia incēdunt ,  
 captivorum supra triginta millia ad naves co-  
 gunt ; conferto demum prælio magnam hostium  
 stragem edunt , acceptisque in fidem septuaginta  
 Civitatibus , ad pacem exorandam Pœnos cō-  
 pellunt . Eâ non obtentâ Pœni ad Lacedemo-  
 nes confugiunt , Xantippo Duce auxilia impe-  
 trant , ejusque auspiciis collatis signis , Roma-  
 num exercitum Attilio Regulo Consule ultima  
 pernicie fundunt , quum duo tantum evase-  
 rint , quingenti cum Regulo capti , triginta  
 millia cæsa fuerint .

III. Proximo anno exercitu , & classe in-  
 staurata , Romani in Africam revehuntur , Car-  
 thaginiensium naves sibi obvias , commissâ pu-  
 gnâ , partim capiunt , quatuor supra centum  
 demersas exturbant , mox tamen juxta Cameri-  
 nam ad meridionale Siciliae latus magnâ exortâ  
 tempestate classem pene universam amittunt .  
 Resumptis nihilominus viribus , novisque com-  
 paratis navibus , Siculas Urbes adoriuntur ; Pa-  
 normum ex deditioe capiunt , prope quam  
 Urbem cum selectissimo Pœnorum agmine ma-  
 nus conferunt , relataque victoria Lilybæum ,  
 Erycem , Drepanum , quæ hostium imperium ad-  
 huc cognoscebant , obsidendas , belli hujus anno  
 decimo quarto , suscipiunt . Diuturna , cruenta-  
 que Lilybæi oppugnatio , integris enim decem-  
 annis protracta ad quartum , & vicesimum belli  
 annum , quo inter utrumque populum pace  
 firmata , in Romanorū tandem ditionem jure fœ-  
 derum Urbs venit . Carthaginensium Dux no-  
 vissimus in Sicilia Amilcar cognomento Barca  
 Annibalis Pater fuit , qui circa belli finem per



Catanensem oram enavigans, Castellum nomine *Idalium* in ejusdem Urbis regione situm exscensione facta oppugnavit. Verum an eo potitus, an inde repulsus, quidve deinceps actum fuerit, latet, liber enim vicésimus quartus Bibliothecę Historicę Diodori Siculi, ex cujus Excerptis rē haufimus, magnā Historiæ jacturā periit.

IV. Pacis porro conditiones condictę fue-<sup>Ante Xpū.</sup>  
re: ut totā Siciliā Carthaginenses excederent;<sup>237.</sup>  
ne posthac Hieroni Syracusarum Regi, aut ejus sociis bellum inferrent; captivos omnes sine pretio dimitterent; Transfugas redderent; talenta argenti Euboica duo millia ac ducenta, infra annos viginti Romanis penderent. Adjecit S. P. Q. R. ut omnibus etiam Insulis, quę inter Siciliam, & Italiam sitę, Pœni abstinerent; tempusq: pēdendi pecunias coartavit\*. Hisce acceptis legibus Amilcar ab Eryce copias eduxit, ac terrestri itinere Lilybæum contendit; subinde etiam Lilybæo, totāque insulā Romano Cōsuli permisā cum omni exercitu in Africam trajecit. *Cepit exinde*, concludit Fazellus (a) *Sicilia Romano parere imperio, utpote Messana, Tauromenium, Catana, Agrigentum, Lilybæum, Drepanum, Eryx, Segesta, Panormus, ac plura alia oppida præter Syracusas Urbem, ejusdemque conditionis nonnullas civitates, quę Hieronem adhuc Regem agnoscebant. Facta igitur Sicilia omnium prima Romanorum Provincia, Senatus Æmilium Prætorem in ea constituit, atque per Prætores deinde per multa tempora gubernata est. Hęc Siculus Historicus, cujus verba, ut alibi ex integro usurpavimus.* Ubinam

(a)  
Dec. 2. lib. 4.  
cap. 4.

\* Extremas hasce Pæcis condiciones, Maurolycus a Siculis super fœdera consultis, tradit fuisse adjectas.



# CAT. SUB ROMAN. CONSUL. 227

V. Ubinam porro id temporis Romanus Prætor sedem fixerit, haud satis mihi liquere fateor. Catana hujusmodi sibi honoris tesseram posset nec incongruè usurpare, quod Syracusis proximior esset. Sed quum, & aliæ nec minus celebres idipsum ex aliis congruentiis sibi queant adscribere, nihil omnino statuendum censeo. Bello Punico secundo conflagrante Æmilius Prætor cum Romanis legionibus Lilybei degebat; eò enim Carthaginiensibus cum aliquot navibus appulsis ipse occurrens, navale prælium cum illis iniit, insignemque victoriam reportavit.

VI. Hierone nonagesimum jam annum agente mortuo Urbis conditæ quingentesimo tricesimo sexto Olympiadis cXLVI. anno primo, Hieronymus ejusdem ex filio Gelone nepos, atque in Regno successor, fœdus cum Romano populo annis ferme quinquaginta religiosissimè servatum abrupit, atque inita cum Annibale recentibus in Italia victoriis elato societate, legatos ab Appio Claudio Siciliæ Prætore de reparanda amicitia ad se missos cum ludibrio repulit. Mox ad tentandas Urbes, quæ Romanorum præsidiis tenebantur, eductis copiis, in Leontinos profectus, ibi a conjuratis multis confossus vulneribus periit anno Urbis conditæ DXXXVIII.

VII. Audita Tyranni morte, Syracusis ad arma pro libertate cives accurrunt, quumque aliquandiu quorundam ambitione excitis turbis Respublica nutasset, rebus tandem compositis, legati ad Romanos pro renovando fœdere diriguntur. Appius Prætor cum classe interim Murgantiam venerat, quò tenderent Syracusani motus opperiens, qui legatos ad M. Marcellum brevi



brevi in Siciliam ex Italia trajecturum dimisit. Hic illos perhumaniter excepit, societatemque firmavit. Jam vero, qui ex Syracusanis Pœnorum partibus studebant, Leontinos ablegati Sociorum Romani nominis agros populabantur; hinc contra eosdem ducens Marcellus Urbem primo impetu capit, civibusque servatis, in transfugas milites duriter animadvertit. Romanorum vero hostes, pervulgato, Marcellum nulli ætati Leontinis pepercisse, Syracusanos milites primum, qui suppetias Marcello afferebant, mox Civium animos in Romanos accendunt. Tumultuariis Hippocrates, & Epicides Syracusis, quidem oriundi, sed patria Carthaginenses, sese duces offerunt, qui Syracusas hostiliter invadentes, Prætoribus occisis Urbis regimen assument.

Ante Xpū.  
210.

VIII. Hæc, quum Marcello Leontinis agente nunciarentur, continuo Syracusas cum copiis profectus per legatos civibus enunciat, sese cum exercitu, ut oppressæ civitati auxilium afferat, adesse: legatos Hippocrates, & Epicides ingressu Urbis prohibent, atque audaci cum responso ad Consulem remittunt. Quo hic accensus, terra marique Urbem aggreditur, tanto virium, armorumque apparatu, ut primo impetu expugnasset, nisi unus Archimedes quidquid machinarum Romani parabant, confregisset, ac novis ipse quotidie excogitatis instrumentis terrestres Romanorum copias, navesque dissipasset: *Habuisset*, inquit Livius (a) *tanto impetu cepta res fortunam, nisi unus homo Syracusis ea ætate fuisset*. Suppetias Romanis socias Urbes, atque in primis Catanam misisse explorata

(a)  
Hist. Rom.  
lib. 24.



rata res est, idque vel maxime ex propenso, studio, quo præ aliis Urbem nostram prosequeretur Marcellus, satis intelligi datur. Hinc Silius Italicus (a) populos enumerans a Marcello excitos, ut socialia arma Romanis adjungerent, urbesque describens, quæ milites in castra miserunt, ait.

(a)  
Lib. 14.

*Interea dum incerta labat sententia clausis,  
Exciti populi, atque Urbes socia arma ferebāt.  
Incumbens Messana freto, minimumque revulsa  
Discreta Italia, atque Osco memorabilis ortu.  
Tum Catine nimium ardenti vicina Typhæo,  
Et generasse pios quondam celeberrima fratres.*

Cæterum non nullas ad Carthaginieneses, quorū partibus clam studebant, defecisse, complures, præsidio etiam Romano, aut pulso, aut occiso, palam rebellasse Polybius, ac Livius testantur. Catanam vero fidem, quam semel juraverat, religiose servasse, utque in officio sese aliæ continerent effecisse, ex insigni, quo demum, finito bello, affecta est beneficio, ut mox dicendum, evincitur.

Ante Xpū.  
210.

IX. Quum porro Archimedis vi, atque ingenio irritos fieri conatus suos Marcellus adverteret, non esse ulterius cum Archimede pugnandum sepius inclamitans, Syracusarum oppugnatione intermissa, longa obsidione Urbem premere decrevit. Hinc tertia exercitus parte e castriseducta, ad opida, quæ desciverant, recipienda animum adjecit; atque Agrigentum usque progressus, ubi occupatam ab Himilcone Pœnorum Duce Urbem advertit, dilata ultione, aliquot populos in ea regione denuo in fidem redire coegit, Siculisque, qui secum decertare sunt ausi, profligatis, & Hippocrate cum suis



fuso, Syracusas redit. Festo Dianæ adveniente, <sup>Ante Xpū.</sup> quod per triduū magna licentia Syracusis cele- <sup>208.</sup>brari consueverat, epulatis, vinoque satiatis opidanis, primo noctis tempore Marcellus scalas admo-  
moveri jussit, ac mille ferme milites armatos in muros deduxit, qui custodibus multo vino sopitis interfectis, ad Hexapilon pervenerunt, ac dato signo, Marcellum cum reliquis legionibus ad prædam evocarunt. Inde portis vi effra-  
ctis, non jam furtim Romani, sed apertè Urbem ingressi Epipolas tenuere. Illucescente in Tycham & Neapolim (quæ Urbis tunc majores erant regiones) irruerunt, atque a cæde quidem abstinentes, ut præcone Marcellus edixerat, rapinis nihilominus omnia complevere. Post menses aliquot Insulam ex proditione, Acradinā vero deditione acceperunt, quas etiam Marcellus eadem lege militi diripiendas concessit, ac in eo tumultu Archimedes amisit. Obsideri cœpta Syracusarum Urbs Romæ conditæ anno DXXXVIII. in potestatem vero Romanorum anno DXL. venit.

(a)  
Rom. Hist.  
lib. 25.

XI. Subdit hîc Livius (a) *Captis Syracusis, Marcellus cum cætera tanta fide et integritate composuisset, ut non modo suam gloriam, sed etiam majestatem populi Romani augeret, ornamenta Urbis, signa, tabulasque, quibus abundabant Syracusæ, Romam devexit. Hostium quidem illa spolia parta jure belli. Cæterum inde primū initium mirandi Græcarum artium opera, licentieque huic sacra, profanaque omnia vulgo spoliandi, factum est, quæ prostrepto in Romanos Deos templum idipsum primum, quod a Marcello eximiè ornatum est, vertit. Visebantur etiam ab externis ad portam Capenam dedicata a Marcello*



cello *Templa propter excellentia ejus generis ornamenta, quorum perexigua pars comparet. Legationes omnium ferme civitatum Siciliae ad eum conveniebant; dispar ut causa earum, ita conditio erat. Quae ante captas Syracusas, aut non desciverant, aut redierant, in amicitiam, ut socii fidelesque accepti, cultique; quos metus post captas Syracusas dediderat, ut victi a Victore, leges acceperunt.*

Ante Xpū.  
109.

XII. Cultī, acceptique ut fideles socii Catanenses cum primis, quorum urbem nondiu post Syracusarum excidium Marcellus suā praesentiā nobilitavit, auxitque; Aquæductu enim refeito, quo magna aquarum copia Catanam deducebatur ad civium commodum, ac Neumachiae ludos, Gymnasium in ea dedicavit, multaque alia bono publico molitus, adeo sibi incolas devinxit, ut Arcu magnificentissimo atque eleganti Signo illius memoriam honoraverint, quorum rudera nostris adhuc diebus perseverant; hinc ab eodem Marco Marcello, cum Aquæductus, tum Arcus vestigia hodie etiamnum vulgariter appellantur; simulacri vero caput Patrum nostrorum ætate publico in loco situm perdurabat, ut suo loco dicendum.

XIII. De condito porro, seu dicato a Marcello Consule Catanæ Gymnasio extat Plutarchi textus, qui in Marcelli vita prope finem: *A Marcello, ait, complura præter ea, quæ Romæ extant, Diis dedicata cernuntur; Nam Catanæ Siciliae oppidi ejus extitit Gymnasium, statuæ, et tabulæ ex iis, quas Syracusis detraxit, in Samothracia posita sunt ad Deos, quos Cabiros appellant. Vbi illud observat Eruditissimus Recentior (a) a Plutarcho nempe recenseri inter opera Diis per Mar-*

(a)  
Hyac. Paternio. in  
Orat. ad Jovial: Acad.  
de Fund.  
Cat. Gym.



Marcellum dicata Catanense Gymnasium, ut innuatur illud ab aliis conditum, exinde a Marcello instauratum, ac Numini cuiusdam sacratum fuisse. Veteribus quippe mos fuit publica opera, atque ædificia Diis tutelaribus dicare. Fortè præ æmula Syracusanorum urbe, quæ celebri gloriabatur Gymnasio a Timoleonte Corinthio Tyrannidis Extinctore appellato, Catanam efferre cupiens Marcellus, Gymnasium, quod bello debaccante dudum defecerat, in ea restitutum postliminio voluit.

XIV. Armorum porro, corporisque exercitationibus illud additum a Romano Consule pro temporum conditione, æquè ac literariis, atque ingenii artibus, ut Græcæ urbi, scientiisque deditæ morem gereret, suo loco satis demonstrabimus. Quamvis enim penes Romanos Marcelli ævum litterarum infantiae deputetur, jam apud Græcos nedum illæ adoleverant, sed maximis etiam incrementis radices egerant, ac passim undique Philosophorum sectæ efflorebant. Sed jam Fazelli verba hîc præterire piaculum duxerim; descripta enim ultima Marcelli expeditione contra Pœnos in Sicilia subdit (a) *Marcellus tanta victoria felix, civitates pene omnes maximis beneficiis extulit, illisque leges dedit, & Catanæ Gymnasium artium liberalium condidit. Siciliae Provinciam in Marcellorum deinde clientelam transiisse, ac Sículos Marcelli successoribus addictos Historici produnt.*

(a)  
Dec. 2. lib. 5.  
cap. 1.

XV. Anno Urbis conditæ tertio, & quadragesimo supra quingentesimum Levino Consuli Sicilia est demandata, ut in ea belli reliquias conficeret. Post discessum enim Marcelli Punica

Ante Xp  
206.



ca classis octo peditum, ac tria Equitum Numidarum millia exposuerat; Hyblam, ac Murgantiam, vicinas Syracusis urbes, & Catanæ confines, atque ignobilia aliquot opida hostes ad se pertraxerant. Et aliquandiu M: Cornelius Prætor sese illis opponens, quæ defecerant gentes ad deditionem coegerat; mox vero, ubi Levinus Consul a veteribus, novisque sociis diu expectatus venit, res Syracusanorum, quæ adhuc inconditæ, componuntur, ac Numidis Equitibus cum eorum duce Mutine contra Pœnos rebellantibus, Agrigentum in Romanorum potestatem rediit. Hanno denique, qui Carthaginensium reliquias tuebatur, fuga sibi consulens, per opportunum navigium nactus, relicta tandem Romanis Sicilia, de qua tot annis acerrimè certatum, in Africam trajecit. Positis armis Consul ad agros excolendos Siculos coegit, ut Insula feracissima non incolis modo suæ fertilitatis fructus penderet, sed Romæ atque Italiæ annonam ministraret, ut Livius enarrat (a). Hinc prima Romani imperii Provincia Sicilia constituitur, atque Urbis Horreum deinceps est appellata.

(a)  
Hist. Rom.  
lib. 26.

Ante Xpū  
136.

XVI. Consulibus C: Lælio Sapiente, et Q: Servilio Cæpione Ætna copiosum ignem evomuit, idque prodigii loco Romæ tunc acceptum majoribus hostiis quadraginta procuratum est; sacrificiis nempe solemnioribus Diis litatum. Julius Obsequens in prodigiis: *Gr: Cæpione C. Lælio Coss: mons Ætna ignibus abundavit*. Consules hi fuere Urbis conditæ anno DCXIII. ut Cluverius observat (b) Quamvis alii Q: Servilium Cæpionem C: Lælii socium faciant, quos sequimur, Joannis Freinshemii autoritate (c) & Marliani Annalibus fulti. Quinto post anno Urbis cōditæ DCXVIII.

Sicil. Antiq.  
lib. 1. cap. 8.

(c)  
In suppl.  
liv. lib. 54.

H h h

ma-



majori longe vi Aetna exarsit, ut idem Julius testatur: Servio Flacco, Q. Calpurnio Coss. mons

(a)  
lib. 5. cap. 6.

Aetna majoribus solito exarsit ignibus. Et Orosius (a) Ser. Fulvio Flacco Q. Calpurnio Pisone Consulibus in Sicilia mons Aetna vastos ignes eructavit, ac fudit, qui torrentum modo, per prona praecipites, proxima quaeque corripientibus exussere flammis; longinquiora autem favillis calidis cum vapore gravi volitantibus torruerunt, quod Siciliae semper vernaculum genus monstri non portendere malum adsolet, sed inferre.

(b)  
lib. 3. cap. 19

XVII. Malum, quod intulit, Servile bellum fuit, quo multo cruentius, ut Florus observat (b) quam Punico bello Sicilia vastata. Illius causas sic Diodorus enarrat (c) Cum post e-

(c)  
In Exturpis  
lib. 34.

versas Carthaginensium opes Siculorum res ad sexaginta annos per omnia prosperos habuissent successus, Servile tandem bellum apud eos hac de causa excitatum fuit. Postquam facultatibus magnopere amplificatis, ingentes sibi divitias comparaverant, magnam servorum multitudinem coehebant, quibus e locis, ubi pascebantur, gregatim eductis, certae per inustionem corporum, notae imprimebantur. Utebantur autem illis, si juniores essent, ad rem pastoriciam, aliis pro ut cujusque usus exigebat: sed duros ac rigidos in ministeriis se illis exhibebant, & tum quo ad vitum, tum quo ad vestitum minimam illos curam dignabantur. Quorum major pars latrocinando, vitae necessaria acquirebant; pleneque cedibus erant omnia, non secus ac si praedonum exercitus hic illic esset dispersus. Regionum quidem Praefecti illis obsistere conabantur, sed quia penas infligere non audebant, propter opes, & auctoritatem dominorum, qui imperium in servos habebant, ad de-

Ante Xpū  
130.



*deprædationem suæ provincie quisque convivere cogebatur. Quod enim ex dominis plerique Romani Equites essent, et iudices fierent criminum, quæ Provinciarum Præfectis inferebantur, terrori erat Præfectis. Cum itaque ærumnis servi premerentur, & verberibus identidem præter rationem contumeliosè afficerentur, non ferendum amplius iudicarunt. Quare inter se, ubi opportunum esset, congressi de excutiendo jugo sermones conferebant; donec re ipsa consilium tandem executi sunt.*

XVIII. Eunus quidam erat natione Syrus, Antigoni Ennensis servus, homo arti magicæ, et ciendis præstigiis deditus. Ad hunc servi primum aliquot Damophili cujusdam Ennensis crudelissimi in servos hominis conveniunt, consiliumque de defectione, ac dominorum cæde initum aperiunt. Probat ille, & quod Dii permittant, solitis verborum præstigiis persuadet. Extemplo igitur quadringentorum manum illi cogunt, quibuscum, pro ut tempus suppetebat, armatis, in Ennæ opidum Euno duce irruunt. Fazellus a Triocala opido rebellionis principium fuisse scribit, (a) & cum ultima servorum seditione hanc primam videtur confundere. Tum domos furentes servi ingressi, cædem maximam peragunt; ita ut nec lactentibus parcerent; Eunuque Regem creant, qui innumeram prope servorum multitudinem ex aliis opidis sibi adjungens, atque accito Cleone, qui & justum servorum exercitum in agro Agrigentino conflaverat, cum Romanis Prætoribus sibi occurrentibus bello contendere ausus, collatis signis, quum numero, ac ferocia prævaleret, sæpe victoriam de iis obtinuit, castella, opida, vicos, miserabili direptione vastavit Urbis conditæ anno Dcxiix.

Hisce

(a)  
Dec. 2. lib. 5.  
cap. 2.



XIX. Hisce acceptis cladibus Romani C. Ante Xpi  
 Fulvio Consuli Scipionis Africani collegæ provin- 129.  
 ciam committunt: *Non enim iniuriâ dignum Con-*  
*sulari duce, exercituque periculum visum,* ait  
 Author supplementi ad Livium (a) *mandataque*  
 C; *Fulvio collegæ Scipionis Africani Provincia est.*  
 Post hunc Calpurnium Pisonem sequentis anni  
 Consulem destinant, qui acie contra servos in-  
 structa, Mamertinam Urbem, quæ ab illis oppu-  
 gnabatur, strenue liberat, magnamque eorum stra-  
 gem edit. Suffectus post Pisonem Rupilius anno  
 Urbis conditæ sexcentesimo vicesimo primo Tau-  
 romenium, & Ætnam fitmissima fugitivorum re- Ante Xpi  
 ceptacula bello recipit, ubi supra viginti millia 128.  
 ex illis trucidata. Demum Ennam Consul pro-  
 gressus, defectores grâvi obsidione coarctans, quum  
 ob loci sitû opidum expugnare non posset, proditio-  
 ne obtinuit, ac reliquos ibi servos cum eorum  
 ducibus, Eunoque Rege digno supplicio affecit,  
*Deinceps, concludit Diodorus, cum exigua militum*  
*delectorum manu Siciliam peragrans ab omni la-*  
*trocinio spe celerius eam liberavit.* A Marco Per-  
 penna Romani exercitus duce expugnatam En-  
 nam, confectasque Servilis belli reliquias prodit  
 Florus. Sed id contra Diodori, ac Livii men-  
 tem, qui a Rupilio debellatum in Sicilia contra  
 servos clarissimè tradunt anno ab Urbe condi-  
 ta Dcxxii. quum nondum Consulatum Perpen-  
 na iniisset.

XX. Quoniam vero Ætnam in agro Ca-  
 tanensi a Servis fuisse occupatam Historici tra-  
 dunt, atque id oppidum Ego conjecturis agen-  
 do, prope Licodiæ opidulum contra Centuri-  
 pem, alibi de eodem Catanensi agro differens  
 locaverim, veram inde colligo vulgi opinionem,  
 qui

(a)  
 Suppl. ad  
 lib. 56.



qui locum illum binis ab eodem opidulo passuum millibus recedentem, *Civita* vernaculè appellatum, a Servis olim belli hujus firmissimè munitum, deducta ab antiquis traditione, credit. Extat pari etiam artificio constructus Ager, angustioris quidem situs, ejusdem tamen nomenclaturæ post Adranum prope Symethum, qui Servorum præsidium fuisse dicitur. Hinc belli hujus præcipua aliquot facinora in hac agri Catanensis regione obtigisse putandum; quò illud Strabonis (a) alludit, ubi de Enna loquitur Servili bello vastata. *Eunus cum fugitivis obsidione pressus illam præcipuis affecit cladibus; visque tandem a Romanis evulsi sunt. Eadem mala perpeSSI Catanenses, & Tauromenitani, aliique quamplures. Urbem quippe Catanam ejusdem belli malis vix affectam ex his firmissimè deduco: Damophilo enim Ennensi, ejusque uxori Megallidi, Servis supra quam credi potest infensissimis, quorum sevitia illos ad defectionem, ut supra vidimus, excitavit, puellaris ætatis filia fuit, quam parentibus crudeliter enecatis, modis omnibus Servi immunem voluere, quod ingenio mitissima virgo in eosdem servos humaniter se gesserat, fomenta verberatis, captivis alimenta elargiendo, Patris immanitatem sæpius emendaverat. Igitur inter eos per aliquod tempus modestè, verecundèque servata, mox consensu cæterorum ab Hermia quodam, cujus in ea defectione primaria auctoritas erat, in Urbem Catinensium, ubi propinquos habebat, deducta est. Ut Joannes Freinssemius testatur (b) qui subdit: Laudabile hoc factum, magnique ad causam fugitivorum momenti fuit, quum ostendere viderentur, eos non tam insita crudelitate, quam vindictæ studio acerbius in alios consuluisse. Cata-*

(a)  
lib. 6.

(b)  
In suppl. ad  
Liv. lib. 56.



na igitur a Servorum tumultibus immunis, semelac Damophili filiam servare affectantes, propinquis in ea degentibus, veluti tuto in loco, Servi contraditam illam voluere.

XXI. Partâ victoriâ, Senatus, Populique Romani decreto ex collegio X. Virorum delecti in Siciliam venerunt, Sacrisque Eunenſi Cereri factis, cujus simulacrum antiquissimum ne fugitivi quidem et barbari violaverant; universam deinde Insulam obiverunt, ut Aras Ætneo Jovi dicatas, postquam ad eas sacrificassent, circumductis Maceriis clauderent, interdicto aditu, nisi quibus ad eas aras publica, & sollemnia sacra essent. Hæc ex laudati Freinfemii supplementis ad Livium, qui Rupilius Proconsulari imperio Siciliam obtinuisse mox scribit; Siculisque legem de Sententia decem Legatorum, ab eo Rupiliam appellatam præscripsisse, quæ magno deinceps in honore apud ipsos fuit: precipuè vero in ea de Judiciis cavebatur: Ut qui ejusdem civitatis essent Siculi, domi certarent suis legibus; qui diversarum, inter eos Prætor Romanus judicaret. Cōstitutis in Sicilia rebus, Proconsul, exercituque deportato, quamquam res Triumpho dignissimas gessisset, Ovatione contentus fuit, ne summum Romæ virtutis præmium servili videretur inscriptione fœdasſe.

(a)  
ib. 5. c. ap. 10.

XXII. Quinquennio post, Urbis conditæ sexcentesimo vicesimo septimo M. Æmilio Lepido & L. Aurelio Oreste Consulibus mons Ætna exarſit, Julio Obſequentē in Prodigiiis, et Oroſio (a) testibus, quorum primus M. Æmilio, scribit, C. Aurelio Coff: Ætna mons terræmotu ignes supra verticem latè diffudit. Oroſius vero M. Æmilio, L. Oreste Coff: Ætna vasto tremore concuſſa exundavit igneis globis. Idem Oroſius

(a)

Ante Xpū,  
122.



(a) post multa *Ætna Mons*, ait, eodem tempore  
 Ante Xpū 118. ultra solitum exarsit, & torrentibus igneis super-  
 fusis, lateq. circumfluētibus *Catanam Urbem*, fines-  
 que ejus oppressit; ita ut tecta ædium calidis ci-  
 neribus perusta, & prægravata corruerent: cujus  
 levandæ cladis causâ *Senatus decem annorum vecti-  
 galia Catanensibus remisit*. Incendium hoc, ut  
*Cluverius* observat, anno Urbis sexcentesimo tri-  
 cesimo primo inter Consulatum Q. Cæcilii, &  
 T. Q. Flamini, & Consulatum Q. Fabii Maxi-  
 mi Allobrogi, accidit. Quo anno Consules fue-  
 re Gn. Domitius Anobarbus, & C. Fannius  
 Strabo. Ita, inquit ille, inter decem & octo an-  
 norum spatium, quater *Ætna exarsit*.

XXIII. Livii autem Continuator post de-  
 scriptam C. Gracchi seditionem, ac necem anno  
 Ante Xpū 117. Urbis secundo, & tricesimo supra sexcentesimū  
 Q. Fabio Maximo, & L. Opimio Consulibus  
 perpetrata subdit. (b) Idem annus sicuti Romā  
 Urbem discordiâ; ita *Siciliæ partem incendiis, &*  
*ruinis laceravit; auditaque Catanensium Legatio*  
*est. Sibi Ætnæ Montis viciniam sæpe, & antea*  
*gravem, tum propemodum exitiosam fuisse; nam*  
*ab eo monte torrentibus ignium profusis, fines su-*  
*os omni hostili impressione fœdius vastatos, Urbis,*  
*quoque tecta mole cinerum oppressa, ardore exusta*  
*passim concidisse. Senatus levamen malorum tribu-*  
*torum, atque vectigalium omnium in annos decem*  
*dedit*. Quam porro *Catanensis agri partem hoc*  
*incendium vastaverit, satis exploratum non ha-*  
*beo. Os, unde torrenti igneo patuit egressus*  
*non longe ab Urbe fuisse oportuit, ut cineres*  
*inde erumpentes copiâ, atque ardore Urbis te-*  
*cta opprimerent, incenderentque. Extant non*  
*longe ab opido Gravinæ quarto ab Urbe Japide*  
*montes, quos vulgus Aduſtos, & lingua vernacula*  
*Mon-*

(a)  
 lib. 2. cap. 14.

(b)  
 Suppl. ad Liv.  
 lib. 61. n. 41.



*Montiarsi* appellat, omnia igneæ voraginis indicia præferentes; levibus enim atque aridis abundât lapidibus, quorum ingens copia etiam per vicinia diffunditur.

XXIV. Tunc Lucium Metellum Siciliæ præfuisse ex Diodori Epistolis nostri tradunt, qui litteras ad Senatum perferendas Euthimio Cinnæ Equiti, ac Legato Catanensi dedit. In iis terræmotu Urbem concussam, ingentique, profunda, ac proluxa fissura ad mare usque discissam significat, mœnia aquilonaria Cyclopium opus, Cibelisque templum illis contiguum corruisse, Amphitheatrum, Gymnasium, Cererisque fanum labefactata, Pergusæ lacum absortum, Proserpinæ antrum per dies quindecim flammæ eructasse, Portus molem ac turrim, Pharo, atque Obelisco illesis, aquis absortas; Amenanum denique, fontesque per Urbem putridas aliquando, & sanguineas dedisse aquas enarrat. Hinc munera, quibus Catanz Cives S. P. Q. R. gratiam inire affectabant, enumerat, Obeliscum nempe, ac Terræ Matris, seu Naturæ, Veneris Homicidæ, Galathæ, Acis, Cibelisque statuas. Integram hîc exscriberem Epistolam; sed hæc inter illas Diodori, quæ a Criticis minime probantur.

XXV. Servile bellum in Sicilia secundum Urbis conditæ anno DCLIX. Cajo Mario, & C. Fulvio Fimbria Consulibus, levissimis initiis conflatum, non nisi exercitu Consulari comprimi demum potuit. Illius causas Diodorus Siculus in sua Bibliotheca enarrat (a) quas hîc non vacat exscribere. Primus Servorum conventus ad Palicorum lacum in Agro Catanensi, primusque in Ancylio agro motus fuit, quem Licinius Prætor

(a)  
In Excerptis  
lib. 36.



tor facile composuit, mox alibi contracta Servorum manus in monte Caprino, hodie *Refesio* Prætoris copias fudit, atque immensum subinde eveſta, Salvio quodam in Regem ſalutato, Murgantiam validam Urbem Catanenſi etiam agro confinem obſidet. Legiones hinc Italas, Siculasque Prætoris Duce ad Murgantiam liberandam properantes novus fugitivorum Rex magnâ impreſſione factâ, ad fugam coegit, atque a Murgantia, quam expugnandam deſperaverat, in Leontinos uſque omnia perpopulatus, recenſu copiarum facto, cum delectæ juventutis ad triginta millia ſub ſignis habere comperiſſet, Triocalâ inespugnabili naturæ ac ſitus munimento validiſſimam in Regni ſedem conſtituit, novisque operibus firmavit. Tum ad ſe Anthenionem, qui apud Lilybœum magnis contractis Servorum turmis, ficti etiam Regis titulum aſſumpſerat, acciri juſſit, ac cum delectu trium millium tãquam ad Regem ſuum venientem fraude circumventum cuſtodix mancipavit: Regia denique extructa domo, ampliſſimoque ac pulcherrimo foro, delectis etiam ad conſilium prudentioribus ex ſociis, togâ prætextâ, ac tunicâ laticlaviâ indutus proceſſit, atque omnia id genus alia Imperatoribus, Regibusque propria uſurpavit.

ante Xpū.  
98.

XXVI. Sequenti anno novus Siciliæ Prætor Lucullus juſto exercitu fugitivos ſibi obviam progreſſos invaſit, ſolutisque eorum ordinibus in fugam vertit, cæſis ad viginti millia, Regem cum paucis Triocalam uſque coegit. Sed mox ſedente Prætoris per negligentiâ, ad priſtinam fiduciam fugitivorum animi erecti, multas Siciliæ clades intulere. Segnior Lucullo C.



Servilius, cui Siciliae Prætura anno Urbis DCLI. <sup>Ante Xpi.</sup> obtigerat, ab Anthenione Tryphonis, seu Salvii Servorum Regis successore victus, castrisque spoliatus, magno Romani nominis dedecore, pugnandi occasiones deinceps vitavit. Interim Anthenio veste purpurea, argenteo baculo, ac diademate ornatus, quum vicos, castella, opidaque impune diripuisset, ad magnarum Urbium obsidionem animum adjecit, parumque abfuit, quin Messanam improvise impetu caperet. Ubi vanum exitu consilium fuit, Macellam communivit, atque semissis prædonum catervis, omnia circum longe, lateque populatus eam de se famam excitavit, ut nonnisi Consulari exercitu opprimendus crederetur.

(a)  
In Excerptis  
lib. 36.

XXVII. Eam igitur provinciam initio magistratus M. Aquilius Consul accepit, qui sua fortitudine, inquit Diodorus, (a) id præstitit, ut rebelles insigni prælio vincerentur. Cum ipso demum Rege Apostatarum Anthenione congressus, herois in morem decertavit; & hunc quidem interemit, ipse autem vulnus in capite accepit. Hinc reliquias defectorum, ad decem hominum millia bello persequendas duxit, qui licet impetum ejus non sustinerent, sed in munitiones refugerent; nihil tamen de constantia propositi remittens Aquilius omnia tentavit, quousque debellatos in potestatem redegisset.... Servile itaque bellum in Sicilia cum annos prope quatuor durasset, hunc tragicum finem habuit. Gessit Manius Aquilius Consulatum anno Urbis conditæ DCLII. qui & belli Servilis secundi annus quartus. Mirari hinc subit L. Anneum Florum in Epitome libri nonagesimi noni Liviani scribere M. Aquilium Proconsulem in Sicilia Bellum Servile excitatum

Ante Xpi.  
97.



*tatum confecisse*, idest Urbis conditæ anno DCLIV. Florum in supplementis ejusdem libri sequitur laudatus Freinshemius (a) *Dum hæc in Urbe mixta bonis, malisque exemplis geruntur, Manius Aquilius Proconsul bene cum fugitivis in Sicilia depugnavit. Regemque illorum Athenionem sua manu interfecit, ipse vicissim ab eodem juxta caput vulneratus. Reliquiæ servorum ad decem millia, cum pugnandi copiam non facerent, in loca munita, & inaccessa confugientes, clausæ, obsessæque ad necessitatem redactæ sunt, ut præ fame alii ab aliis vorarentur. Quæ si vera essent circa annorum computum contra Diodori mentem Servile Bellum sex annis minimùm desævissset. Cæterum Aquilium de fugitivis Ovatione fuisse contentum in gestis anni DCLV. idem Livius enarrat, ut ex Epitomæ Libri septuagesimi idem colligit Freinshemius.*

(a)  
Num. 41.

XXVIII. Siciliam subinde supra horribiles bellorum calamitates etiam magistratuum Romanorum avaritia vexatam L. Sempronius Asellio Prætor abstinentia sua, atque æquitate recreavit. Consiliis enim C. Longi ac Publii Romanorum Equitum usus, præclara multa instituit, seque privatis, publicisque maleficiis coercendis assiduum vindicem, pacisque vigilantissimum custodem exhibuit. Ad hæc servos, ne iterum res novandi occasionem fumerent, cum telo esse vetuit. *Hæc instituta, concludit Freinshemius, quum toto imperii sui tempore retinisset, ita decessit ex Sicilia, ut quam intraverat miserrime adfectam Insulam, eam tantum non ad pristinæ felicitatis exemplum, beatam, florentemque relinqueret.*

Per-



XXIX. Perstitit diù hæc felicitas usque ad Sullana tempora, quæ toti Reipublicæ exitiosa, Siciliæ etiam in varias factiones abeuntis pacem turbarunt. Commiserat Sulla, qui solus Reipublicæ, sublati æmulis, dominabatur, Cn. Pompejo negotium Carbonis partium Marianarum præcipui fautoris persequendi, ac Siciliam insimul purgandi, *In quam, inquit Historicus, Carbonis amici quidam, & præcipuus Perpenna vir Prætorius confugerant, cum Carbo, & Cn. Domitius in Africam navigassent. Adventu Pompei Perpenna statim Siciliâ cessit, civitatesque auctoritate Adolescentis, & partim consilio receptæ sunt, inter quas Catana, quum suspecta Pompejo esset & præsidium recusatura videretur, a fortissimis omnium militibus occupata est.* Dolo quippe circumvenerat Catanenses Romanus, at que impetrato, ut egri milites sui exercitus curationis gratia in Urbem reciperentur, sub eo habitu, quot voluerat selectos in opidum miserat, qui mox sumptis armis arces ac mœnia occuparunt.

XXX. Dum hæc geruntur, redux ex Africa Carbo cum suis capitur, atque ultimo supplicio Messanæ Pompei sententia crudelissimè afficitur. Q. Valerium Soranum Virum Philosophum, ac prisicarum litterarum peritissimum ejusdem etiam Pompei jussu indignè trucidatum post Carbonem tradit Q. Oppius C. Cæsaris amicus; sed aliquid odio Historicum dedisse videtur, ut Appianus scribit. (a) Cæterum quia bellum jam nullum in Sicilia supererat, versus ad res Insulæ componendas, ac jus dicendum Pompejus, Provinciam demeruit. Mox Sulla urgente, relicto, qui Insulæ præesset, Memmio sororis suæ viro, in Africam Domitium Ahenobarbum debellaturus traje-

(a)  
Bell. Civil.  
lib. p.



# CAT. SUB ROMAN. CONSUL. 245

Ante Xpū.  
76.

trajecit anno Urbis conditæ septuagesimo tertio supra sexcentefimum.

Ante Xpū.  
70.

XXXI. Sexennio post Siciliæ Quæsturam

M. Tullio Cicerone gerente, quum gravi annonæ penuria Urbs laboraret, magna frumenti vi ejusdem Tullii opera, Romam ex Insula comportatâ populi votis aliquatenus satisfactum. Ex omnibus deinde Siciliæ opidis frumenti emptio Senatus Consulto decreta ad triennium, quibus auxiliis, in præsens modicis, levata quidem, sed minime adempta Romani populi calamitas fuit. Per idem quoque tempus immani C. Verri Prætura Siculi premebantur. Hanc Verres

Ante Xpū.  
68.

suscepit anno ab Urbe condita sexcentefimo octogesimo primo, tenuitque annis ferme tribus, ac pene innumeris rapinis, sceleribusque fœdavit. Prætoris avaritiam Catana cum primis experta; ad eam quippe, quum ille aliquandiu divertisset, Dionysiarchum\* Urbis Proagorum (Erat tunc ea suprema Catanensis Senatus dignitas, cui hodie Patricii munus respondere videtur) ad se acciri jussit, eique palam imperavit, ut omne argentum, quod apud quempiam Catanæ esset, ad se afferendum curaret.

XXXII. Ad Sacra deinde templa expilanda conversus, signum religiosissimum priscis illis gentibus cultum e fano Cereris sustulit, quod sane facinus hisce expressit verbis Tullius

(a) *Sacrarium Cereris est apud Catinenses eadem religione, qua Romæ, qua in ceteris locis, qua*

(a)  
In Verrem  
Act. 5. de Si-  
gnis lib. 4.

Llll prope

\* Dionysiarchus proprium nomen; nisi sit Dionysii id est Bacchi Sacerdos. Proagorus autem, inquit Gothofredus, videtur is Siculis fuisse, qui Romanis Ædilis; sed Tullii verba sunt: Catinam cum venisset oppidum locuples, honestum, copiosum, Dionysiarchum ad se. Proagorum, hoc est Summum Magistratum, vocari jussit. Hinc Turnebus tom. p. Adversar. Proagorus dicitur, qui Princeps est, & ante alios verba facit.



prope in toto Orbe terrarum. In eo Sacrario intimo fuit Signum Cereris perantiquum, quod Viri non modo cujusmodi esset, sed ne esse quidem sciebant; Aditus enim ad id sacrarium non est viris; sacra per mulieres, & virgines confici solent. Hoc signum noctu clam istius servi, ex illo religiosissimo atque antiquissimo fano sustulerunt. Posttridie Sacerdotes Cereris, atque illius fani Aristites, majores natu, probatæ ac nobiles mulieres rem ad magistratus suos deferunt. Omnibus acerbum, indignum, luctuosum denique videbatur. Tum ille permotus illa atrocitate negotii, ut ab se sceleris istius suspicio removeretur, dat hospiti suo cuidam negotium, ut aliquem reperiret, quem ea fecisse insimularet, daretque operam, ut is eo crimine damnaretur, ne ipse esset in crimine. Res non procrastinatur; nam cum iste Catanam profectus esset, Servi cujusdam nomen defertur; is accusatur, fidei testes in eum dantur, Res cunctus Senatus Catinensium legibus judicat. Sacerdotes vocantur, ex his quæritur secreto in curia, quid esset factum, quemadmodum arbitrarentur, signum esse sublatum. Respondent illæ, Prætoris in loco Servos esse visos; Res, quæ esset antea non obscura, Sacerdotum testimonio perspicua esse cepit; itur in consilium, Servus ille innocens omnium sententiis absolvitur. Hæc Tullius, qui Siculorum in Senatu causam contra Verrem suscepit, cujusque facinora, cædes, furta, libidines atque id genus alia per Infulam perpatriata quatuor orationibus complexus, Siculæ calamitatis per ea tempora quoddam veluti specimen exhibuit.

XXXIII. C. Verre revocato, L. Metellus in Provinciam cum potestate a Senatu missus anno ab Urbe condita DCLXXXIII. adversus Pira-



# CAT. SUB ROMAN. CONSUL. 247

Piratas rem prosperè gessit; inter fœdissimam enim C. Verris Præturam Pyrganio quidam Archipirata Syracusanum portum, pulsa Romana classe, obtinuerat, Insulamque cædibus, rapiis, atque incursionibus misere vessabat. Hunc ergo Metellus navali, terrestrique prælio devictum Sicilia exegit, pacem Provinciæ reddidit, quam Insula per viginti ferme annos ad Pompei Cæsarisque tempora tenuit.

Ante Xpū.  
46.

XXXIV. Consulibus L. Æmilio Paullo, C. Claudio Marcello Urbis conditæ anno dcciii. quum Senatus Consultum factum esset, ut Cæsari in Gallias agenti Successor mitteretur, Tribuni Plebis decreto huic intercedere modis omnibus adnixi, ut Cæsari morem gererent, Urbe excessere; inde simultates, quæ diu inter Pompejum, & Cæsarem gerebantur, in apertum Civile bellum eruperunt. Cæsar in Italiam, jacta ad Rubiconem alea, descendit; M. Cato, qui Pompejanas, ac Reipublicæ partes sequebatur, in Siciliam cum copiis trajecit, Insulam contra Cæsaris conatus latè per Italiam debaccantis in officio cohibiturus. At ille Corfinio recepto, Domitianas cohortes a L. Domitio Ahenobarbo conflatas ad se deficientes in Siciliam transmittendas curat. Mox Brundisium veniens, Legatis de Pace ad Pompejum missis, quum omnia frustra tentari advertit, in id intendit, ut aut Pompejum quamprimum trajicere cogat, aut exitu Italiæ prohibeat. Hic autem jam ab initio consilium Italiæ relinquendæ ceperat; clam igitur eductis navibus Dyrrachium, non sine antiquæ gloriæ jactura, atque imprudentiæ nota cum aliquot e suis contendit, Æmuloque Urbis imperium, ac liberum Italiæ dominium dimisit.

CATANA



## CAPUT V.

## CATANA

## SUB ROMANIS IMPERATORIBUS

I. **P**ulso fugatoque Pompejo Urbis con-<sup>Ante Xpū</sup>  
 ditæ anno dccvi. Maluit Cæsar, in-<sup>43</sup>  
 quit Florus, *cōordinare provinciās, quam ipsum se-*<sup>Mundi</sup>  
*qui. Siciliam ergo, & Sardiniam annonæ pignora*<sup>3957.</sup>  
*per legatos habuit. Præerat Siciliæ S. P. Q. R.*  
*nomine M. Cato, ut vidimus, ac Syracusis*  
*morabatur; Qui quum audivisset, ut scribit Plutar-*  
*chus (b) Asinium Pollionem cum multis militibus*  
*Messanam trajecisse, ac simul cognovisset Pompei*  
*fugam ex Italia: Res divinas permagnam obscu-*  
*ritatem multosque errores habere conquestus est.*  
*Quamquam autem Asinium ex insula deturbare,*  
*posset; tamen ne Siciliam cladibus belli involve-*  
*ret, abeundi consilium sumpsit, monitis prius Sy-*  
*racusanis, ut de salute suæ civitatis providerēt,*  
*Dyrrachium ad Pompejum navigavit. Eadem ha-*  
*bet Appianus (c) Q. Valerius cum aliis missus oc-*  
*cupavit Sardiniam frumenti feracissimam, Asinius*  
*Pollio Siciliam petiit; cui Cato præerat. Percū-*  
*stanti illi: utrum Senatus, aut Populi decretum*  
*afferens invadat alienam Provinciam, hoc tan-*  
*tum respondit: Qui nunc Italiam tenet, huc me-*  
*misit. Ad hæc Cato retulit, se, ut Provinciali-*  
*bus parcat, dilaturum vindictam in alium locum.*  
*Quo dicto navigavit Corcyram, ut se Pompejo ad-*  
*jungeret.*

(a)  
 Lib. 4. cap. 2.

(b)  
 Inuit. Caton.

(c)  
 De Bello Civ.  
 lib. 2.

II. Asinii porro appulsus Messanam cum  
 copiis, Catonisque propinquitas, qui Pompeja-  
 nis



nis partibus adhærens, Syracusis versabatur, facile Catanam mediam inter Messanam & Syracusas, aliasque finitimas Urbes nomine Cæsaris statim ab initio occupatas arguunt. De Asinio Pollione, qui de hoc Pompei, & Cæsaris Bello commentarium scripsit, nulla apud Cæsarem (a) mentio extat, sed Curioni Proprætori cum tribus legionibus in Siciliam misso Insulam cessisse scribitur. Verùm Curionis adjutorem ac socium Pollionem fuisse facile crediderim; in bello enim cum Attilio Varo Pompejano, ac Juba Numidiæ Rege prope Bragadæ fluvium a Cæsarianis infeliciter gesto, eundem Asinium, ut desperatæ suorum salutis prospiceret, Uticam refugisse legimus, unde in Siciliam trajecit, ut Appianus est author. (b)

(a)  
De Bel. Civil.  
lib. p. cap. 14.

(b)  
De Bel. Civil.  
lib. 2.

Ante Xpū.

42.

III. Redux e Pharsalico, & Alexandrino prælio Cæsar, rebus in Urbe compositis, ad sedandas in Africa turbas victorem exercitum e Rhegio Messanam traduxit, subindeque Lilybæum oppositam Africæ Urbem contendit. In qua forte profectio Siculos sibi semper devotos variis privilegiis, ac Latinitate præ cæteris donavit, ut Tullius scribit (c) Scis, inquit Attico, quam diligam Siculos, & quam illam clientelam honestam judicem. Multa illis Cæsar neque me invito, & si Latinitas erat non ferenda. Latinitas porro, seu Jus Latii, quod Provinciis quandoque optimè de Republica meritis dabatur, Jus erat Magistratum Romæ petendorum, & capiendorum, ut Sigonius testatur (d). Quos sane Magistratus Ædilitatem, Quæsturâque fuisse ex Strabone eruit, Illud igitur, concludens, perspicui non obscure potest, Jus Latii fuisse, ut qui Latino in oppido, aut Jure Latii donato Æ-

(c)  
Ad Atticum  
lib. 14.  
Epis. 12.

(d)  
De Antiquo  
Jure Ital.  
lib. p. cap. 4.



*dilitatem, aut Questuram gessisset; Civis Romanus esset. Cæterum Cæsaris munificam elargitionem de Jure Latii Siculis fuisse abrogatam, censeret idem Sigonius (a) quamquam mortuo Cæsare nihil eorum, quæ ipse gesserat, rescissum fuisse e Senatu Dio Cassius referat. (b)*

*De Jure Prov.  
lib. p. cap. 5.*

*(b)  
Rom. Hist.  
lib. 44.*

IV. Effloruit per id tempus L. Manlius de quo hæc scribit Cicero ad Acilium Siciliæ Proconsulem: *L. Manlius est Sosis \* Is fuit Catinensis, sed est una cum reliquis Neapolitanis Civis Romanus factus. (lege Julia, quæ belli Italici tempore Civitatem cunctis Italici arma deponentibus largita est) Decurioque Neapoli. Erat enim adscriptus in id Municipium ante Civitatem Sociis, & Latinis datam. Ejus frater Catina nuper mortuus est. Nullam omnino arbitror de ea hereditate controversiam eum habiturum, & est hodie in bonis; sed quando habet præterea negotia in Sicilia sua, & hanc hereditatem fraternam & omnia ejus tibi commendo; In primis ipsum virum optimum, mihiq; familiarissimum, iis studiis litterarum, doctrinaque præditum, quibus Ego maxime delector. Peto igitur abs te, ut cum, sive aderit, sive venerit in Siciliam, in meis intimis, maximèque necessariis scias esse; Itaque tractes, ut intelligat, meam commendationem sibi magno adjumento fuisse. Acilium Siciliæ Proconsulem egisse sub Cæsare, ex aliis ejusdem Tullii Epistolis etiam colligitur.*

Pau-

---

\* In ea Urbe Asia, inquit Fabrinus in com. ad Epis. quæ & Susa dicitur. Sed alii cognomen esse Manlii credunt. Lapis Sepulchralis olim inventus extra Stesichori Portam Sosiam Familiam Catana extitisse arguit.



CAT. SUB ROMAN. IMPERAT. 251

V. Paucis antequam Cæsar occumberet  
Mons Ætna horribile eructavit incendium hinc  
Virgilius. (a)

..... Quoties Cyclopum effervere in agros <sup>(a)</sup> In Georg. lib. p.

Vidimus undantem ruptis fornacibus Ætnam  
Flammarumque globos liquefactaq. volvere saxa  
In quem locum Servius ex Livio tradit, quod  
tanta flamma ante Cæsaris mortem ex Ætna de-  
fluxit, ut non tantum vicinæ Urbes, sed etiam  
Rhegina civitas efflarentur. Livii autem liber cē-  
tesimus sextus decimus, ex quo eruit Servius,  
periit, atque hujusce Incendii historiam nobis  
eripuit.

Ante Xpū.

39.

VI. Jam vero Cæsaris mors, qua debuit  
civile bellum extinguere, longe majori incendio  
materiam ministravit, quod & Provincias passim  
omnes invasit, unius quippe loco plures Rei-  
publicæ cmergere Tyranni, Antonius in primis  
Cæsaris in Consulatu collega, qui, quasi hæres  
non facultatum modo ipsius, sed & potentiae  
relictus esset, Octaviano veluti adolescente, re-  
rumque imperito despecto, eousque animi con-  
tinentiam exuit, ut tabulis Cæsaris in suam  
potestatem redactis, multa ex illis deleret, mul-  
taque vicissim in eas inferret, aliis Magistratus,  
& pecunias adimeret, quasi ex Cæsaris manda-  
tis ea agens, aliis sibi faventibus tribueret, ut  
Dio Cassius testatur (b) Neque his contentus  
multa privatos homines, populosque expilavit;  
Regibus aliis terras, aliis libertatem vendi-  
dit, Provinciis jus Civitatis, atque immuni-  
tates accepta pecunia concessit, quas inter Si-  
cilia fuit, ut Tullius verbis illis ad Atticum  
innuit, (c) Ecce autem Antonius, grandi acce-  
pta pecunia, legem fixit a Dictatore Comitibus la-  
tam

(b)

Rom. Hist.  
lib. 44.

(c)

Lib. 14.  
Epist. 12.



ram, qua Siculi Cives Romani, cujus rei vivo illo, idest Cæsare, mentio nulla. Sed hanc minime observatam ex multis documentis probat Sigonius (a)

(a)  
De Jure Prov.  
lib. p. cap. 3.

VII. Triumviratu instituto in celebri illa totius Romani Imperii partitione Siciliae Insula Octaviano Cæsari obtigit, quam Sextus Pompejus Magni filius mox occupavit. Hic e prælio Hispanico profugus, aliquandiu hostes suos latuit, quumque Cæsar in Italiam sese recepisset, viribus instauratis Betica expugnata Asinium Pollionem Cæsaris Præfectum in fugam egit. Tum, Cæsare occiso, Lepidi suasionibus Hispaniâ excedens navali præfectura a Senatu donatus, bona etiam hæreditaria est affecutus. Sed quum ei Octavianus Cæsar, inquit Dio, eam præfecturam ademisset, nihilominus naves retinens fuit ausus in Italiam navigare, mox quum eam Cæsar occupasset, se autem inter superioris Cæsaris occisores damnatum, proscriptumque intelligeret, desperato in patriam reditu, ad bellum se instruxit, prædones maritimos socios sibi adscivit, ejectos patria suscepit, rebusque prospere succedentibus in Siciliam navigavit. Ac Mylas primum, Tyn-  
daridemque facili negotio, Messanam vero inita cum Bithynico Siciliae Proconsule societate obtinuit, Syracusas subinde, ac nonnullas alias, Catanamque subegit, suppetiasque ab ipsis extorsit, sed Catanam nimis Cæsari studentem, ac Centoripem vel maxime vastavit.

VIII. Despexerat Pompejum aliquandiu Cæsar aliis distractus curis, sed quum fames in Urbe grassaretur, atque Italiam quoque ille attentaret, classe parata, cum ingenti exercitu Salvidienum Rufum præmisit Rhegium. Hic Pompejum

Ante Xpū  
38.



pejum ab Italia feliciter expulit, sed congregari  
 navali praelio ausus, ut in Insulam transmissio-  
 nem tentaret, victus, cum reliquis navibus Jo-  
 nium mare trajecit, totius Siciliae Imperio Pom-  
 pejo relicto, qui tanta auctus gloria Neptuni se  
 filium appellavit, cufis numis cum epigraphe:  
*Præfectus Classis, & Orae maritimæ.* Quamvis Placi-  
 dus Reina hos numos post initam pacem cufos Mes-  
 fanæ credat (a) Pax hæc à Cæsare, & Anto-  
 nio Romani populi precibus, ac pene vi, Pom-  
 pejo data: *Asperius enim*, inquit Appianus (b)  
*fames Urbem invaserat, nullis ab Oriente nego-*  
*tiatoribus, ob Pompei timorem adnavigantibus,*  
*neque ab Occidente, ob Sardiniam, & Corsicam,*  
*quas ille obtinebat.* Igitur de conditionibus pa-  
 cis quum esset primum per Legatos actum, a-  
 pud Misenum Octavianus Cæsar, Antonius, &  
 Sextus Pompejus convenere, atque inter alia  
 decretum, ut quinquennale esset Pompejo impe-  
 rium in Sicilia, Sardinia, & Achaja. Plutar-  
 chus (c) *Conventum est*, inquit, *apud Promon-*  
*torium, & Agerem Miseni, Pompejo classe, Cæsare*  
*& Antonio terrestribus copiis adstantibus; ea con-*  
*ditione pax confecta est, ut Pompejus Sardiniam,*  
*& Siciliam obtineret, mare prædonibus purgaret,*  
*certamque frumenti mensuram Romam mitteret.*

(a)  
 Not. Messan.  
 par. 1. f. 357.

(b)  
 Belli civilis  
 lib. 4.

(c)  
 In vita Anto-  
 nii.

IX. Pacem ingens totius Italiae, ac utriusque  
 exercitus plausus excepit, sed anno vix elapso  
 omnia denuo turbata sunt, itaut acrius hinc inde  
 ad arma Cæsar, & Pompejus insurgerent, mu-  
 tuisque sese praeliis conficerent. Et principio  
 quidem Pompejo bene omnia cedere visa sunt,  
 victusque Cæsar, ac magna insuper tempestate  
 collisus, classem amisit, ita ut Siciliae potiundæ  
 spe abjecta, contentus fuerit Italiae, & conti-



mentis oram maritimam tueri ; sed bello instaurato , classeque , Agrippæ ope , sequenti anno restituta , pedestribus copiis in Siciliam traductis , variâ fortunâ Cæsar terra , marique pugnavit .

Dum hæc agerentur Ætna mons maximo incendio conflagravit , quod nedum Siculos , sed Cæsaris , ac Pompei milites ingenti timore affecit .

(a)  
Belli Civiliis  
lib. 5.

De eo sic Appianus (a) *Facti sunt etiam Ætnæ horrendi fremitus , & longi mugitus ; excandescentibus & ignibus , exercitumque fulgore terrentibus ; adeout Germani e cubilibus præ timore profiliarent , nec amplius incredibilia viderentur Ætnæ miracula , & inter cætera illud de torrente igneo .* Quæ sane innuunt , Ignem non longe a summo Crate- re , seu vertice defluxisse . Militibus enim circa Myconicum collem degentibus torrens igneus est visus . Collis ultra Messanam à sinistra parte faucium Mylensium inter Pelorii , seu Neptunii montis juga extenditur juxta Cluverium ; ex eo autem nonnisi Montis vertex intuentibus objicitur .

X. Quum porro Cæsar Taurum ducem emisisset , qui commeatus hostibus in terciperet , ac Urbes necessaria illis ministrantes invaderet , quas inter Catanam credimus enumerandam , exagitatus Pompejus , summo prælio de omnibus decertare instituit ; veritus autem Cæsaris terrestres copias , quum classe longe superaret , legatos ad Cæsarem destinat , maritimumque prælium expostulat . Cæsar et si maritimis abhorreret , turpe nihilominus ducens bellum detrectare , conditionem accipit , statutoque die trecentis utrinque navibus congregiuntur , exercitu ad littus spectante . Dubia aliquandiu victoria hæsit , sed Pompejanis tandem in fugam versis , ad

Cæ-



CAT. SUB ROMAN. IMPERAT. 255

Cæsarem inclinavit, qui ea bene usus; Messanam à Lepido jam occupatam trajecit, quam brevi obtinuit. Pompejus rebus desperatis, noctu nemine insequente abiit, atque in Bithyniam navigavit: ubi nondiu post à Titio Antonii duce circumventus occiditur. Agrippæ postmodum honores à Cæsare decreti, ac numi cusi, quos passim obvios habemus, ejus enim virtuti partam victoriam ille retulit; Urbes Siculæ, quæ ultro deditionem faciebant, veniâ donatæ; in eas vero, quæ resistebant, vindicatum est.

XI. Catanenses in Pompejum conjurasse cum Centoripinis, ac Syracusanis Strabo non obscure innuit. (a) *Hanc Urbem verò, idest Syracusas, & Catanam Cæsar Augustus refecit, sicut Centuripa; cum illa ad Pompei destructionem plurimum attulisset adjumenti; supra Catanam enim Centuripa jacet Aetnaeis propinqua montibus, fluminique Symetho agrum Cataneum influenti. Crediderim Pompejo necessaria ad victum nostros denegasse; scribit enim Dio Cassius, quod nedum pecunia, sed alimentis etiam, antequam cum Cæsare congrediretur, Sextus destituebatur; sicque ad ejusdem ruinam viam parasse, plurimumque adjumenti attulisse. Ob id post aliquot annos* Ante Xpū 17. *Catana a Cæsare Romanorum Colonia aucta est. Unde laudatus Strabo, Messana, ait, satis frequens, frequentior autem est Catana, quæ colonos accepit Romanos; minus utraque frequentatur Tauromenium. Et Ptolomæus, ac Plinius Coloniis ab Augusto in Sicilia constitutis Catanam accensent. De his Coloniis Dio Cassius loquens, Augustus, inquit, (b) in Siciliam profectus est, ut eam, & omnes alias ad Syriam usque Provincias constitueret. Et paullo post: Rebus itaque in Sicilia ordinatis*

(a)  
de situ Orbis  
lib. 6.

(b)  
Rom. Histor.  
lib. 54.



*uatis, Syracusisque & aliis quibusdam Urbibus Coloniae Romanorum ut essent, destinatis, in Græciam transmisit. Signanter autem de Catanensi Fazellus (a) Cum postea Octavius, mutata Reipublicæ fortuna, orbis suscepto imperio Augustus esset cognominatus, Centuripen, & Catanam, quæ ad Sexti Pompei destructionem contulerant, reficit.*

(a)  
Dec. 2. lib. 5.  
cap. 2.

XII Colonias porro per universam Romani Imperii ditionem ab Augusto deductas tot sanè legimus, ut Deductoris nomen, quod sibi Coloniae assumpserant, Senatus decreto illi obveniret; adsignata enim toti terrarum orbi pace, milites pene omnes, qui sub Antonio, & Lepido demeruerant, nec non suarum Legionum emeritos, Colonos fecit alios in Italia, ubi duo de triginta Colonias instituit, alios in aliis provinciis; easque Urbes, quæ olim deductæ a Consulibus fuerant, dato iterum Coloniae nomine ampliavit; sicque plura Urbis Romæ simulacra ubique gentium exhibuit, Coloniae siquidem Aulo Gellio teste (b) jura atque instituta omnia populi Romani habentes, (*quæ conditio certe, & si esset minus libera, ac magis obnoxia, potior tamen et præstabilior extimabatur propter amplitudinem et majestatem Populi Romani*) veluti parvæ effigies Urbis esse videbantur. Quod si ulterius in illorum mentem, qui primas deduxere, penetrare velimus, facilius Augusti finem in tot fundandis coloniis adsequemur. Ex his enim quinque causis, ut Nicolaus Bergerius scribit (c) a S. P. Q. R. illæ creduntur institutæ: *Primo ut Provinciales ac subiecti in officio continerentur. 2. ut subitis hostium incursionibus veluti totidem Arces, & Propugnacula Imperii Romani opponerent. 3. ut Romanus sanguis undique propagaretur. 4. ut plebs inops,*  
de-

(b)  
Noc. Afticar.  
lib. 19. cap. 15

(c)  
de viis Imp.  
Ro. lib. 4. sec. 8



ac Urbi imperanti gravis sic exhaurietur. 5.  
denique ; ut militibus emeritis præmia largirentur:

Ex quibus quidem hæc ultima Augusti animum  
vel maximè impulit ; unde Coloniae ab ipso de-  
ductæ militares a Velleio appellantur. (a)

(a)  
lib. 1. cap. 14.

XIII. Sigebertus Avercampus de numis Ca-  
tanensibus differens, aliquot illorum Augusti tem-  
pore cufos dicit a Colonis, eos vel maxime, qui  
conicas habent in postica facie figuras. En illius  
verba (b) *Lapsis Siciliæ rebus, ad Romanos cum fru-  
ctu sese applicuit Catana, & Octaviano adherens,  
Pompeii furorem magnis beneficiis compensatum a vi-  
ctore Augusto sensit. Hinc multos illi dicavit num-  
mos, nec simpliciter Græca arte adulata est; nunc  
enim sub Apolline eundem veneratur, & in pleris-  
que illorum ejusdem victorias celebrat: { In iis  
enim nummis conicas illas figuras designare puto,  
idem quod in aliis legitur nummis Siculis Impe-  
ratorum I. II. III. nunc Venerem Genitricem cum  
columba sua exprimentes, nunc ipsum Imperatorem  
tamquam verba ad illos facientem. Sed nec Agrip-  
pæ obliti fuerunt, memores tamen a Cesare suo  
non esse divellendum, quos utrosque tamquam Pa-  
stores suos sunt venerati, immo tamquam Deos Pa-  
licos signatè impresserunt. Sed hæc uberius, ubi  
de numismatis explicanda.*

(b)  
Introduc. ad  
Numism. Cat.

XIV. Dum sub Augusto externa pace Si-  
cilia frueretur, Seleurus quidam, qui se Ætnæ  
filium dictitabat, ex montis accolis justo tantum  
non exercitu collecto, per totam pene Insulam,  
sed frequentius circa Catanam, ejusque fines ra-  
pinis, cædibus, ac vastationibus debacchatus,  
tandem a Romano Prætoris milite atque armis  
in eum motis, subjicitur, ac Romam missus in  
Gladiatorum publico foro bestiarum morsibus est

O o o

lacera-



<sup>a</sup>  
de situ Orbis  
lib. 6.

laceratus. De eo Strabo, qui ætate sua damnatum Seleurum scribit (a) Nuper etiam ætate nostra Selurus quidam, qui sese Ætnæ filium prædibat, exercitus ductor, cum diutius circum circa Ætnam loca prædator discursaret, missus est Romam, ubi in foro gladiatorum certamine instituto, belluarum eum morsibus discerpi, laniarique spectauimus. In sublimi namque ad id compacto positus ædificio, per inde ac in Ætna, cum de repente dissolutum una concidisset, in insolubiles belluarum cavas ad hoc ipsum preparatas præcipitatus est. Hinc Philotheus Seleurum, (Lucium appellat) sub Tiberio reponit, quod Strabo Tiberii tempora sit affecutus. Verum sub Augusto potius cum Fazzello ille locandus; nam Augusto etiam imperante adultus erat Strabo, atque quum orbi tranquillitatem Augustus fecisset, terram Strabo peragravit, quam suis in libris postea descripsit.

XV. Urbis cōditæ anno septincētesimo secundo Olympiade cxciv. ab ortu mundi termillesimo noncentesimo nonagesimo nono Augustus provinciis omnibus compositis, ac Romani Imperii hostibus undique superatis, pace terra, marique parta Janum clausit; hanc Jesus Christus verus Dei, atque Hominis filius e Virgine conceptus suo adventu piissimo consecravit, cuius deinceps Ærā sectando, Annos à mense Januario inchoabimus, hætenus enim a Septembri auspicati sumus. Hæc porro Æra quadriennio post veram Christi Domini nativitatem suum habet initium, ac Uulgaris ab Historicis appellatur. In hunc eundem annum definit Catanensis Historia ab Eruditissimo Petro Carrera summo ingenii acumine adornata; quem, sicubi a recto veritatis tramine minime aberrantem deprehendi, libenti animo



mo, seduloque studio sectatus sum; in quibusdam vero modestè emendavi, ac notavi, non ea quidem contradicendi libidine (hanc enim procul habui) qua plerosque scriptores laborare probè novi, sed ut veteres Patriæ fastos longe majori luce donarem; nonnullas denique ejusdem divinationes potius, quam conjecturas, ac ea ferme omnia, quæ ex Diodori Epistolis recitat, facinora, penitus dissimulavi; neque enim ampullosam, sed solidam consecramur gloriam; nec indiget illustris Catana fucatis, aut adscititiis quàm veris ac propriis abundet laudibus.



Non sumus ignari multos studiosè contra esse dicturos; quod vitare nullo modo potuimus, nisi nihil omnino scriberemus.

*Cic. Tusc. lib. 2. initio.*





*[The page contains faint, illegible text, likely bleed-through from the reverse side.]*

1. The first of these is the fact that the  
 2. second of these is the fact that the  
 3. third of these is the fact that the  
 4. fourth of these is the fact that the  
 5. fifth of these is the fact that the

1910 - 1911 - 1912

*[Faint, illegible markings]*

THE UNIVERSITY OF CHICAGO PRESS

*[Faint, illegible handwritten notes]*

100

SECRET





# CATANÆ ILLUSTRATÆ

## LIBER TERTIUS

### CAP. I.

### CATANA SUB ROMANIS PRINCIPIBUS POST CHRISTUM NATUM.

Anno Xpti  
14.

**I** **M** Oriens Augustus, quoniam sinistra fortuna, ut ipse ait, (a) Cæsum, & Lucium filios sibi eripuerat, supremis tabulis, ut Liviæ uxori morem gereret, Tiberium Claudium hæredem instituit, quem mox Senatus callida cunctatione respicientem Augustum nominavit. Sub ejus Imperio Christus Dominus, ut mortis vincula rumperet, Crucis mortem oppetiit, exurgensque die tertia, discipulos ad Legem Gratiæ evulgandam per univ-  
sum terrarum Orbem emisit.

(a)  
Sueton. in Tib.  
cap. 23. & 24.

37.

**II** Post Tiberium Cæsus Caligula Germanici Optimi Patris pessimus filius dominatum. Reipublicæ invasit, eundemque moribus malisque actibus fœdavit. Hic in Siciliam semel, & iterum venit, ac primò (b) Ludos Asticos (Astiacos legunt alii) Syracusis exhibuit, ejusque mœnia ac templa restituit, hinc irrisis ex Deorū contemptu nonnullis miraculis, quibus Sicilia ab-

(b)  
Sueton. in Cæsum  
Calig. cap.  
20. & 51.

P p p

undat



undat, alicubi observatis, quum Ætnæ fumum *Anno Xpti.* vidisset, mugitus ac tonitrua persentisset, repente Messanâ solvens noctu profugit pavefactus. Ætnæ fumum in itinere, quo Syracusis Messanâ advehebatur, conspectum ab eo credimus.

III Annum XLII. Catanæ faustissimum S. 42

<sup>741</sup>  
Grossi Catan.  
Sac. §. p.

<sup>761</sup>  
Noc. Eccl.  
Cat. lib. 3.

<sup>761</sup>  
In Vitis Ss. Si-  
cul. tom. p. IJa-  
gog. cap. 15.

<sup>741</sup>  
In Isagog. ad  
Sic. Histor.  
cap. 18.

<sup>761</sup>  
Ss. Siculor.  
tom. p.

Berylli adventu nonnulli ex nostris putant (a) Pirrus de anno incertus appulsum hujusmodi nō multum abfuisse ab anno XLIV. scribit (b) cui Cajetanus adhæret, (c) Baronius in annum XLVI. rejicit, sed in Baronii Historiam circa annorum notas error irrepsit, ut Pagius, & alii advertunt, hinc XLVI. anno XLIV. respondet. Id citra dubium Beryllum post Pancratium, & Martianum a S. Petro Apostolorum Principe, quum nondum adhuc Romam venisset, Catanam directum tertiam ibi inter Siculas fundasse Ecclesiam. Beryllum Catanæ Episcopum a Petro Apostolo ordinatum Martyrologium Romanum, ceterique scriptores, & Menologia testantur. Addunt Græcorum Menæa fuisse Beryllum genere Antiochenum, & B. Petri discipulum, cum eo in occidentem venisse, atque ab Apostolo delectum Catanensi Ecclesiæ regendæ. Mibi verisimile est hoc anno id factum, qui fuit Christi 44. dum Petrus Apostolus Tauromenii versaretur, hinc Beryllum Antiochene navigationis socium ab Apostolo Catanam missum, urbem Tauromenio proximam, claramque, & multis rebus merentem. Inde Catanensis Ecclesiæ antiquitas cognoscitur, quæ quatuor post Syracusanam, & Tauromenitanam annos, tertio loco fundata est. Hæc Cajetanus (d) sed ante Beryllum fides Catanæ affulserit opera Pancratii, aut Martiani incertum. Idem Cajetanus (e) Existimo Beryllum, quem suæ navigationis



CAT. SUB ROMAN. IMPERAT. 263

Anno Xpi. 44. tionis socium detulerat B. Petrus, Tauromenii substituisse, atque inde in propinquam Catanæ Urbem Evangelii lucem vel primum intulisse, vel si forte jam effulserat longe, lateque auctam effudisse. Ferrarius vero in Sanctorum Catalogo: Beryllus Antiochenus B. Petri Apostoli discipulus cum eo in Siciliam veniens, Catanæ Primus Episcopus ordinatur. At lapsum Ferrarium scribit Grossus (a) Beryllum cum Apostolorum Principe minime in Siciliam venisse asserens, sed ab eo Antiochiâ missum. Id autem unde eruerit nescimus. Potuit enim vel in prima Antiochena, profectioe anno circiter XL. vel in secunda, postquam e manibus Agrippæ elapsus, secundo Antiochiam invisit, anno XLII. Beryllum dirigere; potuit & in sua Romana profectioe secum illum adducere, ut Menæa Græca innuere videntur, & Cajetanus, Ferrariusque scribunt.

IV Cæterum ex his nedum hujus nostræ Urbis felicitas, sed & præstantia elucet. Apostolum quippe in constituendis primis illis Ecclesiis in id animum præsertim adjecisse advertit Baronius (b) ut florentissimæ tantum urbes Episcopali dignarentur honore: Sanè decuit, Pirrus erudite suo more, (c) ut huic Urbi Catanensi adeo nobili, atque celebri Antistes daretur ab Apostolo Petro, ut inde facilius, ac felicius ad reliquas Urbes Christiana Religio deduceretur; id enim maximè ipsum respexisse in constituendis Ecclesiarum Sedibus constat; Catanam vero quam florentissima dignitate præstantem, Romanorum Prætorum sedem fuisse certum est. Hæc ille. Hinc Catanenses Pontifices Archiepiscopali honore donatos ex hac ipsa eorum institutione, ab Apostolo liquet colligere: Apostolorum Successores

727  
Cat. Sacra S. p.

767  
Ad annum 46.  
tom. p. Annal.

707  
Not. Eccl.  
Cat. lib. 3.



*cessores ; inquit Rupertus de divin. offic. apud Pirrum , (a) Patriarchæ sunt dicti , Petri autem Successor pro excellentia Principis Apostolorum Apostolicus nominatur ; qui autem ab eis , scilicet S. Petro , aliisque Apostolis , per Provincias missi sunt , tam ipsi , quam Successores eorum Archiepiscopi vocantur .*

(a)  
Not. Eccl.  
Panormit. lib. p.

V. Sed jam de Berylli prædicatione , ac felici morte hæc habet Martyrologiū Romanū die xxi. Martii : *Catanæ S. Berylli , qui a B. Petro ordinatus Episcopus , cum multos gentilium convertisset ad fidem in ultima senectute quievit in pace .*

*Græcum vero Menologium : (b) Beryllus Antiochenus B. Petri discipulus ab eo in Siciliam missus veniens , Catanæ primus Episcopus ab eo ordinatus , qui verbo , & exemplo populum sibi commissum erudiens ex gentilitate ad Christum convertit , prædicationem miraculis comprobans , cumque ad summam senectutem pervenisset , Ecclesiā Catanensium optimè constitutā , ad cælestem Patriam evolavit 12. kal. Aprilis . Fufius denique*

(b)  
Apud Grossum  
Cat. Sacra S. P.

*Cajetanus in Vitis Sanctorum Sicularum (c) ubi hæc inter alia ex Græcis Menæis scribit : Acta quæ Berylli vitam , sanctissimosque mores declarēt , non habemus , sed in Græcorum Menologiis , ubi , quæ maxime insignem reddidere Sanctum hominem , brevissimo compendio tradi solent , de S. Beryllo ad diem 20. Martii hæc leges ( cum rectè ac sanctè gregem suum pasceret , atque multa miracula operaretur plurimos ad Christi fidem convertit ) Celebrerrimum vero oportet fuisse prodigium illud , quod in ea brevissima rerum summa cæteris posthabitis in eodem narratur Menologio . ( Fons erat amarissima manans aqua , sed dulcissimo Dei nomine per preces implorato quidquid ibi falsum amarumve*

(c)  
Tom. p. fol. 18.

*inerat*



Anno Xpi.  
44.

*inerat, extersum est. .) Iterato plane magni Elisei miraculo, qui aquas sanavit JERICUNTINAS. Subdit ibidem Menologium eo prodigio attonitum Græcum hominem Idololatriæ apprime deditum, & cum eo plerosque alios Christianam fidem lubenti animo suscepisse. . . Græcum hunc hominem ad fidem tractatum facile quempiam ex Attica regione existimo; nam quamvis tunc Siculi Græcis adnumerari facile possent, quorum idiomate uterentur, sepe tamen Græci dicuntur, qui Gentiles Ethnicique sunt, & hic exterum hominem, sed insignem Menologium indicat. His clarus facinoribus Beryllus extremam attigit senectutem, quod divina quadam providentia in plerisque Ecclesiæ luminibus primo illo Ecclesiæ ævo contigisse certum est; ne scilicet fides adhuc in cordibus hominum adolescens, si magistris destitueretur, vel detrimentum caperet, vel nimis inusitata Providentiæ ratione sine præceptorum industria promovenda esset. Eadem omnino habet Martius a Clemente XI. dum in minoribus esset, e Græco in Latinum translatus.*

*VI. Ad Beryllum spectat antiqua illa traditio, quæ apud nostros invaluit: de S. Petri adventu Catanam, ad quam aliquando divertisse, dum e Syria Romam navigaret, vel circa an. XLIV. ut docet Baronius, vel anno XLVII. ut Pagio arridet, firmissimè credunt, ac uberimum animarum fructum Beryllo olim discipulo gratulatum, Templum inanium Deorum cultui addictum, vulgo Pantheon, uni Deo, ejusque SS. Genitrici, ac Virgini dicasse, affirmant. Meminit hujus traditionis Rocchus Pirrus: (a) Hac forte occasione ablato vetustatis errore S. Petrus Apostolus primum Catanae Templum Dei Genitrici dedicavit, ut fama narrat. Cajetanus*

(a)  
Not. Eccl.  
Cat. lib. 3.



147  
Isagog. ad Sicul.  
Hi. cap. 18. n. 3  
161  
In Ann. Hist.  
Crit. Sicul. lec.  
p. §. 1.  
animi ambiguum se esse circa illam fatetur: (a) *Anno Xpi.*  
44.  
*Pertransierit ne Catanam, Petrus, Urbem Tauro-*  
*menium inter, & Syracusas, firmare, aut divina-*  
*re non ausim.* Præ aliis vero firmiorem Thomas  
de Angelo credit (b) *Ex Scriptoribus Siculis, qui-*  
*libet Patriæ prospiciens Petri inde excursus ad*  
*alias Civitates, & missos aliò Episcopos obtrudit,*  
*vel haviolatur; Suam Messanam adisse censet Mo-*  
*rabitus; Syracusas suas Cajetanus; Agrigentum*  
*misso Libertino gloriatur; Panhorinus Philippo, sed*  
*unius Catanae traditio firmior, quod Beryllum*  
*Episcopum suscepit.*

VII. Eamdem denique multis firmat Gros-  
sus, Petri enim appulsus in Siciliam adstruitur  
primo ex Metaphraste Orat. de SS. Petro, &  
Paulo ad diem 29. Junii, cui subscribunt Ba-  
ronius, Vincentius Bellovacensis, Ugo Ethe-  
rianus, Guillelmus Spirensis, Galestinus, Spon-  
danus, & ex nostris pene omnes cum Cajeta-  
no in Isagoge, & in Vitis SS. Siculorum. (c)  
107  
Isagog. cap. 17.  
& in vit. Ss.  
Sic. tom. p.  
107  
Ad Annum 44.  
n. 11. & 18.  
107  
De Rom. Pont.  
tom. p. de S.  
Petro.  
His accedit Nicephorus longe majoris autho-  
ritatis, qui ex eodem Cajetano *post constitutam*  
*in Sicilia Ecclesiam Romanæ navigationis a S. Pe-*  
*tro susceptæ meminit.* Scio Baronium (d) singula,  
quæ Metaphrastes in ea congerit oratione, nō  
approbare, multa prorsus rejicere. At Siculas  
Traditiones sicut & aliarum Ecclesiarum, quā-  
vis nulla scriptura firmatas, nec rejicit, nec fal-  
sitatis arguit. Quod vero ait Palatius: (e) *Scri-*  
*pta Metaphrastis de S. Petro nullo testimonio an-*  
*tiquo probari, ultro fatemur; at plura majori-*  
*bus olim explorata, nunc nobis obscura ob ve-*  
*terum monumentorum jacturam, nemo non no-*  
*vit.* Denique ex antiquioribus cartis exscripsis-  
se Metaphrastem ea, quæ de S. Petro refert,  
Baro-



# CAT. SUB ROMAN. IMPERAT. 267

Anno Xpi. Baronius ipse testatur ad eundem annum XLIV.

44.

VIII. Hinc optime conjectare licet, quod & Catanam, ac Syracusas, & Tauromenium, ubi Episcopos constituerat, inviserit Apostolus, ibique Apostolici zeli monumenta reliquerit. Sane id innuit Ciaconius illis verbis: *Cum autem Philippis Olympium Episcopum constituisset, & Thessalonice Jasonem, & Corinthi Silanum, migravit in Siciliam, cumque pervenisset Tauromeniū, diversatus est apud Pancratium virum Sapientissimum. E Siculis Neapolim in Campania appellentem &c.* Quod enim ait, migrasse in Siciliam, forte intellexit, aliò, Syracusas scilicet, primo pervenisse, inde Tauromenium ad Pancratium divertisse. Accedit Constantini Cajetani Bened. Casinensis conjectura, qui in Vita S. Gelasii Papæ S. Petrum Syracusis versatum refert, unde Tauromenium migravit. Constat autem eunti e Syracusis Tauromenium terrestri, aut maritimo itinere Catanam stationem esse.

Ad Ana: 44:  
de S.P: tom: p:

Fol: 116;

IX. Nec negotium faceffit, quod traditio subjungit de Templo Pantheon in honorem Virginis addicto; quandoquidem adhuc viventi Deiparæ Ecclesias dicatas legimus; ut probant quāplures, quos congerit noster Grossus (a) Quod si navigationis Romanæ tempora ad mentem Pagii emendemus, ac in annum XLVII. rejiciemus Petri in Urbem adventum, potuit id Templum Virginis jam in Cælum assumptæ nomini, ac numini consecrari, juxta nonnullos enim vix illa sexagesimum ætatis annum attigit. Vide Baronium (b)

141  
Decacor: Cat:  
Card: 2: mod: p:

161  
Ad Annum 48.  
num: 4: & seq:

X. De S. Pauli Apostoli appulsu Catanam forte aliquis Patriæ studiosus conjecturas me hinc omittere causabitur; At quænam istæ nū  
m. s.



m. s. Codex apud Urbem inventus, ex Epime- Anno Xpi  
54.  
nide, & Ferecide Chaldaico idiomate conscriptus,  
dein Græcè redditus, aliisque notitiis auctus ab  
Orophone Ævi Rogerii Comitis scriptore, demum  
latinitate donatus a Gerardo de Palestina, atq:  
a nostris Grosso, (a) et Guarnerio quoad res tan-  
tum Catanenses vulgatus? Sed fabulæ prorsus,  
fabulæ; ut pudeat nedum exscribere, sed & le-  
gere, quæ otiosus aliquis, Reipublicæ litterariæ  
pestis eo in libro commentus est.

(a)  
*Decacor. Cat.  
corda 6. mod.  
12.*

XI. Quæ huc usque protulimus Claudio  
Principe sunt gesta, Caii Caligulæ successoris,  
sub quo deductas Religionis Christianæ coloni-  
as per universam Siciliam à Martino, Pancra-  
tio, nostro Beryllo, aliisque Episcopis, censet  
Cajetanus. Claudio sublato XIII. Imperii anno  
Nero Agrippinæ filius successit, qui Seneca, &  
Burrone optimis ministris principio Imperii usus  
optimus Princeps, mox ad mores, et instituta  
Caii conversus, illum ut primum imitari statuit  
facillimè superavit, adeo ut post immania ac tur-  
pia, monstro, quam homini similior, Patriæ  
faces sola nocendi libidine, submitteret; facino-  
risque authores Christianos falso rumore vulga-  
ret, in quos proinde cum Romæ, tum in aliis Pro-  
vinciis ejusdem decreto sævitum est.

(b)  
*Sueton. in Ne-  
ronem Dio  
Cassius Rom.  
hist. lib. 26.  
Tacitus lib. 15.*

(c)  
*Ibid. cap. 26.*

XII. Atrocissimam Neronis persecutio-  
nem in Sicilia fuisse multis ostendit laudatus Ca-  
jetanus, et in suis Annalibus Thomas de An-  
gelo, in qua fortè passionis triumphum sunt af-  
fecti ss. Martyres Stephanus, Pontianus, Acta-  
lus, Fabianus, Cornelius, Sextus, Flos, Quin-  
tianus, Minervinus, et Simplicianus, ut idem  
de Angelo subdubitatur, & Cajetanus se nescire  
scribit. Agit de his Romanum Martyrologium  
pridie



Anno Xpi 68. pridie Cal. Januarias, at, qua Tyrannorum persecutione glifcente, quibus tormentis, quoque mortis genere martyrium subierint, non aperit. Aliud Martyrologium, quod S. Hieronymi nomine insignitur, enumeratis juxta Romanum, alios undecim Martyres, ac quinque fortè virgines seu fœminas adjungit. In Sicilia Provincia Civitate Catana Stephani, Pontiani Actali, Fabiani, Cornelii, Sexti, Floridi, Coctæ, Quintiani, Minervini, Symphoriani, Ammonii, Fortunati, Secundi, Sequentis, Amonis, Caledonis, Evelpisti, Exuperantii, Saturnini, Agnetis, Paulinæ Donatæ, Nominandæ, Rogatæ, & Semnionis. In Bedæ demum Martyrologio Donati ac Pauli etiam fit mentio. Cajetanus ex Philostrate, Siciliæ Civitates circa hæc tempora inter se dissidentes, non aliam ob causam inducit, quam fidei Christianæ, ac persecutionis Neronianæ. Potuit hæc igitur, quæ plures in Sicilia Urbes afflixit, ut vidimus, multosque Christianorum glorioso affecit Martyrio, & nostros auferre. Neque enim est, cur primo illo Ecclesiæ sæculo Catanam tanto honore fraudemus; ferventibus maximè sub præceptore Beryllo fidei Christianæ studiis, quæ altas egisse radices duodeviginti annorum spatio oportuit, ut idem Cajetanus affirmat. Cæterum in tam obscura temporum caligine, certi aliquid decernere quis umquam ausit? Quum potissimum igne consumptis, Diocletiani edicto, sæculi quarti initio, Sacris codicibus, innumera Sanctorum Acta, Factosque periisse doleamus.

69. XIII. Annus à Christo nato nonus, & sexagesimus Urbis conditæ dcccxxii. tres in Republica suspexit Principes, Sergium Galbam Othonem, & Vitellium, quo a militibus, mense



Imperii octavo, interfecto, Vespasianus Orbis regimen suscepit; huic vero decimo post anno Titus humani generis Deliciæ merito appellatus successit, qui aliquando e Palestina redux Siciliam invisit. Tito mortuo Domitianus ejus frater omnium nequissimus fasces obtinuit. Sub eo sævior Christianorum strages, qua sublatum Beryllum Catanensem Pontificem nonnulli tradunt. Quamvis alii ætate confectum in pace quievisse contendunt. Præstat de hoc Berylli felici transitu Cajetanum audire, qui in ejusdem vita post relata superius verba varias recitans opiniones subdit: *Quo mortis genere ad vitam commigravit Beryllus incertum est: In Romano enim Martyrologio ad 7. kal. Aprilis dicitur in ultima Senectute quievisse in pace; sed certaminis, atque adeo Martyrii meminerunt aliquot Menologia Græca, atque in primis antiquissimum illud, quod latinitati donavit Guillelmus Sirletus Cardinalis... ibi enim hæc verba leguntur: Certamen sacrosancti Episcopi Berylli Episcopi Catane. In aliis tamen Menologiis dicitur tantum migrasse ad Dominum, nec additur ea vox: In pace; quæ in Romano Martyrologio, ut dixi, legitur.*

XIV. De Sepultura idem Menologium ait, Beryllum in eadem Insula Siciliæ perhonorificè sepultum curationes, & remedia morborum omnibus, qui ad ipsum accedunt, usque in eam diem exhibuisse. Et quidem Catane sepultum arbitramur; quamvis vero Catane ædícula Beryllo dicata sit juxta veterem divæ Agathæ ædem, ejusque Carcerem, an ibi tamen defossus sit, nescimus. Quod de miraculis additur, ea perdurasse existimo usque ad Saracenicam Siciliæ cladem, qua etiam occasione traditio memoriaque loci, ubi sanctissimæ ejus

Re-

Ann. Xp  
70.

83.

93.



*Ann. Xpi. 93. Reliquiæ jacent, extincta est.* Huc usque Cajeta-  
nus, cujus ævo ædícula S. Berylli extabat, sed  
inter terremotus ruinas ea periit. Sitam porro  
fuisse ajunt, ubi nunc Peristylum Conven-  
tus Fratrum minorum de Observantia prope Ec-  
clesiam S. Agathæ Veteris; Hæc, quum esset de  
Jure Canonorum, Laico Sodalitio ab iisdem  
Canonicis concessa diu a Laicis culta fuit, ubi  
& arca lignea ex nuce videbatur, in qua olim  
S. Agathæ Reliquiæ conditæ jacuerunt. Hodie  
Sodalitium sub nomine Berylli institutum tanti  
Præfulis memoriam servat in Ecclesia S. Mariæ  
Majoris sub titulo Orphanorum. Extat porro  
apud Bollandi Martium (a) disticon ad Berylli  
alludens Martyrium.

(a)  
Tom. 3. die  
21. Martii

*Cyrillus moriens dona duplicia tulit*

*Ut Dominus æquè passionum et demonum*

Ubi Beryllum, notant Actorum collectores, ap-  
pellari Cyrillum, quod a compluribus factum.

XV. Male porro ex hac circa Berylli mor-  
tem varietate arguit Thomas de Angelo (b) il-  
lum eadem navi ferri ac Maximum Tauromeni-  
tanum, et Libertinum Agrigentinum Episcopos  
a Cajetano inductos, quos omnino suo loco ex-  
cidere, contendit, Libertinum in tertium Chri-  
sti sæculum amandando, Maximum ex Aëtis E-  
vagrii Synchroni Authoris expungendo; nam  
et si aliquid momenti videantur habere expen-  
sæ ab ipso rationes pro Maximo, ac Libertino;  
prorsus infirma Criticis censenda illa, quam pro  
Beryllo profert: *Acta ejus omnino obscura; An-  
geli sunt verba, mors, quæ cunctorum hominum  
clarior adhuc caligine interspersa. . . culpanda sal-  
tem scribentium incuria, quæ ad suspensionem so-  
licitat. Non ergo purum inficiale argumentum.*

(b)  
Ann. sac. Sic.  
dissert. I. sec. I.

Nemo



*Nemo præter Metaphrasten, et qui, eo glaciem frangente, scripserunt, de tribus hisce Episcopis* Ann. xpi. 93.  
*Maximo, Libertino, Beryllo temporibus Petri mentionem faciunt. Ergo recentiorum, qui memorant, testimonia suspecta; sed positiva quædam dubio adstipulantur; inde minoris ponderis eorum dicta existimari permittunt Critici. At qui ad Critices normam exigere non unius aut alterius, sed omnium Ecclesiarum nostræ hujus Insulæ antiquas traditiones, in animum induxit, non est cur genticis Messanæ suæ traditionibus ita deferat: de Bacchylo ab Apostolo Paulo in Episcopum consecrato, ut has solummodo firmas, aliis in dubium revocatis, obtrudat.*

XVI. Eadem traditio quæ de Bacchylo apud Messanenses, de Beryllo, Maximo, Philippo et aliis apud alias viget Ecclesias, aut ergo singulæ corruunt, aut nulla. Atque, ut hîc nostras agamus partes (nam agat quisque propriam) si Berylli acta obscura, si mors caligine interspersa, numquid ergo inter Episcopos a S. Petro missos minime recensendus? Quot enim SS. acta periisse dolemus, quot nedum tenebris offusa sed et mendaciis interspersa? Verùm nec Berylli acta adeo obscura, quæ superius ex Cajetano retulimus, nec Metaphrastis testimonium adeo floccifaciendum, quod firmat in suo novo Martyrologio Romana Ecclesia; hanc autem non ex solo Metaphraсте, sed ex Menæis ac Menologiis, quorum aliquot ante Metaphrastem exarata, (ut de Menologio sub nomine Basilii vulgato tradunt Eruditi, cujus postremos menses sex edidit Ughellius, alios vero e Græco in Latinum vertit Clemens xi. dum esset adhuc in ephebis, ac publici juris factos habemus opera



pera Annibalis Cardinalis Albani) haufisse, quæ de nostro Episcopo profert, negabit nemo.

XVII. Mirari certe subit, hæc *Angelum* scripsisse, qui paullo superius de Siculis Episcopis loquens: *Ex his omnibus*, ait, *extra suspicionis aleam viri Eruditi arbitrantur eos, quos Martyrologia, et Menæa ab Apostolis missos consignant. Hi Beryllus, Pancratius, Marcianus, Bacchylus. Tanti hæc quippe ponderis apud ipsos, ut pro adstruendo Martialis in Gallias ab Apostolis missi adventu, hæc legi satis existiment: Lemovicis S. Martialis Episcopi, qui Romæ a Petro Apostolo ordinatus Episcopus primus illius Urbis est destinatus. Id quod Natalis Alexandri autoritate confirmat differ: xvi. sæculi primi. An forte pro Bacchylo suo hæc illi excidere? Post Thomam de Angelo novissimè Dominicus Leo Tauromenitanus oratione in Panormitana Academia habita unum Pancratium ab Apostolo Petro in Siciliam missum, ac Tauromenii Pontificem ordinatum adstruit; reliquos vero, quos inveterata Ecclesiarum traditio Apostolicos veneratur Episcopos, aut negat, aut in tertium rejicit sæculum. Sed illius rationes eruditè quidem, indiscreta tamen licentia prolatas Claris: Antoninus Mongitorius, aliique variis dissertationibus ac vindiciis confutarunt; Sicularque alias Civitates longe Tauromenio præstantes jure merito id decoris sibi etiam vindicare demonstrarunt. Videsis, quæ Franciscus Serius nuper in hanc rem intregò volumine congerit. Jamvero ad institutum redeamus.*

XVIII. Lætiori germine per omnes Siciliæ Urbes id etiam temporis erupisse Christi Domini Religionem censet Cajetanus in Isago-



(a)  
Cap. 6.

ge (a) pluresque alios martyrio coronatos in Domitiani persecutione tradit, sed quorum definiri gesta, aut nomina vix possunt. Romanum Martyrologiū quamplures in Sicilia passos memorat, longe multos laudatū S. Hieronymi, atque alia ab Acherio edita enumerant, sed de Persecutore ubique silentium.

Anno Xp  
92.

XIX. Post Domitianum Nerva Princeps optimus Rempublicam tenuit, quem non diu Roma meruit; post hunc Trajanus, sub quo crudelius in Christi Fideles bellum indictum circa secundi sæculi initium anno cix. ut Pagio, & Baronio arridet; novisque triumphis Sicula Ecclesia decorata, illustri præsertim S. Pancratii Tauromenitani Pontificis martyrio, quem adhuc usque tempora superstitem singulari Dei providentia Nicephorus testatur, quod idem de Beryllo non pauci tradunt, ut Cajetanus docet. (b)

96.

97.

109.

(b)  
De SS. Sicul.  
tom. p.

XX. Adrianum Trajani successorem cupidus incessit magnam orbis terrarum partem peragrandi. Hinc de illo Spartianus: *Peregrinationis ita cupidus, ut omnia, quæ legerat de locis orbis terrarum, præsens vellet addiscere.* Et Dio Cassius: *Socias Urbes, inquit, atque subditas Romano imperio multo plures quam ullus unquam Imperator vidit.* Eodem igitur Spartiano teste, ex Achaja in Siciliam migravit, in qua Montem Ætnam conscendit, ut Solis ortum videret, arcus specie, ut dicitur, varium. Haud porro dubium, quin Catanam proximam, & non ignobilem diverterit, unde facilis in Ætnam ascensus; quod de aliis etiam celebrioribus Insulæ locis intelligendum, adeout Numi cuderentur cū epigraphe. *Adrianus Aug. Con. III. & in poetica parte Adventus Augusti S. C. in alio vero S. C.*

125.



# CAT. SUB ROMAN. IMPERAT. 275

Ann. Xpi.  
124.

S. C. *Restitutori Siciliae*, ut Pagius advertit, & ex Erizio Mongitorius (a) Mediobardus, aliique passim tradunt. Profert Paruta inter Romana & Græca numis: num. 92. primum, in quo alma Ceres spicis coronata, ipseque Adrianus stans ante tripodem spectatur. Quæ sane opinandi ansam præbent, Numum Catanæ cufum, ubi Cereris Templum celebre, cultusque præcipuus, Cererique Adrianum Catanæ litasse. Ceres alioqui in numismatis Catanensibus passim obvia. Sed et in aliis Siculis frequentissima, perque Insulam universam peculiariter culta; potuit hinc numus alibi, aut Romæ cudi, nec magis una aut alia Siciliae Urbs, quam ipsa Sicilia sub Cereris figura intelligi. In Annum cccxiii. id numisma rejicit Mediobarbus, sed Augusti in Siciliam adventum biennio postponit. Carrera Adriani in Ætnam ascensum contrahit ad cxx. sed tertius eiusdem Consulatus cum annis cccxiv. & ccv. cohæret.

(a)  
*Appar. ad Sic.  
Bibliot.*

140.

XXI. Adrianum excepit Antoninus cognomine Pius, sub quo Thermas majores a Baccho Dionysias appellatas conflagraffe, docet Græca inscriptio inter earum ruinas olim inventa, inde in publicas Senatus ædes translata. Quæ magnificentius inde a Q. Lusio Laberio Siciliae Proconsule sunt instauratæ, ut ex alia Latina inscriptione in columnarum epistyliis opere Corinthio scitè celatis eruitur *Q. Lusius Laberius Proconsul Thermas*. Hic enim Lusius circa Adriani tempora floruit, ut Carrera testatur (b) potuitque sub Antonino Siciliae Proconsulem agere, ac Thermas reficere, quarum prima origo Romanorum in Insula dominium longe præcessit, nec Lusio adscribi potest. De Thermis a-

(b)  
*Tom. I. Hist.  
Cat. lib. I.  
cap. 48.*

libi



alibi singillatim dicendum.

(a)  
Appar. ad Bib.  
Sic. §. 2.

XXII. M. Aurelius Antoninus Itinerarii Author antequam imperium capefferet, in Siciliam venit, ut Mongitorius arguit, (a) delatusque Catanam creditur, quod illius distantias adamussim in eodem Itinerario expendat. Hinc eò terminari itinera, observat Cluverius, ad Thuscum mare a Thermis, ad Libycum ab Agrigento. Si porro verum, quod aliqui scribunt: M. Aurelium eo in opusculo Iter suum descripsisse, bis illum Catanam appulsum fas est conjectare. Sub eo res Christiana, quæ felici incremento altas in Sicilia radices egerat, turbata. Nec felicior sub filio ac successore Commodò. Sævissima autem persecutio in Ecclesiam Severo imperante exarsit sæculi tertii initio; quam anno ejusdem xxxv. Maximinus instauravit. In his persecutionibus complures cum in Sicilia, tum Catanæ illustri martyrio coronatos non erit incongruum opinari. Id enim de universis pene Ecclesiis posse affirmari docet Baronius, quamvis hujusmodi nulla supersint monumenta, a barbaris, in conflagratione illa Diocletiani penitus consumpta. An porro post Beryllum vacaverit Catanensis Ecclesia omnino incertum. Id nec novum, neque ævo illo inusitatum, ut Natalis Alexander (b) ostendit, quin et complures alias celebriores sedes circa hæc tempora aliquandiu vacasse Baronius in suis Annalibus testatur.

(b)  
Diff. sec. 3.

XXIII. Alexandro imperante, Agatha nobilissimis æque ac piis parentibus Catanæ oritur, quæ ab ipsa infantia Deo dicata, Christianisque legibus instituta, eos in virtute ac morum sanctimonia progressus fecit, ut ipsis Cælitibus admirationi esset, civibus autem, quorum ingens pars

163.

201.

234.



un. Xpi.  
234.  
pars Christo nomen dederat, innocentissimæ vitæ  
præclarissima exempla præberet. De ejusdem fa-  
milia, pueritia, rebusque in ea gestis vix certi  
aliquid afferri a quoquam potest. Quæ vero ex  
conjecturis assequimur, suo loco expendemus,  
quum ejusdem vitam singillatim dabimus libro XII.





I. **P**hilippo occiso, quem fama Christianum vulgabat, Decius mox ut Imperium invasit, septimam excitavit in Ecclesiam persecutionem. Continuo, inquit Orosius, cum invasisset Imperium, ob quod se etiam Philippos interfecisse docuit, ad persequendos, interficiendosque Christianos septimus post Neronem, feralia sparsit edicta. Nactus autem in Sicilia Consularem Quintianum, virum scelestissimum, omnique impietate deturpatum Insulam nostram ac Urbem Catanam, quæ Proconsulum sedes erat, egregio illustravit ornamento; sub exitum namque anni ccl. quum Catanae degens Quintianus Agatham Virginem nobilissimam ac divitem Christiana fide ab incunabulis imbutam variis tormentis exagitasset, morte demum Nonis Februariis, eodem Decio tertium Consule, affecit.

II. Complures alios Catanenses cum Agatha martyrio coronatos ex S. Hieronymi Martyrologio eruunt. In Sicilia Catana Civitate, Passio S. Agathæ Virginis, Saturi, Revocati, Gelasii, Felicis, Saturnini. Gallonense quatuor tantum cum Agatha passos enunciat: Saturnum, Revocatum, Felicem, et Saturninum, seu Saturnum. Scio Bollindum in suo Februario hos quinque Martyres Africæ adjudicare; quod ex antiquo Richenoviense Martyrologio colligit, ubi Felix, & Saturninus, nam alios omittit, in Africa



an. Xpi. 251. frica passi dicuntur ipso die Nonarum Februarii. At quum in reliquis, quæ etiam Bollandus adfert Martyrologiis, nulla expressa Provincia, et in laudatis Hieronymiano, & Gallonensi, absque interjectione S. Agathæ adjungantur, jure merito stat pro nostrâ saltem Sicilia possessio.

III. Verum, ne Patriæ deferre videamur, Bollandi verba libet expendere: *Nuda nomina, ait, horum pugilum exhibent Martyrologia quedam vetera, certaminis tempore et modo prætermisiss.* Ita Martyrologium vetus Romanum, quod S. Hieronymi vocamus: *Revocati, Saturi, Gelasi, Felicis et Saturnini; Tres habet Beda vulgatus: & SS. inquit, Felicis, Fortunati, et Saturnini. At Fortunatum omisimus, quia aberat a duobus mss. Bavaricis, expressus licet in editione Basileensi anni 1563. & Antuerpiensi anni 1564. Hermanus Greven Carthusianus Coloniensis in addit: ad Usuardum: Eodem die Saturi, Aviti, Felicis. Omisimus Avitum, intrusum huc fortasse aliunde ob cognominem Avitum Episcopum Viennensem. Plures alibi passim Felices, Revocati, Saturnini &c. sed nusquam simul junctos reperimus: m. s. Richenoviense, qua in Provincia triumphum adepti sint, innuit, dum de duobus diserte explorat. In Africa Felicis, & Saturnini. Quibus sane nonnisi scriptorum varietatem demonstrat, atque unius tantum Martyrologii nobis textum refragari docet; quem et fortasse depravatum adstruere prohibet nihil. Alii Afros eos Martyres dicunt, deducta conjectura ab nomine, quod Afris esse familiare contendunt; sed contra hos faciunt, et allata Bollandi verba, quibus plures alibi passim occurrere Felices, Revocatos, Saturninos scribit, et ipsum Romanæ Ecclesiæ Martyrologium,*  
ut



ut vel leviter illud evolventi satis patebit, in quo ut plures Felices, et Saturnini Africae Martires memorantur, sic & in aliis quoque provinciis alii atque alii cognomines effloruisse narrantur. Ann. 254.

IV. Longiori hinc dissertationi de Patria divae Agathæ locus esset, at, quum de Viris illustribus agemus, fusè illam expendere congruum magis duximus. Acta nihilominus Consularia præstat exscribere ex Bollando, quæ & Latina etiam dicuntur.

„Passionis Beatissimæ Virginis et Martyris Agathæ, quæ passa est in provincia Siciliae in Urbe Catanensium sub Decio Imperatore, ipso Decio ter Consule Nonarum Februariarum recitamus Historiam: Quintianus Consularis Provinciae Siciliae audiens sanctam opinionem Virginis Deo dicatæ multifaria intentione perquirebat, ut ad eam pertingeret. Per singula enim crimina mentis suæ singulorum in se vitiorum exagitabat affectus, utpote pro gloria sæculi concupiscens suam opinionem extendere, nobilissimis ortam natalibus Dei famulam fecit arctari. Ut qui erat de genere ignobili natus, (\*) per hoc personaret ad aures vulgi, quod tantus esset, ac talis, qui posset etiam spectabilium sibi subjugare personas: ut libidinosus autem, ad aspectum Virginis pulcherrimæ oculorum suorum concupiscentiam commovebat; et ut avarus ad facultates ejus cupi-

---

Anno 235. L. Quintianus et C. Severus Rōæ Cōsules; hinc Bivarus apud Bollandum in notis ad hæc eadem Acta, eundem, esse censet Quintianum Siciliae Consularem; nec apparet, cur eius hinc ignobilitas perstringatur.



nn. Xpi.  
251.

„ cupiditatis suæ fræna laxabat, atque ut idolo-  
„ latra, & dæmonum fervus, fervore impie-  
„ tatis suæ inflammatus Christi nomen audire  
„ non poterat.

V. His & hujusmodi, ut diximus, furiis  
„ comprehensus B. Agatham a suis fecit appa-  
„ ritoribus coarctari, & fecit eam cuidam  
„ matronæ tradi, nomine Aphrodisiæ, quæ ha-  
„ bebat novem filias turpissimas, sicut fuerat  
„ & mater earū. Hoc autem fecit, ut per dies  
„ triginta quotidie blandirentur ei, mutarent  
„ animum ejus: & modo promittendo læta, mo-  
„ do terrendo asperis, sperabant ejus mentem san-  
„ ctam a bono proposito revocare; Quibus S.  
„ Agatha dicebat: mens mea solidata est, &  
„ in Christo fundata: verba vestra venti sunt,  
„ promissiones vestræ pluvie sunt, terrores ve-  
„ stri flumina sunt, quæ quantumvis impingant  
„ in fundamenta domus meæ, non poterit ca-  
„ dere, fundata enim est supra firmam petram.  
„ Hæc autem dicens flebat quotidie, & orabat,  
„ & sicut sitiens in ardore solis fluentia fontium  
„ concupiscit, ita desiderabat ad martyrii coro-  
„ nam attingere, & diversa pro Christi nomi-  
„ ne supplicia sustinere.

VI. Videns igitur Aphrodisia, mentem  
„ ejus immobilem permanere, abiit ad Quintia-  
„ num, & dixit ei: facilius possunt saxa mol-  
„ liri, & ferrum in plumbi mollitiem converti,  
„ quam ab intentione Christiana mens istius  
„ puellæ revocari. Ego enim & filia meæ sine  
„ cessatione vicibus nobis invicem successimus,  
„ & per diem, & noctem nihil aliud gessimus,  
„ nisi ut ageremus, qualiter animum ejus ad  
„ consensum boni consilii inclinaremus. Ego

V u u

autem



„ autem & gemmas, & ornamenta insignia, *Ann. Xpi.*  
 „ & vestimenta auro texta obtuli: Ego do- *251.*  
 „ mos, & prædia suburbana repromisi: Ego  
 „ varium ornatum domus, Ego familias diversi  
 „ sexus, & ætatis exhibui, sed ista omnia quasi  
 „ terram, quam pedibus suis conculcat, ita  
 „ pro nihilo computavit. Tunc iratus Quintia-  
 „ nus iussit, eam ad secretarium suum adduci,  
 „ & sedens pro tribunali hoc initium sermonis  
 „ arripuit: Cujus conditionis es? B. Agatha  
 „ respondit: non solum ingenua, sed ex specta-  
 „ bili genere, ut omnis parentela mea testa-  
 „ tur. Quintianus Consularis dixit: & si in-  
 „ genua probaris, & nobilis, cur moribus te  
 „ servilem personam ostendis? S. Agatha dixit:  
 „ quia ancilla Christi sum, ideo me servilem  
 „ ostendo personam. Quintianus dixit; certè  
 „ si ingenua eras, & nobilis quomodo te ancil-  
 „ lam esse commemoras? S. Agatha dixit: sū-  
 „ ma ingenuitas ista est, in qua servitus Chri-  
 „ sti comprobatur. Quintianus dixit: quid ergo?  
 „ Nos ingenuitatem non habemus, qui servi-  
 „ tium Christi contemnimus, & Deorum cul-  
 „ turam sequimur? S. Agatha respondit: In-  
 „ genuitas vestra ad tantam captivitatem deve-  
 „ nit, ut non solum vos faciat servos peccati,  
 „ verum etiam lignis, & lapidibus faciat ob-  
 „ noxios.

VII. Quintianus dixit: quidquid furioso ore  
 „ blasphemaveris pœnæ poterunt vindicare: dic  
 „ tamen antequam ad tormenta venias, cur De-  
 „ orum sancta contemnis? S. Agatha dixit: no-  
 „ li dicere Deorum, sed dic Dæmoniorum, Dæ-  
 „ monia enim sunt isti, quorum effigies in æra-  
 „ menta convertitis, quorum marmoreas, &  
 „ gy-



„ gypseas facies inauratis . Quintianus dixit : elige  
„ tibi unum e duobus , quodcumque volueris con-  
„ filium , aut diversas pœnas inter damnaticios quasi  
„ stulta incurrere , aut quasi sapiens , et nobilis , quod  
„ te natura distavit , sacrifica Diis omnipotentibus ,  
„ quos veros Deos esse vera divinitas demonstrat . S.  
„ Agatha respōdit : sit talis \* uxor tua , qualis Dea tua  
„ Venus fuit , et tu sis talis , qualis Jupiter Deus tu-  
„ us extitit . Quintianus hoc audiens iussit eam alapis  
„ cēdi , cui & dixit : in iniuriam Iudicis noli temerario  
„ ore garrere . S. Agatha respondit : dixisti Deos tuos  
„ esse , quos vera Divinitas demonstrat ; sit ergo uxor  
„ tua talis ut Venus , & tu ut Jupiter , ut et vos  
„ possitis in Deorum numero computari . Quinti-  
„ anus dixit : Apparet te hoc eligere , ut diversa  
„ tormenta sustineas , quæ repetitis me injuriis tu-  
„ orum sermonum exagitas . S. Agatha respondit :  
„ miror te virum prudentem ad tantam stultitiam  
„ revolutum , ut illos tuos dicas Deos esse , quo-  
„ rum vitam non cupias tuam conjugem imitari ;  
„ & tu dicas , tibi injuriam fieri , si eorum vi-  
„ vas exemplo ; si enim veri Dii sunt , bonum  
„ tibi optavi , ut talis vita tua sit , qualis eo-  
„ rum fuisse perhibetur . Si autem execraris eo-  
„ rum confortium , mecum sentis . Dic ergo eos  
„ tam pessimos esse , tamque sordidissimos , ut qui  
„ maledicere voluerit aliquem talem , illum optet  
„ esse , qualis fuit execrabilis vita eorum .

VIII : Quintianus dixit : Quid mihi super-  
„ fluis verborū cursus ? aut sacrifica Diis , aut variis  
„ suppliciis te faciā interire . S. Agata respōdit : si fe-  
„ ras mihi promittas , audito Christo nomine man-  
suescent

---

(\*) Non ergo ad Agathæ nuptias inhiabat Quintianus , qui uxorem hic habere dicitur , ut vulgari credunt opinione .



„fuescent, si ignem adhibeas, de cælo mihi ro- Anno Xpi  
251.  
 „rem salvificum Angeli ministrabunt; si plagas &  
 „verbera, habeo intra me Spiritum Sanctum per  
 „quem universa tua tormenta despiciam. Tunc  
 „Quintianus agitans caput, jussit, eam in (\*) car-  
 „cerem tenebricosum recipi, dicens ei: Cogi-  
 „ta tecum, & pœnitere, ut possis evadere tor-  
 „menta horribilia, quæ te fortiter laniabunt.  
 „Agatha respondit: Tu minister Satanæ, tu pœ-  
 „nitere, ut possis evadere tormenta perpetua.  
 „Tunc Quintianus jussit eam celeriter trahi ad  
 „carcerem, quia eum voce publica confutabat.  
 „S. autem Agatha lætissimè, et glorianter carcerem  
 „intravit, & quasi ad epulas invitata, agonem  
 „suum domino precibus commendabat.

IX. Sequenti igitur die impiissimus Quinti-  
 „anus suis eam aspectibus jussit aptari, cui et dixit:  
 „quid tractasti circa salutē tuā? Agatha respondit:  
 „Salus mea Christus est. Quintianus dixit: Quous-  
 „que infelix protrahis intentionem vanam? De-  
 „nega Christum, et Deos incipe colere, & con-  
 „sule tuæ juventuti, ne acerba morte consu-  
 „maris. S. Agatha dixit: Tu nega Deos tuos,  
 „qui sunt lapides et ligna, et Creatorem tuum,  
 „qui te fecit Deum verum adora, quem si con-  
 „tempseris, acerrimis pœnis, et perpetuis in-  
 „cendiis subjacebis. Tunc iratus Quintianus,  
 „jussit eam equuleo ingenti suspendi, et torqueri;  
 „cumque torquerent eam, dixit ad eam Quin-  
 „tianus

---

(\*) Tot Catanæ urbis ruinas superstes Carcer hic videtur hodie mœnibus ad-  
 hærens, decenti templo obsecratus. Aditus olim illi a parte occidentali; fene-  
 stra enim septentrionalis, et porta ad meridiem, ævi recentioris est opus, ut  
 fidelium pietati fieret satis.



„titanus : relinque intentionem animi tui , ut  
 „vitæ tuæ possit esse consultum . S. Agatha res-  
 „pondit : Ego in his pœnis ita delector , sicut  
 „qui bonum nuncium audit , aut sicut , qui vi-  
 „det , quem diu desideravit , aut sicut , qui in-  
 „venit thesauros multos , ita et ego delector in his  
 „pœnis temporalibus posita ; nec enim potest tri-  
 „ticum in horreum poni , nisi theca ejus fuerit for-  
 „titer conculcata , et redacta in paleas ; ita et  
 „anima mea non potest in Paradisum Domini  
 „cum palma intrare martyrii , nisi diligenter fe-  
 „ceris corpus meum a carnificibus attrectari .

X. Tunc iratus Quintianus jussit , eam in  
 „mammilla torqueri , & tortam diutius jussit eam  
 „abscindi (\*). B. Agatha dixit : Impie , crudelis  
 „& dire Tyranne non es confusus amputare in  
 „femina , quod ipse in matre suxisti ; Sed Ego  
 „habeo mamillas integras intus in anima mea ,  
 „ex quibus nutrio omnes sensus meos , quas ab  
 „infantia Christo Domino consecravi . Tunc  
 „Quintianus jussit eam iterum in carcerem mitti ,  
 „et jussit , ne ulli liceret medicorū introire ad eam ,  
 „et neque panem , neque aquam ei ministrari .

XI. Cumque fuisset inclusa , ecce circa me-  
 „diam noctē venit quidam Senex , ( quem antece-  
 „debat puer luminis portitor ) ferens diversa  
 „medicamenta in manu sua , qui se medicum  
 „esse commemorans , cœpit eam his verbis allo-  
 „qui :

---

(\*) Designatur hodie in Ecclesia S. Agathæ veteris locus , ubi in mam-  
 milla Martyr Sanctissima torta , cum epigraphe : Hic Quintiani impie-  
 tas , quod in matre clementer suxit , in Agathâ crudeliter amputa-  
 vit Anno CCLII .



„ qui : Licet te nimis corporalibus pœnis afflixerit Anno X  
 „ Consularis infanus; sed tu eum gravioribus sup- 251.  
 „ pliciis extorfisti responsionibus tuis, et licet u-  
 „ bera tua torserit, et excidi fecerit, sed illius  
 „ ubertas in fel convertetur, et in amaritudine  
 „ erit anima illius in æternum; tamen quia ibi eram,  
 „ qua hora hæc patiebaris; consideravi, et vidi  
 „ quia potest curam salutis tua mammilla susci-  
 „ pere. Tunc S. Agatha dixit ei: medicinam  
 „ carnalem meo corpori numquam exhibui; et  
 „ turpe est, ut quod tandiu ab ineunte ætate  
 „ mea conservavi, nunc perdam. Dixit ei ille  
 „ Senex. Et ego Christianus sum, et novi me-  
 „ dicinam, nolo me verearis. Dicit ei Agatha:  
 „ et quæ potest verecundia mea circa te esse,  
 „ cum tu sis Senior, & major natu? Ego vero  
 „ licet puella sim, ita totum corpus meum la-  
 „ ceratum habeo, ut vulnera ipsa non permit-  
 „ tant aliquid stimulari in mente mea, unde  
 „ possit verecundia excitari. Sed ago tibi gra-  
 „ tias Domine Pater, quia dignatus es mihi  
 „ sollicitudinem tuam impendere; hoc tamen  
 „ scias, quia ad corpus meum medicamenta ab  
 „ homine facta numquam accedent. Dixit ad e-  
 „ am ille Senior: Et quare non permittis, ut  
 „ curem te? Agatha respondit: Quia habeo Sal-  
 „ vatorem Dominum Jesum Christum, qui ver-  
 „ bo curat omnia, & sermo ejus solus restaurat  
 „ universa: Hic si vult, potest me salvam fa-  
 „ cere. Tunc subridens Senior, dixit: Et me  
 „ ipse misit ad te; nam et ego Apostolus ejus  
 „ sum, & in nomine ejus scias te esse salvan-  
 „ dam. Et cum hæc dixisset, subito ab oculis  
 „ ejus sublatus est,



XII. Tunc projiciens se in orationem S.  
 „ Agatha dixit gratias tibi ago Domine Jesu  
 „ Christe, quia memor es mei, & misisti ad  
 „ me Apostolum tuum, qui me confortavit, &  
 „ recreavit viscera mea. Et dum compleisset o-  
 „ rationem suam, respiciens ad omnes maculas  
 „ corporis sui, salvata esse omnia membra sua  
 „ cognovit; nam & restaurata erat mammilla  
 „ ejus; ita autem per totam noctem lux reful-  
 „ sit in carcere, ut præ pavore custodes car-  
 „ ceris fugerent, & carcerem apertum derelin-  
 „ querent. Tunc dicebant B. Agathæ personæ,  
 „ quæ ibi erant inclusæ, ut abiret. Illa autem  
 „ dixit: Absit a me, ut ego coronam meam  
 „ perdam. Ego enim adjuta a Domino meo Je-  
 „ su Christo perseverabo in confessione ejus,  
 „ qui me salvam fecit, et consolatus est me.

XIII. Factum est autem post quatuor di-  
 „ es, jussit eam iterum Quintianus ante suum  
 „ tribunal adstare, cui et dixit: Quousque furi-  
 „ aris contra decreta Principum invictissimorum!  
 „ Immola Diis; sin autem scias, te atrociori-  
 „ bus tormentis aptandam. Agatha respondit;  
 „ Omnia verba tua fatua, & vana sunt, præ-  
 „ cepta tua aerem ipsum maculant; unde miser  
 „ et sine intellectu es. Quis enim vult ad au-  
 „ xilium suum lapidem invocare, et non Deum  
 „ summum, et verum, qui me dignatus est ab  
 „ omni plaga, quam in me exercuisti, ita cu-  
 „ rare, ut etiam mammillam meam integram  
 „ meo corpori restitueret? Dixit ei Quintianus:  
 „ Et quis est, qui te curavit? Agatha respondit:  
 „ Christus. Quintianus dixit: Iterum Christum  
 „ habes nominare? Agatha respondit: Ego Christum  
 „ confiteor labiis, et corde invocare non cesso.

Quin-



„ Quintianus dixit : nunc video , si Christus tuus  
 „ curabit te . Tunc jussit testas acutas spargi , & sub  
 „ testas carbonēs vivos immitti , & in iisdem .  
 „ nudo eam corpore volutari . (\*) Cumque hoc  
 „ fieret , subito locus , in quo sanctum corpus  
 „ volutabatur , commotus est , & pars parietis  
 „ concidit , & oppressit Consiliarium Judicis  
 „ nomine Silvanum , et amicum ejus nomine Fal-  
 „ conium , quorum consilio perpetrabat scelera .  
 „ Sed & omnis Civitas Catanensium a vi terræ-  
 „ motus exagitata est . Denique omnes cucur-  
 „ rerunt ad Secretarium Judicis ; et cœperunt  
 „ nimio tumultu agere , quod sanctam Dei famu-  
 „ lam impiis cruciatibus fatigaret , et idcirco ōnes  
 „ periculum sustinerent . Tunc Quintianus fu-  
 „ giens , ex uno latere terræmotum metuebat ,  
 „ ex alio autem latere seditionem populi formi-  
 „ dabat . Iterum igitur jussit , eam in carcerem  
 „ recipi ; ipse autem ad posterulam Secretarii  
 „ fugiens , in januis populum dereliquit . S. ve-  
 „ ro Agatha ingressa iterum in carcerem (\*) ex-  
 „ pandit manus suas ad Deum , et dixit : Do-  
 „ mine , qui me creasti , et custodisti me ab  
 „ infantia mea , & fecisti me in juventute viri-  
 „ riliter agere , qui tulisti a me amorem sæculi ,  
 „ qui corpus meum a pollutione separasti , qui  
 „ fecisti me vincere tormenta carnificis , ferrum ,  
 „ ignem , et vincula , qui mihi inter tormen-  
 „ ta carnificis virtutē patientiæ contulisti , te depre-  
 cor .

(\*) Insigni templo locus decoratur , ubi Agatham super carbonēs volutari Ty-  
 rannus mandavit , quod ab illius nomine S. Agathæ a fornace dicitur .

(\*) Pedum vestigia Ætneis lapidibus impressa , vel quum primo glorianter  
 iret ad carcerem , aut postremo paulo ante mortem , quum in eundem re-  
 traheretur , in Templo Carceris cultu præcipuo veneramur .



Anno Xpi.  
251.

„ cor ut accipias spiritum meum modo, quia  
 „ tempus est, ut me jubeas istud sæculum dere-  
 „ linquere, & ad tuam misericordiam perve-  
 „ nire. Hæc cum dixisset coram multis cum  
 „ ingenti voce emisit spiritum.

XIV. Quod audientes pii populi cum ni-  
 „ mia celeritate venerunt, & auferentes corpus  
 „ ejus posuerunt in sarcophago novo. Factum  
 „ est autem, dum aromatibus condiretur corpus  
 „ ejus, & cum nimia diligentia collocarent il-  
 „ lud, venit quidam Juvenis sericis vestibus  
 „ indutus, quem sequebantur amplius quam cē-  
 „ tum pueri, omnes ornati, & pulchri, quem  
 „ nemo umquam viderat in civitate Catanensi-  
 „ um, nec postea eum aliquis vidit, nec in-  
 „ ventus est aliquis, qui diceret hunc se sci-  
 „ re. Hic ergo veniens intravit ad locum, ubi  
 „ custodiebatur corpus ejus, & posuit ad caput  
 „ ejus tabulam brevem ex marmore, in qua  
 „ scriptum est: *Mentem Sanctam, Spontaneam,*  
 „ *Honorem Deo, & Patriæ Liberationem.* Po-  
 „ suit ergo hanc scripturam, ut diximus, intra  
 „ Sepulchrum ejus ad caput, & tandiu ibi ste-  
 „ tit, quandiu cum omni diligentia claudere-  
 „ tur. Clauso igitur Sepulchro abscessit, & ut  
 „ diximus non est ulterius visus, aut auditus in  
 „ regione, vel in tota provincia Siculorum.  
 „ Unde suspicati sumus, quod Angelus ejus  
 „ fuerit. Et hanc scripturam divulgantes qui  
 „ viderant, omnes Siculos sollicitos reddiderunt,  
 „ & tam Judæi, quam etiam Gentiles, unani-  
 „ mes cum Christianis communiter cœperunt  
 „ venerari Sepulchrum ejus.

XV. Tunc Quintianus arripuit iter cum  
 „ officio suo ad investigandas facultates ejus,



„ & ut teneret omnes de parentela ejus, qui Anno Xpi  
 „ iudicio Dei in medio flumine interiit. \* De- 251.  
 „ nique dum transfret flumen per navim, duo  
 „ equi fremitum circa se dantes, calcesque ja-  
 „ stantes unus eum fremitu invasit, & aliter  
 „ calce percussum dejecit in flumen Symæthum,  
 „ & non est inventum corpus ejus usque in  
 „ præsentem diem. Unde crevit timor, & ve-  
 „ neratio circa B. Agatham, & nullus umquã  
 „ molestus fuit ejus generi.

XVI. Ut autem evidenter Scriptura illa,  
 „ quam Angelus Domini posuerat, firmaretur,  
 „ post anni circulum circa diem natalis ejus,  
 „ Mons Aetna eructavit incendium, & quasi  
 „ fluvius torrens, ita ignis vehemens, & saxa  
 „ & terram liquefaciens veniebat ad Catanensi-  
 „ um Civitatem. Tunc Paganorum multitudo  
 „ fugiens de monte descendit, & venerunt ad  
 „ Sepulchrum ejus, & auferentes velum, unde  
 „ erat coopertum Sepulchrum ejus, statuerunt  
 „ illud contra signem venientem ad se, & ipsa  
 „ hora stetit ignis divisus. Cœpit autem ignis  
 „ die Calendarum, & cessavit die Nonarum  
 „ earumdem, qui est dies sepulturæ ejus, ut  
 „ comprobaret Dominus noster Jesus Christus,  
 „ quod a periculo mortis, & incendii eos S.  
 „ Agathæ meritis, & orationibus liberasset, cui  
 „ est honor, & gloria in sæcula sæculorum  
 „ Amen.

XVII. Huc usque Notarii, quibus colli-  
 gendi Acta SS. Martyrum in demandata ab Ro-  
 mano

---

\* Ubi nunc S. Agathæ Scasi, in regione Catane, ac Leontinis,  
 contermina Tyrannum aquis mersum vetus traditio docet. Hinc Quin-  
 tiani trajectus olim dicebatur.



Anno Xpi.  
251.

mano Pontifice Provincia cura incumbibat, quique tunc Catanæ ipsimet Agonem Virginis spectarunt. Id colligi potest, ut notat Bollandus, ex Quæstione tertia, ubi hæc habentur: *Unde suspicati sumus, quod Angelus ejus fuerit. Addā & ex illis etiam: Et non est inventum Corpus ejus usque in præsentem diem; quod insulsè diceretur, ab eo, qui vel post menses ab interitu Tyranni scripsisset.*

XVIII. Extant Acta ejusdem Beatissimæ Martyris Græcè a Metaphraste exarata, de quibus nonnulla occurrunt dicenda, nec inconsulto in tertiam nostræ hujus Historiæ partem quum de Viris Illustribus, quorum agmen ducit Agatha, sermo erit, illa rejicimus. Quæ porro cursim hic Acta latina de Montis Ætnæ incendio innuunt post pauca fusiori calamo expendam.

XIX. In demortui Quintiani locum suffectum a Decio Tertullum Siculi Agiographi tradunt, qui adeo in Christianos debacchari cœpit, ut nusquam Siciliæ ager Martyribus fecundior; Hos inter celeberrimi Alphius, Philadelphus, & Cirinus Fratres Origine Vascones, qui Tauromenio sub militum custodia Leontinos missi, Catanam prætergressi, in arctissimis vinculis conjiciuntur; Ibi noctem in Dei laudibus insomnem ducentes altera die sese itineri committunt. Ubi autem ad Symæthum fluvium perventum est (inquiunt Acta) quoniam vehementer exundarat, ac transmittere nemo poterat, compellebantur a Militibus Sancti fluvium subire, quin & capita eorum cædebant, ut ingredi cogerent. Cupidus enim illorum exitii Dæmon aliena forma milites inducebat, ut illos transire priores juberent,



rent, dicens se ante horam trajecisse. Coacti ergo Sancti precibus ad Deum se convertunt, reseditque confestim ad breve spatium æstus, atque ita sine periculo transmiserunt, vix ut ad genua aqua pertingeret. Quod intuiti milites celeriter, & ipsi fluvium subierunt; verum aquis subito confluentibus obruti perierunt. Quatuor autem post dies reliqui etiam socii trajecerunt, & Sanctos perduxerunt Leontinos. Hæc apud Cajetanum. (a)

(a)  
Tom. p.  
SS. Sicul.

XX. Tenebricosum hodie ostendunt Carcerem in Arce Catanensi, ubi Sanctos Fratres ea nocte detentos ajunt. De eo noster Grossus: *Actæ rei monumentum perennant eorundem Sanctorum Martyrum Icones in ergastulo, cui la fossa nomen impositum, depictæ, quas nostræ ætatis tempore jam animadvertunt.* Verum ab Imperatore Friderico hujus nominis II. Siciliæ Rege constructam arcem idem Author alibi dixerat; Quod autem Cereris Saturnia eodem in loco olim fuerit, ubi Arx constituta, ut ex m. s. Cæsaris Piscis opusculo colligit Archangelus in sua Urbis Catanzæ Historia, fortè Carcer ille Saturniæ pars credi potest, in nova arcis molitione instauratus, ut Libro IX. dicemus. Imagines autem Sanctorum Martyrum effingi in memoriam aliquopiam sub Friderico, aut successoribus potuerunt, ut & Christi Domini e Cruce pendentis devotissima alioqui figura, quam Sanctos fratres delineasse ea ipsa nocte vulgus credit.

XXI. Quod vero attinet ad tempus, quo per Urbem nostram transgressi Beatissimi Fratres, Leontinos migrarunt, res valde implexa. Actis enim a Cajetano ex Græcis codicibus recitatis inherendo, quampluribus difficultatum involucris oportet irretiamur, quas cum ipse Cajetanus,

tum

Anno Xpi.  
251.



Ann. Xpi.  
251.

tum Animadversor neglexere. Innuunt Acta, nec Baronius refragatur (a) sub Decio, & Tertullo Consulari; ultimo ejusdem Decii anno, qui ccli. Christi respondet, ex Pagii, & aliorum sententia, Alphium ac Fratres agonem consummasse vi. Idus Maii; atque a Tertullo nonaginta circiter dierum spatio ab eorum appulsu in Siciliam, in vinculis detentos. Morabatur interim Tertullus per tractus illos Tauromenii, quin & Messanensium Urbem adiit, & Mylas Christi fideles ubique persequens; tertio vero post mense Leontinos reversus est. His porro si reliquos dies addas martyrii; invenies Sanctos Fratres inunte Januario ad Tertullum, a Valeriano Praefecto destinatos. At per idem tempus Quintianus Catanæ degens Provinciam administrabat, ut ex Actis S. Agathæ vidimus. Vel ergo duo in Sicilia Consulares, cū suprema in iisdem Opidis potestate; quod nemo dabit \* Tertullus a quo torti Vascones, & Quintianus B. Agathæ tyrannus, vel Acta emendanda, & Tertulli mora in finibus Tauromenii contrahenda, aut denique Sanctorum martyrium in aliud tempus rejiciendum.

(a)  
In notis ad  
Mart: die 10.  
Maii

XXII. Nec posset aliquis quartum Decii Consulatum obtrudere, atque adeo Alphium, & Socios anno uno ac mensibus a nece Sanctæ Agathæ passos sub Decio; hic enim morte præreptus in expeditione contra barbaros mense Decembri periit; nec quartum iniit consulatū,

Z z z

nec

---

\* Binos fuisse Consulares in Sicilia nonnulli apud Cajetanum in Isagoge tradunt, quorum alter orientalem Insulæ regionem, alius vero occidentem administrabat; Sed hanc opinionem communi calculo Eruditi rejiciunt.



nec ad cclii. anni Majum pervenit. Baronius <sup>Ann. Xpi.</sup> denique, qui quartum Consulatam Decio attri- <sup>251.</sup> buit, more Augustorum, hunc tertium ordinarium appellat, sub quo & Agatham statuit. Minus etiam Actis congruit, si demandatam ante Quintianum Tertullo Siciliæ provinciam adstruimus, hoc est anno ccl. quo persecutionis Decianæ procella detonuit; nam occisis Fratribus per annum, & menses eundem Tertullum in Christianos per Siciliam pene universam debacchatum Acta laudata tradunt: *Cognito autem plerosque Christianos Leontinis profugisse in Menæum Castellum, huc contendit Christianum nomen deleturus. In eo tractu cum per annum, & menses tres mansisset, versus Catanam regressus, omnes pariter Christianos undequaque insectatus est: Catanâ Leontinos rediit.*

XXIII. Itaque statim post dies a Quintiani excessu circa Martii initium Tertullus Consularis Siciliæ designatus, ut qui nequior illo erat, ac crudelior, in Vascones Fratres id temporis ad se delegatos descevit; hinc Mamertinos ac Mylenses invasit, atque Aprili exeunte Leontinos contendens lanienam illam in Christi fideles exercuit. Mox Menas, inde Catanam ac vicinia afflixit. Hac serie servata, singula suis temporibus congruunt; sed illa nonnisi conjecturis innititur. Bis hinc colligimus Catanæ sub Decio editam Fidelium stragem sub Quintiano, ac sub Tertullo; sed horum triumphum male Cajetanus die xviii. Februarii consignat; hic enim mensis anni cclii. esse debuit, quo sane tempore Decii decreta Gallus abroganda curaverat.

XXIV. Ejusdem Februarii initio Ætna Mons solito majori exarsit incendio, igneosque tor-



torrentes evomuit, qui ad certam agrorum ipsiusque Urbis perniciem decurrentes, ubi a Paganis Velum Virginis Agathæ e sepulchro sublatum, illisque objectum est, ipsa hora non sine ingenti prodigio constiterunt; adeo ut meritis amantissimæ Civis, ac tutelaræ eximiæ anno ab ejus morte elapso die nonarum Februarii Patriæ liberationem Catanenses acceptam referrent. Miraculi hujus, simulque beneficii memoriam cum apud Latina, tum apud Acta B. Agathæ Græca reperiēs, neque illorum verba huc repetenda. Illud attamen primo discutiendum Quinam *Paganorum*, qui ad Martyris sepulchrum confugientes velum tulerunt contra ignem, nomine veniant. Et pagorum profecto habitatores debere intelligi affirmant, qui rectè sapiunt, etsi Vulgus Gentiles, seu infideles accipiat.

XXV. Novi apud complures Eruditos, doctosque Scriptores pro *Paganis* hinc nedum *Ætnæ* montis accolas, sed etiam a Christi fide alienos venire; hinc in Animadversionibus Cajetanus S. Damasi in hymno S. Agathæ verba refert: *Ethnica turba rogi fugiens, hujus et ipsa meretur obem.* Sed fortasse, ait Carrera (a) *Ethnica* pro *Ætnæ* levi mutatione Amanuensis, in Damasi hymnum irrepsit. Cæterum Cajetanus ipse fatetur, quod a Jurisconsultis *Pagani a pagis dicuntur, gens rustica.* Hausit sane Animadversor ex Græcis Actis, ubi legitur: *Qui vero circa montem habitabant, et si Gentiles, ignem fugientes properarunt ad templum Virginis, et auferentes amictum, qui erat Arcæ impositus, ex adverso ignis eum posuerunt.* Et ex Metaphraste, qui ait, *Accolæ igitur et qui prope montem degebant, Pagani licet essent, ignē fugi-*

(a)  
Hist. Cat. vol.  
2. lib. 2.

entes



entes, ad Martyris sepulchrum confugere, unde ablato velo, quo tumulus contegebatur, in conspectu flammæ posuerunt. Sed Græcos ex Actis Latinis mutuato vocabulo, in ejusdem intelligentia lapsos illud evincit, ævo nempe, quo Notarii Acta scripsere, a nemine *Pagani* vocem pro Ethnico usurpatam, sed aut rusticos, aut Urbanos nunquam militiæ adscriptos venisse.

XXVI. Hinc illud Suetonii de Augusto loquentis: *Nec non Pinarium Equitem Romanum, cum concionante se admissa turba Paganorum, apud milites quædam subscribere animadvertisset, curiosum, & speculatorem ratus, coram se confodi imperavit.* Firmant Lexicographi pene omnes: *Basilii Faber in Thes: Erud: Paganus idest Rusticus: Pagani jurisconsultis dicuntur omnes, qui non sunt milites: hinc & Pagani veteribus Christianis dicebantur Gentiles, qui Christi milites non essent. Sed alii a Pagis, ubi extra Urbes sub Christianis Principibus Idola colebantur, notionis hujus rationem ducunt. Orosius Præfat: lib. p. Ex locorum agrestium compitis, et pagis Pagani vocantur. August. 2. Retrac: cap. 43. Deorum falsorum, multorumque cultores Pagani. Joan. Jacobus Hoffmannus: Pagani, quod nomen Gentilibus a vulgo Christianorum inditum esse jam ante annum Christi 365. patet ex leg. 18. Cod. Theod: de Epis. Samuel denique Pitiscus: Pagani dicuntur, qui ruri in Pagis agri colendi causa agunt. . . . Pagani dicuntur omnes, qui non sunt adscripti militiæ atque in paganico esse dicebantur, qui nondum inter milites censiti essent. . . . Pagani dicuntur etiam Gentiles, et a Christi confessione alieni ab Authoribus in primitiva Ecclesia scribentibus; non enim antiqua, sed recens est ea vocis significatio. Unde hoc nomine*



Anno Xpi  
252.

nomine dicti sint ; varii varia tradiderunt . Nos opinamur , quod cum Constantini M. et filiorum edictis proscriptus esset ab Urbibus , & Civitatibus profanus Deorum cultus , eorumque fana passim in iis clauderentur , in pagos sese reciperent Gentiles , ibique Deos suos colerent , et clandestina sacra peragerent , Pagani dicti fuerint . Ex quibus illud evinci credimus : tertio nempe Ecclesiæ sæculo , quo Agatha floruit , nondum obtinuisse Ethnicos ab Agiographis Paganos appellari ; Rusticos proinde , aut Cives nondum militiæ adscriptos ad Virginis sepulchrum pro communis Patriæ tutela confugientes velum inde contra ignem extulisse .

XXVII. His conjectura accedit a Petro Carrera allata , cujus hæc sunt verba apud Vander Aa, (a) Alii verò per vocem (Pagani) intelligunt turbam rusticam, ita ut non distinguant , Gentiles, an Christiani fuerint ; neque enim illud fugiens ad sepulchrum Virginis , intelligi de Catanæ incolis potest, verum de rusticis , qui a radicibus montis fugere . nam si Ecclesia de Catanensibus dictam voluisset Paganorum multitudinem , non dixisset fugiens ad sepulchrum Virginis , sed currens . Fuisse autem Christianos patet ex Antiphonæ verbis ; contulerunt enim sese ad velum martyris S. Agathæ , ut propter ejusdem merita gratiam evadendi periculum , illis largiretur Deus , ut comprobaret Dominus , quod a periculis incendii meritis Beatæ Agathæ eos liberaret . Quam sententiam Ethnicis hominibus applicare non possumus , verum illis , qui fundati in fide laudabiles in operibus Christianis fecerint progressus . Sed illud displicet apud eundem Authorem , quod de hoc ipso incendio subdit : Tam terribile , scribens , hoc fuit incendium , ut cum duobus ferme milliariis ab urbe efflueret , igne peritura

(a)  
Lib. 2. Mon.  
Ætnæ cap. 11.



ritura crederetur Catana (\*) Inde Rustici accurre-  
tes ad sepulchrum S. Agathæ ejusdem rapuere ve-  
lum, quod cum igneis opposuissent torrentibus qui  
recta versus Urbem pergebant, coegere easdem  
flammas ad levam flectere manum, ita ut iter por-  
tum versus intenderint, illumque compleverint uni-  
versum, amplam ibidem relinquentes copiam monta-  
norum, & aridorum, quæ ibi hodie visuntur, sa-  
xorum. Loquitur, & de eodem incendio S. August. lib.  
3. de Civit. Dei, affirmans usque ad littus maris  
prolapsum fuisse, ita ut rupes fuerint liquefactæ de-  
fluente pice ex navigiis. Et progreditur Bembi, &  
Fazelli sententiam infirmando, qui Incendium il-  
lud, quod Portum occupavit, fuisse paulo ante su-  
am ætatem scripsere.

(a)  
Catan. Hist.  
Vol. 1. lib. 2.  
cap. 2. n. 13.

XXVIII. Ab hac opinione deinde alibi (a)  
Carrera discessit, sed in aliam incidit longè falsi-  
orem, ac Cives id temporis vicinum periculum,  
ignemque, sub ipsis mœnibus decurrentem spe-  
ctasse adstruit. Hinc rationabiliter, ait, creden-  
dum lapideos aggeres, quos prope aquilonarem, &  
occidentalem Urbis murum ad Templum usque S. Fran-  
cisci Paulensis hodie etiamnum cernimus, eosdem  
esse, qui recta contra Catanam effluentes vi ignis  
liquefacti, mox ad sacri Veli conspectum, itinere  
ad sinistram retorto, ab Urbis vastitate abstinere.  
At quam incongrua utraque sit scriptoris alio-  
qui oculatissimi censio, vel ipsa incendii enarra-  
tio evincit; flammæ enim Kalendis Februarii e-  
rupisse, Nonis verò, Civis amantissimæ interces-  
sione, resedisse Acta cum Græca tum Latina testantur.  
Quotquot autem ignis Ætnei indolem noverunt,  
atque

(\*) Male hic Italicum Carrera textum reddit Avercampus illis verbis, ut quæ  
igne peritura crederetur Catana, per duo fere miliaria inde discesse-  
runt incolæ.



atque alterius incendii oculares testes fuere, quam lentè progrediatur ille, optime callent; decursamque duodecim circiter passuum millium intercapedinem, quinque dierum spatio ab igneo torrente, atque e montis pede ad mare usque intra id parum temporis gravem materiem properasse, minimè sibi persuadēt. Incendiū igitur hoc, quod thau-  
maturgi Veli conspectum exhorruit, non illud a S. Augustino memoratum esse potuit; minus aliud, quo impletum fuisse portum scimus, id quippe & recentioris est ævi, & longè etiam ac latè est debacchatum; denique non illud, quod ab Oriente ac Septentrione urbem obsidet; vetustissimæ enim ætatis, ac ante Domini adventum indicia præferre videtur, ac diuturniùs effluxisse oportuit. Quodnam porro fuerit, divinare non ausim. Id citra dubium, medio in itinere, nedum ab Urbe vastanda, sed et ultra progrediendi Agathæ meritis illi interminatum. *Et ipsa hora stetit ignis divinitus*, inquiunt Acta Latina. *Atque de repente*, habet Metaphrastes, *Divina Providentia factum est, ut ignis ille reprimeretur*, qui Kalendis Februarii erumpere cœperat, cessavit verò Nonis. Si stetit ergo ipsa hora, si fuit repressus, non aliò certe iter reflexit, neque ulteriùs effluxit.

XXIX. Jamvero majus facessit negotium, quod de ipso Velo discutiendum occurrit. Metaphrastes Velum hoc arcæ, seu sepulchro circumfutum fuisse scribit. Codex Vaticanus *circumpositum arcæ*, et Codex S. Mariæ Majoris: *quo erat coopertum sepulchrum*. Acta Latina: *unde erat coopertum sepulchrum ejus*. Hinc Ecclesia Paganorum multitudo fugiens ad sepulchrum Virginis, *tulerunt velum ejus contra ignem*. Velum ejus, inquit



(a)  
In Animadv.  
ad Acta Græ.

quit Cajetanus, *minimè quidem Virginis, ut quidam existimant, quo vivens tegendo capiti utebatur, mortua involvebatur, sed sepulchri accipio, quod sepulchro superimpositum erat.* Fazellus antiquæ innixus traditioni Catanensis Ecclesiæ, Paganos tumulum aperuisse refert, Velumque, quo Sanctæ Martyris corpus tegebatur, adversus ignem extulisse. Idipsum affirmant Philotheus, Carrera, Grossus, aliique ex nostris. Addit Bartholomæus, a Paternione in vita Beatæ Agathæ vulgari sermone carminibus exarata. Velum, quo operiebatur corpus in sepulchro, viventi Agathæ capitis tegumentum extitisse; quod quidem audacter dictum censet idem Cajetanus (a) *Quorsum, inquit, ad sepulchrum Virginis accersum est! Ut velum sepulchri adversus flammam raperetur; & ratio suadet ablatum enim a Paganis, quia promptius erat, extimulante periculo, urgente incendio. Idemque tuetur priscus mos; enimvero sepulchra Martyrum velo obtegebantur. Concludo igitur velum contra ignem a sepulchro raptum Agathæ sepulchri tegmen fuisse. Hoc clarius sole. At igneus, lapideusque simul torrens non adeo præcipiti cursu volvitur, ut urgeat; locus hinc Paganis esse potuit, ac tempus, ut aperto sepulchro Velum, quo Martyris corpus tegebatur, contra incendium fumerent.*

XXX. Pergit verò Cajetanus: *Sanè hoc Velum, quod e sepulchro S. Agathæ ab Ethnicis raptum, Ætneque objectum ignes restinxit, fama est illud esse quod Catanæ magna cum religione in sacrario ædis maximæ servatur: Et post pauca. Quid? Profitearne hoc Velum illud ipsum esse, quod sepulchri integumentum fuit? Plura occurrebant, quæ retrahere quempiam possent. Primum*  
velo



Anno Xpi.  
252.

velorum mox ad sepulchra, vela enim antiquitus sive pura, sive picta foribus prætendebantur, obumbrando loco, in quo sita sepulchra SS. Martyrum. Porro in hunc usum hoc B. Agathæ Velum ineptum est; convincit veli forma, quod latum palmos duos, & semis, longum palmos decem et octo. Secundum religio majorum retrahit, quæ sacro velo, quo B. Agatha velare solita caput, nequaquam rude saxū operuisset. Sedenim vela non modo sepulchris prætendebantur reverentiæ ac religionis ergo, sed etiam insternebantur, ut paulo ante retulimus ex Metaphraste, aliisque Cod. m. ss. cum Græcis tum Latinis de velo B. Agathæ, quo sepulchrum ejus amiciebatur. Neque impedimento est, quia velo capitis sepulchrum insterneretur. Quid enim hic contra religionis nostræ ceremonias? Sacrum Virginis caput, sacrum Martyris sepulchrum, sacer usus utriusque, velandi capitis juxta, atque sepulchri. Nihil est igitur, quod vetet, si dicas velum capitis fuisse simul ac sepulchri, idem velasse Virginem, mox Martyrem. At inquires vetat id veli tenuitas; nam istragula sepulchrorum crassiora fuisse oportuit; sed hoc multo levius: tenue, ais, velum est. Quid tum? Religionem veterum commendat, honorandis Martyribus profusam. Hæc Cajetanus, qui mox quid ipse sentiat ingenuè edisserens: moveri paullulum ab ipsa veli forma, ait, quin indubitatò affirmet, velum hoc esse, quo Martyris sepulchrum cooperiebatur. Latum quippe palmos duos, & semis, longum vero decem et octo parum aptum sepulchro velum; nam justo brevius, nec velare frontem sepulchri, nec tegere operculum poterat. Sudubitans itaque, fuerit ne hoc velum, quod sepulchrum operuit, atque ex eo contra erum-



pentes Ætnæ ignes desumptum est, se revocari Catanensis sive Ecclesiæ, sive populi traditione fatetur, quam evertere piaculum duxit; æquum esse, dicens, interdum famæ potius, quam proprio credere iudicio.

XXXI. Superest veli, quod adhuc servatur, usum, formam, coloremque discutere: Catanæ opinio est: velum hoc esse, quo B. Agatha caput solita velare. At rumor is, inquit Cajetanus, *difficultatem facessit, nam ævo illa vela capitum brevia, & fere quadrata, quale est velum capitis B. Luciae latum, juxtaque longum palmos duos, & semis. Verum B. Agathæ velum multo longius...* An majora Syracusanis fuere vela, quibus alibi aliæ Virgines utebantur velando capiti? Is enim intortis obvolvebant caput, collumque, ac pectus ore detecto. Sculptus id docet vetus lapis supra fores Antistitum domus. Confirmat Carrera, qui de eodem velo sic habet: Apparet vero S. Agatham dum viveret, eo fuisse usam pro ornamento capitis, prout ex Græcorum more, hodieque fieri solet passim in Sicilia. Sed quamvis hæc Cajetano minus arrideant, illudque in primis de veteri simulacro *cujus habitus, inquit, non videtur Virginis, qui honestior esse debuit. Attamen post multa traditioni adhærens subdit. Quid igitur censuerim? An vela capitum diversa pro tempore? Brevia, quale Syracusanum, quibus virgines privatum intra larem utebantur, ut expeditiores essent, longiora, quale est, de quo loquimur, quibus in publicum egrediebantur, et virginalem verecundiam præseferebant, operta facie? Hæc excogitata a me sunt traditioni tuendæ, quæ magnifacio ac veneror, esse velum, quo diva Agatha dum viveret, velando capiti usa est. Ego*

vero



verò hoc censeo, atque ex Fazelli, Philothei, & Bartholomæi monachi dictis duntaxat probo velum hoc esse, quo B. Agathæ corpus, aut caput a Christianis in sepulchro tectum est.

XXXII. Quod ad colorem spectat putant plerique, & vulgo, album olim fuisse, objectum vero erumpenti incendio a Paganis velum igni similem colorem induisse. Id ex tabulis in Ecclesiæ majoris tecto effictis probare conantur, in quarum una velum e sepulchro sublatum coloris omnino albi, in altera delatum adversus ignem coloris feculenti cernitur. Sed inane commentum meritò laudatus censet Cajetanus, qui depicta in Ecclesiæ tecto vela accuratissimè vidit, ejusdemque coloris adnotavit, sed alterum vitio temporis exalbuisse advertit. Hodiernus denique color ad rosam siccata[m] accedit, teste Carrera (a) neque enim, ut erroneè appellat Leander Albertus violaceus est. Si quis russeum, sed obscuri coloris appellat, non errabit. Hæc ille, cujus ultima ar-  
(a)  
Mon. Aetnæ  
lib. 2. cap. 12.  
Edit. Vand. 1744  
96
rident verba; cunctis enim videntibus cōstāt rubrū suboscuro[m] colorem referre sanguini nonnihil concreto potius, quam rosæ siccatae per similem. Sed qualis forma, materia, textura denique ejusdem? Materia profecto, ex qua velum constat. Sericum est, sed ad extremam summitatem auri quid reliquum apparet per lineas, ut clarè cernitur, intertextum quondam; adeo autem exilicio, atque nobili, sicut & arte texendi & coloris est præstantia, ut per mille quadringentos, & amplius annos perdurare potuerit. Hæc Laudatus Carrera; Illud mirabile, quod adeo recens, vividumque apparet, ac si fuisset nuperrime contextum. Olim in vase crySTALLINO servabatur, hodie in sacco, seu folle serico auro contexto, licia



ciæ involutum cum aliis ejusdem Sanctæ Martyris ipsanis in arca conditur argentea, quumque populorum cultui exhibetur, ex argenteo baculo pendens complicatum ostenditur. Vocatur communi, & vulgari appellatione *Grimpa seu Grimpia*. Post tã insigne prodigiũ cœpit impensius Virginis sepulchrum ab universis civibus, immo & Siculis coli; moxque extructum super illud augustum, ut ferebant tempora sub Ethnicis Principibus infensa, templum, quod totâ insulâ celebre evasit.

XXXIII. Anno cclxii. Everii Catanensis Episcopi memoriam exhibent acta S. Neophiti Leontinensis, quæ a mendis per Clarissimum Cajetanum expurgata hæc habent. *Erant per idem tempus apud Leontinos Principes viri piique Anatholius, Strovelius, & Eræus. Consilio cum eis inito Neophitus Aquilam, & Andronicum cum literis, & precibus misit ad B. Everium Catanensem Episcopum, ut ad Ecclesias una consecrandas veniret. Ei Neophitus Episcopus ad Cyparissum occurrit pridie Nonas Septembris. Everium Neophitus in speluncham, induxit, ubi corpora erant SS. Alphii, Philadelphi, & Cirini, & Pastophorium, quod Thecla condiderat. Illuc ingressi Sanctos adorant, ferre non valentes suavitatem odoris, & splendorem, quo martyrum ora collucebant. Deinde ad ædem Virginis Deiparæ ascenderunt, eamque consecrarunt, in qua baptizarunt viros cccxxx in veste candida, quorum omnium mater fuit Thecla cum Justina, & Eutropia, & peracto divino sacrificio receperunt Corpus Sanctissimum Dni Nostri: Mox S. Everius Episcopus Catanam rediit, erat enim grandævus.*

Anno XP  
252.

262.

Cata-



XXXIV. Catanam ut venit Everius nonnulla ibidem Sanctorum templa, ac præsertim. B. Marię Bethlehemiticę juxta sepulchrum illustris Poetę Stefichori erexit, si Pirro credimus. Subdit Grossus, quod Sacris de more adhibitis cæremoniis id etiam templum consecravit. An. idem Episcopus sacram ædem supra D. Agathę Sepulchrum etiam excitavit, incertum; Laudatus enim Grossus in *Diario Catanensi* Everii opus illam fuisse suspicatur, in quam ad Sacrum Martyris corpus venerandum B. Lucia cum Matre venit. Sed hæc, an eadem, quę S. Marię de Bethlehem fuit dicta? Quandoquidem constat Agathę Sepulchrum eodem in loco olim situm, ubi S. Marię de Bethlehem prope Carmelitarum ædem extra Stefichori portam, unde ad locum martyrii, ubi nunc jacet, translatum. Meminit nostri Everii Cajetanus (a) & Philippus Ferrarius in suo Catalogo ad diem 16. Novembris, quem sub Decio, & Volusiano Principibus constituit, quum potius sub Gallieno, & Valeriano esset reponendus, ut Pirrus, & Grossus scribunt. De eo Menologia Græca a Sirleto Cardinali, & Andrea Scotto vulgata. Ad annum cclxxxvii. superstitem illum facit Grossus, sed facile non assentior; Anno enim cclxii. Senex jam in Græcis Actis appellatur, adeout longo tempore jejunos adstare post Ecclesię consecrationem apud Leontinos non posset. Festus porro ejus dies Catanz ex Pirro die vi. Julii, sed ante Breviarii reformationem xvi. Novembris celebrabatur; Cajetanus in diem xxiv. Martii rejicit.

(a)  
Vit. SS. Sicul.  
tom. p.

XXXV. Hæc ex laudatis Scriptoribus congesti; verum, ut juxta morem ingenuè loquar, plu-



ra prorsus displicent; Acta enim sublestæ omnino fidei, ut quæ Festi Nativitatis Deiparæ, & Exaltationis S. Crucis multa post sæcula instituti mentionem ingerunt, usumque consecrandi sollemni ritu sacras ædes ante Sylvestrum Pontificem inducunt. Everium certe expungere non audeo, ejus autem facinora obscura dixerim potius, ne falsi aliquid videar imponere.

XXXVI. Varii post Decium fuere in Romano imperio motus, ac intra quadriennium quatuor Principes Respublica vidit, quos demum Valerianus, & Gallienus excepere. Longè majores sub Gallieno a triginta Tyrannis excitæ turbæ, nec suis caruit malis Sicilia undique a latronibus vastata, qui ægrè tandem sunt milite deleti, ut Trebellius in Gallienum scribit.

XXXVII. Circa id temporis Porphyrii celeberrimi Philosophi in hanc Urbem nostram, aut ejus fines adventus, atque apud Ætnam mortem mora est reponenda. Appulit fane Porphyrius in Siciliam anno xv. Gallieni, Christi Domini cclxix. ut Probi Lilybetani Philosophi doctrina frueretur, quod ipsemet in præceptoris sui Plotini Vita testatur, traditque Lucas Holstenius (a) quumque ei Crysaorius nobilis juvenis æque ac dives, sciendi cupidissimus adheffisset, hanc nactus occasionem, ut Ætnæ incendia, eorumque naturam, ac indolem scrutaretur, Catanensem adiit regionem, in qua diu substitit, ac librum Introductionis ad Aristotelis Categorias ejusdem Crysaorii rogatu elucubravit. Rem habet Ammonius in Isagog. Commentario, ubi causam, quæ ad eum librum exarandum impulit Porphyrium, edisserens: *Crysaorio*, ait, *illum nuncupavit, cui & alios libros inscripsit.*

(a)  
Diff. de vita  
Porphyrii cap. 2.

De-



*Dedicat autem illi hujusmodi de causa. Præceptor Crysagorii erat, cumque eum disciplinis imbueret, petiit, ut incendium Ætnæ coram cognosceret. Usque eo profectus fuit. Reperit interea, tempus Crysagorius Categorias Aristotelis, quarum mentem nequaquam assequi poterat. Quapropter Porphyrio litteris rem significat peregre tunc degenti, rogatque, ut si incendii naturam explorasset, domum redeat; sin minus, ut introductionem aliquam scribat, cujus ope libri sensum assequeretur. Cumque Porphyrius nedum redire posset, scripsit ei hunc libellum, quem ferme e verbo ad verbum ex Platonis dictis colligit. Observat Mōgitorius (a) Ammonii locum ab Joanne Baptista Rosario aliter verti: Porphyrius Crysagorium docebat, cumque ei Mathematica declararet, rogavit Porphyrium, ut de Ætneo igne componeret historiam. Tunc profectus Porphyrius &c. ex quibus nedum Ætnam prope considerasse, sed & ejus historiam scripsisse Porphyrium colligimus. An porro incendium examinaverit per agros excurrens, an vero in ipso summo cratere, ex Ammonii verbis satis intelligi non datur. Fortasse montis cacumen ascendit, ibique de igne differuit, quum apud Historicos nulla id temporis Ætnæ eructatio memoretur.*

(a)  
Appar. ad  
Bibl. Sic. §.3.

XXXVIII. Probi Principatus Insulæ nostræ infauustissimus, ob Syracusas a Piratis præda cædibusque direptas; at longe teterrimum Diocletiani imperium ob immanem in Ecclesiam, ac Siculos Fideles motam persecutionis procellam, quam Maximinus sua adauxit præsentia, ut colligit ex Græcis Menæis Morabitus, Cæsarem hunc Christiani sanguinis avidissimum cadente sæculo vidisse Siciliam, atque indoluisse, scribēs.

CATANA



## CATANA

## SUB ROMANIS IMPERATORIBUS

## AB ANNO CCC. AD CCCXII.

(a)  
Tom. p. SS. Sic.

I. **N**Ovo incunte Sæculo Urbs nostra B. Lucie Virginis Syracusanæ nobilitatur hospitio. En actæ rei monumentum ex antiquis codicibus apud Cajetanum (a) Dum per universam Siciliæ provinciam Beatissimæ Virginis Agathæ fama crebesceret, Syracusanus populus per millia prope XL. ad Urbem Catanensiū sitienter pergeret ad sepulchrum S. Virginis Agathæ venerandum, contigit Luciam venerabilem Virginem Syracusanam simul pergere festivitatis gloria invitata, cujus mater Eutichia per annos quatuor fluxu sanguinis fatigata, nullo poterat medicorum remedio sanari. Igitur dum processio- nis mysteria agerentur, Evangelii lectio fuit reci- tata, qua legitur fimbriâ tactâ vestimenti Jesu mulier a sanguinis fluxu liberata, dum hæc le- ctio recitaretur, dixit S. Lucia matri suæ: si credis mater his, quæ leguntur, crede Agatham passam pro Christi nomine hoc meruisse, ut semper in presenti habeat eum, pro cujus nomine passa est. Continge ergo sepulchrum ejus & liberaberis. Igitur cum peractis omnibus populus abscessisset pro- straverunt se ante sepulchrum Sanctæ Virginis, ma- ter, & filia, & cæperunt cum lacrimis flagita- re suffragium. Interea dum orationis prolixitas tenditur, somno Lucia Virgo corripitur, & videt  
in



Anno Xpi  
301.

*in somnis B. Agatham in medio Angelorum gemmis ornatam stantem, & dicentem sibi: Soror mea Lucia Virgo Dei devota, quid a me petis, quod ipsa poteris præstare continuo? nam & matri tue fides subvenit, & ecce jam salvata est. Et sicut per me Catanensium Civitas sublimatur a Christo, ita per te Syracusana Civitas decorabitur, quia jucundum Deo in tua virginitate habitaculum præparasti. His auditis, expergescens surrexit tremens, & ait matri suæ: Mater mea ecce salva es; per ipsam te deprecor, qui te salvavit orationibus suis, ne tu mihi aliquando sponsum nomines, neque velis de corpore meo posteritatis fructum prolemque mortalitatis inquirere, sed omnia quæ mihi datura eras eunti ad corruptionis meæ auctorem mortalem hominem, da mihi eunti ad integritatis meæ auctorem Dominum Jesum Christum. Cui mater ejus Eutychia ait: omnia, quæ fuerunt Patris tui, ante novem annos defuncti incontaminata custodiens, ampliavi potius, quam minui patrimonium tuum; mea vero, quæ sunt, vel possunt esse, tu ipsa melius nosti, tege prius oculos meos, & quodcumque tibi placuerit de facultatibus facito.*

II. Eadem habet Codex Græcus. Cur autem ipso sæculi quarti initio hæc retulerim, paucis aperio. In eisdem Actis dixit Paschasius Lucia: Sacrificium verum, & immaculatum apud Deum hoc est: visitare pupillos, & viduas in tribulatione earum. Ego vero per istos tres annos (\*) nihil aliud egi, nisi sacrificavi Deo vivo. Jam

D d d d

quia

---

\* Numerat annum tertium, inquit Cajetanus, a reditu, ex peregrinatione ad sepulchrum S. Agathæ. Quoniam vero Lucia martyrio coronata est, Anno Xpi. CCCIII. exeunte, si relegas annos tres, reperies ejus peregrinationem in annum Xpi. CCCI. incuntem incidisse.



quia nihil habeo, quod sacrificem, me ipsam offero in sacrificium Deo hostiam viventem. Ubi pro sacrificio bonorum elargitiones pauperibus factas intelligit, qua de causa ab eo, cui desponsata fuerat, Consulari Paschasio delatam legimus. Atqui per triennium sacrificiis hujusmodi vacasse se dictitans, ostendit, mox ut Catanâ, ubi divitiis valedixerat, in Patriam rediit, tres circiter annos excurrisse; quum igitur anno ccciii. Martyrium subjerit, Catanam adire non nisi sæculi hujus initio potuit. Sæviente alioqui Diocletiani persecutione omnium immanissima sub extremum ejusdem Imperii tempus anno ccciii. & ccciv. insolens videtur, quod festus natalis dies Agathæ tanta sollemnitatis pompa, ut in Actis describitur, potuerit Catanæ nedum a Civibus, sed & a finitimis dissitisque populis celebrari. Quod denique Sigebertus Monachus obtrudit: S. Luciam passam anno cccxi. scribens, prorsus non cohæret, ut multis ostendunt laudatus Cajetanus, & de Angelo (a)

(a)  
In Ann. Sicul.  
Sec. 4. §. 2.

III. Anno ccciv. Sub Calvisiano Consulari Euplium sanctissimum Diaconum martyrio coronatum Acta exhibent Consularia a Baronio in Annales Ecclesiasticos relata, a Cajetano, et aliis exscripta, quæ in tertiam hujus historiæ partem rejicimus, Græca hîc ex m. s. Codice S. Salvatoris Messanensis recitando: (b),, Diocletiano, et Maximiano Imperantibus is Idololatriæ furor exarsit, et omnes per Regiones, et Insulas Idola denuo erigerentur. Hinc Pentagorum quemdam in fines Provinciæ Siculæ Imperatores misere, cum mandatis, ut in quos nondum animadversum esset, omnino de-  
rentur. Imperatorum Legatus Catanam pri-

(b)  
Aplud Cajetanū  
tom. p. SS. Sicul.

mum



„ mūm venit. Ingredienti Urbem, quod est  
 „ sollemne Græcis, Civitas obviam processit; ut  
 „ Calvisiano placuit, qui statim poni in Achil-  
 „ leo (\*) tribunal suum jubet, eoque populum  
 „ convocari per præconem. Illic una cum con-  
 „ sedissent, adstante populo: Omnes ne, Pen-  
 „ tagorus dixit, Deos nostros colunt? Cui Cal-  
 „ visianus: Sane omnes, quos pietas tua videt.  
 „ Tum Pentagorus, cum populum dimitti im-  
 „ perasset, Calvisiano aperit, quæ ab Imperatori-  
 „ bus mandata perferret de cede Christianorum,  
 „ traditisque edictis, ut ea Calvisianus exequere-  
 „ retur, ad alias ipse Civitates digressus Agri-  
 „ gentum meditatus festinabat. Calvisianus igitur,  
 „ cum dæmonum facibus, tum Impetatorum  
 „ litteris inflammatus, præcipit Apparitoribus,  
 „ Civitatem, subjectamque regionem diligenter  
 „ perscrutentur, etsi quem Christianorum repe-  
 „ riant, adducant illico ad se, quisquis fuisset,  
 „ cumulatam annonam, honoresque præ cæteris  
 „ consecuturum. Continuo assistentium quisquam  
 „ Calvisiano Præfidi dixit: Domine hospes (\*)  
 „ quidam hîc est, cui nomen Euplius: Is libellum  
 „ habet secum, quo multos in fraude inducit, con-  
 „ testans magnum esse christianorum Deum. Au-  
 „ dito Calvisianus plurimum commotus, prope-  
 „ ratè hominem vinctum adduci coram jubet:  
 „ simul

---

(\*) Achilleus loci nomen erat, in Urbis medio, cujus mentio in vita S. Leonis Episc. Cat. ubi Heliodorus Magus, quem in Urbis centro aliunde combustum fuisse constat, a S. Episcopo in locum, cui nomen Achelles deductus dicitur.

(\*) Græcum Menologium Euplium ex Urbe Catana, & Troparion civem Catanens. appellant; fortasse, ait Cajetanus, externus a Gentilibus existimatus est habitu, quo erat indutus.



„ simul fatellites Civitatem percurrunt, reper-  
 „ tumque in cellula B. Euplum Dei Evange-  
 „ lia docentem aggressi, vinctum ad tribu-  
 „ nal Præsidis ocius trahunt. Impius au-  
 „ tem Calvisianus a Dæmone actus, B. Eupli ma-  
 „ nus, pedesque vinculis ad genua implicans;  
 „ Tu ne, inquit, es fraudator Deorum, et Im-  
 „ peratorum contemptor; et quid illud est, quod  
 „ in manu tenebas? Euplus dixit: Lex et te-  
 „ stamentum Domini Dei mei Jesu Christi,  
 „ quod iens cubitum, surgensque è strato iden-  
 „ tidem revolve. Calvisianus dixit: Immola Diis.  
 „ Et Euplus: quinam sunt isti Dii tui, qui-  
 „ bus immolam? Calvisianus: Jovi, inquit, Eu-  
 „ sculapio, Dianæ, (\*) & Galino. Tum Euplus dixit:  
 „ Vere in his cæcus es, quod Jesum Christum  
 „ Dominum nostrum ignoras, qui Cælum et  
 „ Terram condidit, hominemque e luto compo-  
 „ suit, qui Christianos immortalitatis nos veste  
 „ induit venerabili, glorioso, suo præfulgente, & in-  
 „ cutiente terrorem Baptismate. Calvisianus di-  
 „ xit: Nondum tormenta ingressus tyrannicè  
 „ adeo loqueris? Euplus vero dixit: Tormenta  
 „ tua coronæ meæ sunt, tibi vero tenebræ, &  
 „ perditio. Quibus auditis, nequissimus Calvi-  
 „ sianus furore succensus a Diabolo parente suo,  
 „ defigi palum jubet, Euplumque ex eo appen-  
 „ di; manus item e ferro confici, iisque carnes  
 „ ejus sedulo dilaniari. Beatus Euplus respiciens  
 „ Cælum: Domine Jesu Christe, dixit, si isti  
 „ lacerant carnem meam, et nudum, cruentum-  
 „ que sistere ad nefarium tribunal volunt, indue  
 me

---

(\*) Galinus Græcis est Tranquillus. Crediderim Deum, qui mare tran-  
 quillum redderet, Galini nomine venire.



„ me carne immortalitatis, neque tormenta, quæ  
 „ parant adversum me, prævaleant. Tunc audi-  
 „ dita est e Cælo vox: confide Eupli, et forti ani-  
 „ mo esto, nam vera illa vestis præparata jam tibi  
 „ est. Exinde Calvisianus Consularis dixit; quod  
 „ si velis desistere a nugis istis tuis, agendum acce-  
 „ de, et sacrifica Diis, ita enim non modica præ-  
 „ mia assequere ab invictis Imperatoribus, eris-  
 „ que amicus noster. Euplus dixit: vel ex hoc a-  
 „ gnosce te ipsum perditissime homo, & opera tua  
 „ Diaboli esse, quod venerari me Idola præ au-  
 „ ro, & argento suades. Calvisianus Tyrannus  
 „ furore percitus, malleos ferreos confici præcepit,  
 „ iisque B. Eupli tum tibias collidi, tum maxillas  
 „ contundi. Euplus dixit: Fatue, & amens, quid  
 „ his me crucias? Tormētis aliis, si potes, excrucia.

IV. „ Statim autem Calvisianus Præses vin-  
 „ ctri B. Euplum jussit, colloque ejus sacrum Christi  
 „ Evangelium alligari, eoque deridiculo in carcerem  
 „ abire; cujus fores post Eupli ingressum obfi-  
 „ gnari annulo suo mandavit, insuper excubare  
 „ milites ad custodiam. (\*) Jam dies, noctesque  
 „ septem B. Euplus in carcere transegerat, cum  
 „ siti confectus, sublevatis in Cælum manibus,  
 „ sic orabat: Dominator Jesu Christe Fili Dei, &  
 „ verus Deus noster, qui nulli animantium escam  
 „ negas, qui Hebræorum satiaisti sitim, aquis e  
 „ saxo per Moysen famulum tuum miraculo expres-  
 „ sis, qui Sansoni fontem, in demortua maxilla, quam  
 „ fortè arripuerat, aperuisti, qui nos lætificas, in-  
 „ duisque pretioso Baptismate, quo fluentum Jor-  
 „ danc-

E e e e

---

[(\*) Sub Ecclesia s. Euplio dicata extra portam Stesichoream ejusdem  
 Martyris carcer præcipua veneratione habetur; Fossulam in eo desi-  
 gnant unde aqua emanavit.



„daneum, et immortalis vitæ lavacrum hostem  
„conterens scaturire præstas; Domine Jesu Chri-  
„ste, vel nunc jube fontem aquæ vivæ, qua  
„satier, hîc prorumpere, ut cognoscant omnes,  
„aliud præter te Deum non esse. Finita pre-  
„ce, sub carcere repente fons erupit; Ille ve-  
„ro Deo gratias agere, consubstantialemque, &  
„vivificam Trinitatem laudare non desistebat,  
„simul ineffabilem Dei erga homines charitatem  
„summa animi jucunditate celebrabat. Septimo ex-  
„inde die rursus impius Calvisianus B. Euplum  
„sisti vinctum ad tribunal suum imperat; neque  
„id segniter a satellitibus præstitum est. Quibus  
„fores aperientibus carceris, de improvviso ex-  
„undans aqua visa est, quæ, ut B. Euplus, quasi  
„manu increpuit, statim exaruit. Apparitores  
„vero, cum quod gestum erat, vidissent, in-  
„vicem dicebant: Magnus est hujusce viri Deus.  
„Dehinc B. Euplum e custodia ad Præsidentem  
„Calvisianum adducunt, qui contuitus vultum  
„ejus: Vel nunc dixit, immola Diis nostris, pri-  
„usquam gladio conficiare. At Euplus: Rexlex,  
„dixit, vecors, minister Diaboli, qui in eo-  
„dem throno præsides, quisnam deserta luce  
„diei graditur in tenebris? Calvisianus dicto tur-  
„batus præcipit apparitoribus, vincirent Euplū,  
„uncisque ferreis aures ejus lacerarent. Cum  
„reduceretur ad tribunal, universus populus  
„quasi ad celebre spectaculum eò convenit. Ne-  
„quissimus autem Calvisianus medio diei sel-  
„lam suam juxta carcerem locarat; ubi cum  
„sedisset, sanctissimum Euplum capite plecti ju-  
„bet. Sed B. Euplus Calvisianum rogans, ut  
„ad orandum sibi tempus concederetur, aper-  
„to sacrosancto Evangelio, mirabilia Domini no-  
stri



Anno Xpi  
304.

„ stri Jesu Christi mysteria enarrare cœpit, quo  
 „ factum est, ut per ipsum plurimi de plebe  
 „ fidem receperint. Dein intentus in preces vo-  
 „ cem hanc de cœlo audivit: Bono Euple,  
 „ animo esto. Beatus es, veni & cum his,  
 „ qui in vita complaciti mihi sunt, requiesce.  
 „ Qua accepta voce gladio percussus est. Pre-  
 „ tiosas ejus reliquias dilecti Christo Monachi,  
 „ quidam honesto loco posuere. Ubi frequen-  
 „ tes morborum curationes beneficio ejus præ-  
 „ stantur. Beatus Euplus martyrium laudabili  
 „ confessione consummavit pridie Idus Augusti:  
 „ Impp. impiis Diocletiano, & Maximiano, re-  
 „ gnante vero in nobis Dño Jesu Christo.

V. Breviarium Gallicanum de morte Eu-  
 plii hæc habet: *Sub Diocletiano nonies, & Ma-  
 ximiano septies Consulibus pridie Idus Augusti in  
 Civitate Cathanensium apud Siciliam, cum esset  
 B. Euplus extra velum secretarii, exclamavit di-  
 cens: Christianus sum, & pro Christi nomine mo-  
 ri desidero. Audiens hæc Calvisianus Consularis di-  
 xit, ingrediatur qui clamavit. Et cum ingressus  
 fuisset B. Euplus Evangelia portans, dixit Consu-  
 laris: Torqueatur, quousque confiteatur, se Diis  
 sacrificaturum. Sed cum nihil proficeret, jussit eum  
 decollari, & facta prius oratione paravit cervi-  
 cem; & septies a nullo potuit amputari, nec læ-  
 di collum ejus. Ob quod spectaculum illa hora  
 multi crediderunt in Christum. Et cum iterum  
 orasset, ut cum SS. Martyribus coronam acciperet,  
 extensa cervice, excepit gladium. Et statim de  
 collo ejus columba candida exiens tanquam nix  
 cœlos penetravit. Et vox de cœlo dicens: Euple,  
 famule Dei veni, accipe coronam certaminis fe-  
 liciter consummati.*

Varias.



VI. Varias porro animadversiones Actis S. Euplii cum Latinis, tum Græcis elucidandis edidit Cajetanus, illudque in primis de Anno martyrii discutit, quam ratione Diocletiano octies Consule, Christi ccciii. mense Augusti Calvisianus Siciliae Consularis Catanæ, proximo vero Decēbri Paschasius Syracusis dicatur. *Nam is accusatus est a Siculis, quod Provinciam prædatus esset, & nonnullis ante demortuam Luciam menses delatus erat in iudicium ad Imperatores, sive ad Senatum, quare non videtur Calvisiano succedere potuisse, qui Augusto mense Siciliam administrabat. Nam si ab Idibus Decembris, quibus Paschasius Consularis Romam, vinctus deductus est, demas eos dies, quibus accusationes provincialium e Sicilia in Urbem delatæ, cogniteque a Senatu, eosque item dies, qui intercessere, donec ab Urbe missi, qui comprehenderent, in insulam pervenerint (duos aut tres menses fuisse saltem dicendum) quid temporis administratæ Reipublicæ Paschasio dabis! Vix menses duos; Brevissimo hoc tempore, tot avaritiæ exēpla, tot scelera patrassē, ut a Provincia dimoveri, vinciri, damnavique meruerit, non videtur verosimile. Quin inde revinci potius arbitror: Paschasium aliquot ante annos Siciliam rexisse; Calvisianum vero successisse Paschasio, ac proin S. Euplii martyrium in annum consequentem rejiciendum, scribendumque his actibus Diocletiano 9. & Maximiano 8. In Gallicano Breviario, ut vidimus, ita scriptum, Diocletiano, nempe, nonies: quamvis error irrepsit in Maximiani Consulatum, qui octavus, non septimus fuit. In m. s. Vallicellensi, & Colbertino Acta Latina nonum etiam Diocletiani, atque octavum Maximiani*



Anno Xpi  
304.

ximiani, exhibent Consulatum. Hinc Clarissimus Mambritius, Ruinartius, Tillemontius, Fleury, alique Recentiores cum Bollandistis Euplii martyrium in annum ccciv. referunt. Ergo Lucia primo persecutionis anno sub Paschasio, quo exauctorato, Calvisianus Provinciam administrandam suscepit, ac sub eo Euplius martyr effectus. Idipsum Pentagori Legatio evincit *cum mandatis*, ut Græca habent Acta, *ut in quos nondum animadversum esset, omnino deleverentur*. Ante Calvisianum igitur Persecutio Diocletiani in Christianos desævire cœperat. At hæc, ut Valesius (a) scribit, & Eruditi omnes hodie contra Baronium, & Petavium, censent, Christi anno ccciii. initium sumsit; Euplii proinde triumphus in posteriorem incidit.

(a)  
In notis ad Eusebii chron.  
lib. 8.

VII. Jamvero in *Cellula* S. Martyrem a militibus inventum acta referunt, sed in Græco est in *Cellio*. An loci nomen, an Monasticum cubiculum? *Cellium* quippe est Monachorum cellula. *Igitur inclinatus animus, profectus Animadversor, ut e monasterio S. Euplium extractum censeam; ac præterea moveor, quod extremis Actis dicitur: Corpus S. Euplii a duobus monachis honestè conditum, qui sane ex eadem B. Euplii familia esse debuerunt*. An insolens pro illo ævo Monasterii nomen? Laudatus equidem Cajetanus in Isagoge ad Siculam Historiam (b) in Christi annum nonagesimum Monachorum initia in Sicilia rejicit, ac monasterium in monte Crotaleo, cui præerat Agatho intrudit. Mox Tauromenii S. Niconem Monachos adlegisse ferme ad centum, scribit, qui Martyres dehinc sunt effecti. Rursus Valeriani, & Gallieni tempore monasterii S. Stephani in pago, cui nomen

(b)  
Cap. 41. fol. 34.



(a)  
Tom. p. discipl.  
Eccl. lib. 3.  
cap. 12. n. 5.

Tyro meminit; Conjecturam denique ex hac ipsa S. Euplii vita, de Cellio ac monachis in ea memoratis, in medium adducit. Sed ut verum fatear, quæ Cajetanus congerit Criticis minime probantur: *Quod ad originem spectat monasticam*, inquit Thomassinus (a) jam præsumptum illud animo est ac omnino exploratum, non potuisse eam ante Ecclesiæ pacem Imperio Constantini partam efflorescere. Detonasset persecutionum crebra tempestas in hæc Christianæ pietatis sacraria, utque eorum originem siluisset Historia, non tacuisset certe ruinam. Cogimur ergo confiteri cum Hieronymo, & antiquis Patribus Ecclesiæ incunabula monastici instituti in ipsis Constantini Imperii primordiis collocanda esse. Italia porro ex eodem Thomassino, hoc divino semine non ante fecundari cœpit, quam Athanasius B. Antonii vitam Romam inferret; Ex Italia in adjacentes Insulas facilis ac brevis trajectus, quæ sanctimonix monasticæ deinceps fecundissima fuere seminaria. Non inficiat quosdam Ascetarum more in Ecclesiæ primordiis vixisse, at sub Regula & congregatione, speciali veste, exercitationibus, officiisque ad certas horas alligatis, & sui semper simillimis, scholis, coloniis, cœnobiis, id nusquam nisi post Antonium. Neque illa, quæ Cajetanus ex Actis martyrum profert, alique, & novissime Benvenutus (b) ex ipsa Euplii historia, congerunt, obsistere; Acta enim Græca mendis respersa, ut communiter Eruditi sentiunt, ac sublestæ fidei censenda. Sed hæc longius, quam par erat, me ab instituto revocarunt.

(b)  
De Com. vita  
Cleric. sec. 3.  
cap. 5.

VIII. Euplii Carcer superstes adhuc. Ejus parieti orientali ædícula sive loculamentum inest



Ann. Xpi.  
304.

est, ubi columella opere Corinthio (æris Corinthii legit de Angelo) in qua, fama est, simulacrum Idoli insedisse; quod Euplius suis subvertit precibus; compulsus enim, ut vulgo tradunt, exhibentque antiquæ Icones, a Tyranno thus Dæmoni adolere, mox ut thuribulum duxit, Idolum corruit. Columellam in foro olim constitutam tradit Cajetanus, translataque, & locatam in carcere docebat inscriptio, quam alibi dabimus, quum de hoc carcere fusius agemus.

IX. De mortis die dissidium inter Agiographos, sed levioris certè momenti. Surius enim ex Metaphraste *Euplii martyrium*, scribit, *ac sancta confessio completa est die xi Augusti*. Consonat Menologium Cardinalis Sirleti: *Die xi. Augusti S. Martyris Eupli*. Apud Tillemontium dies xxix. Aprilis adsignatur primæ Euplii interrogationi, secundæ vero dies xii. Augusti, qua et mortuus. Codex, unde Acta a nobis recitata exscripsit Cajetanus, in diem Augusti iv. videtur quæstionem primam rejicere, mortem in xv. S. Noteherus denique in suo Martyrologio detruncatum die xi. sepultum sequenti scribit. An hæc verior Opinio, quæ & aliorum diversas conciliat?

X. Agevero, quæ in laudato sæpius S. Hieronymi Martyrologio leguntur, paucis fortasse ex nostris civibus nota, prodamus. Consignantur in eo passæ cum Euplio Veneria, & Nericia, an Virgines? Siculæ et Catanenses. At quia de illis mentio in Latinis Actis nulla, ideo eodem die, sed non eodem anno eas martyrium subiisse, credit Tillemontius (a) Vereciam seu Nericiam, & Veneriam Syriæ tribui in vetusto Antuerpiensi Martyrologio scribit Franciscus Flo-

ren-

(a)  
In notis ad  
vitams. Euplii



(a)  
In notis ad  
Martyrol.  
Hieronymi.

rentinus (a) Ex silentio scriptorum, qui Euplio diacono Siculo socios non adduxit, Nericiam, & Veneriam dubitari posset alterius provinciae fuisse indigenas, nisi id aperte doceret ms. vetustissimum. Antuerpiense, in quo cum aliis Verecia, non Nericia, Syria, non Sicilie adscribitur; quamvis ex proxima repetita Syria voce hesitatio prorsus non tollatur.

XI. Idem Florentinus S. Serapionem Episcopum, & martyrem post Euplium diaconum statuit, cujus est apud scriptores sacros die xi. vel xii. Septembris memoria: En illius verba ad eundem diem: In Civitate Catana Eupli diaconi, & Serapionis Episcopi martyris. De Euplo diacono egimus ad diem 12. Augusti. Certaminis in eadem Urbe Catana socium Eupli diaconi fuisse Serapionem Episcopum improbable non est; Quos, licet diversa die martyrium consummaverint, disiungere tamen noluerint, qui Martyrologium scripserint; unde in die natalis S. Serapionis Episcopi Euplum ejusdem diaconum iterata veneratione addiderint. Idipsum antea adnotaverat pridie Idus Augusti, de Euplio scribens: die xii. Septembris Catana cum Euplo Serapion etiam Episcopus additur. Cajetanus (b) Euplium diaconum die xii. Septembris in sacris fastis memoratum confessorem credit ab Euplio diacono, & martyre diversum, & Serapionem Episcopum, a Ferrario inter martyres, nescit, quo fundamento locatum, quum in Adonis, Maurolyci, & Galefini Martyrologiis simpliciter legatur: In Sicilia Civitate Catana SS. Eupli, & Serapionis. Hinc ambos incertae aetatis, ac ævi inferioris dicit. In Hieronymiano demum Martyrologio, quod Acherius edidit. In Sicilia Civitate Catenas SS. Eupli diaconi, et Serapionis Episcopi, magni. An hæc vox Magni Amn-

(b)  
Tom. 2. ss.  
f. 32.



CAT. SUB ROMAN. IMPER. 321

nuensium vitio irrepsit loco *Martyris*? An-  
ceps igitur animi Serapionem per hæc tempora  
statuo, rursusque de eo sub octavi sæculi finem.

XII. Morte etiam affectos sexdecim illos  
sanctos Martyres, de quibus ad annum LXIV. in  
hac Diocletiani persecutione nonnulli contendunt,  
atque ita in Catanensi Ecclesia diu traditum  
affirmant. Per idem denique tempus S. Felix  
Thibarensis in Africa Episcopus per dies ali-  
quot Catanæ a piis fidelibus hospitio recipitur,  
dum e sede sua Romam vinculus navi vehere-  
tur. Acta apud Surium: *Jejunus Felix in portum  
pervenit, & in Civitate Agrigento exceptus est a  
fratribus cum summo honore, inde venerunt in  
Civitatem nomine Catanam, ubi similiter sunt ex-  
cepti; inde Messanam, inde Tauromenium, ibi  
similiter sunt excepti, postea per fretum navigaverunt  
in partes Lucaniæ.* Corrigit de Angelo Acta,  
quum enim excedenti Catanâ primo Tauromeni-  
um, inde Messana occurrat, hinc Tauromeni-  
um primo, mox adiisse Messanam S. Episcopum  
scribit. Acta ejusdem Felicis apud Ballutium  
tom. 2. Miscel: & Acherium in Spicilegio, de appul-  
su in Siciliam nullam ingerunt mentionem.



## CATANA

## SUB ROMANIS IMPERATORIBUS

## AB ANNO CCCXII. AD CCCCLIV.

I. **A**D Catanensis Ecclesiæ clavum sub ipsis Constantini Magni Imperii initiis sedisse S. Severinum Acta translationis S. Agrippinæ Virg. & Mar. Romanæ testantur: *Ergo ædificata ab Euprepia Ecclesia, ac S. Severino Catanensi Episcopo ad id muneris accersito consecratur in honorem Dei, & Martyris Agrippinæ vi. Idus Junii, Imperatore Constantino, & quiescente per Dei beneficium Ecclesia.* Memoratur noster Episcopus Cajetano, Pirro, Goffo, & aliis, qui nedum S. Agrippinæ ædem Mænis illum consecrasset, sed ejusdem Sanctæ Virginis Corpus sollemni ritu deposuisse anno circiter cccxii. scribunt. Severini ad cælum transitum die viii. Junii annua celebritate Catanensis Ecclesia venerabatur, ejusque vitam ex antiquis erutam monumentis penes Cajetanum asservatam tradidit Goffus. Verum in opere, quod lucem jam adspexit, nihil tale editum, doletque Author, de Severino scribens, quod præter memoriam nominis, ævique, quo vixit, cætera longe potiora, ne posteris memorarentur, tempora oblitterarunt.

II. Per idem tempus munifica Constantini Sacris Romanæ Ecclesiæ ædibus donatio inter



Ann. Xpi.  
324.

ter alia bona *Massam* (\*) recenset in *Castis*, seu in *Capris*, ut apud Labeum legitur, in territorio *Catanensi* præstantem solidos mille, & *Massam Trapeas* in eodem etiam territorio præstantē solidos mille sexcentum & quinquaginta. Est in agro *Catanensi* sub *Ætna* amplissimus fundus *Capraria* appellatus. An idem, qui *Romanæ Ecclesiæ* a *Constantino* legatus, retinet adhuc fortasse nomenclaturam? *Massam Trapeas* eo in loco sitam putat *Grossus*, ubi nunc pagus, cui a *Trapeto* nomen. Illud non omittendum, nulli ditiores fundos in laudata *Constantini* donatione *Ecclesiæ Romanæ* adsignatos; præstabant quippe solidos (\*) bis mille sexcentos & quinquaginta, quos neque *Sardinia* insula, neque horti, & agri intra *Romanos* fines conclusi reddebant. *Catanenses* *Massæ* servitio luminum deputatæ; *Romani* redditus bis mille tercentos solidos non excedentes sacro fonti cum aliis adsignati. Donationem hanc anno cccxxiv. reponit *Baronius*.

III. Jamvero ejusdem Magni *Constantini* opera apud *Nicæam* Generale Concilium tercentum, & amplius *Episcoporum* adversus *Arium* cogitur, inter quos *Siculos* etiam assedisse cum aliis *Occidentalibus* ex uno *Capitone Siculo* incertæ sedis ab *Athanasio* memorato colligunt *Historici*, quamvis in ejusdem Concilii actis *Occidentalium* nomina exciderint. *Damnato Ario*, ac *Fidei Catholicæ* articulis firmatis, *Nostri* e  
Syn-

---

(\*) Est *Massa Mansus*, seu fundus, possessio, villa, unde *Massarius*, et lingua vernacula *Massaria*.

(\*) Est solidus 72. portio libræ auri, seu sexta unciæ pars, ut *Joannes Fridericus Gnovius* lib. 4. de veteri pecunia cap. 15. statuit, ac *Julius Romanus* 15. respondet.



(a) *Appar. d. Bibl. §. 4. Cajeta. Isag. c. 36.* Synodo reduces, teste Mongitorio (a) Provincia- *Ann. Xp*  
le Concilium convocarunt, quæque in Niceno  
universali rite sunt constituta, Nicenæ fidei for-  
mula suis proposita, confirmarunt, ut ex Epistola  
ejusdem Athanasii ad Africæ Episcopos colligitur.

IV. Anno cccxxxvii. Constantinus Im- *337*  
perator tribus filiis Imperio diviso, e vivis ex-  
cessit, Sicilia Constanti obvenit, quo mortuo Cō-  
stantio paruit. Sub eo Sardicense Concilium  
congregatum, assidentibus inter tercentos sexa-  
ginta duos Patres Siculis etiam Episcopis (b)  
*Cajet. loc. cit. Angelo An. Sic. Sec. 5. §. p:* Athanasium restituit, damnatisque iterum Arian-  
dogmatis Nicenam fidem probavit. Post Con-  
stantium Julianus Orbis regimen affecutus blā-  
dum in Christi fideles, sed eo perniciosius bellū  
indixit. Notat Libanius Sophista apud Carusium  
(c) *Sic. His. lib. 1:* Juliani ætate plures atque insigniores Sici-  
liæ Urbes terremotu periisse. An etiam Cata-  
na? magnamque annonæ penuriam universum  
pene imperium devastasse. Periit Julianus bien-  
nio nondum Imperii exacto, post quem Jovinia-  
nus optimus Princeps mensibus octo obtinuit.  
Huic in Occidente Valentinianus studio in Fidem *363*  
Catholicam commendandus, in Oriente vero Va-  
lens vitiis, crudelitate, atque Ariana perfidia  
insignis, successores designantur.

V. Sub idem tempus altera in Sicilia Pro-  
vincialis Synodus coacta Nicenam fidem denuo  
firmavit; At Macedonianos per dolum ad com-  
munionem admisit. De ea in Actis Conciliorum  
Labeanæ editionis Tom. 2. Terræmotus etiam  
ingens Urbem, ac Siciliam rursus, teste Paulo  
Diacono adeo concussit, ut mare littus præ-  
tergressum, Urbesque innumeræ solo equatæ  
ingentem populi multitudinem absumpserint. Hi-  
sce



*Ann. Xpi.* sce malis, cladibusque subjectam Catanam suspi-  
cari; culpanda tamen scriptorum incuria, ac  
temporum calamitas, quod nedum Catanae, sed  
& totius Insulae memorabilia toto hoc saeculo,  
alto premantur silentio. Vix enim credibile, ut  
caetera omittam, Aetnae incendia a Decii tempo-  
re ad hanc usque aetatem siluisse.

375. VI. Valentinianum Gratianus, & Valentinianus  
ii. ejus filii excepere; sub quorum Imperio Oc-  
cidentis Provinciae, atque in primis Sicilia saeva  
contagione depopulatae. Gratianus porro oneri  
impar Theodosium regni socium sibi adscivit, in  
quo uno tandem rerum summa coaluit usque  
395. ad Anni cccxcv. initium, quo Arcadius, &  
Honorius Theodosii filii, ille Orientis, hic Oc-  
cidentis regimen sunt nacti. Honorius lege  
undique lata anno cccxcviii. cultum idolorum  
398. gravissimis poenis indictis damnavit, diruique de-  
lubra praecipit. Tunc, si Carusio credimus (a)  
celebris Deorum Palicorum ara, ac templum, quae  
in finibus, ut alibi diximus, Catanae sita, at-  
que alibi passim per Insulam Daemonum aedes  
solo aequatae, quarum aliquot sacrificio, cultori-  
busque profanis destitutae Christiano ritu initi-  
antur.

(a)  
*Sic. Hist.*  
*lib. 9.*

VII. Insequens Saeculum orbi, & Siciliae  
infaustum; parum quippe abfuit, quin Pelagia-  
na Haeresi, quae altas ubique egerat radices, to-  
ta Insula inficeretur. Mox Alarici Gothorum  
Regis minis tentata, non sine prodigio a barba-  
rorum incursionibus servatur. Hinc Paulus Dia-  
conus (b) *Gothi*, ait, *per Campaniam, Lucani-*  
*am, Brutiumque simili strage debacchantes Rbegi-*  
*um pervenere, in Siciliam transfretare cogitantes,*  
*qui cum transmeare ascensis navibus vellent, per-*

(b)  
*Lib. 3. de Bel.*  
*Gothico.*



pessi naufragium, plures suorum amiserunt. Alaricus inter hæc, et dum quid ageret deliberaret, apud Cosentiam morte subita defunctus est. Sed Photius in Bibliotheca ex mente Olympiodori rem ita enarrat. Rhegium Metropolis est Brutiorum. Ibi hoc pacto refert Historicus, Alaricum, dum in Siciliam trajicere parat, territum fuisse. Statua enim, inquit, inaugurata ibi stans trajetum vetabat. Fuerat vero hæc, ut fabulantur, ab antiquis inaugurata, cum ut Ætnæ montis ignes averteret, tum ut maris transitu barbaros prohiberet, altero enim pede perpetuum ignem, altero vero perennem aquam premebat. Ea igitur statua confracta, tandem, & Ætnæo igne, & a Barbaris Siciliam accepisse. Eversam vero statuam ab Asclepio, qui in Sicilia possessionum Constantis, & Placidie Curator erat. Quæ profecto non arguunt statuam ad orientale Siciliæ litus stetisse, et ab Ætna inflammata, ut Georgius Gualtherius interpretatur (a) Nec vero in Insule commodum locari potuit; quò enim in alieno eam collocassent solo! ait Avercampus (b) verum in ipsius Rhegii, ne scilicet vel Ætna montes limites supergressa, ipsam afflaret Rhegium, vel mare exuberans fines inundaret; quasi ita ignis alteri pedis aquam restingueret, aqua vero alteri pedis pariter ignem. Quamvis autem hæc ex vana gentium superstitione conficta observet, passam tamen fuisse damnum ex Ætnæ incendiis Siciliam laudatus colligit Carrera circa annum ccccx. Idque ex Olympiodori verbis apud Photiū colligit. Potissimum, quod Barbaricæ incursiones tot per Siciliam consequutis temporibus fuere, ut sinceram circa Ætnæa incendia Historici fidem arguere non immerito liceat; quamvis in

caussa

(a)  
 In Tab. Sicil.  
 cap. 19.

(b)  
 Mon. Ætnæ  
 lib. 1. cap. 13.

Ann. Xpi.  
 410.

420.



Anno Xpi. caussa adsignanda, ad statuæ scilicet subversionem  
cum clades, tum ignes referens, calamo Olym-  
piodorus uti Ethnicus cespitaverit.

423. VIII. Honorio Imperatore mortuo Theo-  
dosius, qui loco Arcadii Patris in Oriente re-  
gnabat Valentinianum III. adhuc quinquennem  
Cæsaris donatum titulo in Italiam misit anno  
ccccxxiii; qui mox Augustus salutatus sub Placi-  
diæ Matris tutela regimen assumpsit. Sub eo an-  
no ccccxix. Domninum Catanensem Episcopum  
430. quartum post Beryllum nostri statuunt, atque  
œcumenicæ Ephesinæ Synodo sub Cælestino pri-  
mo indictæ interfuisse credunt. Grossus superstitem  
ad annum ccccli. quo Chalcedonense Concilium  
celebratum, facit, sed labitur; inter Patres e-  
nim Chalcedonensis Domnini Episcopi nomen  
desideratur. Relata in eo Ephesini Actio cum  
Domnini subscriptione erroris caussa Grosso fu-  
it; At Pirrus, et Cutellius in ms. Catanen-  
sium Episcoporum Catalogo id advertunt, ac in-  
ter Ephesinos Patres enumerant quidem, neuti-  
quam vero inter Chalcedonenses. Verumenim-  
vero ab exemplari codice Conciliorum Surianæ  
editionis deceptos ita scripsisse constat; in quo  
Actione prima Concilii Chalcedonensis relegitur  
Actio sexta Ephesini cum subscriptionibus, ac  
in his Domninus *Carthagensis*, sive ut in margine  
notatur, *Catanensis Episcopus* refertur. Collatis por-  
ro aliis Ephesinæ Synodi Actionibus, Domni-  
nus quidem subscriptus legitur, at modo Epi-  
scopus *Cotiæ*, nunc *Catanæ*, seu *Cothiæ* *Provinciæ*  
*Phrygiæ Salutaris* dicitur. Quod ergo in relatio-  
ne Actionis sextæ facta in Chalcedonensi *Cartha-*  
*gensis*, seu *Catanensis* vocetur, amanuensium incu-  
riæ tribuendum.



IX. Cæterum in Labeana novissima editione, *Ann. Xpi.*  
 quæ aliis correctior, *Catane*, *Cotyæi*, & *Cutie* 430.  
 Episcopus Domninus appellatur, et si Actione  
 prima Domnini loco *Rheginus Constantiæ*, & in  
 margine *Cattaniæ* subscribat. At quis Rhegi-  
 num ideo Catanensibus Episcopis accenseat? De-  
 nique in ipso Concilio Chalcedonenfi juxta La-  
 beanam Chrysogonus Presbyter Actione secun-  
 da, & sexta locum tenens Pauli *Catanensis* Epi-  
 scopi subscribit, & alibi *Cantanensis*, *Cantani*  
*Candiæ* dicitur; neque idcirco Paulum nobis usur-  
 pamus. Variant, inquires, Exemplaria, nec cer-  
 tum omnino, cui standum. Quid, si Ecclesia-  
 stica refragatur historia? In *Synodo Ephesina*, ait  
 Thomas de Angelo, *Domninum occidentalem E-*  
*piscopum constituere, Ecclesiasticæ Historiæ verita-*  
*tem non redolet; cum eodem anno Cælestinus Ro-*  
*manus Pontifex sacra Theodosii Imperatoris accepta,*  
*Occidentalium Episcoporum conventum Romæ pere-*  
*gerit; & in eo soli Legati ex occidentalibus sele-*  
*cti Archadius, & Projectus Episcopi, & Philip-*  
*pus Presbyter, atque in Orientem missi, qui Cæ-*  
*lestini Pontificis vices in Ephesino Concilio subi-*  
*rent ex solis Orientalibus congregato.* Id vero ex  
 relatione Concilii ad Imperat: quæ prope finem A-  
 ctionis 3. nectitur, ex Pagio, & de Alexandro, ali-  
 isque colligit. Quæ quum ita sint, ac veritati  
 magis consonum videatur Domninum expungere,  
 non est, cur illum nobis adjudicemus.

X. Sub Valentiniano primus in Insulam. 436.  
 Vandalorum incursus, quem alii cccxxxvi. salu-  
 tis anno, nonnulli post triennium reponunt, Cas-  
 siodorius vero in ccccxl. rejicit. Eo mariti-  
 mæ Urbes more piratico depopulatæ, ac Panor-  
 mus obsidione pressa. Verum Cassiodorio senio-  
 re



Ann. Xpi. 440. re Duce Barbari majori ex parte in fugam acti,  
 442. armisque deleti, reliqui cum Genserico eorum  
 Rege in Africam ad propria tuenda sunt revo-  
 cato fœdere recesserunt, unde optata Siculis trā-  
 quillitas eluxit.

454. XI. Hac frui pace vix porro datum; quan-  
 doquidem Valentiniano occiso, Gensericus spre-  
 pacis religione ad Siciliæ prædam animum adje-  
 cit. *Post mortem vero Valentiniani inquit, Proco-*  
*pius (a) aliquot annos Veris tempore longas fecit*  
*prædando, aut populando excursiones, nunc in Sici-*  
*liam, nunc in Italiam, Civitates insuper partim*  
*diripiendo, partim solo æquando; Ubi vero omnia*  
*delevit, ad Orientis conversus imperium, Illiri-*  
*cum omne simul, & Peloponnesum, hisque adja-*  
*centes Insulas cum reliqua Græcia invadit. Ad*  
*Italiam rursus Siciliamque revertens, si quid erat*  
*reliquum diripuit. Ab hoc sane tempore Sicilia*  
*pene sub Vandalis, & Gothis principibus jugo*  
*barbarico oppressa diu ingemuit.*





## CATANA

## SUB REGIBUS VANDALIS,

## ET GOTHIS.

(a)  
Epif. S. Le-  
vis post 63.

I. **S**iciliæ insulam post Valentiniani cædem Gensericum obtinuisse, ac superbe defendisse Victor Africanus testatur, & Paschasini Lilybetani Episcopi ad Leonem Pontificem docet Epistola, qua ille nuditatem suā, durissimamque deplorat captivitatem (a) sub Vandalorum jugo. Severo Principe, Marcellinus Patricius tanta clade Vandalos contrivit, ut tantum non deleverit, ac Flavii Ricimeris opera, anno CCCCLXVIII. Gensericus ipse ad Agrigentū, cæsus fugatusque dicitur apud Sidonium Apollinarem. Eundem denique, post ejectum Augustulum ultimum Occidentis Imperatorem, Odoacri, cui tota pene Italia subdebatur, Siciliæ insulam vendidisse, refert Tillemontius. Quæ sane evincunt Vandalos ad annum CCCCLXXVII. Varia fortuna Siciliæ Regnum tenuisse, tandemq: Odoacri cessisse.

Anno Xpi.  
461.

468.

477.

(b)  
Dec. 2. lib. 5.  
cap. 3.

II. Odoacre occiso Theodoricus Italia positus, quò Regni Italici fines amplificaret, Siciliam magna classe adortus eam tandem cum circumjacentibus insulis suo adjecit Imperio, ut scribit Fazellus (b) & Cassiodorium juniorem, qui erat illi a secretis, ad turbas aliquot sedandas, eò non multo post ablegavit, ut ex Epistola tertia libri primi ejusdem Cassiodorii colligitur. Anno circiter

493.



no. 498. circiter cccxcviii. Senatus Populusque Catanensis ab Theodorico Rege expetiit, ut diruti Amphitheatri ruderibus ad Urbis mœnia reparanda uterentur. Quibus ille rescripsit sub hac forma. *Honoratis Possessoribus, Defensoribus, & Curialibus (\*) Catanensis Civitatis Theodoricus Rex: Optabilis nobis est & grata devotio, quæ bonam præcesserit jussionem; & merito acceptum redditur, si id quod possumus imperare poscatur. Felicitas enim Regnantis est, famulantes amare, quod expedit, quando nobis labor cogitationis auferitur, dum subditi sibi profutura disponunt. Atque ideo suggestionis vestræ tenore comperto, quam charitate civica in communiendis mœnibus suscepistis, absolutam hujus rei vobis censemus esse licentiam. Nec quicquam de hoc revereamini, unde gratiæ nostræ expectare præmia mox debetis. Vestra enim munitio nostra est nihilominus fortitudo, & quidquid vos ab incerto eripit, famam nostræ defensionis extendit; saxa ergo, quæ suggeritis de Amphitheatro longa vetustate collapsa, nec aliquid ornatui publico jam prodesse, nisi solas turpes ruinas ostendere, licentiam vobis eorum, in usus dumtaxat publicos damus, ut in murorum faciem surgat, quod non potest prodesse si jaceat. Quo circa perficite confidenter quidquid cautio ad munimen, quidquid ornatus expetit ad decorem: tantum nobis scituri gratum fore, quod facitis, quantum exinde gratia se vestræ Civitatis extulerit. (a)*

515. III. Sub eodem Theodorico Sæculi sexti initio Fortunatus Catanensis Episcopus effloruit. An etiam origine noster? Hunc Ormisda Romanus

(a)  
Cassiod. lib. 3.  
Var. Epist. 49.

(\*) Magistratus Catane Possessores, Defensores, & Curiales hic intelligit.



manus Pontifex cum Ennodio Ticinensi Episcopo Viro clarissimo, sanctitate ac doctrina celeberrimo, Venantio Presbytero, & Vitaliano Diacono ad Anastasium Imperatorem Eutichiana hæresi infectum Legatum transmisit ad explorandum, num res ab eodem Imperatore, qui ad Concilium Generale Pontificem invitaverat, serio ageretur, paratumque eum invenirent, ad Concilii Chalcedonensis professionem, & S. Leonis Epistolam recipiendam. Constantinopolim ergo legati appulsi, a vaferrimo subdoloque Principe excepti, summisque honoribus decorati, omnia pene ad votum obtinuisse sunt visi. Simulata enim pietate, ut infensum sibi populum conciliaret, militesque adversantes ad destituta signa revocaret, articulis fermè omnibus ab Legatis exhibitis ille subscribens, atque Ormisdæ postulatis libentissime acquiescens, uni tantum dissensit, quod Byzantino catholico populo ingratum esse sciebat, de Acacii nomine olim Episcopo ejusdem urbis damnando. Quam natus ad Orthodoxos fallendos opportunitatem, quum temporis dilatio ad suam causam conducere, Legatos bona spe innutritos ad sequentem usque æstatem retinuit, omnibusque humanitatis officiis est prosecutus. Hæc Baronius <sup>(a)</sup> qui Miscellæ Historiæ authorem arguit, nedum salubria Legatorum monita sprevisse Augustum, sed eos potius e suo conspectu non sine contumeliis expulisse, scribentem. Quæ sanè secundæ legationi ab eodem Ormisda institutæ conveniunt. Vitandus hinc Grossus, qui etiam secundam cum prima legatione confundens, plura infarcit, quæ nostrum Fortunatū prorsus dedecet.

(a)  
Tom. 6. Annal.  
ad ann. 515.

Sequenti



Ann. Xpi.  
516.

IV. Sequenti anno detentos diu Fortunatum ac socios, magna spe alitos uniendæ Ecclesiæ, Anastasius dimisit, illisque Theopompum Domesticorum Comitem, & Severianum sacri Consistorii Præfectum suos ad Ormisdam Legatos addidit una cum litteris, in quibus suam Imperator confessionem inseruit. Hæc adeo sincera cuique videbatur, ut si rerum eventus dictorum fidem probasset; haud re inconfecta rediisse bona fide Legatos Author Libri Pontificalis diceret (a) Profecto enim in Augusti mentem penetrare solius erat Dei; neque de illius perfidia Pontifex ipse edoctus antea novit, quo blandimenta tenderent, quæque venena sub honorificæ Legationis melle delitescerent, nisi postquam Comites a fide alienos, atque hæreseos Eutichianæ defensores didicisset. Hæc paullo fusius recitata, ut Fortunati nostri Legatio, atque in Ecclesiam merita innotescant; nec enim leve Urbis Catanæ ornamentum Fortunatum Episcopum habuisse. Cæterum si ex Ennodii Ticinensis virtute Fortunati collegæ pensare merita velimus, hunc profecto nulli ex nostris Episcopis, aut saltem paucis comparabimus. De eo S. Gregorius Papa in Dialogis, Philippus Bergomensis in Chronico, & Genebardus, Episcopum Fortunatum multa prosa, ac versu scripsisse, quibus Ecclesiam illustravit, asserens in Chronico. Ennodii Elogium ac vitam habes apud Sirmondum, qui ejusdem edidit opera.

(a)  
Anast. Bibli.  
in vita Horm.

526.

V. Longum Theodorici Regnum Italiæ ac Siciliæ diuturnam peperit pacem. Eo autem e vivis excedente Christi anno dxxvi. penes Amalasuntham imperii summa stetit, quæ pro filio Athalarico adhuc puero administravit. Hæc

K k k k

cum



cum Justiniano Orientis Imperatore amicitias junxit, ac diu coluit; Hinc quum ad Africam expugnandam a Gilimere Vandalorum Rege oppressam, Bellisarium anno dxxxiv. ille immisisset, ut commeatum, suppetiasque classi circum Insulæ littora enaviganti juxto exoluto pretio Siculi suppeditarent, ab ea expetiit, atque impetravit. Movit autem Bellisarius Methone cum navibus, & primo Zacinthum venit, mox levi vento, diebus sexdecim, in Siciliam delatus Ætnæ montis fines, & Catanzæ forte littus attigit, unde Procopium Syracusas clam visitatum misit, tandemque in Africam vestus illam in libertatem asseruit.

534.

VI. Athalaricus vix decimum, & sextum ætatis, atque octavum Regni annum emensus, ante matrem fato functus est. Hæc vero Gothos verita, in Theodorum consobrinum Theodorici nepotem sceptrū transtulit, cū quo & thorum communicavit. Sed homo pecuniæ avidus, regnandi ignarus, eò præter spem evectus, egregiam feminam, ac de se optimè meritam in Vulsini Lacus insulam prius relegatam occidi jussit.

535.

VII. Amalasunthæ necem ulturus Justinianus Petri Legati opera restitui sibi a Theodoro Italiam, Siciliamque expostulat, quod si abnuat, bello se eas repetituum minatur. Ille pertæsus belli incommodi, ac sibi metuens, certis sub conditionibus assensit; mox Gothorum minis territus, fidem fefellit: Itaque Bellisarium magno armorum apparatu, simulata nova in Africam expeditione, Augustus in Siciliam festinare jussit anno Imperii nono, Belli Gothici a Procopio descripti secundo. *Hoc tempore, ait idem Historicus (a) Belisarium recens de Gelimere, Vandalisque reportata victoria commendabat.*

(a)  
Belli Goth.  
lib. p. cap. 50.



Imperator vero simul ut de Amalasunthæ casu fa-  
 ctus est certior, bellum suscepit annum agens im-  
 perii nonum. Belisarius appulsa in Siciliam clas-  
 se potitus est Catana, inde movens Syracusas de-  
 ditione, cæterasque Urbes labore nullo recepit præ-  
 ter Panormum, quam nondiu expugnavit. E  
 Joannes Magnus Episcopus Hispalensis (a) Be-  
 lisarius cum classe ex Græcia profectus . . . nactus  
 occasionem Civitatem Catanensem, quæ inter præ-  
 claras Siciliæ civitates tunc putabatur, adortus,  
 repente occupavit. Ab Urbe Catana auspicatus  
 Bellisarius Siciliæ recuperationem illâ felici omi-  
 ne receptâ reliquam pene insulam subegit, ac  
 Græco adjecit Imperio. Sed præstat Fazellum  
 audire rem fusiori stylo prosequentem (b) Tur-  
 batis Gothorum rebus, Belisarius cum classe na-  
 vigavit in Siciliam; habebatque peditum delecto-  
 rum copias satis magnas, quibus præerant Con-  
 stantinus Bessa, & Herodianus; Equitibus vero  
 etiam numero satis validis Valentinus, Innocen-  
 tius, & Magnus, quibus omnibus supremus ille Dux  
 imperabat. Proinde secutus Justiniani imperium,  
 cum se Carthaginem petere confingeret, Siciliam  
 in transitu applicuit, neque ibi quidquam hostile  
 ab initio molitus est, sed quasi reficiendorum mi-  
 litum causa in iis locis, alia atque alia dissimu-  
 lans tamquam inde exercitum in Africam traje-  
 cturus, tempus terebat. Subinde opportunitatem  
 nactus, Catanam Urbem ex inopinato adortus,  
 superatis Gothis, qui ibi præsidio erant, occupat;  
 mox copias ostentans non alienam personam gere-  
 bat, sed aperte ad Siciliam se a Gothorum ser-  
 vitute redimendam venisse fatebatur. Deinde non  
 multos post dies Syracusas petiit, quas parvo la-  
 bore, deditibus se civibus cepit; quas secute plu-  
 rimæ

(a)  
 Hist. Goth.  
 lib. 10.  
 cap. 15.

(b)  
 Dec. 2. lib. 5.  
 cap. 3.



*plurimæ Civitates certatim quodāmodo in ejus po-* Anno Xpi.  
*testatem venerē.* Huc usque Fazellus, qui mox 535.  
 Panormi deditionem subdens totius Siciliæ do-  
 minium, xviii. anno, postquam illa à Gothis  
 fuerat occupata, Græcis cessisse, scribit. Verum  
 quum jam ab anno cccxciii. Insula sub Go-  
 this fuerit, ut vidimus, post annum xlii. Græ-  
 corum in ea Imperium potius statuendum. 536.

VIII. Insequens annus felicior Siciliæ ac-  
 cidit ob S. Placidi eximii Monachorum Patriar-  
 chæ Benedicti discipuli appulsum prope Messa-  
 næ portum, exinde enim Sacra Benedictina fa-  
 milia per insulam universam diffusa, ac propa-  
 gata, adeo profundas egit radices, ut aliquan-  
 do supra centum triginta ejusdem Instituti Cœ-  
 nobia recenserentur, perfectissimis Ascetis refer-  
 ta. Quod autem rem nostram propius tangit,  
 donatio est a Tertullo Placidi Patre Casinenfi  
 Monasterio facta, in qua *Modia quinque millia*  
*centum quinquaginta terrarum enumerantur, ju-*  
*xta Civitatem Catanensium, cum Ecclesiis, Villis,*  
*Sylvis, Aquis &c. ad eas pertinentibus.* Habes in-  
 tegrum donationis hujusce instrumentum apud  
 Pirrum (a) aliosque.

(a)  
 Sic: Sac: lib: 4.  
 par: 2: not: f:

IX. Per idem tempus Bellisarius obfessa  
 Urbe Neapoli, eaque mox capta, Romam ag-  
 greditur, ac facili negotio expugnat. Inde a  
 Vitige, quem Gothi Theodoro subrogaverant,  
 ipse intra Urbis mœnia obsidetur, nec multo post  
 eo fugato, variisque cum Gothico exercitu com-  
 missis præliis, victor tandem Vitigem ipsum ca-  
 ptivum ad Imperatorem adducit. Gothi Ildiba-  
 dam, mox Eraricum Reges sibi adsciscunt, qui-  
 bus interfectis Totilam assumunt. Hic bello cō-  
 tra Romanos instaurato Gothorum res erigit,  
 Urbem-



Anno Xpi. 544. Urbemque obsidione premit anno DXLIV. Belli Gothici nono.

X. Interim variæ in Ecclesia excitæ turbæ, Orientaliumq: complures se ab Romana Apostolica Sede abalienavere, atque ab orthodoxa fide defecerunt. Quibus malis, ut occurreret Justinianus Augustus Vigilium Romanum Pontificem Constantinopolim enixis precibus invitavit. Vigilus diuturnæ obsidionis incommoda pertæsus, ac simul periclitanti Ecclesiæ opem laturus, Româ abscedens, primo in Siciliam venit, nostrâque Urbem sua præsentia nobilitavit, quin ex patrimonio, quod satis pingue in hac insula Romana habebat Ecclesia suis civibus succurrendû ratus, quamplures frumento onustas naves in portum Romanum transmisit. Eodem tempore, ait Procopius. (a) *Vigilius Romanus Pontifex e Sicilia, ubi morabatur, onustas frumento naves quamplurimas misit, persuasum habens eos, qui imposita ratibus onera agerent, Romam quomodocunque ingredi posse.* Mense deinde Decembri in maximo Catanensi Templo ordinationem habuit, qua Presbyteros, sacrosque Diaconos consecravit, & ex his Ampliatum Presbyterum Vicedominum suum Romam misit, Valentinum vero Episcopum ad Cleri gubernationem sui Vicarium delegavit. Valentinus hic Sylvæ Candidæ Episcopus a Baronio, SS. Rufinæ, & Secundæ ab Anastasio Bibliothecario dicitur, & navibus impositus ab laudato Procopio cum aliis asseritur. Hinc naves onustas e Catanensi portu solvisse, quod Catana frumento feracior præ aliis insulæ civitatibus audit, jure optimo credimus. De Vigilii porro itinere ita Anastasius (b) *Qui ingressus Siciliam in Civitatem Catanensem permissus est facere ordina-*

(a)  
Belli Goth.  
lib.3. cap.15.

(b)  
In vita S. Vigili Pap.



tionem per mensem Decembrem Presbyteros, & Diaconos, in quibus transmisit Romā Ampliatum Presbyterum, & Vicedominum suum, & Valentinum Episcopum ad SS. Rufinam, & Secundam ad custodiendas Lateranas, & gubernandum Clerum. Eadem Baronius, & Ciaconius habent, sed hīc duplicem videtur agnoscere Vigiliū in Siciliam adventum, alterum durante Urbis obsidione, ut ejusdem vitaret molestias, alterum, quum Theodoræ Augustæ opera, ut Anastasius testatur, Vigilius Constantinopolim in judicium vocatus, vi perductus fuit. In Siciliam vero, de secundo itinere loquitur, perveniens, concedentibus, qui captum ducebant, quosdam ad sacros ordines adscrivit, ex hisque Ampliatum Presbyterum, & Valentinum Episcopum, qui Clerum, & Romanam Ecclesiam interim gubernarent. At fallitur cum suo Anastasio, ut Baronius, Pagius, & de Alexandro hīc observant, semel enim Vigilius in Siciliam navigavit, nec vi compulsus, sed liber, ut Justiniano Augusto morem gereret.

(a)  
In Addit.  
ad Ciaconium

X. Oldoinus (a) Decii Mediolanensis Episcopi, & Antiochenſis Patriarchæ Legati cum Vigilio conventum Catanæ proculdubio gestum etiam commemorat: At Justinianus cum quamplurimos primarum sedium Orientalium Episcopos e sui sententia cerneret aversos, & ad Vigiliū Papæ arbitrium commissum esse discrimen illud, & ex ejus voluntate omnia pendere, necessarium fore existimavit ipsum Romanum Pontificem Constantinopolim advocare. Quod fecit anno DXLVI. ipsum summa celeritate venire rogans. Nec abnuit Vigilius, aut moratus quidem est; eodem enim anno recessit ab Urbe, & se contulit in Siciliam, qua in insula hyemem transegit, ut scribunt



nn. Xpi. 546. bunt Facundus, & Procopius, ambo illius temporis Scriptores. Quare aperti mendacii redarguitur Anastasius, & Ciaconius Anastasii sectator, dum alias profectionis Vigilii Constantinopolim causas fuisse asserit, ac subtractum violenter ab Urbe, insectatumque jurgiis, & blasphemiiis tradit; res enim adeo ignominiosa minime latere potuisset Authores suorum temporum historias accuratissime prosequentes; cum igitur in Siciliam Vigilius pervenisset, obvium habuit Datium Mediolanensem Episcopum Constantinopoli venientem, & Legatum suscepit ab Ephræmio Episcopo Antiocheno missum, a quibus cuncta, quæ Constantinopoli circa tria Capitula gesta essent, exploratius intellexit, litteras statim Constantinopolim scripsit, quibus nequid innovaretur usque ad sui adventum jussit. E Sicilia laboranti fame Urbe, frumentum misisse testatur Procopius. Catanæ ordinationem habuit mense Decembri, ordinavitque Presbyteros, ac Diaconos. Pergit dehinc Oldoinus erroris arguere Anastasium dicentem pervigilio Natalis Domini Vigilium Constantinopolim adpulisse; mense enim Decembri ordinationes Catanæ habuit Pontifex, naves inde Romam direxit; haud potuit igitur tanto emenso itinere, die xxiv. ejusdem Regiam Urbem adire. Sed ex Procopio (a) discimus Vigilium exacta hyeme anni xi. Belli Gothici Bizantium venisse; non ergo die xiv. Januarii, ut Grossus tradit in suo Diario, Catanâ excessit.

547. XI. Sequenti anno Totilas Romam jamdiu obsidione afflictam quorundam militum perfidia, ac Bessæ Ducis incuria tandem expugnavit, ejusque muros variis in locis diruit, (b) itaut ruinæ, inquit Procopius (b) tertiam fere totius

(a)  
lib. 3. cap. 16.

(b)  
lib. 3. cap. 22.



totius ambitus partem efficerent . Mox vario Mar- Ann. Xpi  
 te cum Bellisario pugnavit , arces urbesque per 547 .  
 Italiam , integro biennio modo omittens , modo  
 recuperans , victor modo , modo profligatus ; tan-  
 dem Româ secundo potitus ad invadendam Sici-  
 liam anno xv. belli Gothici Christi vero DL. pro-  
 peravit , quam nemine obsistente depopulatam. 550 .  
 diu affixit . Tum , prosequitur Procopius (a) equo-  
 rum aliorumque pecudum abacta ingenti vi , fru-  
 mento , ac ceteris omnibus frugibus ex insula con-  
 vectis , cunctis denique opibus sane maximis in na-  
 ves impositis , inopinato excessit , atque Italiam re-  
 petiit , hac causa ad id impulsus : Non ita pridem  
 Romanum quemdam Spinum nomine ortu Spoletinū  
 Totilas Quæstorem suum creaverat . Hic vir dum  
 in Urbe Catana mœnibus exuta moraretur , casu  
 quodam in manus hostium venit . Liberandi illius  
 cupidissimus Totilas captivam nobilem feminam Ro-  
 manis pro ipso obtulit . Negarunt Romani virum  
 Quæstoris dignitate insignem bene cum femina cō-  
 mutari . Hinc veritus Spinus , ne ab hostibus neci  
 daretur , Romanis promisit se statim Totilæ per-  
 suasurum , ut relictâ Sicilia universum Gothorum  
 exercitum trajiceret in Italiam . Remissus ergo  
 Totilæ persuasit ; hinc relictis ille quatuor in-  
 locis firmioribus præsiidiis , cum omni præda cæ-  
 terisque copiis in Italiam transfretavit . An por-  
 ro Totilæ vi Catana muros amiserit , an non-  
 dum hi sub Theodorico , ut vidimus , reparari  
 cœpti , fuerint Totilæ ævo absoluti , incertum .  
 XII. Hæc Gothorum migratio a nonnullis 551 .  
 anno DLII. statuitur , sed rectius alii in DLI. re-  
 jiciunt . Cæterum non diu Gothi , tota Sicilia  
 excedere , ne relictis præsiidiis ab Artabone co-  
 acti sunt , Græcisque Imperatoribus Insula nostra  
 hosti-

(a)  
lib. 3. cap. 40.



*Ann. Xpi.* 552. hostibus demum undique profligatis, anno belli Gothici xviii. pacifica obvenit. Barbaris in Sicilia integro pene sæculo dominantibus Catanam Episcopos habuisse, quorum nomina interire, ultra Fortunatum, de quo egimus, non ambigo. *Ecclesiam S. Joannis Hospitalis Catane* erexisse Stephanum Syracusanum Episcopum ex quodam antiquissimo Catalogo eruit Scobar. *Tēplum D. Joannis Hospitalis Catane id esse*, ait Pirrus, quod ad nostra tempora maximam antiquitatem redolens durat. Commenda est militaris Ordinis S. Joan. Ierosolymitani de Flore nuncupata. Vixit porro Stephanus circa annum dxxxii. Belisario Syracusis Justiniani Augusti vices gerente. Quæ sanè arguunt, post Fortunatum vacasse aliquandiu Catanensem Cathedram, minime vero suis deinceps Pontificibus fuisse destitutam; quum alibi per Siciliam alii effloruerint Episcopi, ut apud eundem Scobarem, ac Pirrum legimus. Scobaris nihilominus Catalogum suspectum habent, confictumque ex parte non immerito aliqui credunt.











# CATANÆ ILLUSTRATÆ

## LIBER QUARTUS

### CAP. I.

#### CATANA SUB GRÆCIS IMPERATORIB.

Ann. Xpi.  
553.

555.

I. **A**nnus Belli Gothici xviii. Vulgaris Æræ dliii. Narsetis Iustiani Ducis, qui Totilam acie victum in fuga obtruncavit, celeberrimâ de Theja Totilæ successore victoriâ clauditur. Hinc per Italiam cū Gothis debellatum, quievitque etiam Sicilia in Provinciam Græci Imperii redacta; quæ nondiu anno dlv. Vigiliū Romanum Pontificem Byzātio reducem denuo invisit, mortuumq: Syracusis ex calculi dolore mox indoluit. Ejusdem Narsetis opus forte Turris non longè ab Urbe milibus ferme quatuor in occidentali regione, quā *Nunziatellæ* vulgus hodiè appellat, nunc diruta; Nuper enim inter illius rudera, later inventus hac impressa Epigraphe: *Narses Excellentissimus fecit.* (\*)

Episco-

---

(\*) *Narsetes tres uno eodemque tempore illustres fuisse constat, quorum p. Spado noster Patricius, qui Gothos ex Italia exegit, & alter Aratii frater, de quibus Procopius lib 2. cap. 13. Tertius a Phoca crematus. Hunc porro numquam vidisse Italiam scimus.*



II. Episcopum incerti nominis per hæc Anno xpi.  
555.  
 ipsa tempora ad Catanensem sedem evectum  
 Pelagii I. Vigiliæ successoris Epistola nobis ex-  
 hibet ad Cethegum Siciliæ Patricium hæc ha-  
 bens: *Pelagius Cethego Patricio. Quod de ordinando*  
*Catanensis Ecclesiæ Episcopo salubris electione judi-*  
*cii fieri desiderastis, cognovimus: confestim sequen-*  
*ti die eum juxta morem discutientes, tertio, quo*  
*venit die, Episcopum consecrari curavimus.* Aliam  
 Lucas Holstenius a se primum e tenebris eru-  
 tam affert ejusdem Pelagii Epistolam ad Elpi-  
 dium Catanensem Episcopum, quam habes tom. VI.  
 Conciliorum Philippo Labbè collectore. Sed hanc  
 meritò Pelagio hujus nominis II. attribuunt,  
 sub quo Elpidius Catanensis Pontifex floruit, ut  
 inferius dicemus.

III. Anno DLXIV. Tabella Angelica, in  
 qua nobile B. Agathæ epitaphium divinitus in-  
 sculptum, ab ejusdem sepulchro, vel clam sub-  
 lata, aut fortasse ab illius ævi Episcopo Cre-  
 monensi Presbytero dono data cum aliquot  
 etiam ejusdem S. Martyris reliquiis Cremonam  
 advehitur, atque in templo ad S. Agathæ ho-  
 norem prope Pertusii portam erecto honorifice  
 collocatur. Tradit id Ludovicus Cavitellus ad  
 hunc annum (a) Subdit noster Grossus tanta re-  
 ligione tabellam hanc Cremonæ asservari, &  
 coli, ut S. Carolus Mediolanensis Archiepiscopus,  
 dum visitationis munia ea in Urbe obiret, &  
 Sanctorum Lipsana thecis apertis inviseret, oc-  
 clusa theca, nec de more refferata, flexisque  
 genibus tabellam sit veneratus; cujus exemplum  
 Cardinalis Sfondratus Cremonensis Pontifex se-  
 cutus obsignatam thecam manibus tractasse con-  
 tentus, noluit illam aperire. Eadem Cremon-  
 ensibus

(a)  
 In Annal.  
 Cremonens.



*An. Xpi.* 565. nensibus civibus in præsentî discrimine tutum præsidium atque efficax, potissimumque contra ignes, & tempestates remedium semper extitit.

IV. Justiniano Augusto decedente, Justinus ejus Sororis filius regimen obtinuit, quo imperante Gregorius Summus dehinc Pontifex sex in Sicilia Monasteria ex proprio patrimonio ædificavit, quæ inter illud enumeratur, olim Catanæ in edito S. Sophiæ colle situm, bis mille ab Urbe passibus distans ad septentrionem. Pirrus extructa a Gregorio Monasteria intra Panormitanos fines concludit (a) Cajetanus cum Syracusis, tum alibi posita adstruens, nullam de hoc nostro mentionem ingerit. (b) Grossus vero totus est, ut probet veterem Urbis nostræ traditionem, quam alibi etiam firmare studui; Ut enim Pirro, & Cajetano non alia, citra traditionem, validiora suppetunt argumenta; Sic Catanæ, quum eadem omnino, nec interrupta suffragetur, non est sanè, cur tanto nostra hæc regio defraudetur honore.

(a)  
*Sic. Sac. lib.*  
4. par. 2.

(b)  
*Ifag. ad Sicil.*  
*Hist. cap. 41.*

568.

V. Anno DLXVIII. Vitalem Altinæ Episcopum ex Paulo Diacono de Gestis Langobardorum Catanæ mortuum tradit in suo Diario Grossus; Verum ille a Narsete relegatum, Pelagio Pontifice annuente, in Siciliam Vitalem scribit, nihil de morte innuens. *His quoque temporibus Narses Patricius, cujus ad omnia studiū vigilabat, Vitalem Episcopum Altinæ Civitatis, qui ante annos plurimos ad Francorum regnum confugerat, hoc est ad Agathiensem Civitatem tandē comprehensum apud Siciliam exilio damnavit* (c) Gualtherius inter Siciliæ Tabulas lapidem refert num. 43. hisce characteribus notatum M<sup>o</sup>. sc. Vitalis Kat., quos sic interpretatur: *Moritur S.*

(c)  
*lib. 2. cap. 4.*

N n n n

Vita-



*Vitalis Catanæ; additq: in Animadversionibus. Sub Ann. Xpi. 568. idem fere ævum, quo hoc saxum exaratū dignoscitur ex specie litterarum, Narses Vitalem Episcopum apud Siciliam exilio damnavit P. Diacon. Foroliv:*

VI. Justinum XIII. Imperii anno mortuum Tiberius Constantinus excepit vir ab lenitate, justitia, munificētia, ac pietate celebratus, sub quo Romanus Siciliæ Prætor, rempublicam optimè administravit. Post hunc Leo successus, quē Catanæ diu versatum, ubi Prætoria sedes, ex Epistola Pelagii Rom. Pontificis ad Catanensem Clerum colligimus. Hæc porro Elpidii etiam Episcopi memoriam nobis conservavit. Fuit Elpidius Catanensis Ecclesiæ Diaconus, quo in munere, quum egregia vitæ sanctimonia, moribusque ac scientia se probasset, mortuo Episcopo, a majōri parte Cleri, populi etiam accedente consensu successor designatur; verū a nonnullis eidem honori inhiantibus exagitatus, rem ad Summum Pontificem retulit, qui Eucarpum Messanensem Antistitem Catanā cum potestate ablegavit; Ab laudato deinde Leone Prætore Pelagius causam edoctus, Elpidium ad se evocatum cum Eucarpi litteris in Episcopum Catanensibus dedit, atque ad regendam Ecclesiam mox destinavit. En Pontificiæ Epistolæ fragmentum: (a)

(a)  
Tom. 6. Concil. Edit. Lab.

VII. Pelagius Papa Clero Catanensi. Talia quidem jam dudum ad fratrem, & Coepiscopum nostrum Eucarpum de visitatione Catanensis Ecclesiæ scripta direximus, ut in eis iudicium nostrum potuissetis agnoscere. Veruntamen quia quosdam ibi non sana intentione, sed pravis studiis dissensiones suscitare, vestra etiam relatione cognovimus, qui scientes se ad Episcopatum, nec ætate



in. Xpi. 580. re, nec scientia, nec vitæ meritis posse perdu-  
 ci, ad hoc tantum inquietare Ecclesiam volunt,  
 ut sibi de his, quæ ex ipsa præsumpta sunt, im-  
 punitatem futurus promittat Episcopus & fiat ra-  
 pinæ securitas Episcopatus ambitio; hoc etiam vos  
 duximus commonendos, ut decretum in Elpidium  
 Diaconum factum, & subscriptum ab omnibus,  
 quos vestra relatio designavit, ad nos cum præ-  
 dicti Visitatoris Epistola, & cum eodem Diacono  
 maturetis Deo propitiante perducere. Et post pa-  
 uca: Cum igitur hic filius noster Magnificus Vir  
 Leo Prætor venisset, retulit nobis de singulis, quæ  
 ibi mota sunt, & quomodo vota prope totius Ci-  
 vitatis in Elpidio Diacono concordarent. Unde,  
 quia de memorati viri testimonio omnino dubitare  
 non possumus; idcirco sicut dictum est, Elpidium  
 Diaconum ad nos facite properare. Nec expectetis ul-  
 terius, ut admonitio ad eum nostra debeat desti-  
 nari. Quem tamen hoc per vestram dilectionem in  
 præsentī iussione specialiter admonemus, ne cui se  
 aliquid dare, vel daturum esse promittat, sed ne-  
 que de Ecclesiasticis præteritis causis aliquam se-  
 curitatem cuiquam audeat facere, sive promittere,  
 aut quasi factus Episcopus, ea quæ direpta sunt  
 non repetat, sed apud eos, a quibus direpta sunt,  
 permanere libere patiatur; sciens quod si tale ali-  
 quid fecit, aut fecerit, nec a Nobis omnino per-  
 mittitur valere ista promissio, & cum iudicii no-  
 stri, quod de ipso habuimus damno ad pastoralis  
 consecrationis ordinem promoveri non poterit.  
 Ex his, turbas aliquot in Catanensi Ecclesia an-  
 te Elpidii electionem extitisse edocemur, ejus-  
 demque bona a pravis hominibus dilapidata, quæ  
 fane diu vacasse sedem evincunt. Habes eam-  
 dem Epistolam Can. Talia 8. quest. 3. Meminit El-  
 pidii



pidii nostri Gregorius Rom. Pontifex Epist. 21. Ann. Xpi  
580.  
lib. 8. quæ in Editione a PP. S. Mauri adornata est 22. lib. 10. ubi Pelagii præcessoris sui servari. rescriptū Leoni Episcopo Catanensi mandavit. Rescriptum hoc idipsum credunt laudati PP. S. Mauri, quod superius exscripsi, sed id circa Episcopi electionem versatur, adeoque omnino incongruum cum iis, quæ in Gregorii ad Leonem Epistola tractantur. Eam igitur, quam Gregorius commendat, illam fuisse arbitror ab Holstenio, ut supra innui, Pelagio 1. attributam: *Pelagius Elpidio Catanensi Episcopo. Sicut unumquemque Clericorum tuorum Ecclesiasticis utilitatibus vel dispositionibus dilectionis tuæ pro eadem Ecclesia, usque ad justitiæ, legumque rationem procedentibus fideliter obedire perspexeris, ita dilectionis tuæ affectu contineas secundum fidem, diligentiamque suam, uniuscujusque merita prosequendo.*

VIII. Post Tiberium quarto Imperii anno de- 585.  
mortuum Mauritius virtute, ac rei militaris peritia clarus successit. Elpidio vero Catanensi Episcopo Leo hujus nominis primus, circa 590.  
annum dxc. subrogatur. Quo sane tempore Gregorius Magnus ad supremam Petri Cathedram evectus Petrum subdiaconum in Siciliam, ad Romanæ Ecclesiæ Patrimonium administrandum delegavit, eique suas commisit vices, ac, ut semel per annum, aut Syracusis, aut Catanæ Episcoporum Synodum cogeret, mandavit.

(a) *Quatenus, ait in Epistola ad universos Siciliæ*  
*Lib. 1. Ep. 1. Episcopos (a) Quæ ad utilitatem ipsius Provin-*  
*ciæ Ecclesiarum pertinet, sive ad necessitatem pau-*  
*perum, oppressorumque sublevandam, sive admo-*  
*nitionem omnium, atque correctionem eorum, quo-*  
*rum*



*Ann. Xpi. rum excessus contigerit demonstrari, congrua cum*  
 590. *eodem Petro Subdiacono moderatione disponantur.*

An porro Syracusanæ, & Catanensi Ecclesiæ hæc prærogativa fuerit a Gregorio attributa, quod ab Apostolorum Principe fundatæ, an secularis politiæ causa, an denique ob loci opportunitatem, hîc decernere non audeo.

591. IX. Jamvero noster Leo apud eundem Pontificem delatus, Romam contendere jussus, districto examini subjicitur; at de objectis quum sese purgasset criminibus, suamque innocentiam Gregorio probasset, liber ad suam Ecclesiam cum gloria remittitur, ac Justino Siciliæ Prætori Catanæ de more degenti commendatur. En Gregorii ad Justinum Epistola. *Gregorius Justino Prætori: Habet hoc proprium antiqui hostis invidia, ut quos in pravorum actuum perpetrationem, Deo sibi resistente, decipere non valet, opiniones eorum falsa ad præsens simulando dilaceret. Quoniam igitur quædam contra Sacerdotale propositum de Leone fratre, & Coepiscopo nostro sinister rumor asperserat, utrum vera essent, districta diutius fecimus inquisitione perquiri, & nullam in eo de iis, quæ dicta fuerant, culpam invenimus. Sed ne quid videretur omissum, aut nostro potuisset dubium cordi remanere, ad B. Petri sacratissimum corpus districta eum ex abundanti fecimus sacramenta præbere. Quibus prestitis, magna sumus exultatione gavisi, quod hujusmodi experimento innocentia ejus enituit. Pro qua re gloria vestra prædictum virum cum omni charitate suscipiat, & reverentiam ei, qualem Sacerdoti decet, exhibeat. Nec quædam cordibus remaneat, de iis quæ sunt jam purgata, dubietas, sed ita superscripto vos Episcopo devotissimè oportet in omnibus adhære-*



re, ut congruè decenterque Deum in ejus persona, Anni Xpi. 591.  
 cujus Minister est, videamini honorare. Hanc Gregorii Epistolam, quæ Grossi, & Pirri diligentiam præteriiit, notis illustrarunt. Clariss. PP. S. Mauri, ac Justino Prætori scriptam, non autem Presbytero, ut antea legebatur, adstruunt. Justinus enim Prætor Siciliæ id temporis erat, cui Libertinus successit, nec alius inter Siculos Episcopos Leo, nisi Catanensis. De jurejurandi ritu ad S. Petri corpus id etiam advertunt: Jure Canonico introductam fuisse purgationem, ac super Evangelia, et SS. Reliquias, aut quid simile Sacramenti præstationem, quam a Leone super Divi Petri corpus peractam, mandato Pontificis, ex Epistola discimus. Hæc porro in Collect. a Paulo Diac. adornata die III. Nonarum Junii Indic. x. scripta perhibetur, ut laudati PP. adnotarunt.

(a)  
 lib. 4. Ep. 36.

X. Subdiaconis, ac Diaconis permissum id temporis uxores ducere, dummodo ab iis abstinerent, quum sacris mysteriis interesse contingeret; contrarius porro usus Catanæ inoleverat; hinc Gregorius Leoni Episcopo suis præcepit litteris (a) ne Subdiaconi cum suis uxoribus misceantur; unumque ex duobus eligant, idest, aut suis uxoribus abstineant, aut altari nulla ratione ministrare præsumant. Speciosi autem Diaconi uxor in Monasterium ob secundas nuptias destrusa dimittatur. An hoc Monasteriū illud fuerit, de quo traditio habet, quod eundem summum Pontificē recognoscit auctorem, subdubito. Scripta Epistola dicitur Indic. xii. quæ in Christi annum dxciii. incidit. 593.

XI. Sequenti, mortuo Maximiano Syracusarum Episcopo, cui Gregorius vices legaverat suas, perscripsit hic Cypriano Diacono, ac Patrimo- 594.



an. Xpi. 594. trimonii Ecclesię in Sicilia Reſtori ſuę voluntatis eſſe, ut Electorum vota in Joannem Catanenſis Eccleſiæ Archidiaconum, ſi fieri poſſet, convenirent. *Quia nullus, inquit, mihi in eadem Eccleſia poſt Domnum Maximianum tam dignus videtur, quam Joannes Archidiaconus Catanenſis Eccleſiæ.* Subditq. mox. *Quod ſi factum fuerit, etiam Frater & Coepiſcopus noſter Leo ei ceſſionem facere debebit, ut liber ad ordinandum poſſit inveniri.* Ex quibus Joannis promerita ſatis dignoſci poſſunt. Electus deinde Pallii ornamentum, a SS. Pontifice accepit, ut ex Epistoſa 28. lib. 6. Immo, ut ei Leo noſter quemdam proprium Presbyterum etiam concedat, quo in novæ Eccleſiæ administratione utatur, Cypriano laudato Diacono in Epistoſa 20. ejusdem libri Pontifex inſinuat menſe Novembri Indictione xiv.

595. XII. Nondiu poſt ſecunda ad Leonem Catanæ Episcopum data eſt a Gregorio Epistoſa, quam integram exhibeo (a) Gregorius Leoni Episcopu Catanenſi. *Res ad nos deteſtabilis, & omnino legibus inimica pervenit, quę ſi vera eſt, fraternitatem tuam vehementer accuſat, quia eam de minori ſollicitudine probat eſſe culpabilem. Comperimus autem, quod Samaræi (\*) degentes Catanæ pagana mancipia emerint, atque ea circumcidere auſu temerario præſumpſerint, atque ideo neceſſe eſt, ut omni modo zelum in hac cauſa ſacerdotalem exercens, cum omni vivacitate, ac ſollicitudine ſtudeas perſcrutari; & ſi ita repereris, mancipia ipſa ſine mora in libertatem modis omnibus vindica, & Eccleſiaſticam eis tuitionem impende*

(a)  
Lib. 6. Ep.  
23. alios 22.

---

(\*) Samaræi ideſt Judaicę ſuperſtitionis homines.



pende, nec quidquam Dominos eorum de pretio quo- Ann. Xpi  
libet modo recipere patiaris, qui non solum hoc dam-  
no mulctandi, sed etiam erant alia pœna de legibus  
feriendi.

XIII. Jamvero tertiâ ad eundem Leo- 597.  
nem Epistolâ Indic. prima quæ est 7. lib. 8.  
præcipit Pontifex, ut segregatam ex Ecclesiæ suæ  
redditibus quartam portionem Clericis juxta la-  
boris meritum dividat; Ex hac autem quarta  
portione ut discretè fiat divisio, iniungit, nec unam  
in Sacro loco positi, ut Cyprianus Diaconus decre-  
verat, reliquas vero duas Clerus accipiat. Ea-  
dem Epistola habetur Canone Ad hoc locorum  
16. q. 1. cap. 63.

XIV. Eodem anno mense Junio prescri-  
bit Pontifex Joanni Syracusano Episcopo, ut  
Catanensibus Diaconis Compagum usum ve-  
ret, quum id solummodo Ecclesiæ Messanensis  
Diaconis speciali Romanæ sedis privilegio sit  
indultum. Exponunt hîc Pirrus, & Grossus quid  
Compagis nomine veniat, sed præstat eruditissi-  
mas PP. S. Mauri notas audire. Compagus, in-  
quiunt, est Calciamentum, quo Prælati in Missa u-  
tuntur, a græca voce Flexura. Lege Saussasium  
Panopliæ Epis. lib. 7. cap. p. art. 4. Compagos  
eosdem fuisse cum calceis antiquis Patriciis Sal-  
masius in Trebellium. Patricios hosce calceos de-  
cussatim adnecti consuevisse ait Isidorus. Illos He-  
sychius cavum & profundum calciamentum appellat,  
quod usque ad medias tibias ascenderet. Rube-  
nius de re vestiaria lib. 2. cap. 15. Sandaliis vult  
similes fuisse Compagos; et ita intelligit Amala-  
rius lib. 2. de Eccles. offic. cap. 10. de Compagis  
seu sandaliis Episcoporum: est, inquit, genus calcia-  
menti incisi, quo pes partim tegitur, partim nudus  
cernitur. Hactenus illi.

XV.



Ann. Xpi.  
598.

XV. Alia rursus Epistola ad eundem Joannem, queritur Gregorius quosdam fuisse, qui de se murmurarunt, quasi in ordinandis Missæ ritibus Constantinopolitanæ Ecclesiæ consuetudines fuerit secutus. Quod sane falsum ostendit, mandatque nihilominus, ut cum occasio dederit, ad Civitatem Catanensem se conferat, ac eos, qui de hac re murmurare potuerunt, facta collatione, seu colloquutione doceat, & quasi alia ex occasione instruere de rei veritate non desistat. Habes hanc ex integro exscriptam apud Grossum. Subsequentibus porro Epistolis de Patrimonio Ecclesiæ in partibus Syracusanis, Catanensibus, Agrigentinis, & Mylensibus fit mentio (a) ad quod regendum atque administrandum idem Pontifex Romanum Defensorem destinavit. Huic quoque commisit causam inter Leonem nostrum, & Leontium Exconsulem, (b) ut ex Epistola ad laudatum Joannem colligimus, ubi de Leone præcipuè, quod præcipitanter, & leviter egisset, queritur. Extat denique eodem anno ad Romanum Defensorē 50. Epistola, qua præcipitur, ut Colixenō cuidam filio Stephanie domum Catinæ possessionis Ecclesiæ Romanæ olim collatam relaxet, non obstante, quod notitia ejusdem donationis non esset de Polyptichis charazata; idest de libris prædia, & census Ecclesiæ summatim exhibentibus deleta, seu transversis lineis, ut fieri assolet, cancellata.

(a)  
lib. 9. Epist.  
18. 19. 20. 21.

(b)  
Lib. eo. Epist.  
23.

599.

XVI. Liber decimus Inditionis 1111. quartam habet ad Leonem Catanensem Episcopum Gregorii Epistolam (c) qua illum admonet, ut S. Viti Monasterium in Aetna monte situm tueatur a quorundam molestiis, junctos vero mulieribus Monachos digna emendatione corrigat. Extat hodie in Opidi Paternionis territorio collis, cui ru-

(c)  
22. aliis 21.



rale templum S. Vito dicatum infidet, incolarumque constans traditio est: S. Gregorii ævo inibi Monasterium fuisse Sacrarum Virginum, quæ sub Monachis non longe in alio Cœnobio degentibus vivebant, & S. Benedicti institutis inhærebant. An id, de quo loquitur Gregorius in hac Epistola? sed ferventibus per ea tempora Benedictinæ Regulæ studiis, quod fuerat de Monachis Gregorio delatum, ab invidis confictum oportet; alia enim Epistola ad Adrianum Notarium Sanctus Pontifex ejusdem causæ examen, ac Monasterii tutelam committit. Quod si majoris, sub alio tunc instituto Cœnobium, Ascetasque militasse, dehinc vero ad S. Benedicti castra sese recepisse, ut fert vetus traditio, non inficior. Severum quemdam virum magnificum eidem Leoni Gregorius demum commendat Epistola 9. libri II. Indict. III. tum Adrianum Patrimonii Romanæ Ecclesiæ Rectorem Leoni nostro aliisque Siciliæ Episcopis Indictione VI. Huic porro Adriano mox præcepit, ut Monasterio in Catanensi urbe ab Juliano nobili viro constructo decem annuos solidos de eodem Patrimonio attribuat. Constat ex Epist. ad ipsum Julianum, quæ est XIX. ejusdem Indict. Monasterio itaque vestro, quod a vobis in Catanensi Urbe constructum est, per Adrianum Notarium, & Rectorem Patrimonii emissa præcepti pagina decem annuos solidos dari deputavimus, quos petimus sine injuria suscipi, quia non hæc vobis oblatio nostra, sed S. Petri Apostolorum Principis Benedictio offertur. Hic certe Julianus Catanensibus Patriciis accensendus, ejusque Monasterium idipsum esse Monialium Cœnobium nonnulli credunt ab Urbe Catana ad duo circiter passuum



Ann. Xpi. 602. suum millia aquilonem versus S. Juliano Cēnoma-  
nensi Episcopo dicatum, quod alii, ut vidimus, S.  
Gregorio attribuunt. Facile enim est opinari  
nobilem illum virum S. Episcopo sibi cognomi-  
ni id Cœnobium nuncupasse.

XVII. Post Leonem Episcopum Juvinum  
Catanensi Ecclesiæ præpositum scribit Grossus (a)  
quem ex Epistola S. Gregorii lib. 11. ad Juni-  
um five Ivinum Catanensem Episcopum scriptā,  
ut Editio habet anni MDLXXXVI. nostris incaute  
inferuit. Verum accuratè Pyrrus advertit in  
recentioribus editionibus Epistolā *Maurentio Ma-*  
*gistro militum* dirigi, subditque sibi non liquere:  
*utra lectio sit præferenda*. Et sane si Grossus  
Epistolæ contextum, quem integrum exscripsit,  
mature legisset, illam non Episcopo, sed viro  
in dignitate sæculari constituto missam a Grego-  
rio advertisset. *Postquam Gloria vestra in Sicilia*  
*fese retinuit*, inquit inter alia, quæ certè for-  
mula *Gloriæ vestræ* sæculi viro, Patricio, Præto-  
ri, Consuli, aut similibus congruit. Episcopis e-  
nim scribens S. Pontifex *Fraternitatis* titulum  
perpetuò usurpat, ut vel leviter Epistolas om-  
nes excurrenti patet.

(a)  
Cat. Sac. ff. 8.

XVIII. Illud accedit, in nullam aliam e-  
ditionem errorem illum irrepisse; in laudata ali-  
unde Epistola 18. libri 13. Indict. vi. Leonis  
expresse fit mentio, nec ea dari potuit nisi an-  
no DCII. Phoca imperante. Quo pacto igitur Ju-  
vinus a Grosso anno DC. Catanensis Ecclesiæ  
Præsul post Leonem, qui adhuc post biennium  
superstes, citra dubitationem dicitur, ejusque  
regiminis tempora designantur; illum denique  
*in Petri Cathedra quinque vidisse Pontifices, dum*  
*Catanensis Ecclesiæ clavo præsideret*? Ubi enim le-  
gisti



gisti o bone, confictum hunc Juvinum Bonifacii v. Ann. Xpi.  
602.  
tempora affecutum?

XIX. Per idem tempus Phocas, qui a militibus Augustus salutatus, Mauritium una cum filiis immaniter interfici mandaverat, Imperium pessime administrabat; hinc tyrannici domini infimulatus, ab Heraclio octavo Regni anno interficitur. Senogallienses Episcopos enumerans Ughellius tomo II. hæc habet: *Maximus vixit anno Xpi. 623. Hunc Honorius Pontifex Constantinopolim legavit, ut Pyrrhi Patriarche reprimeret audaciam. At, cum pervicaci nullam potuisset facere medicinam, in Italiam revertens Catanæ in Sicilia fato functus est; ubi adhuc sepultus quiescit.* Notat Tiraboschius Maximum, qui strenuè pugnavit contra Pyrrhum non fuisse Senogalliensem Episcopum, sed Monachum Constantinopolitanum, de quo fuse Baronius Ann: tom. 4. 8. Unde vero hauserit Ughellius, subdit, *missum ab Honorio Constantinopolim Maximum Senogalliensem ad reprimendam Pyrrhi Patriarche audaciam viderit Lector.* Illud certum est Pyrrhum non nisi defuncto Honorio ad sedem Constantinop: evectum. Sub Heraclio Catanensi Ecclesiæ Joannem præfuisse tradunt Pyrrus, & Grossus. Cutellius verò in suo msto. Catalago Joannis assumptionem in annum DCXLIII. rejicit, ac inter Patres Lateranensis Concilii sub Martino I. Rom. Pontifice contra Monothelitas coacti enumerat. Concilio huic Constans Augustus Heraclii ex Constantino filio nepos, suo Typo, idest nova fidei professione, quam Martino Pontifici subscribendum obtulerat, occasionem præbuit. Verum interfuisse eidem omnes fere Siculos Episcopos, Catanensi, & Syracusano exceptis, ex actis Con-

sulta-

623.

643.



in. Xpi. 643. fultationibus nempe, & Secretariis Concilii abunde colligitur. Hinc Joannes ille *Carinensis* Episcopus fuit, ut habent Surii, Binii, & Labcana editiones, quamvis alicubi loco *Carinensis*, levissima apicis unius mutatione, legatur *Catanensis* & *Catinensis*, Carusius ac Invegus, Episcopos, qui Lateranensi Concilio hoc ævo adfuere, recensentes; dum Joannem prætereunt, erroris quidem arguendi, at hunc loco movere, nostrisque adnumerare citra veritatis dispendium vix possumus; habuit aliunde Carinis & suos Episcopos, ut Pirrus satis demonstrat in sua Sicilia Sacra (a)

(a)  
Lib. 2. not. 5.

663. XX. Rejeto a Concilii Patribus Constantis Typo Monothelitis erroribus referto, in Ecclesiam hic, sacrosque viros desæviit, delatusque in Siciliam Syracusis imperii sedem statuit. Tum Roma atque Italia furore barbaro expilata, per Siciliam etiam cædibus, rapinis ac sacrilegiis est debacchatus, sextoque, postquam in Insulam venerat, anno in balneo occisus interiit, 668. Constantino filio successore relicto. Hic Patri omnino dissimilis, postquam Siciliam a Mazetio Tyranno occupatum armis sibi vindicasset, ad sacra conversus, ad Concilium Generale sextum indicendum totus incubuit.

679. XXI. Anno DCLXXIX. Saraceni nullo obistente per Siciliam debacchantur, ac Syracusas vi capiunt. Catanæ Archadius presbyter Templum Protomartyri Stephano ædificat, quod ubi hodie S. Benedicti Monialium Cœnobium exurgit, situm docet inscriptio a Cajetano allata (b) Agatho Siculus per idem tempus Romanam Petri Cathedram moderabatur, quem Catanensem patria complures, atque in primis Bonfilius, faciunt, etsi Panormus illum suis accenseat

(b)  
Tom. 1. ss.  
Sicul. f. 104



civibus . Pontifex hic sanctissimus, antequam Cō-<sup>Ann. Xpi</sup>  
stantinopolim generalis cogeretur Synodus, ex E-<sup>680.</sup>  
piscopis Italiæ , & adjacentium Insularum Romæ  
conventum habuit . Inter Episcopos autem sub-  
scripsit in Sergii, Pyrrhi, & aliorum Monotheli-  
tarum damnationem *Julianus Sanctæ Catanensis*  
*Ecclesiæ humilis Episcopus* , & reliqui fere omnes  
Siciliæ Præsules . (\*) Falluntur porro Pirrus, &  
Grossus, dum scribunt, Siculos nostros Œcu-  
menicæ Synodo affedis-<sup>681.</sup>  
se, quamvis enim in A-  
ctiōne iv. eorum nomina Epistolæ subscripta  
legantur ; neutiquam tamen eò convenisse dicen-  
dum . Hæc enim Epistola per Legatos a Roma-  
no Concilio ad Bizantinos Patres missa, Romæ  
signata jam dudum fuerat ab Italicis, nullusque  
ex his, Theodoro quodam presbytero, loco Raven-  
natis, Theophane Monasterii de Bajas Syracu-  
fano Abbate, Legatisque exceptis, Generalibus  
illis adfuit Comitibus, ut singula Concilii acta  
legentibus patet .

XXII. Agathon anno dclxxxi. Leo ii. <sup>681.</sup>  
successit , & ipse Siculo, græce ac latine doctus,  
nec minus vitæ puritate conspicuus . Hunc Pa-  
tria Catanensem Ciaconius in m. s. Opusculo  
de Rom. Pont. a Cajetano, & Aprili laudato,  
aliique ex nostris affirmant . Nonnulli Herbiten-  
sem cum Pirro (Est Herbita Siciliæ Opidum  
nunc dirutum prope Aydonum ) Complures de-  
nique Messanensem dicunt . Extabat olim Cata-  
næ

---

(\*) Concilio Romano Britannico, quod alii anno 680. Pagius ve-  
ro 678. coactum scribit , interfuisse *Georgium Catinensem Episco-  
pum* lego . An hic Juliani præcessor ? An error irrepsit in exem-  
plaria ?



Ann. Xpi. 681. næ S. Leonis II. effigies plastico opere a dextris Aræ principis in majori Basilica cum epigraphe: S. Leo II. Papa Catanensis, quæ, viguisse apud nostros hanc de Leonis patria traditionem, evincit. Sed de Leone, ejusque Præcessore fusius suo loco.





**C**onstantinum Augustum anno Imperii vigesimo septimo mortuum Justinianus ejus filius excepit, qui quum rempublicam temeritate, impotentia, ac crudelitate pessum daret a Leontio exauthoratus in Chersonesum relegatur. Leontius post triennium a Tiberio pellitur, uterque vero ab Justiniano decimo exilii anno in Imperium restituto perimitur, mox & ipse a Philippico occisus. Hic biennium, ac menses pessimè administravit, successoremque habuit Artemium, qui & Anastasius appellari voluit, atque ad annum dccxv. regimen tenuit. Post Anastasium Theodosius princeps optimus successus est, eoque renunciante Leo Isauricus imperavit.

Ann. Xpi.  
685.

II. Leoni in Sicilia anno dccxviii. Tiberius quidam se opposuit, qui Augusti nomē, Sergii Protospatarii fretus auxilio, milite deferēte assumpsit, brevi tamen cum suis periit. Hinc sacris Imaginibus Leo, virisque orthodoxis bellum movit anno dccxxvi. Willebaldus id temporis Ricchardi Anglo-Saxonum potentissimi filius e peregrinatione Jerosolymitana redux (\*) in

715.

718.

726.

---

(\*) Catanam quoque adiisse Willebaldum quum Jerosolymam proficisceretur, Anonimus ejus vitæ Author testatur circa annum dccxxii. quum rediret autem socios habuisse Pontificis, ac Cæsaris Legatos tradit SanStimonialis Heidenbeimensis in ejusdem s. viri itinerario.



Ann. Xpi. 762. in Siciliam appulsus, Catanam ad D. Agathæ Sacrum corpus venerandum venit, inde in Italiam delatus, & Casinensis Monachus effectus, vitæ sanctimonia clarus Aureatensis Episcopus decessit. (a)

740. III. Isaurici persecutione Jacobum Catansensem Episcopum ex Græcis Menæis sublatum scribunt Hagiographi. Hic a pueritia Deum timere edoctus, monachi habitu assumpto, eos in Christiana perfectione progressus fecit, ut dignus crederetur, qui nostræ Ecclesiæ cathedram administraret; dum vero Pastoris vigilantissimi partes exequeretur, captus ab hæreticis, qui tunc impunè grassabantur, pro sacrarum Imaginum cultu vitam libentissime profudit die XXI. Martii. MCCXXXX. de eo Menologium atque Anthologium Græcum; ex quibus exilium quoque Jacobum nostrum passum fuisse, Authores tradunt. Cajetanus in *Idea* vitam S. Jacobi penes se habere dicit, at in opere SS. Siculorum (b) hæc tantum protulit: *S. Jacobi commemoratio*. Hic a puero monasticam exercitationem edoctus, jejuniiis, ac vigiliis, & meditationi divinarum literarum incumbens Episcopatus dignitatem affecutus est; cumque Hæreticorum sacras imagines oppugnantium temporibus multas tentationes, & persecutiones perpeffus esset, postremò fame, & siti afflictus in cruciatibus animam Deo reddidit. Hæc Menologium; sed Græci in Anthologio mense Martio eodem die ita habent: S. Patris Nostri, & Confessoris Jacobi Episcopi Catanae. Sedem igitur locumque Episcopatus S. Jacobi, quod Menologium tacet, Anthologium promit.

IV. De mortis anno variant scriptores. laudatus Cajetanus in DCCCLXXII. rejicit, quem

R r r r

sequi-

(a)  
Acta Bened.  
Sec. 3. par. 2.

(b)  
Tom. p.



(a)  
Sicul. Ist. Sac.  
Par. 2. Chron.

sequitur Aprilis (a) Ferrarius, Pirrus, & Grossus Leonis Isaurici tempore statuunt, quibus ad-  
hesi. Jacobum autem alii ex grege fuerint comi-  
tati, incertum; id liquet: sevisimam in Mona-  
chos per Siciliam decretam à Leone Ianiensem,  
complures ex illis Martyres effecisse. Jacobi cul-  
tum Catanae promotum lego anno MDCXXXII. quo  
Senatus, Populusque Catanensis sollemni voto  
Urbis Patronum eundem elegit, ac singulari  
cultu venerari coepit.

V. Eiusdem Isaurici lege Romana Ec-  
clesia uberrimo in hac Insula Patrimônio priva-  
tur; Hinc *Massæ* etiam Catanenses, quæ pinguiorès  
redditus, ut alibi dictum, eidem impendebant,  
ab Imperii administris deinceps occupatæ. Ve-  
rosimilis idcirco (ait Carusius) illorum conje-  
ctura apparet, qui per hæc tempora paulatim  
ab Romani Pontificis immediata subjectione Si-  
culas Ecclesias recessisse dicunt, & sub Patriar-  
chatu Constantinopolitano constitutas diu per-  
severasse ad Saracenicam usque irruptionem, ac  
Northmannorum adventum. Hoc ipso ævo vixisse  
Leonem Catanensem Episcopum cognomēto Thau-  
maturgum Cajetanus in Animadversionibus af-  
firmat, a Carusio, & Aprili laudatus; At Leo-  
nis Augusti Porphyrogenetæ ætatem illum atti-  
gisse Grossus, & Pirrus censent; mortuo enim  
Isaurico Constantinus ejus filius longe immani-  
or successit anno DCCXLI. sub quo sevisissima pe-  
stilentia Siciliam, Calabriam, atque Orientis  
Imperium diu afflixit ad DCCCL.

VI. Nec multo post Sabinus Catanen-  
sis Episcopus sanctitatis virtutisque opinione ce-  
lebris effloruit. Hic præcessoris sui tenens ve-  
stigia Christi Domini fidem Sanctorumque ho-  
norem

Ann. Xpi.  
740.

741.

750.



Anno Xpi.  
750.

norem, ac sacrarum Imaginum cultum efficacissima dicendi libertate, sed vita in primis inculpabili studuit promoveri, quibus, aliisque piis operibus cumulatus Leonem sui successoris prophetico spiritu designans animam cælo transmisit. Verba S. Sabini morientis in vita S. Leonis habemus apud Cajetanum; Simul atque ego mortalitatem exuero, Leo quidam magnanimus locum, vicesque meas supplebit. Hic gregi sibi commisso beneficus, salutaria pascua ministrabit, lupis vero maximo erit terrori, quin etiam signis, & prodigiis sanctitatis sue lucem per omnia Christianæ Reipublicæ loca diffundet. Idola, quæ neque ego, neque decessores mei deturbare potuimus, sua oratione confringet, eaque cum delubro in pulverem rediget. Idem denique Cajetanus hæc de nostro Sabino litterarum monumentis mandavit. Sabinus Catanæ Urbis Antistes fuit; hujus SS. viri res gestæ interiere, sed interire nomen minime patiar, testimoniis de sanctitate ejus allatis, quæ tempora reliquere. A Scriptore vitæ S. Leonis hoc exornatur elogio: Sabinus vir meritis conspicuus, fide, vita, moribus Deo dignus Antistes, quem non universi modo, qui in ejus diocesi erant, verum etiam Siculi omnes præ sanctitate venerabantur, expleto cursu migravit e vita possessurus in cælo vitam cū Christo æternam. Subdit mox Græci Hymnographi versus, ubi Sabini oraculum de successore Episcopo habetur.

VII. Meminit ejusdem S. Episcopi Pirrus, Siculum Martyrologium, Philippus Ferrarius ad diem xv. Octobris, qui Sabinum sub Constantino Copronymo Catanæ Episcopum egisse scribit, nostramque firmat sententiam. Mortuus Vir

San-



Sanctus creditur circa Christi annum <sup>Anno Xpi.</sup> ~~DCCLX.~~ die <sup>760.</sup> xv. Octobris. Post diuturnum imperium impius Constantinus horrenda morte sublatuſ, Leonem filium paternæ impietatis hæredem ſucceſſorem habuit, quo regnante S. Leo hujus nominis <sup>776.</sup> III. ad Catanenſis Eccleſiæ clavum ſediſſe dicitur, cujus geſta prolixiori ſtylo proſequimur.

VIII. De noſtri Episcopi ætate id firmū apud Agiographos Leonis nempe, & Conſtanti-  
 ni Imperatorum temporibus illum vixiſſe, ut  
 ejus habent geſta. At quinam Imperatores Leo  
 & Conſtantineſ? *Caligo*, ait Cajetanus, *in ipſa*  
 (a) *luce*, (a) Quandoquidem Imperatorum ejusdem  
 Tom.p. SS. Sic. nominis paria tria, Leo ſcilicet Iſauricus, &  
 in animadver. Conſtantineſ Copronymuſ, circa annum ~~DCCLXX.~~  
 Leo dictuſ Porphyrogeneta, & Conſtantineſ e-  
 juſ filiuſ anno ~~DCCLXXVI.~~ demum Leo Philoſo-  
 phuſ, qui Conſtantineſ etiam filiuſ anno  
~~DCCCXIII.~~ Auguſtuſ declaravit. Sub hoc ultimo  
 noſtræ præſſe Eccleſiæ S. Leo Episcopus haud  
 potuit; quippe jamante Catanam, aut certe  
 magnam Inſulæ partem Saraceni occupaverant,  
 & S. Joſeph Hymnographuſ, qui de Leone  
 carmina ſcripſerat, ut idem Cajetanuſ advertit,  
 diem obierat. Superest ergo, ut vel ad Iſaurici  
 ætatem, vel Porphyrogenetæ revocetur. Et con-  
 jecturis quidem agendo laudatuſ Author S. Leo-  
 nem ſub Iſaurico effloruiſſe tradit: *Moveor*, ſcri-  
 bens, *ex antiquitate viri*; nam B. Leo Archi-  
 diaconuſ fuit S. Cyrilli Regini Episcopi, quem  
 patrii ſcriptoreſ nullis ſubnixi actis, ſed ex arbi-  
 tratu a Pelagio Pont. primo ad Pelagiuſ ſecun-  
 duſ, & Gregoriuſ magnuſ perveniſſe dicunt id-  
 eſt ad annuſ ~~DC.~~ ſed falluntur; etenim multo pluſ  
 vixit, atque ad annuſ ferme ~~DCC.~~ pervenit. Quod  
 ex



Anno Xpi. 776. ex ætate S. Leonis Episcopi Catanensis constat, qui sub Imperatoribus Leone, & Constantino hujus nominis primis floruisse summum potuit. Hi autem imperium inierunt post Christi annum dcc. Sed D. Leonem Episcopum sub his Imperatoribus Leone Isaurico, & Constantino Copronymo vixisse suadet reliquæ Ethnicismi, quæ, dum viveret B. Leo Episcopus, perdurabant. Eæ vero quamquam ad Impp. Leonem, & Constantinum Porphyrogenitas durare etiam potuerint, multo probabilius est, sub his omnino deletas fuisse. Et paulopost: At inquires Impp. Leo Isauricus, & Copronymus Hæretici fuere, & Ecclesiam virosque orthodoxos atrociter vexarunt; nec videntur eos honores B. Leoni exhibere potuisse, quibus illum a vitæ scriptoribus persecutos fuisse traditur. Certe quidem non ignoro; Leonē Isauricum Hæreticum Iconoclastam multos pro cultu Sanctarum Imaginum martyrio coronasse; sed B. Leonem ingentium miraculorum effectorem revereri potuit timore perterritus. Subdit denique: Leonem Isauricum 7. post initum Imperium anno in Heresim lapsum. Igitur ab anno 715. ad 723. evenire potuerunt, quæ de B. Leone Episcopo Catane memorantur, cum Leo Isauricus Orthodoxum se præferret.

IX. En conjecturæ, quibus se motum affirmat Cajetanus, ut Isaurici ævo potius Leonem Episcopum statuatur. Bona tamen Scriptoris eximii venia infirmas illas crediderim. Quandoquidem, ut de S. Cyrilli Rhegini Episcopi ætate non constat, minus de S. Leonis nostri, qui illius fuit Archidiaconus constabit, potuit namque uterque sub Isaurico vivere, potuit sub Copronymo. Cæterum de S. Cyrillo agens Ughelli-



(a)  
Italia Sacra.  
tom. 9

us (a) anno DL. illum locat, at id tempus minime congruit, ut vidimus. Lacunam in Rheginæ Ecclesiæ Episcopis apud eundem Ughellium adverti ab anno DCL. ad DCCXC. adeout æque possit Cyrillus Isaurici, aut Copronymi temporibus aptari, & Leo noster sub quarto Leone Imperatore Copronymi filio constitui. Jamvero quod Æthnici cultus reliquiæ potuerint sub Copronymo etiam perdurare, nec iple Cajetanus inficiatur; Hæretica demum labe infecti æque Isauricus, ac Copronymus, verum de hoc secundo

Anno Xpi.  
776.

(b)  
Annal. tom. 3.

Zonaras scribens (b) tradit: quod principio religionem, & observantiam erga monachos simulabat, quorum nonnullos in illustrioribus Urbibus ad Pontificatus evehebat. Cum autem magnam pecuniam in publicis thesauris reperisset, quam Pater ejus per injuriam coegerat, eam & ficta religione ad subditos conciliandos est abusus. Dum igitur sub hac vulpina pelle latitaret, Leonem Episcopum Catanensem ad se venientem summo excepit honore, ut in Actis refertur.

X. Leonis ætate stabilita, ad ejus egregia enarranda facinora descendimus ex Græcis Latinisque codicibus eruta. Ac primo Siculi Catanensis Encomium, ubi ille, ad populum e suggestu verba faciens, Leonis gesta expressit, e Græco a Sirmondo translatum, e Cryptæ Ferratæ codice, e Vaticana, & S. Salvatoris Mesfanensis Cœnobii bibliotheca Cajetani opera editum proferam, Patres, filii, ac Fratres hortatur nos Catholica, & Apostolica Ecclesia, ut abjectis Gentilium Hæreticorumque profanis sententiis a Deo missam ad nos sapientiā amplectamur, novique ac veteris Testamenti codices, ut Cristianis convenit, evolvamur.

In



anno Xpi.  
776.

„ In his enim fons residet vitæ nostræ, quo ex  
 „ fonte mysticus Ecclesiæ hortus sacræ piscinæ  
 „ fluentis irrigatur, unde & naturæ nostræ an-  
 „ tiquus hostis diabolus, ac Satanæ discipuli,  
 „ & Satellites hæresiarchæ Sanctorum Patrum  
 „ indefesso studio laboribusque prostrati ac pe-  
 „ nitus oppressi sunt. Sic igitur & nos ortho-  
 „ doxi Prophetarum Apostolorumque doctrinæ  
 „ adhærentes, fidemque integram firmis animis  
 „ conservantes, spem nostram semper in eo de-  
 „ figere debemus, qui per Evangelistas ad pe-  
 „ tendum nos provocat, & dicit querite & in-  
 „ venietis, pulsate & aperietur vobis. Qua qui-  
 „ dem spe fretus Ego facundiæ expers in me-  
 „ dium prodii ad laudandum Leonem sua ipsius  
 „ laude clarissimum e celeberrima Ravennatum  
 „ Metropoli ortum, ubi rerum etiam Ecclesia-  
 „ sticarum curam sibi commissam strenue admi-  
 „ nistravit.

XI. „ Defuncto autem Sabino Episcopo,  
 „ cum in successore, qui sacerdotii munere,  
 „ dignus esset, investigando hujus Urbis incolæ  
 „ tumultuarentur, unum hunc aptissimum dele-  
 „ gerunt B. Leonem virtutum omnium co-  
 „ lumnæ, nec nomine solum illustrem sed  
 „ factis multo magis ac moribus S. Berylli Ar-  
 „ chiepiscopi nostri cathedram illustraturum.  
 „ Dei enim, a quo electus fuerat, præcepta se-  
 „ dulo exequi studens, nullam officii partem  
 „ omittebat; in primis vero assiduam pauperum  
 „ curam gerebat, viduas & orphanos comple-  
 „ rebatur. Fuit ergo ejus tempore Magus qui-  
 „ dam Heliodorus Barbaræ Patriciæ filius verbis  
 „ factisque nefandus demonum cooperatore. Chri-  
 „ stianus quidem, & a Christianis progenitus,  
 sed



sed cum Præfecturæ adipiscendæ desiderio flagraret, nec eloqui auderet, ne invisus ob ambitum redderetur, Hebræum quemdam magicis artibus nobilem ad se advocans quæsit ex eo, num posset, quod velit efficere. Cui Hebræus, si vis, ait, quidquid animo sedet, odexequi, en tibi schedam offero. Abi intempesta nocte ad Heroum (\*) sepulchra magnā columnam conscende, ibidem schedam in auram discerpe, nec est præterea, quod cures aliud, nisi cum ad te venientem quempiam conspexeris, nihil pertimescas, & si descendere te jusserit, ne descēdas; imox enim obsequetur ille tibi, quidquid ab eo flagitaris. Nec mora paruit Heliodorus, columnam inscendit, schedam discerpit, statimque ejus oculis spectandum se præbet Dæmon. Et quorsum huc, inquit, ades o Juvenis? Et ille tuā causa respondit. Tum Dæmon cervo insidens, si modo ait, Christum ejuras ex animo, jubeo tibi unum e famulis meis Gasparem adesse, qui tibi assiduus sit, & obsequatur in omnibus. Infelix vero Heliodorus, ejurato Christo, descendit, Dæmonis dextram exosculatur, qui Gaspare illi destinato, confestim evanuit. Operæ pretium est autem in B. Leonis laudem aliqua referre, ex iis, quæ Dæmonis ope potestea gessit Heliodorus. Quodam ergo die, cum Circen-

---

(\*) Heroum sepulchra extra Stesichori portam sita in area Ecclesiæ S. Mariæ de Annuntiatione, Carmelitarum Cænobio proximæ, ubi hodie loculi, ac sepulchrales lapides occurrunt. Magna vero columna, ea fortasse, in quam, dum novi Xenodochii fundamenta effoderentur, operarii inciderunt. De his ego alibi.



an. Xpi.  
776.

„ Circensia (\*) ut mos est Catanæ celebrarentur,  
 „ Chrysim allocutus S. Leonis consobrinum, pos-  
 „ sum, inquit, si tibi cordi est, equum dare, qui  
 „ cursu omnes antevertat coram Præfecto. Chry-  
 „ sis autem de magica ejus arte nihil suspicans,  
 „ optare se dixit; statimque sistitur ipsi equ-  
 „ us candidus, quo juvenis inscenso, cæte-  
 „ ros omnes longo intervallo vicit, adeout  
 „ stuperent universi, atque ipse in primis Præ-  
 „ fectus, qui protinus milites duos mittit, qui  
 „ equum unâ sessoremque ad se ducant; At e-  
 „ quus peracto ludrico, repente ab oculis sub-  
 „ ductus est; erat quippe Dæmon; juvenis ve-  
 „ rò elinguis solus mansit.

XII. Hunc igitur ad Lucium Præfectum  
 „ ducunt, quem ut vidit: Age, inquit, Præfe-  
 „ ctus, cede equum illum, ut in Urbem mitta-  
 „ tur ad Augustos, neque enim decet, te equum  
 „ tam bonum retinere, sed ad Imperatores mitti,  
 „ ut ipsorum Circensibus inserviat. At juvenis hæc  
 „ audiens, mente consternatus obmutuit, & car-  
 „ ceri mancipatus est. Interim cum ad B. Leo-  
 „ nem fama pervenisset, Præfectum adit, docetq.  
 „ juveni illi nec atrum unquam, nec candidum  
 „ equum fuisse, sed auctorem omnium horum esse  
 „ Heliodorum. Quo cognito Præfectus hominem  
 „ accersit, interrogat, an Chrysim seduxerit, equ-  
 „ umque dederit, cumque magum illum esse pro  
 „ certo comperisset, ac juveni imposuisse, juvenem

T t t t

B.

---

(\*) Ludi Circenses Catanæ in Hippodromo celebrari solebant, cujus rudera extra Decimæ portam olim spectabantur. De eo Cajetanus in Animad-  
 versionibus, & fusiori calamo suo loco dicemus.



„ B. Leoni mox reddi jubet; magum verò in *Ann. Xpi*  
 „ vincula compingi. Dum autem a militibus du- *776.*  
 „ ceretur Heliodorus, pactus cum eis auri libras  
 „ tres se daturum, si liber dimitteretur, lapidem e-  
 „ via sublatum arte sua clam inauravit, & pro  
 „ auro dedit, liberque dimissus est; milites ad  
 „ Præfectum reversi, fabulamque commenti sunt:  
 „ Heliodorum equo sibi per magiam fabricato au-  
 „ fugisse, & quoniam id Præfectus, ut de mago  
 „ verisimile judicabat, innocentes illos pronuncia-  
 „ vit, & innoxios esse jussit. Ubi ergo aurum  
 „ quod acceperunt, penitus inspiciunt, lapidem esse  
 „prehendunt, & trutinæ impositum tres libras  
 „ pendere.

XIII. Talia vulgo faciens Heliodorus,  
 „ non Catanensem tantum Civitatem, sed & Sici-  
 „ liam universam conturbavit; Tanta enim erat  
 „ in eo vis præstigiorum, ut Simonem magum su-  
 „ peraret, quem Petrus, & Paulus indivisi comi-  
 „ tes oratione sua prostraverunt. Cum obviæ ali-  
 „ quando factæ essent mulieres, adstantibus impu-  
 „ ris sodalibus ait, quid si amici facio, ut denu-  
 „ dentur istæ in oculis omnium? Atque illico ne-  
 „ fariam artem adhibens, quasi fluvium præter-  
 „ labentem earum sensibus ostendit, adeo ut  
 „ velut aquam ingressuræ tunicas genua tenus  
 „ attollerent. Nèquæ hæc tantum, quin Propo-  
 „ las etiam, emptoresque fraudavit, lapidem  
 „ plerumque, aut tale quid aliud, auri specie  
 „ porrigens, quo postmodum ad pristinam formam  
 „ redeunte, iacturam suam miseri, damnumque de-  
 „ plorabant, adeo ut nec vendere jam amplius,  
 „ nec emere præ inopia possent. Quæ omnia,  
 „ cum Heliodori fraude fieri cognoscerent,  
 „ eum graviter apud Præfectum accusarunt, ad-  
 den-



Ann. Xpi.  
776.

„ dentes ab eodem clarissimorum virorum filias  
 „ amoris philtro ita percitas fuisse, ut paternis  
 „ ædibus proflirent, & quo vellent, & ad quos-  
 „ libet convolarent. Hæc ita audiens Præfectus  
 „ quæri jubet Heliodorum, & ad se duci, ut  
 „ supplicio afficiat. Ceterum domi quæsitus nus-  
 „ quam apparuit. Cum ergo anceps animi, &  
 „ consilii esset Præfectus relationem in hæc verba  
 „ misit ad Imperatores.

XIV. Magnificentissimis Imperatoribus &  
 „ Dominis nostris Lucius Præfectus. (\*)

„ Æquum est Domini, quæ apud nos gerun-  
 „ tur sacras aures vestras minime celare, sed pa-  
 „ tefacere omnia diligenter, quæ sub felici im-  
 „ perio vestro nobis contigerunt. Est siquidem  
 „ in hac Civitate nostra Magus quidam Helio-  
 „ dorus nomine filius Barbaræ Patriciæ, adeo  
 „ pestilens, & efficax, ut Simoni mago nihil ce-  
 „ dat. Hic universam civitatem misere afflixit.  
 „ Vidimus clarissimorum virorum filias ejus arti-  
 „ bus ad philtum incitatas paternis domibus  
 „ exilire, ac passim pervagari; aliæ item faci-  
 „ entes iter falsa fluminis specie obiecta inde-  
 „ corè nudari compulit, & per ficcum pulve-  
 „ rem quasi aquam inambulare, lapidem aurum  
 „ esse persuasit. Quin & populum ad Idololatriam  
 „ instigavit. Præsens enim statua elementum a-  
 „ eris est, ne quando prorumpens Ætnæ flam-  
 „ ma urbem incendat, quia ingens mons est  
 „ aurisque Vulcani. Hæc sunt quæ sacris auri-  
 „ ribus suggerenda erant, Imperatores, Valet Do-  
 „ mini nostri. XV.

---

(\*) *Lucrus hic in msto. codice Syracusano, ubi S. Leonis vitam lati-  
 nè habes exaratam Proconsul dicitur. Et sane Sicilia Præfectus Procon-  
 sulari dignitate fungebatur.*



XV. „Accepta relatione Imperatores nostri *Ann. Xpi.*  
„Leo, & Constantinus, eoque maxime indigna- *776.*  
„ti, quod Ecclesiam ipsam attentaret, Hera-  
„clidem Protocursores in Siciliam mittunt e  
„vestigio, Heliodorumque intra dies triginta  
„Constantinopolim perducere jubent. Vide,  
„ajunt, rem sedulo agas; nullam ab eo cau-  
„sam admittas, quin hic illum sistas præfixo  
„die. Solvens ergo cum comitatu Heraclides,  
„ad insulam appulit eodem mense. Tum for-  
„te ipso in litore obambulabat Heliodorus, &  
„nautas conspicatus: salвете, inquit, fratres,  
„numquid Heliodorum quemdam quæritis? ne  
„vexamini, ego ipse sum, nec alium profe-  
„cto invenire est Heliodorum; ac certe mori  
„malim ad pedes Imperatorum, quam vivere  
„ipsis adversis; ideo fugere nolui, cum faci-  
„le potuerim, sed ultro vobis occurri. Quæ  
„audiens Heraclides miratus, quod sponte oc-  
„curreret, teneri eum minime jussit; sed o-  
„blata securitate quadam in urbem redire, ac  
„vinum, aquam, panem, & cætera necessaria  
„comportare. Hærente interim Heraclide, ac  
„subdubitante, num re vera is esset, quem quæ-  
„rebat: Date mihi, ait Heliodorus, securita-  
„tem vestram, & Imperatorum, faciamque, ut  
„uno die Byzantium appellatis. Admirans He-  
„raclides, triginta, inquit, dies præstituti no-  
„bis fuerunt, & jam quindecim exacti sunt.  
„Tum ille: quiesce igitur reliquis his diebus,  
„& cum ultimus illuxerit, solvemus hinc una,  
„& Byzantium illa ipsa die perveniemus, ut  
„dixi. Cui Heraclides, atqui hæc, nisi ut di-  
„xisti, præstiteris, demergam te in profun-  
„dum. Deinde Heliodorus: ingrediamur ergo  
fi



*A. m. Xpi.*  
776.

„ si libet, in balneas (\*) cumque essent ingres-  
 „ si, iussit omnes in imam cellam descendere,  
 „ vetuitque, ne Christum ullo modo nomina-  
 „ rent; mox capita eorum in aquam depreffit;  
 „ quo facto repente vident se in regiæ urbis ther-  
 „ mas translatos esse, seduloque circumspiciens  
 „ Heraclides regium balneum prorsus id esse co-  
 „ gnovit. Egredi ergo vestes suas reperiunt nullo  
 „ custode intactas; profectique e vestigio ad Im-  
 „ peratores Heliodorum sistunt; omniaque enar-  
 „ rant, & quemadmodum, cum pridie Catanæ  
 „ adhuc essent, Byzantium eo die pervenerunt.  
 „ Quibus omnibus adeo indignati sunt Impe-  
 „ ratores, ut ne inquirendum quidem amplius  
 „ censerent; sed hominem capitali statim sen-  
 „ tentia damnari, & capite plecti præciperent.

XVI. At Heliodorus Cæsares per Christum  
 „ obtestans, aquam saltem sibi dari petiit: dari  
 „ jubent Imperatores, & quia satiari aliter bi-  
 „ bendo non poterat, pelvim adferri: ut au-  
 „ tem allata est, continuo in eam se projicit,  
 „ & ex oculis abit cum hoc dicto: salvus sis  
 „ Imperator, quære me Catanæ. Attoniti tan-  
 „ to prodigio Imperatores diu conticuerunt,  
 „ tandemque ad se reversi, quia Catanam no-  
 „ minarat, Heraclidem in Siciliam redire jubent.  
 „ At ille, vix ad litus iterum appulerat, cum  
 „ obvius pariter fit Heliodorus: Et ne dubites,  
 „ inquit, ipsum me cape, cape argentum, uno  
 „ die faciam iterum, ut Byzantium attingas;

V u u u

quod

---

(\*) Thermarum adhuc ætate nostra in Area principis Templi rudera cernimus, ex quibus illarum celebritas licet conjicere. Earumdem meminit Cajetanus in Animadvers. hic.



„ quod quidem Heraclides ita facturum nihil du-  
 „ bitans, hæsit usque ad ultimum diem in Ca-  
 „ tanensium Civitate. Et jam advenerat dies  
 „ præstituta, cum primus advolat ad portum  
 „ Heliodorus; insectabantur enim illum cives  
 „ universi, & flammis tradere cupiebant; quod  
 „ intuens Heraclides: absit, inquit, non decet  
 „ eum, in quem Reges ipsi iudicium exercent,  
 „ ab aliis pœna mulcari. Arrepta igitur virga lau-  
 „ rea, Heliodorus navigiū in mari effingit, & remi-  
 „ ges ad puppim proramque distribuit, viaticoque  
 „ omni, et si quid aliud præterea secum adve-  
 „ xerant, illato, ultimus ipse cum Heraclide  
 „ ingressus est, statimque nullo impellente in  
 „ altum ferri maris cœpit; tū ad Navarcum:  
 „ ubinam sumus? inquit, & ille: in conspe-  
 „ ctu Rhegiæ respondet. Mox iterum: ubinunc  
 „ sumus? Ad Gotronem, inquit, & rursum  
 „ ubi, & ille: ad Hydruntem, atque ita unius  
 „ diei spatio Byzantium navigarunt, cumque  
 „ Bucolcontem portum navis intrasset, excensio-  
 „ ne facta, statim evanvit.

XVII. „ Ut vero ad Heraclidis viri sui  
 „ conspectum e triclinio suo exiens, Stratorissa  
 „ Thalia, unaque cum illo vidit Heliodorum,  
 „ salivam ore compressam egerit, illiusque fa-  
 „ ciem conspergit, dicens. Videte qualis hic  
 „ Mandrax, qui virum meum bis in Siciliam  
 „ navigare compulit. Excanduit hac injuria  
 „ Heliodorus, & feminam intuitus, nisi te,  
 „ inquit, infamem in Urbe hac facio, non sum  
 „ ego; & protinus magicis suis technis ignem  
 „ omnem tota Urbe extinxit. Postquam ergo  
 „ audierunt Imperatores, qua de causa ignis ex-  
 „ tinctus esset, Heliodorum fame confici jusse-  
 „ runt



Anno Xpi.  
776.

„ runt; at populus necari eum quantocius ro-  
 „ gabat, quod Civitas ipsa fame vexaretur.  
 „ Producto itaque ad Imperatores Heliodoro  
 „ tu ne, inquit, hoc fecisti, ut civitas fame ta-  
 „ bescat? Utique inquit Magus, & si quidem  
 „ me adversus injuriam istam publicè vindica-  
 „ veritis, faciam, ut ex ea ignis erumpat, alio-  
 „ qui enim ignem visuri non estis. Quibus ver-  
 „ bis gravius commoti Cæsares obtruncari eum  
 „ statim jubent. Sed cum dexteram sustulisset  
 „ Spiculator, ut gladio ictum inferret, repen-  
 „ te velut globi duo exilierunt, tectum bifariā  
 „ diffecuerunt, elatusque inter utrumque Helio-  
 „ dorus abscessit, hoc repetens: Salvus sis Im-  
 „ perator, quære me Catanæ. Cives autem,  
 „ cum egrè ferrent ad ignem usque processis-  
 „ se Magi præstigias, Stratonissam Thaliā in  
 „ medium pertrahunt. Quid porro de ea sta-  
 „ tuerunt, supervacaneum duco commemorare;  
 „ quin hæc ipsa non alia de causa retulimus,  
 „ quam ut B. Leonis virtus elucescat. Sæpe  
 „ enim conatus est insanum hominem ad men-  
 „ tem reducere, atque ob eam rem, cum mor-  
 „ tem illi Lucius non semel inferre pararet,  
 „ dehortatus est vir Sanctus, expectans, ut re-  
 „ sipisceret. Tantum vero abfuit, ut consiliis  
 „ pareret, ut Sanctum ipsum suis artibus ag-  
 „ gredi non dubitaret.

XVIII. „ Aliquando enim, cum sacra  
 „ Mysteria perageret, Ecclesiam ingressus,  
 „ utpote Christianus, in conferta populi tur-  
 „ ba mulorum more calcibus impetere cœpit,  
 „ partim quidem risum quibusdam movens,  
 „ partim dolorem aliis, & indignationem. Im-  
 „ mo jactabat etiam facturum se, ut Episcopus  
 cum



„ cum Presbyteris suis chorum ducens , publi-  
 „ cè saltaret ; quod ubi animo eum tractare  
 „ sensit Leo , genibus ad aram advolutus , pre-  
 „ cibusque peractis ad Heliodorum festinat , ei-  
 „ que orarium suum in collum innectit dicens.  
 „ Per Christum Dominum meum nihil hîc va-  
 „ lebunt magicæ artes tuæ , deduxitque ad lo-  
 „ cum , cui nomen Achelles (\*) ibique flam-  
 „ mis exurendum dedit ; nec manum suam ,  
 „ quæ illeſa cum orario mansit , ante subduxit ,  
 „ quam miser ille in cineres redigeretur . Sic  
 „ itaque nos vir Sanctissimus præſenti ope ab  
 „ illius importuniſſimi Magi periculis eripuit :  
 „ Minime vero prætereundum eſt , quod Se-  
 „ natorii cujuſdam viri uxori contigit , quæ  
 „ cum in Syracuſarum metropoli ſanguinis flu-  
 „ xu laboraret , magniſque in medicos faculta-  
 „ tibus impenſis , ſanari nuſquam poſſet , Dei  
 „ admonitu ad ſanctum hunc paſtorem noſtrum  
 „ Leonem contendit . Sed cum ad portam A-  
 „ rianam perveniſſet , ſignumque in Eccleſia  
 „ dari audiens , percontata cauſſam eſſet , obi-  
 „ tum cognovit divini , miraculorumque opifi-  
 „ cis Leonis , graduque feſtino properans ſimul  
 „ ac ſacra ejus liſſana cum fide attigit , lethali  
 „ ex morbo Dei gratia ſtatim convaluit . Sed  
 „ neque illud ſilentio tegatur , quod mirabiliter  
 „ geſtum eſt a B. Leone ; precibus quippe ſuis ,  
 „ ac lacrymis deteſtandum Idolum , quod impius  
 „ Decius

---

(\*) Achelles locus in Urbe media ſitus ; ex aliis enim actis He-  
 liodorus in Urbis centro combuſtus , ante fores Eccleſiæ S. Mariæ . In  
 S. Euplii græcis actis poſuiſſe Proconſulem in Achilleo tribunal dicitur .  
 Schedæ Conſtantini Laſcharis habent Achillium pro Achelles .



Anno Xpi.  
776.

„ Decius colebat (\*) ( eratque in eo , quod  
 „ olim quidem Gentilium delubrum , nunc vero  
 „ venerabile fanum est SS. Martyrum quadra-  
 „ ginta ) minimo negotio disturbavit , ejusque  
 „ loco vivificam , ac salutarem crucem impo-  
 „ suit . Ut autem ad exitum veniat oratio ; quo-  
 „ niam , ut ait Paulus , memoria justorum cum  
 „ laude est , & memoriale eorum in generatio-  
 „ ne , & generationem , quibus scilicet vivere  
 „ Christus fuit & mori lucrum . Obdormivit ad-  
 „ mirabilis Leo Præsul , ac parens noster vice-  
 „ sima die Februarii , sanctam , & undequaque  
 „ collucentem animam reddens Domino , cui  
 „ gloria , & imperium in sæcula sæculorum .

Hucusque Græcus Encomiastes , quem nō-  
 diu post sanctum Pontificem vixisse , multa in-  
 nunt in hac ejusdem enarratione , ut legenti  
 patet . Ex Græcorum Menæis brevem S. Leo-  
 nis vitam profert etiam Cajetanus , quam ex-  
 scribimus .

XIX. *Leonem admirandis operibus , & san-  
 ctitate clarissimum Ravenna tulit . Parentes illi  
 nobiles æquè ac pii ( neque porro vulgaris homini  
 fuit sacrarum literarum scientia ) ceterumque ipsi-  
 us erat vitæ puritas , & animi mentisque provi-  
 dentia , Ravennæ primum presbyter , deinde Catane ,  
 quæ tunc Ecclesia erat metropolitana in nobili Si-  
 cilia nobilis , ubi hodieque defluit Ætnæus ignis ,  
 Episcopus declaratur . Is ergo apto videlicet nomi-  
 ne Leo confidentis animi vir , ac luminaris instar  
 effulgens omnes illustravit ; sedulam gerens anima-  
 rum*

X x x x

rum

---

(\*) Quodnam Idolum hoc ? Cereris celebre fanum S. Leonis pre-  
 cibus prostratum , cujus extant rudera , refert traditio ; Cererem a De-  
 cio speciali ritu cultam nusquam legi .



rum curam, defendens viduas, egentibusque prospiciens. Sed eo nimirum semper exarsit in hæreticos odio, tam acriter adversus impios, nunc coram disceptando, nunc scribendo se gessit, ut nemo manus cum eo conserere ausus, sine summa insignis ignominie nota victus afflictusque discesserit. Ita supra naturam longius evectum florere, eum Dominus voluit operibus naturam ipsam exscendentibus. Prius enim quum augustissimum illud egregie victrici martyri Lucie templum (\*) suo elaboratum artificio poneret, Idoli simulacrum precum opera duntaxat usus effregit. Sed ex eo in primis Thaumaturgi cognomen inuito tulit, quod Heliodorum admiranda quædam per beneficia malasque artes edentem prodigia in cinerem plane redegerit. Is enim cum passim in vulgus editor miraculorum audiret, vanisque homines imposturis illuderet, atque adeo sacrosanctam Dei Ecclesiam adoriri suis maleficiis ausus esset improbus, eum ubi e vestigio domuerat Leo, sacraque sua stola devinxerat, ingentem Urbe in media adornari pyram jubet; inde cunctas hominis imposturas, captionesque cum detexisset, collo cum arctè colligatum tenens, fornacem devocato cælitus igne, succensam ingreditur; neque vero prius inde pedem extulit, quam in cineres tandem redactus est miser. Id enim vero magnam in omnibus admirationem stuporemque excitavit; neque enim solum magnus vir exustus ab igne non fuit; sed ne sacras

---

(\*) Insigne hoc S. Lucie Templum a Leone extractum, illud fortasse, quod hodie intra Carmelitarum claustra exurgit, ac S. Leonis titulo donatur. Eo quippe loci S. Agathæ sepulchrum olim situm, ad quod Luciam, ut matri sanitatem impetraret, peregrinationem suscepisse constat.



*Ann. Xpi. 776. cras quidem illius vestes quidquam attigit flamma. Quod sane miraculum cum ad ultimos usque fines pervasisset, inaudissentque Imperatores Leo, & Constantinus, accersiri virum sanctum ad se iubent, pedesque ipsius prehendentes obtestati sunt, pro ipsis ut precaretur. Exinde perhonorifice dimissum ad Ecclesiam suam, vitæque functum summus omnium Imperator, evocavit ad se. Jamvero hic non modo, dum viveret, operibus extitit supra naturam editis maximus, verum etiam ubi e vivis excedens terræ mandatus fuit, pluribus clarus miraculis in omnium animis vivit.*

XX. Jamvero Acta Latina proluxiori stylo exarata ab eodem Cajetano exscribuntur e m. s. codicibus Syracusano, Catanensi, ac Rhegino eruta; sed ea in compendium digesta Gallicanū exhibet Breviarium, quo & Siculi olim utebantur En illa.

„ Beatus Leo Italus in finibus Ravenna-  
 „ tum oriundus oppido, ingenuos quidem, ac  
 „ Christianos parentes habuit; Ipse vero a pue-  
 „ rulo bonis operibus intentus degebat; Paren-  
 „ tes autem ejus summopere custodiebant, ne  
 „ ad exterarum transiret nationes; ipse vero no-  
 „ ctis silentio a patria recedens Rhegium Ur-  
 „ bem Calabriae petivit, permotus sanctitate Cy-  
 „ rilli Episcopi, a quo benigne susceptus, in  
 „ Presbyteratus ordinem promotus est, ibique  
 „ Sacramenta populis ministrando, verbo & exē-  
 „ plo cunctos jussu erudiebat Episcopi (\*). Per  
 „ idem vero tempus apud Catinam Urbem Si-  
 „ ciliae nominatissimam Sabinus vir sanctus ha-  
 „ bebatur

---

(\*) Archidiaconi etiam munere functum, alii codices Leonem perhibent, ac Cyrillo Rhegino Episcopo ministrasse.



„ bebatur Antistes, quo ad Dominum migran- Ann. Xpi.  
776.  
 „ te tota civitas indicto tridui jejunio futurum  
 „ Episcopum a Domino revelandum petebat.  
 „ Tandem singulorum mentibus inspiratum est  
 „ Leonem virum pontificatu dignissimum assu-  
 „ mendum, qui licet invitus, nimiumque relu-  
 „ ctans ad Episcopatum assumptus est, maxi-  
 „ moque cum honore Catanam deductus.

XXI. „ Erat tunc Catanæ quidam magus  
 „ nomine Theodorus (\*) aspectu deformis, na-  
 „ tione Judæus, & post Simonem magum nul-  
 „ li in arte magica secundus; nam se atque al-  
 „ lios in omnes species belluarum transfigura-  
 „ bat: quare cum cives eum apud Constanti-  
 „ nopolitanum Præfectum accusassent, jussit illi-  
 „ co Præfectus ad se per Heraclium deduci.  
 „ Magus autem Heraclium cum multis a By-  
 „ zantio venientem lætus ad balnea invitavit,  
 „ sed statim per artem magicam apparuerunt in  
 „ balneo apud Constantinopolim, quo audito  
 „ Præfectus expavit, ipsumque magum decolla-  
 „ ri præcepit, ipse vero antequam decollaretur,  
 „ sitiens petiit vas aquæ, in quo submurmurans  
 „ ait: apud Catanam me quærite, & immer-  
 „ gens caput vasi, eodem momento Catanam  
 „ rediit. Iterum pro eo missus est Heraclius,  
 „ qui Catanam diebus xxx. perveniens delu-  
 „ sus est, & in trium horarum spatio Byzanti-  
 „ um, eo capto, reversus est; nam per artem  
 „ magicam tale navigium ille paraverat. Egre-  
 „ dienti autem de navi Theodoro omnis ætas,  
 „ fexus

---

(\*) Erratum in Magi nomine, qui & perperam Judæus dicitur, cum Barbaræ Patriciæ filius fuerit. Erratum quoque in Heraclio Protocursore, qui Heraclides vocabatur. Denique Imperator Præfectus Constantinopolitanus male appellatur.



Anno Xpi.  
776.

„ sexus omnis occurrit. Uxor autem Hēræclii  
 „ cernens Theodorum, indignata dixit: o spur-  
 „ cissime omnium, tu tantillus atque deformis  
 „ tantum fecisti viro meo laborem? & indi-  
 „ gnans in faciem ejus conspuuit. Cui ille: Ego  
 „ te per triduum inenarrabili opprobrio con-  
 „ fusam cruciabo: omnemque ignem circa vi-  
 „ cinam regionem extinguere fecit, & ad poste-  
 „ riora pudendorum mulieris illius ignis accē-  
 „ sus est uberrimus, expositaque in plateis, sic  
 „ cogente magia, ignem cunctis quasi ex fonte  
 „ propinabat. Quare iterum Magus ducitur ad  
 „ decollandum; sed attendens percussoris ictū,  
 „ in dexteram ejus manicam insiluit, & per  
 „ lævam exiens ex oculis evanuit, dicens: Eva-  
 „ si nuper, evasi hodie, si me vultis Catanæ  
 „ adero, eademque hora per ministros Sata-  
 „ næ advectus est Catanam. Demum rediens  
 „ B. Leoni adversare cœpit, Chrysiōemque ejus  
 „ cognatum molitus est decipere, cui dixit,  
 „ si jubes, equum tibi dabo præ ceteris velo-  
 „ cem; at ille annuens equum ascendit, sed  
 „ cum ad præcipitium duci cerneret, Crucis  
 „ se vexillo munivit, & sic equus evanuit, &  
 „ ille fellæ insidens, pedestris lora tenens remā-  
 „ sit (\*) Missi illico apparitores Magum tenue-  
 „ runt, quibus ille ait: dabo vobis libram auri,  
 „ si me dimittitis, qui accipientes lapidem pro  
 „ auro, eum non invenisse mentiti sunt; sed  
 „ cum vellent aurum dividere, reperientes la-  
 „ pidem, delusi sunt.

Y y y

Erat

(\*) In Actis Græcis res aliter enarratur. Forte bis Chrysin Ma-  
 gus elusit.



XXII. „ Erat tunc Catanæ delubrum sū-  
 „ mæ venerationis, in cuius summitate duo ex-  
 „ tabant simulacra staturæ prægrandis, & ad-  
 „ mirabilis pulchritudinis; nam erant indissolu-  
 „ bili arte Magorum locata, quæ quoties ejus  
 „ Prædecessores Episcopi evertere tentaverant,  
 „ terra tremebat, fulgura coruscabant. Sanctus  
 „ autem Præsul Leo fidei scuto munitus intre-  
 „ pidus ad fanum accessit, factaque oratione in  
 „ quatuor scissum est partes; simulacra vero  
 „ (\*) in partes contrita sunt minutissimas. Fit  
 „ stupor omnibus, & ingens universorum læti-  
 „ tia, quia Christianæ Religionis surrexisset in  
 „ melius novitas. Post hæc B. Leo auram po-  
 „ pularem perhorrescens cœpit loca secreta di-  
 „ ligere, in quibus sibi vacans, & Deo, cum  
 „ vigiliarum labore carnem suam domuit: tar-  
 „ dus erat ad loquendum, sed ad iram tardior  
 „ promptus erat ad silendum, sed ad risum  
 „ parcior.

XXXIII. „ Quodam die B. Leo ad Ba-  
 „ silicam in honorem D. Mariæ constitutam,  
 „ celebraturus processit, quò tota fere civitas  
 „ convenerat; adfuit etiam Theodorus Magus  
 „ cum suorum grege complicum, qui variis in-  
 „ cantationum generibus a celebratione myste-  
 „ rii fidelium mentes conabatur avertere; nam  
 „ adstantium vultus in multorum animalium  
 „ effigies demutavit, & sic ingens cachinnus  
 „ inter Missarum sollemnia diversimode exortus  
 „ est. Sanctus autem Antistes non propter hoc,  
 „ dimotus

---

(\*) Simulacra hæc duo utrum ne Cereris, & Liberae, matris, ac filiae, quibus dicatum delubrum? Vide Cajetanum in animadversionibus ad Aëtia Latina.



*Ann. Xpi.*  
776.

„ dimotus est a mysterio; nam illico flexis  
 „ poplitibus ad orationis arma recurrit, Ma-  
 „ gusque ille populi in medio victus divina  
 „ virtute tenebatur. Expletis itaque divinis my-  
 „ steriis, Præsul perrexit ad Magum, & ora-  
 „ rium suum intexuit in collo ejus, atque non  
 „ procul ab Ecclesia fossam fieri, ignemque suc-  
 „ cendi præcepit, & solo nexu contentus O-  
 „ rarii secum traxit Magum ad locum incendiï,  
 „ signumque crucis incendio opposuit, & in  
 „ igne Magum resupinans superastitit, nec vul-  
 „ tum a flamma, nec ab igne manum retulit.  
 „ Magus tandem combustus est, & quando a-  
 „ lii longe satis astantes, caminum vix ferre  
 „ valerent, nullam tamen B. Præsul in orario,  
 „ nec in vestibus ignis notam contraxit, nec  
 „ minus pilo nocuit, nam vultus ille angeli-  
 „ cus integer, & ipse illæsus toto corpore ap-  
 „ paruit.

XXIV. „ Reliquum vero vitæ suæ tempus  
 „ solitaria sub conversatione decrevit agendū, &  
 „ tandē febre correptus, vocatis sacerdotibus ce-  
 „ terisq: Civitatis fidelibus, resolutionē sui corpo-  
 „ ris imminere nunciavit, & sic inter omniū lamē-  
 „ ta suorū sanctam ejus animā Angeli susceperūt,  
 „ sepultusq: est in Monasterio suo non procul a  
 „ Civitatis muris x. Kal. Martii. Subditur Sy-  
 „ racusanæ fæminæ a fluxu sanguinis liberatio,  
 „ quam brevitati studentes prætermittimus.

XXV. Anonimi Poetæ certè Catanensis  
 Carmen Jambicum in S. Leonis laudem græcè  
 extat in msto. Codice Bibliothecæ magni Mo-  
 nasterii S. Salvatoris Messanæ. Scriptor stylo &  
 ætate probatur, vixit enim circa annum Chri-  
 sti dccc. Carmen Græcum Augustinus Floritus  
 socie-



societatis Jesu latinum fecit, & Cajetanus ex-<sup>an. xpi.</sup>  
scripsit. Hymnum quoque ex S. Josepho Siculo <sup>775</sup>  
Hymnographo idem Cajetanus exhibet: versus  
hymnosque etiam cum Latinos, tum ex Græco  
expressos noster Grossus profert, ex quibus S.  
Episcopi insignia quidem merita, ac celebritas  
elucet. Illud porro de Monasterio S. Leonis,  
cujus in Actis est mentio, subjiciam: Catanæ  
deducta a veteribus traditione famam dima-  
nasse: Eremum olim sub Ætna monte duode-  
cim ferme milliaribus ab Urbe diffitam, sub S.  
Leonis de Pannachio nomenclatura, a Benedi-  
ctinis Monachis circa duodecimi sæculi initium  
ex donatione Henrici Comitis inhabitatam, Be-  
atissimi Præfulis nostri præsentia, diuturnoque in-  
colatu sanctificatam fuisse, eò quippe, ut populi  
sefe tumultibus præriperet, secedens, aliquan-  
diu quieti, ut ferunt, indulgit. At locus hic ali-  
us esse oportuit a Monasterio, quod non longe  
a mœnibus dicitur, in quo depositum S. Leo-  
nis corpus. Hymnographus: *S. Spiritus templum,*  
*ait, corpus tuum extitit Pater, & nunc quidem*  
*in divino templo, quod in Lucie martyris glo-*  
*riam, honoremque erexisti positum jacet.* Hinc  
idem Monasterium, & Templum s. Lucie fuisse  
videtur, quod alibi etiam a sancto Episcopo  
extructum vidimus. Oratorio, Temploque sanctæ  
Lucie (tradit Cajetanus) Monasterium adjunctum  
crediderim, in quo suis cum Monachis Domino in-  
serviret, quem morem sanctissimos viros, & Eccle-  
siæ Episcopos observasse video, in Gallia sanctum  
Martinum, in Italia sanctum Ambrosium, in A-  
frica sanctum Augustinum, in Sicilia sanctos Eu-  
laliū Syracusis, & Leonem Catanæ. Afferro con-  
jecturam meam, quonam loco Templum sanctæ Lu-  
cie, & Monasterium sancti Leonis fuerit ædifica-  
tum



Ann. Xpi.  
776.

tum. Catanae extra urbem ad septentrionem juxta Cænobium sanctæ Mariæ Annunciatæ Ordinis Carmelitarum Ecclesia est sanctæ Luciae, quam divi Leonis extitisse conjicio; quamquam non eadem quæ vetus, sed diruta illa, & instaurata. Certe quidem locus idem veteris instauratique Templi virtute sancti Leonis factum crediderim, ut Ecclesia, an Titulus Ecclesiæ, ad nostram usque memoriam perduravit. Porro hæc divæ Luciae Ecclesia extra urbem, neque a muris Catanae, neque a mare procul, quod de Oratorio a sancto Leone condito membranæ M. S. Syracusanæ testantur. Monasterii verò, quod Oratorio proximum fuit, vestigia adhuc manent, intra claustra Cænobii sanctæ Mariæ Annunciatæ, & ruinae veteres ostenduntur, in quibus nostri majores Ecclesiam divo Leoni dicatam ædificarunt, monumentum Oratorii, & Monasterii eo loco a sancto Leone conditi, ut is ex sua possessione nullo unquam tempore exturbaretur.

XXVI. Jamvero de sancti Episcopi corpore id etiam Cajetanus refert: Apud Catanenses traditionem esse: divi Leonis corpus Constantinopolim a Georgio Maniace fuisse deportatum. Catanae extra urbem ad Septentrionem Ecclesia est divæ Luciae, quam supra memoravi, & in ea sepulchrum ostenditur, in quo tradunt Catanenses Corpora Ss. VV. & MM. Agathæ, & Luciae, & sancti Leonis Episcopi ab Exarcho Maniace donec Constantinopolim iter institueret, fuisse deposita; quorum triū depictæ imagines supra sepulchrum visuntur in pariete, qui ad septentrionem obversus est; profectumque Maniacem in Orientem ex eo loco tria sanctorum corpora secum abstulisse. Extat hodie in sancti Nicolai de Arena sacrario ejusdem sancti os brachii argentea theca asservatum.



XXVII. Meminere sancti Leonis nostri Romanum Martyrologium die XX. Februarii in cuius notis Baronius : *Agunt, ait, etiam de eodem Greci in Menologio, magnorumque miraculorum effectorem predicant.* Metaphrastes, Ferrarius in Catalogo SS. Italiæ, Bollandus in suo Februario tom. 2. Majolus tom. 2. coll. 3. alique. Gabriel Buccellinus Benedictini Instituti Professore eundem fuisse scribit. Quoniam vero de Heliodoro celebri Catanensi mago satis in sancti Leonis vita actum, nonnulla, quæ de eo penes nostros circumferuntur cives, cursim tradere non pigeat. Illum variè appellatum comperio *Theodorum* scilicet in actis Latinis, *Diodorum* a Fazello, *Leodorum* sive *Liodorum* a Silvagio, atq. ita penes vulgum audit. Hinc ab ejus nomine Elephas, Urbis Catanæ insigne, ex Ætneo lapide effictus, quo, ut ajunt, magus ad popularium mentes eludendas utebatur, depravato etiam vocabulo *Liodorus* appellatur. Id olim simulacrum publicis Senatus ædibus incumbibat, inde terræmotu disjectum diu jacuit, hodie in Principis Templi area nobili basi substructa locatum, cui e Syenite lapide columna Hieroglyphicis notis litterata nobile vetustatis monumentum incubat.

XXVIII. Leonis mortē in annū DCCLXXXVI. rejicit Grossus, at labitur. Ultimo enim vitæ suæ anno Heliodorum magum sanctus Pontifex flammis comburendum dedit, eodemque ab Leone, & Constantino Augustis Constantinopolim evocatus, summisque honoribus affectus ad suam Ecclesiam est remissus; igitur ad annum DCCLXXIX aut sequentē summū vixit; Leoni quippe Augusto Annus DCCLXXX. vulgaris æræ quintus, & extremus Imperii fuit, post quem Constantinus, & Irenes ejus mater regno potiti diu imperarunt.



## CAPUT III.

## CATANA

## SUB GRÆCIS IMPERATORIBUS

AB ANNO DCCLXXX. AD

SARACENORUM TYRANNIDEM.

*Anno Xpi.* **I.** Imperii summâ penes Irenem Augustam.  
 778. devolutâ, Elpidius Siciliæ præficitur anno  
 781 DCCLXXXI., qui cum nova moliri, provincialium  
 frætus auxiliis auderet, Theodori Patricii o-  
 pera fusus, pulsusque est.

Post Thaumaturgum Leonem Catanensi Ec-  
 clesiæ sanctum Serapionem præpositum nonnulli  
 perhibent, quòd in sancti Hieronymi Martyro-  
 logio ab Acherio in suo Spicilegio edito pridie  
 Idus Septembris Ss. Euplii, & Serapionis Episcopi ac  
 Magni mentio habeatur. Quos Ferrarius in no-  
 tis ad suum Martyrologium vixisse sub Con-  
 stantino, & Irene tradit. Quamvis autem Beda,  
 & Rabanus habeant: *In Civitate Cataniæ Na-  
 tale Euplii*, ut Cajetanus advertit (a) nec de  
 Serapione, & Magno aliquid innuant; Ado ta-  
 men, Maurolycus, & Galestinus scribunt: *In Si-  
 cilia Civitate Catana sanctorum Euplii, & Se-  
 rapionis Confessorum*, Magnumq. reticent, ac de  
 Episcopali Serapionis munere mentionem inge-  
 runt nullam. Aliud sancti Hieronymi exemplar  
 a Francisco Florentinio vulgatum Euplii & Se-  
 rapionis Episcopi meminit; sed eos Martyres  
 facit. Hinc in notis idem Florentinius Serapio-  
 nem in tertium rejicit sæculum, & post Euplium  
 Diaconum sub Diocletiano passum collocat, Eu-  
 plium

(a)  
 Tom. 2.  
 SS. Sic.



pliumque hac die xii. Septembris memoratum ab illo neutiquam diversum credit. Ferrarius etiam laudatus in quodam Indice ad Ss. Italiæ tertio Idus ejusdem mensis *Euplium*, & *Serapionem* Martyres recenset. Subdit Florentinius in codice Corbeensi, unde suum exscripsit Acherius Martyrologium, *Magni* nomen & *Julii* abundare, ac passim repeti supra alios codices; Hinc nonnisi *Euplium* & *Serapionem* esse colendos tradit.

II. Sed illud negotium faceffit, Serapionem circa hæc tempora Episcopum inducendo, ejus nempe a sancto Hieronymo neutiquam fieri potuisse mentionem, quum Serapion sæculo nono Hieronymus tertio effloruerint. Verùm complures in eo opere descriptos sancto Hieronymo posteriores, ut ipse Acherius advertit (1) ab aliis adjectos fuisse constat; hinc die V. Octobris Placidus Eutichius, & triginta Monachi, qui recentiores Martyres, subsignantur. *At ne ego tanquam germanum fætum*, scribit, *integrumque eidem sancto Doctori velim id opus asserere, cum plures ipso recentiores sanctos constat diversis temporibus, tam a Clericis, quam a Monachis pro libitu fuisse adjectos, potissimè Patronos*. Similes etiam accessiones passa Bedæ, Ufuardi, & Adonis Martyrologia testantur. Quod de Ufuardo Cajetanus signanter docuit. Pirrus denique Euplium Diaconum, & Serapionem Confessores in an. dccc. rejicit, quod nullius suffragio, aut testimonio probat. Cajetanus ævi incerti eosdem adstruit, sed ante Saracenos constituendos censet. In re tam dubia certè aliquid proferre non audeo, lucemque ab aliis expecto.

(1)  
Præfatione  
ad mart. S.  
Hieron.



Ann. Xpi.  
785.

III. Anno DCCLXXXV. Theodorus Catannensis Episcopus ejusque Diaconus Epiphanius effloruere, qui Catholicæ Romanæ Ecclesiæ operam strenuè navarunt, ac pro cultu Sanctorum Imaginum restituendo in Nicæno Concilio quammaxime adlaborarunt. Rem forte non injucundam me facturum reor, si paullo altius exordiar. Mox ut Imperiî habenas Irenes tenuit, ac filium, seque liberam a factione Cæsarum vidit ( Erant Cæsares viri sui Leonis nobilissimi fratres ) prima illi cura fuit sublatum a Leone Stemma gemmis, ac lapidibus pretiosis distinctum Ecclesiæ restituere, tum de pace inter fideles componenda cogitare. Neque opportuna defuit occasio. Mortuo enim Paulo Patriarcha, quum de novo eligendo, multitudine congregata, sermonem Irenes instituisset, populo Tarasium acclamante, qui tunc a secretis erat, subdit Imperatrix, sese eundem Patriarcham decernere, sed illum detrectare pertinaciter onus. Jussus hinc Tarasius, ut causam palam exponeret, postquam multa piè, & eloquenter dixisset de Concilio Œcumenico indicendo, ut schismata ab Ecclesia tollerentur, illud attexuit: *Quod si Imperatores nostri rectæ fidei propugnatores, ut hæc mea petitio impleatur, jusserint, ego quoque consentio, vestramque electionem lubens amplector. Sin minus illud præstare nequaquam mihi possibile est, ne anathemati subjiciar.* Cunctis vero orationem hujusmodi probantibus, Concilium generale cogendum unanimi voto decernitur, inauguratusque Tarasius, libellum fidei suæ testem ad Adrianum Romanum Pontificem misit, a quo ad Ecclesiæ communionem est receptus.



(a)  
In præfat.  
Conc. Nicæni

IV. Sed & Irenes Augusta legatione ad eū-  
dem Pontificē instituta, Constantinū Leontinensē  
Episcopum & Dorotheum Episcopū Neapolitanum  
Romā primo destinavit, ut ex Divali Epistola ad  
Adrianum colligitur (a) mox sequenti anno Theo-  
dori Catanensis Pontificis, ejusque Diaconi E-  
piphanii prudentiā, ac dexteritate perspectā, il-  
lis suas delegavit vices, atque Romanum An-  
tistitem ad Concilium invitavit. Rem edocent  
Acta Concilii Nicææ coacti Actione secunda;  
lecta enim Adriani Epistola ad Irenem, &  
Constantinum Augustum subditur: *Joannes ma-  
gnificentissimus Logotheta dixit: Hæc noverunt,  
& honorabilissimi Sæculi Deo amabiles Theodorus  
Catanentium Episcopus & qui cum eo est Reve-  
rendissimus Diaconus Epiphanius, qui locum tenet  
Archiepiscopi Sardiniae. Ambo enim perjussione  
piorum Imperatorum nostrorum profecti sunt Romā  
cum Reverendissimo Apocrisario Sanctissimi Patri-  
archæ nostri. Theodorus Deo amabilis Episcopus  
Catanae dixit: Pio imperio jubente per honorabi-  
les jussiones suas mittere Leonem Dei cultorem  
Presbyterum, qui una mecum est servus vestræ san-  
ctitatis, simul cum pretiosa Epistola Sacratissimi  
domini mei, ille qui coluit sanctitatem vestram  
Siculorum scilicet meæ Provinciæ Strategus, mi-  
sit me Romam cum pia jussione Orthodoxorum Im-  
peratorum nostrorum. Eadem habet Christianus  
Lupus in suis ad Concil. Nicænum dissertatio-  
nibus.*

Ann. Xpi.  
786.

V. Præfuit Synodo Adrianus per suos le-  
gatos, duxit autem in ea Siciliæ Præfulum ag-  
men noster Theodorus, seu veluti Metropolitā,  
& ex legationis initæ prærogativa, aut quia æta-  
te præ aliis enitebat, ut ex eorundem Episco-  
porum



Anno Xpi.  
787.

porum recensione statim in ipso Actionis primæ exordio, & ex sequentibus colligitur: Ubi inter alia hæc legimus: *Theodorus Deo amabilis Episcopus Catanæ, & qui cum eo sanctissimi Episcopi Siciliæ una cum Epiphanio Diacono Civitatis Catanæ, & locum tenente Thomæ Episcopi Sardinie dixerunt.* Primus porro in subscriptionibus subsignat etiam cum Actione secunda, tum reliquis, quarta Actione excepta, ubi Galato Presbyter vice Stephani Archiepiscopi Siciliæ inter alios Metropolitæ ante Theodorum subscribit. Stephanus autem alibi Syracusanus Episcopus dicitur; quamvis in una *Episcopum Siciliæ* sequoque Theodorus appellet ut Grossus (a) & Picciolus de Jure Ecclesiæ Siculæ adnotarunt. Familiaris demum amicitie necessitudine Tarasio Patriarchæ conjunctum, atque addictissimum nostrum Pontificem ex ejusdem Concilii actis colligunt Pirrus in notitia Ecclesiæ Catanensis ac laudatus Grossus.

(a)  
Cat. Sacra  
§. 14.

VI. Jamvero non minora etiam de Epiphanio Diacono promenda occurrunt; Quoties enim subscribit suo etiam calculo, compositisque ad rem verbis errores, atque Hæreses convellit; quin etiam Actione sexta legenti Gregorio Neocesareæ Episcopo Acta Pseudo-Concilii Septimi Epiphanius respondet, confutationemque lectu dignam cuique articulo subtexit, ut Christianus Lupus adnotavit. Laudatorium denique sermonem ipse in Concilii fine Patribus ac Præmissis Augustis pronunciavit, clausitque Synodum. Ex quo singularem ejus in sacris literis eruditionem, eximiamque doctrinam licet deprehendere, ut merito in Sicula Bibliotheca Clarissimi Mongitorii inter Scriptores Siculos locum



cum habuerit. Sermonem ex integro referunt *An. Xpi.*  
Acta ejusdem Concilii. 787.

VII. Ab hoc tempore in Theodorum e-  
jusque Successores derivatam Metropolitanā di-  
gnitatem censent Pirrus, Amicus <sup>(a)</sup> & Picciolus  
<sup>(a)</sup> *Differ. de* laudatis locis, ut Grossus advertit <sup>(b)</sup> Quamvis  
*Arch.* Picciolus paulo altius illam repetat scribens: <sup>(c)</sup>  
*Jure Syracus.* <sup>(b)</sup> Senferim igitur, ipso quidem initio, cum non-  
*Decac. Catan.* dum fortasse Constantinopolitani Patriarchæ jus in  
*Cor. 2. mad. 3.* Siculas Ecclesias radices altius egisset, solum E-  
<sup>(c)</sup> *De Jure Ec-* piscopum Catanensem Metropolitanum nomine hone-  
*cles. Sic. par.* statum. Honori ne Agathæ celeberrimæ Virginis  
*p. cap. 26.* id tributum, non satis compertum habeo. An-  
quod, cum in Nicæna secunda Synodo, quæ pro  
restituendo Sacrarum Imaginum cultu celebrata est,  
Theodorus Catane Episcopus familiam duxisse vi-  
sus sit, ac plerisque in locis sic de eo scriptum  
reperiatur: Theodorus, ac qui cum eo erant  
amabiles Siciliæ Episcopi. Sanctissimus Episco-  
pus Siciliæ dicit. *Metropolitæ sit existimatus?*  
Sane, jam a tempore S. Leonis Thaumaturgi ea  
dignitate Catanenses Episcopos præfulsisse colli-  
go ex vita ejusdem e Græcis Menæis eruta,  
ubi dicitur: *Catane, quæ tunc erat Ecclesia*  
*Metropolitana in nobili Sicilia Leo Episcopus de-*  
*claratur.* Idipsum latinus Encomiastes affirmat;  
& in vita versibus exarata eundem Leonem  
Metropolitana dignum Ecclesiæ Vates appellat,  
ut liceat opinari ab avulsione Siculæ Provinciæ  
a Romana diœcesi, quæ Isaurici ævo probabilius  
evenit, nostris Episcopis eam obvenisse præro-  
gativam titulotenus; idest sine suffraganeis, ut  
pene omnes, & Grossus ipse fatentur.

VIII. Pace Ecclesiæ parta, non parum  
res Imperii dissidia inter Irenem, & Constan- 790.  
tinum



*Anno Xpi.* tinum filium exorta perturbarunt, & Matri quidem abrogato dominio, Constantinus annis septē regnavit; sed ambitionis impatiens bona alioquin  
 797. mulier, filio per insidias capto, atque per summum nefas excecato, regiminis summā potita, sola imperavit, ea dexteritate, ac prudentia, ut optimi probique principis partes adamussim  
 802. expleverit. Quinto autem post anno, & ipsa Nicephori Logothetæ insidiis appetita, ab eoque male habita, in Lesbum Insulam relegatur, ubi ærumnis confecta diem obiit.

812. IX. Nondiu post Saraceni Siciliæ littora frequenti excursionē vexarunt, Nicephoro rapinis, atque impietatibus dedito, nihil interim curante. Sed & Ætna mons e summo cratere ingentes ignes evomit, adeo ut longinquos etiā & Carolum Occidentis Augustum fortasse in viciniis tunc agentem terrore afficeret, ut Goffridus de Viterbio in Chronico est author, cui Kirchæus subscribit (a) incendium ad annum dcccxi. referens. Sub idem tempus Pontificiam Catanæ sedem S. Severus vitæ integritate, exemplisque virtutibus illustrabat. De eo Pirrus, Cajetanus, Grossus, & Ferrarius, qui ex Græco Menologio scribunt: Sanctum Episcopum ob singularem animi moderationem, vitæque innocentiam ad Catanensem Ecclesiam vocatum, ita munus gessisse, ut vivens summam fuerit laudem affecutus, atque in cælum migrans inter Sanctos meruerit numerari. Excessit feliciter nono Kal. Aprilis anno circiter dcccxi. apud Græcos maximè celebratus, & in Ecclesiæ suæ tabulis summa cum laude memoratus.

813. X. Nicephoro interim impio, ac scelesto Principe a barbaris in bello occiso, Michael Cu-



ropalotes vir strenuus, ac pius, Augustus inauguratur, quem post biennium Leo Armenus vaffer, sed militari gloria insignis excepit. Hic sacris Imaginibus atrocius bellum indixit. Sub eo Saraceni universam Siciliæ oram prædabundi excurrentes a Gregorio Insulæ tunc Præfesto auxiliaribus instructo cohibiti, quum exorta insuper tempestate ingentem etiam navium jacturam fecissent, pacis inducias postularunt, quas facile a Siculo Patricio obtinuerunt. Id totum habes ex Epistola Leonis III. PP. ad Carolū Imperatorem, digna sane, quæ hîc exscribatur, de Catana enim aliquid, ni fallor, videtur innuere. En illa.

Ann. Xpi.  
813.

(a)  
Tom. 9. Concil.  
Edit. Labea. XI. Domino Piiſſimo, & Sereniſſimo Victori & Triūphatori filio Amatori Dei, & Domini noſtri Jeſu Chriſti Karolo Auguſto Leo Epiſcopus Servus Servorum Dei (a) Tertio igitur Idus Novembris ſuſcepimus Epiſtolam Gregorii Patricii Sicilienſis reſponſum ſcilicet Serenitatis veſtræ Epiſtolæ, quam illi per hominem noſtrum emiſimus. Vobis ſiquidem, pro qua cauſa ignoramus, Epiſtolam noſtræ veſtro titulātā non emiſit. Illam tamen, quam nobis direxit Epiſtolam, de qua vobis exēplar, poſtquam eam legeremus, a noſtro ſigillo, veſtræ Imperiali potentie dirigere petivit. Nos pro veſtra ſatiſfactione, neque eam ad legendum aperuimus, neque quod in ea continetur, cognovi-  
mus, niſi quod per illum Miſſum noſtrum nobis in verbis direxit. Ideſt de illis Saracenorum Miſſis, cum quibus pactum confirmavit ipſe Patricius in annos decem. Dicebat enim ad prædictos Miſſos Saracenorum: Quale nobiſcum pactum facere vultis, cum ecce jam anni octoginta quinque, quod pactum nobiſcum feciſtis, & firmum non fuit? Im-



Ann. Xpi. 813. mo, & Constantinus Patricius, qui ante me fuit,  
 in decem annos pactum vobiscum firmavit, usque  
 ad futuram octavam indictionem, sed neque pactum  
 ipsum firmum tenuistis. Nunc autem quale vobi-  
 scum pactum faciemus, incognitum est. Ad hæc  
 respondebant ipsi Saracenorum Missi, dicentes. Pa-  
 ter ipsius Amiralnumim, qui nunc apud nos re-  
 gnare videtur, defunctus est, & iste relictus est par-  
 vulus, & qui fuit servus, factus est liber, & qui  
 liber fuit, factus est Dominus, & nullum se Re-  
 gem habere putabant. Sed ecce nunc, postquam  
 omnia, quæ pater suus habuit, sibi subjecit, vult  
 firma stabilitate hoc, quod paramus pactum serva-  
 re. De Spanis vobiscum non spondemus, quia non  
 sunt sub ditione Regni nostri, sed in quantum  
 valemus, eos superare, sicut vos, & nos contra il-  
 los in mare dimicare permittimus; Et si soli nos  
 non valemus, nos a parte nostra, & vos a parte ve-  
 stra Christianorum finibus eos abjiciemus. Post hæc vero  
 convenit illis, & confirmavere in scriptis inter se  
 pactum in annos decem, & dedit eis Missum no-  
 mine Theopistum Notarium, & reddidit illis quan-  
 tos habuit comprehensos de ipsis Saracenis, & il-  
 los Christianos, quos de suis partibus prædave-  
 rant, reddidissent. Et postquam jam dictum pa-  
 ctum inter se firmaverunt, & Missus ab ipso Pa-  
 tricio absolutus est, invenit in Catena unum ho-  
 minem sub nimia velocitate ad Patricium, festi-  
 nans nunciare, quod septem navigia Maurorum  
 prædaverunt vicum unum in Regio, & duæ na-  
 ves ex eis post eos ad littus exierunt vacuæ &c.  
 Hæc ibi. Syracusis, aut Enne firmasse cum Saracenis  
 inducias Gregorium Patricium hinc colligo;  
 Theophistus namque Notarius, inde cum illo-  
 rum Legatis digressus, Catanæ nuncium inve-  
 nit,



nit, qui depopulatum a Barbaris Rheginum lit-  
tus significabat. Fractis nondiu post Inducia-  
rum fœderibus, ingenti manu Saraceni in Sici-  
liam redeunt, captâque Panormo, ac popu-  
latâ, reliquis vero finitimis populis terrore in-  
jecto per annum fermè Insulam vexarunt, sed  
ad propria mox tuenda in Africam evocati, ma-  
gna præda onusti tandem recesserunt.

Ann. Xpi.  
820.

XII. Post Leonem Armenum conjuratio-  
ne sublatum Michael Balbus Imperator suffi-  
citur, qui Siculorum tandem precibus excitus  
ad cohibendos Saracenorum conatus classem sub  
Theodosio Duce in Siciliam mittit. Hic Ve-  
netorum etiam suppetiis fulctus, Hostium naves,  
quæ dudum ad populandam Insulam regressæ  
eamdem impune vexaverant, disjecit, ingen-  
tique Barbarorum clade edita, integram de  
ipsis victoriam est consecutus anno dcccxxvii.  
Sed Eugenii Magistri militum scelere, qui re-  
gia insignia a Michaele desciscens assumpserat,  
Saraceni nondiu in Siciliam evocati, sub  
Adelcamo Duce, Occidentalem Insulæ oram,  
quæ olim Sicania dicta, magna vi adorti, bre-  
vi ea potiuntur, ac passim per universam pro-  
vinciam sese effundunt. Quo porro anno Ca-  
tana sub Saracenico jugo captiva ingemuêrit in-  
certum; inter eas nihilominus urbes recensen-  
da, quæ postremæ Barbaris cesserunt. Orien-  
talis enim Siciliæ plaga longè post Occidenta-  
lem subacta.

827.

XIII. Anno dcccxxviii. Theophilus Mi-  
chaelis filius regnavit. Hunc vivens Pater in  
Siciliam contra Saracenos direxerat; at ille mu-  
nitis præsidio valido locis sub Græco adhuc Im-  
perio se continentibus, vitata Saracenorum classe,

828.

quæ



Anno Xpi 832 quæ longè suam superabat, Constantinopolim re-  
meaverat, ubi mox Imperii fascibus assumptis,  
Iconomachorum Hæresi promovendæ præcipuè  
intentus, Siciliæ jacturam neglexit. Hinc Bar-  
bari, Messanâ occupatâ, Panormum progressi ur-  
bem invadunt; neque unâ Siciliâ contenti Sar-  
diniam, Cretam, aliasque Imperio subditas in-  
sulas sibi vindicant. Expeditiones sane quinque  
adversus Saracenos per Orientem Theophilum  
suscepisse Scriptores memorant, sed infelici sem-  
per exitu, ut Porphyrogeneta verbis illis pro-  
dit (a) *Nunquam pro Imperii Majestate, ac lau-*  
*de dignum adversus hostes trophæum erexit, ac*  
*neque acceptam cladem refarcire unquam satis*  
*potuit.*

(a)  
Continuat. ad  
Theopha. l. 3.

842 XIV. Theophilo mortuo ad ejus filium  
Michaelem adhuc triennem sub Theodoræ ma-  
tris religiosissimæ feminae tutela Imperii summa  
delata est, cujus præcipua, ac prima cura fuit,  
ut pax Ecclesiæ, cultusque sacris Imaginibus  
redderetur. Eodem prorsus tempore Adel-  
camus Primus Siciliæ Princeps, seu verius Ty-  
rannus (Amiram Saraceni vocant) decessit, ac  
Mahomet Bon-Abdalla in ejus locum Saracenis  
846 præfuit. Sub quo Motycæ, atque Ennensis agri  
excidium reponit Carusius (b) Arabi Anonymi  
847 Annalibus innixus circa annum DCCCXLVI. se-  
quenti vero Leontinorum ac Ragusiæ direptio-  
nem, quamvis Arabi etiam Chronici authorita-  
te Ennæ casum quinto post anno sub Allaba Ma-  
homet successore statuat Aprilis (c) nec abnuat  
851 laudatus Carusius, hæc de Allaba scribens: *E-*  
*vivis sublato Mahometo Abdalle filio anno Chri-*  
*sti DCCCLI. Amira novus substituitur eodem quo*  
*Pater nomine Allabas Jacubi, & Phazare pro-*  
*C c c c c nepos*

(b)  
Sic. Hist. l. 10.  
primi Tom.

(c)  
Sic. Chr. c. 16



nepos, qui memorabilem in Sicilia præfecturam effecerat magnis victoriis de Christianis reportatis, ac Ennâ præsertim captâ maximi momenti urbe Romano-Græcorum Prætorum assidua, quod monuimus, sedes, ut ex Arabibus Ismaelis Annalibus accepimus postquam Anno Christi DCCCLIV. Buteram munitissimum Oppidum expugnauerant. Ubi Ennam post Buteræ occupationem in Allabæ potestatem redactam quinto circiter ejus regiminis anno videtur innuere.

XV. Hisce, profequitur Carusius ibidem, victoriis inflati Saraceni Orientales a Pachyno ad Pelorum oras peragrant, in quibus, præter Syracusas, Catinam, & Tauromenium in littore sitas, Notum urbs erat, Græcis olim Neetum, edito in monte, vallibus præaltisque rudibus circumsepta, non multum ab Hybleo mari ac Promontorio Pachyno distans. . . . Ciaphejas igitur Amira successor extincti Allabæ Neetum obsidione capit, ut Anonymo placet Arabi DCCCLXIV Christi anno. Quam tamen jacturam Urbis Romano-Græci graviter ferentes brevi recuperant, post biennium iterum Saracenis oppugnantibus Urbem reddituri cum Ragusia non procul a Neeti finibus civitate, quam etiam nonnullos ante annos receperunt. (a) Ex quibus illud inferre licet Catanam per hæc tempora Græci adhuc Imperii auspiciis subjectam in Michaelis ditione fuisse.

(a)  
In Bibl. Hist.  
Sic. Tom. p.

XVI. Præfuit porro ejusdem Urbis Ecclesiæ Euthymius, qui difficillimis temporibus regimen nactus, gregem sibi commissum, quammaxima dexteritate, & prudentia rexit. Illum Pseudo-Patriarchæ Constantinopolitano Photio cum aliis Siciliæ Episcopis schismatis initio adhæsisse, necessitudo, quæ inter utrumque intercessit



Anno Xpi  
864

cessit, clarissimè evincit; Extat enim Photii ad Euthymium Epistola, quam Grossus exscribit (a)

(a)

Cat. Sac. §. 16.

Photius Patriarcha C. P. Euthymio Catanes Metropolitæ: *Otiū quidem suppetere mihi, ut tua narrem, deprecor, non opto; suppetere autem, ut audiam tu objecisti; Quid ergo reprehendis, quod nec ea, quæ sperabam audiui, & quod silentium in his tenui, quibus nec aures libenter darem? Sed si propterea, quod hæc audiui, tandem sustinui, ideo de Amicorum conceptu accusandus sum? quid facient, qui ea fecerunt, per quæ amicos libertate pro illis loquendi privaverunt, ut inimicorum linguas, non solum contra se, sed etiam contra eos, qui propinqui aliquando fuerant, exaceruerunt? Quid ergo facere oportet, a quo appellem? Et nobis, pro te utinam libertatem, quam habemus, reddere, & nihil audire injucundum de te, sed omnes, qui tibi maledicunt os claudere, ad pristinum statum reddendo.*

XVII. Quid hæc velint innuere, divinare vix possumus; fortasse apud Photium delatus Euthymius, quæstus hic eidem fuerat, quod minime de objecta sibi calumnia monuerit. Hinc hisce verbis Patriarcha sese apposite excusat. Hæc autem amicitie consuetudo brevi disrupta est; Photii quippe intrusionè, ac malitia cognita in Synodo Generali Octava, Constantino-politana coram Apostolicis legatis celebrata, Ignatio legitimo Patriarchæ adhærens Euthymius Actione secunda Photium schismatis damnavit, atque in supplici libello Patribus oblato secundus subscripsit, receptusque ad communionem, ac suo loco fuit restitutus. Interfuit dehinc tertiæ, quartæ, ac sequentibus sessionibus, ubi Archiepiscopus



chiepiscopus, & Metropolitā perpetuo appellatur, ut inde colligas ea dignitate Catanensem Pontificem rite condecoratum, quum non nisi ab Ignatio, aut Methodio ordinatos Episcopos in ea Synodo fuisse receptos ex ejusdem Actis apertissime constat, ceteros vero repulsam passos suo loco excidisse. Concilium hoc Generale octavum Adrianus II. Romanus Pontifex indixit, Basilius vero Imperator, qui Michaeli ab se occiso successit, auxilio eaque opera promovit. Sub eo variae in Sicilia Saracenis illatae sunt clades, sed quum novae subinde ex Africa eorumdem copiae quotidie in Insulam transfretarent, ac Basilius Templis extruendis, publicisque aliis operibus intenderet, Syracusae demum post diuturnam obsidionem ab Ibraimo Siciliae tunc *Amira* captae, funditusque sunt deletae, anno DCCCLXXVIII. vel ut Cajetanus contendit DCCCXX. Quarum ruina nonnullis etiam provinciae Civitatibus exitio fuit. Id Basilius adverteus ingentem classem copiis instructam Nicephoro Phoca Duce in Siciliam transmittit, cuius opera aliquot in Calabria locis restitutis ac munitis, Tauromenium, ac reliquae Insulae Civitates, Catanaque cum primis Graecorum adhuc partibus studentes firmantur, adeout in spem non pauci sint adducti, fore, ut e Sicilia Barbari expellerentur.

878

880

XVIII. Euthymio interim Episcopo Antonius successerat, cuius numisma plumbeum penes Blascum Romano-Columnium olim asse-  
vatum, ut Grossus, & Blanditius testantur, haec in antica parte praeferebat: *Antonius Metropolitā Catanae*. Postica vero Crucis Signum graecis characteribus interpunctis representabat, quorum

haec



*Ann. Xpi.* hæc erat sententia: *Jesu Salvatoris Domini nostri Jesu Christi Servo Basilio Imperatore.* Id autem Catanæ inventum, ibidemque relictum Antonii Episcopi in sede sua per hæc tempora incolatum evincere videtur. Habes illius Ectypum apud eundem Grossum. (a)

(a)

Cat. Sac. §. 17

885

XIX. Annus DCCCLXXXV. sancti Athanasii Methonensis Episcopi patria Catanensis pretiosa morte consecratus a Cajetano creditur (b) cujus acta ex Epitaphio Petri Siculi Argivorum Episcopi suo loco dabimus. Illum e Patriæ ruinis, atque occasu veluti novum phosphorum exortum prodit Encomiastes, atque a Parentibus voto obtentum, qui Saracenis Insulam vastantibus Catanâ excefferant, atque in Peloponnesum appulerant, ubi ille Monachis accensus, vitæ innocentia, sanctisque moribus adeo se commendavit, ut Episcopali munere dignissimus communi suffragio habitus, Methonensi Ecclesiæ præficeretur, quam præclaris virtutum exemplis aliquandiu illustravit, tandemque hoc anno sanctissimè decessit.

(b)

Tom. 2. ss.

Sic.

886

XX. Basilium Imperatorem anno Regni XIX. mortuum Leo Philosophus excepit Princeps literis potius, quam belli artibus additus. Ejus circumfertur dispositio de Metropolitæ Ecclesiis, quam Aubertus Miræus typis edidit (c) In ea quadragesimoquinto loco, aliis vero quadragesimoquarto, Catanensis Metropolita recensetur, cui nullus subest Thronus. ut ibi dicitur. Hinc conjecturis agens scribit Carusius: (d) *Quod quamvis potior Siciliæ pars ab infidelibus possideretur, Christianos tamen subditos, neque a libero Dei cultu Barbari absterrebant, neque ipsis impedimento erant, quominus Episcopos sibi deli-*

(c)

Not. Episcop.

Orbis.

(d)

Mem. Hist. lib.

10. Tom. p.

Bibl. Hist. Sic.

D d d d d

gerent



gerent, a quibus Christiana Fides in eorum animis firmanda, augendaque erat. Commissum sub Leone in Mamertino freto Græcos inter ac infideles navale prælium Erchembertus ejusdem ævi scriptor (a) literarum monumentis tradit, Saracenisque victoriam cessisse; Arabs vero Anonymus subdit Romano-Græcos excensu in Siciliam facto anno DCCCLXXXII. cum hostibus in pugnam venisse; sequenti autem ad Mylas classibus conflixisse, desideratis ex Græcis millibus circiter quinque; hinc Messanæ incolæ, ac Rhegii, littorumque, maritimis relictis locis, in remotiora, ac montana liberis, uxoribusque sublatis concessere, classis vero Græca in proximam Calabriæ oram se recepit.

Anno Xpi

888

(a)  
In Chronico

XXI. Nondiu post subactum ab Ibraimo *Amira*, direptumque *Tauromenium* tradunt; an vero circa eadem tempora Barbaris cesserit etiam *Catana* incertum. *Tauromenii* casum *Zonaras* *Leoni* adscribit, qui extruendis etiam Templis in Regia urbe intentus, latè debacchandi Saracenis ansam, atque aditum præbuit: Cum autem nautis ædificando impeditis, classis vacaret, *Agarenorum* classis *Tauromenium* vastavit, & *Lemnum Insulam* occupavit. *Tauromenii* excidium anno DCCCXCIII complures consignant, alii vero cml. ut *Pagius* advertit (b) Sunt, qui capto *Tauromenio* Græcorum in Sicilia imperium defecisse credunt; verùm *Carusius* ad annum usque cmlxxv. illud protrahit. In *Thematibus* *Constantini* (c) *Syracusæ* sub *Basilio* a Saracenis captæ dicuntur; *Tauromenium* vero sub Leone, subditurque: Quotquot igitur deserta fuerunt Oppida, hæc ab impiis Saracenis detinentur; sola vero trans mare Calabria a Christianis

890

(b)  
Tom. 3. Critic.  
ad annum  
193. & 902.

(c)  
Them. 12. l. 2.



Anno Xpi  
892

*stianis tenetur . . . post pauca : sunt autem sub Sicilia, & ejus duce urbes viginti duæ . Ex quibus liquido apparet , Constantini tempore, dum hæc scriberet circa CMXXX. vulgaris æræ annum, totius omnino Siciliæ Barbaros dominium tenuisse . . . Sciohabadini Annales sub titulo Chronici Saracenico-Siculi ex Bibliotheca Escorialensi ab Invegio , & a Carusio editi contra : diu Græcos in Sicilia perstitisse , videntur innuere, urbisque Catanæ jacturam non ante annum CMLXXV. illos fecisse , clarissimè tradunt .*

XXII. Tauromenio expugnato, a Græcis nihil timendum ratus , qui egrè propria tuebantur , Ibraimus, in Calabriam cum exercitu trajecit, Cosentiamque munitissimam urbem obsedit . At civibus patriam egregiè propugnantibus , Ibraimi filius occisus periit , mox ipse dysenteria correptus, e vivis etiam abiit: *Hic ultimus, inquit Pagius (a) fuit Regum Aglabidorum jam a seculo circiter in Africa imperitantium ; nam post ejus mortem Almahdi , qui se a Fatimida Mahometis Pseudoprophetæ filia exortum dicebat, Africæ dominatus est ; annoque CMX. sese Caliphum , seu Imperatorem appellavit . Almahdi itaque , qui & Mahadis , & Obeldalla etiam dicebatur , Africæ regno firmato, in Siciliam navigavit , diebus XL. ibidem moratus Alassanum , qui Insulæ præfecturam suo nomine gereret reliquit .*

(a)  
Tom. 3. Critic  
ad an. 902.

XXIII. Sub idem tempus Constantinus Porphyrogeneta Leonis filius, ac hæres, ejusque mater Zoes Augusta , animadvertentes , ut Cedrenus scribit (b) *se non pares esse bello simul, & contra Orientales , & contra Occidentales Saracenos gerendo , presertim rupto jam etiam a*

(b)  
In Annal. de  
Niceph. Phoca.

Bul-

910

913



*Bulgaris fœdere, pacem cum Siciliensibus Sarace-* Anno Xpi  
*nis componere statuerunt; pactumque est, rem a-*

*gente Eustachio Calabriae Praefecto, ut Saracenis*  
*darentur tributum nomine quotannis Aureorum xij.*  
*millia. Quamvis Curopolate xxij. millia pacta*

*fuisse affirmet. Interim turbæ inter Saracenos*

*Siculos, Afrosque exortæ diu res Insulae exagi-*

*tarunt, ut Chronicon Siculum enarrat. (a) An-*

*no CMXXXVI. Salem Siciliae Praefectus post Alaf-*

*sanum constitutus subditos sibi populos, Siculos-*

*que Christianos adeo duriter habuit, ac pessi-*

*mè vexavit, ut Agrigentini jugo excusso, eje-*

*ctoque Barbarorum praesidio, legatos in Orien-*

*tem suppetias a Constantino, & Romano La-*

*capeno Imperatoribus exoratum miserint, quibus*

*obtentis, diu Amiraë copiis obstitere, ac sæpius*

*conserto praelio eas fuderunt. Defectionem aliæ,*

*ac aliæ Siculae civitates sequutæ usque ad annum*

*CMXL., quo Salemo mortuo, rerum summâ Chalil*

*classis Praefectus potitus Calatabellotam primo,*

*moxque Agrigentum sibi subdidit. Anno inse-*

*quenti, scribit laudati Chronici Author, die 20.*

*Novembris capta est Gergnet, & crevit fames, &*

*desolatae sunt urbes Siciliae cum pagis ejus. Tum*

*vero Chalil multos captivos in Africam transmisit.*

*Quos ille subsecutus Panormi Praefectos statuit,*

*a quibus Insula pessimè administrata.*

*XXIV. Aliquot elapsis annis Alassano Aly ab*

*Calipha Almonfore Siciliae Amiratus defertur, hæ-*

*reditario jure, ut ex Ascanagio Sciohabadinus in*

*Annalibus refert, qui rebellantes sibi Siculos præ-*

*lio vicit, factionisque Principes pedibus, manibusq.*

*præcis patibulo affixit. Quo patrato, inquit Chronicô*

*Siculum, res Siciliae quieverunt. Quû porro Con-*

*stantinus jam ab anno CMXLIV pulso Romano, quē*

focium

(a)  
 Tom. I. Bib.  
 Hist. Sic.

936

940

941

947



Ann. Xpi.

951

952

956

958

963

socium Imperii adsciverat, solus habenas admi-  
 nistrans nollet blande se Saracenis submittere,  
 ut scribit Curopolate (a) aut pacem renovare,  
 annuumque tributum intermissum pendere, coa-  
 cto idoneo exercitu, ipsique præfecto Malaceno,  
 classem in Calabriam misit; At eductum avari-  
 tiam, qua subditos Imperii vexari inaudierant,  
 ut compertam habuere Saraceni, audentiores fa-  
 cti, confertâ pugna victoriam reportarunt, mox-  
 que inducias petenti Constantino facili negotio  
 concesserunt. Induciarum nondiu post elapso  
 tempore in Calabriam Barbari populabundi ir-  
 ruere, contra quos majoribus copiis instructum  
 Basilium Thalassiarum Constantinus destinavit.  
 Hic fortiter re gesta in Calabria, excensione in  
 Siciliam facta, Thermas Imerenses expugnans,  
 ac prope Mazaram magna edita Saracenorum  
 stragge, *Amiræ* exercitum fudit, Anno CMLVI.  
 XXV. Post biennium majori classe compa-  
 rata, Cabrea, & Mauro Leone ducibus, Græci  
 in Siciliam trajicientes hostium naves fugant,  
 quæ gravissima exorta tempestate circa Insulæ  
 oram obtritæ jacturam quoque ingentem patiun-  
 tur. Inde cum Romanis, subdit Curopolate, *fædus*  
*Agareni percutiunt, & pax servata est, quoad*  
*Phocas Imperator declaratus fuit, qui nuper ele-*  
*ctus* anno scilicet CMLXVIII. gravissimum ratus Sa-  
 racenis tributa pendere, Manuelem Patricium contra  
 ipsos mittit. Interim Alaffanus in Africam pro-  
 fectus filio Abulassano Siciliam administrandam  
 reliquerat, qui Græcorum viribus impar cum  
 illis congregari non est ausus; omnem hinc O-  
 rientalem Insulæ oram Græci incursumtes, Syra-  
 cusas, Leontinos, Tauromenium, aliasque fi-  
 nitimas urbes primo impetu recuperant.

(a)

De Nicoph.  
Phoca.

Eeeee

His



XXVI. His confractus cladibus Abulassan in Africam auxilia a Patre postulatum misit; qui mox ingenti manu, ac plurium navium classe stipatus remeans, Græcos loco iniquo adortus ad unum obtinuit, classem inde eorundem aggressus in anchoris stantem dissipavit anno CMLXIV. urbes, quas sibi hostes vindicaverant, subegit, paucisque post mensibus Panormi decessit eodem Abulassano successore relicto. Sub eo Rametta munitissimum opidum omnino excisum, ac Tauromenium funditus eversum; Pax demum inter Saracenos, Græcosque firmata. Hanc satis religiosè Abulcassenus anno CMLXIX. post Fratrem Abulassanum successus servavit sub Joanne Zemisce, qui enecto Nicephoro Imperii Orientalis thronum annis septem magna cum gloria tenuit. Sed eo extincto, quum regimen penes duos fratres Constantini filios Basilium, & Constantinum, quos Zemisce adoptaverat, ineptos sanè ad munus gerendum juvenes remansisset, opportunam nactus occasionem, Abulcassenus belli in Siculos Christianos gerendi, totius Insulæ expugnandæ consilium iniit. Non enim, ait Carusius (a) Saraceni, qui cum Adelcamo Insulam nostram invaserant, ceterique Amire successores totius Insulæ principatum tenuerant, nisi partem Provinciae, Sicaniam a veteribus appellatam. Et quamvis temporis decursu Syracusas primum, Tauromenium deinde vastaverint; nihilominus in Orientali plaga Regni nondum firmaverant dominatum, ac propterea Christianorum pagos, atque oppida identidem diripiebant, ac populabantur. Verum ut cumque sese res habuerit, certissimum est duobus fratribus imperantibus Messanam, Catinam,

(a)  
Mem. Sicul.  
lib. 10. in Bib.  
Sic. Hist.

Ann. Xpi.

964.

969

975



Ann. Xpi. 975 & Hyblam, aliaque in Orientali ora Insulae loca in Christianorum fuisse potestate. Imperatorum igitur imbecillitate usus Amiras Abulcassenus Messanam primo, dehinc Catanam, & Abulam, seu ut Carusio arridet, Hyblam adortus, eas vi capit, ac Romano-Græcum in

Sicilia Imperium funditus evertit.





## CATANA

## SUB SARACENIS.

(a)  
Bibl. Sicul.  
Hist. Lib. I.

**I** **E**rat annus *Egira* CCCLXIV. inquit in Annalibus Sciohabedinus (a) inchoatus die *xxi. Septembris*, & novissimis istius anni diebus, & initio sequentis Amiras Abilcassenus Filius Alchassani Filii Aly Binabulussan paravit magnum exercitum, quo se contulit expugnaturum Civitatem Messanam, qua victa una cum Catana, & castrum Avilæ, & plura alia loca expugnavit; Misit postea in Calabriam piratas, qui post multa bella, & certamina maximâ prædâ magnoque captivorum numero onusti in Siciliam rediere. Primus itaque Catanæ Tyrannus Abulcassenus, qui, quum ad multos annos proximas Siciliæ provincias igne, ferroque infestas reddidisset, Othoni Secundo Occidentis Imperatori sese opponere aliquando cum suis in Calabria ausus, bello victus atque in acie occisus, sævire, ac regnare desiit. Anno 981. Fecit prælium Rex Otho cum Saracenis in Calabria in Civitate Cotruna, & mortui sunt ibi 40000. Pænorum cum Rege eorum nomine Bulcassinus. Hæc simplici stylo Lupus Protospata (b) Sciohabedinus pridie nonas Julias commissum id prælium scribit, subditque: Postquam prædictus Amiras occisus est, Gaber filius Abilcasseni mortui ducis sine mandato, et præcepto Almoazii dominium Insulæ Siciliæ sumpsit, qui pessimus fuit Gubernator.

(b)  
In Chronico.

Ann. Xpi.  
974.

975.

981.



Ann. Xpi.  
983.

II. Pulso Gabero Giafar a Calipha Ami-

ras electus anno uno rexit, quo mortuo Abdalla ejus Frater Regimen tenuit, per quadriennium; Hunc excepit Jusuph, *qui optimus fuit*

996.. *Amiras* filiumque Giafar adoptavit anno CMXCVI.

Per hæc tempora Leo hujus nominis tertius Catanensis Ecclesiæ pontificatum gerebat; Subscripsit enim decreto: *Ne duo fratres duas accipiant consobrinas anno CMXCIV.* Constantinopoli edito inter Metropolitans, ut Picciolus advertit

(a) pulsum hunc Leonem e Cathedra sua a Saracenis, Constantinopoli consedissee conjicio, aut

nominatenus Antistitem egisse. Quamvis fortasse sub Jusupho optimo principe datam Christianis facultatem, ut sibi Pontificem eligerent, a quo salutaria monita exciperent, conjectari non incongruè possit. Quandoquidem anno MIIII.

(a)  
De Jure Ecc.  
Sic. par. I.  
cap. 25.

1004 extructam S. Mariæ sub Annunciationis titulo Ecclesiam Catanæ extra Stefichori portam, Inscriptio docet in ejusdem tecti trabe vetustissimis characteribus exarata, anno MDCLXXXII. casu deprehensa, inque publicas tabulas relata:

*Hoc Corpus Fabricæ, atque navis a fundamentis inceptum extitit XXIIII. Januarii VII. Indiæ. MIIII. deinde tecto completum MIIII. XXII. Junii. Ala vero Imaginis B. Mariæ Virginis VIII. Martii MLXXX.* Quæ sane indicant, Religionis exercitium non omnino a Barbaris, sub id tempus fidelibus interdictum. Epigrapham hanc, ut extat hodie, ex Archetypo diligentissimè descriptam ac publico Senatus sigillo signatam suo loco libro X. dabimus.

*Hoc Corpus Fabricæ, atque navis a fundamentis inceptum extitit XXIIII. Januarii VII. Indiæ. MIIII. deinde tecto completum MIIII. XXII. Junii.*

*Ala vero Imaginis B. Mariæ Virginis VIII. Martii MLXXX.* Quæ sane indicant, Religionis exercitium non omnino a Barbaris, sub id tempus fidelibus interdictum. Epigrapham hanc, ut extat hodie, ex Archetypo diligentissimè descriptam ac publico Senatus sigillo signatam suo loco libro X. dabimus.

III. Giafaro Jusuphi filio ob tyrannicum dominium inviso Al-Achem Frater successit, qui piratas, copiasque contra Christianos emisit, sub-

F f f f f

ditos-



ditosque Imperii vexavit. Hinc contra ipsum Basilium Augustus ducere statuit, sed morte præreptus fratri Constantino curam omnem eximendæ Siciliae a Saracenorum tyrannide reliquit. Año igitur MXXVIII. sub Oreste Protospatario Græcorum classis instructissima in Siciliam appulit; at quum ex gravi pestilentia milites majori ex parte defecissent, Saraceni Al-Achem duce reliquos aggressi fuderunt, ac magna clade affecere, ut Cedrenus testatur. Pax inde Græcos inter & Barbaros composita, quæ sub novo etiam *Amira* Affesano firmata civilis belli in Sicilia occasio fuit. Iniquo enim animo id ferentes Saraceni Abucabum *Amiræ* fratrem concitarunt, Qui ex Africa copiis auctus Affesannum in summas compulit angustias, coegitque, ut ad Michaellem Paphlagonem Constantinopoli imperantem, ejus opem imploratum, confugeret. Adfuit cum auxiliis Leo Opus Italiae Præfectus; qui in Insulam trajiciens Abucabum primo impetu fregit; nec diu ingens Romana Classis Georgio Maniace duce in rei militaris peritia nulli secundo partisque victoriis clarissimo Byzantio solvit, specie quidem opis ferendæ Affesano, sed verius Siciliae recuperandæ causâ adornata; Hec in Italiam primo, ubi subsidiarias Langobardorum, & Northmannorum legiones excepit, mox in Siciliam anno MXXXVIII. trajecit.

IV. Excensione facta Maniaces nullo fere impedimento Messanam sibi vindicavit; hinc Syracusis obsessis eas deditone accepit. Fratres interim Saraceni fœdere inter se percusso, suppetiis ex Africa accersitis, repellere Maniacem conabantur, contra quos movens ille, ad ea loca, quæ *Rhemata* dicebantur, prælium commisit, tantaque

Ann. Xpi  
1025.

1028.

1037.

1037.

1038.



# CATAN. SUB SARACENIS. 411

Ann. Xpi.  
1038.

taque strage barbaros fudit, ut præterfluens amnis sanguine manaret, Curopalate teste (a) Tresdecim deinde Urbes cepit, quas inter & Catana enumeratur, paulatimque progressus omnem pene sibi Insulam subegit. A majoribus accepimus, S. Georgii Ecclesiam vetustissimis Thermis Catanæ superextructam, quæ hodie majoris Templi ambitu concluditur, Georgii Maniacis opus fuisse; hinc vulgaris illa opinio invaluit, maximam scilicet Catanæ Basilicam sacram olim divo Georgio fuisse, Comitemque Rogerium eidem sancto Martyri dicatam voluisse. Sed falsam omnino arguit Inscriptio illa, quæ ejusdem Ædis foribus adhærens ante annum MDCXCIII. hæc exhibebat.

(a)  
Ad An. mun.  
6545.

*Comes Rogerius tempore Urbani Papæ II. Anno Domini MXCIIII. sub Ansgerio Abate hoc Templum condi & Deo, ac Beate Agathæ dicari jussit. (\*)*

X. Illud quoque indubitatum Georgium Maniacem ex antiquissimo S. Leonis Episcopi templo, quod adhuc hodie integrum extra portam Stefichori spectamus intra Carmelitarum Cœnobium, Corpus ejusdem Sancti Pontificis, atque e proximo S. Agathæ Virginis sepulchro ejusdem exuvias subtulisse, atque Byzantium una cum aliis Sanctorum Sæculorum Lipsanis ad Michaellem Imperatorem ejusque uxorem Zoem destinasse, quod Mauritius Catanensis Antistes in Epistola, quam de translatione S. Agathæ, scripsit, hisce verbis cum primis testatur. Post  
*multa*

---

(\*) Plura de hac re congerit Blandinius in ms. opusculo de Patria S. Agathæ contra Pirrum, qui a Rogerio Majorem Basilicam Catanensem S. Georgio dicatam asserit.



multa annorum curricula populus Christianus suis peccatis promerentibus, Justitia Divina castigante in vindictam traditus est manibus Barbarorum, qui diruentes Ecclesias, & Civitates, totam circumquaque Provinciam suo dominio subdiderunt. Quam stragem fidelium Constantinopolitanus audiens Imperator, Exarcum, quem in bellicis rebus habebat expertissimum, vocabulo Maniacum, cum armata manu in Siciliam destinavit, qui in brevi totam peragrans insulam eam ferro, ingenioque perdomitam in ditione accepit. Qui Maniacus corpus Deo dilectæ Virginis Agathæ, cum multis aliorum Sanctorum corporibus Constantinopolim delegavit, credens Orientis Imperium, jam jamque casurum, per eorum preces, & merita posse in robur pristinum relevari. Fazellus (a) de Rebus Siculis Maniacem perduellionis insimulatum, atque e Sicilia revocatum secum eorundem Sanctorum corpora detulisse tradit: Qui Insula discedens Agathæ, Lucie, aliorumque divorum quorundam corpora secum Constantinopolim Imperatori dono detulit, Urbemque Sanctissimis reliquiis ornavit. Cajetanus denique in Animadversionibus (b) Exportavit tum Maniaces Constantinopolim corpora SS: Virginum, & Martyrum Agathæ, & Lucie ex scriptoribus nostris omnibus; SS. Eutichii Episcopi Syracusani, & Clementis Abbatis item Syracusani ex ms. Codicibus Ecclesiæ Syracusanæ; præterea corpus S. Leonis Episcopi Catanensis ex fama. Credimus etiam, quod ait Mauritius Episcopus, transtulisse alia corpora SS. Sicularum quæ nobis ignota. Corpus Beatæ Agathæ, prosequitur idem. Cajetanus, ad Theodoram Augustam delatum a Maniace, collocatum est in monasterio Virginū, cui cognomen S. Mariæ. Ex Constantino Laschari in Schedis, quæ Messanæ in publico Civitatis thesauro asservantur.

Ann. Xpi.  
1038.

(a)  
Dec. 2. lib. 6.  
cap. 2.

(b)  
Ad Translat.  
S. Agat. num. 5.

1039.



*Ann. Xpi.*  
1040

VI. In idem tempus prodigiosa apparitio  
Imaginis Beatae Mariae Virginis in Valle Viridi  
sub Aetna monte incidit, de qua hæc scribit lau-  
datus Cajetanus (a) „Cum Orientis obtineret  
„ Imperium Michael Paphlago, tumultuantibus  
„ in Sicilia inter se Barbaris Georgium Mania-  
„ cem virum strenuum ad liberandam Siciliam  
„ ducem cum classe misit. Is ubi in Siciliam  
„ venit, conjunctis contra eum Saracenis prius  
„ dissidentibus, parem Barbarorum se viribus mi-  
„ nimè ratus, ab Salernitano Principe Guai-  
„ maro, & Landulfo Capuano duce suppetias  
„ petiit, a quibus nonnullæ Northmannorum  
„ copiae missæ Willelmi, & Roberti ductu; in-  
„ ter ceteros Landulfi milites vir quidam Li-  
„ gur, cui Dionysius nomen, erat, procerae ad-  
„ modum altitudinis, parisque corporis roboris  
„ advenit, qui multas ediderat in prælio Bar-  
„ barorum strages, & formidabilem hostibus se  
„ præbuerat. Devictis Saracenis, cum Maniaces  
„ descriptis de spoliis divisione legibus non  
„ stetit, magna inter eum, & Northmannorum  
„ duces exorta est contentio, quare hi ægris animis  
„ abscessere. Dionysius, cum nec Northman-  
„ nos sequi vellet, nec Georgio sese adjungere,  
„ pessimum consilium cœpit. Antrum in Aetna  
„ monte nactus supra virentem vallem disruptis  
„ rupibus, atque anfractibus invium, ibi sce-  
„ leratam vitam degere statuit; itaque ad ra-  
„ pinas se vertit, in viatores impetum facere,  
„ bonis omnibus, quoscunque posset, spoliare  
„ semper humano sanguine infestas manus te-  
„ nere. Verum, ita Ss. Matris gloriæ favente  
„ Deo, evenit, ut mense Junio Catanensis  
„ quidam Ægidius pius Virginis cultor illuc iter

(a)  
*T. 2. SS. Si.  
de Imag. B. M.*



„ habiturus esset , qui ab aliquibus admonitus, *Ann. Xpi.*  
„ ne in crudeles Dionysii manus, si ulterius pro- *1040*  
„ grederetur , incideret , progredi omnino oportere , respondit ; satis sibi in Virginis clientela , adversus quemlibet opis esse . Nec hominem pia fefellit opinio ; Nam noctu in via stricto gladio a Dionysio appetitus , adhibitis illi frustra precibus , Deiparam tandem invocat patronam suam . Adfuit statim praesens illius auxilium ; ecce enim repente vehementissimus terræmotus coortus , & atra nox luce clarissima refulsit . Ex qua vox ingens ter emissa , ter Dionysii nomen inclamavit . Attonitus ille , erecto brachio gladium tenente hærebat , nec se poterat commovere ; petiit tamen trepida voce , quidnam esset , qui se vocaret , quidve ab eo peteret . Virgo Deipara , inquit , sum , quæ ut opem Ægidio meo ferrem tuisque manibus eriperem , huc descendi ; remitte jam enssem , & liberum viatorem finas . Flexis tum genibus latro , petita ab Ægidio venia , eum dimittit ; Quo profecto , cum multis lacrymis precibusque Dionysius a Virgine pacem exposcebat . Sanctissima Mater immensa luce circumfusa , magnaq. Angelorum multitudine stipata , clarè se illi videndam obtulit , bonum habere animum jubet ; spondet , si suo dicto obediens futurus esset , veniam illi a filio impetraturam ; promittit omnia quamvis ardua , interna jam vi commotus Latro ; Tum illa hæc præcipit : Primum , ut pessimam prioris vitæ vationem detestetur , deinde ut Eremitæ habitum capiat , ac sibi templum in eo loco fabricandum curet . Petiit ab ea Diony-  
ny-



Anno Xpi.  
1040

„ nyfius , ubi , & quo pacto in ea solitudine id  
 „ construendum . . . . . Magistratum , & Clerum  
 „ advoca , inſit Virgo , in hac vallem commu-  
 „ ni pompa convenient , & ubi Gruum coro-  
 „ na viſa fuerit , ibi noſtra domus excitetur ;  
 „ nec aquarum penuriam metuas , ſed quo in  
 „ antro tot hominum effudiſti ſanguinem , meo  
 „ invocato nomine parum effodias , & fontem  
 „ aperies iis , qui biberint , ſalutarem .

VII. „ Satis jam quid facturſus eſſet edo-  
 „ docto Dionyſio , Virgo inter celeſtes choros  
 „ ſublimis abiit ; ille protinus armis , veſtibus-  
 „ que depositis , eremiticum habitum ex lana  
 „ ſuſcipit , ac ad mandata cœleſtia obeunda  
 „ Opidum propinquius Acim petit ; rem publi-  
 „ cè exponit , concurrunt omnes ; fit ſolemnis  
 „ ſupplicatio , ad virentem vallem tenditur :  
 „ tria fermè paſſuum millia diſtabat ab Aci .  
 „ Ubi Grues ſpectantibus omnibus apparuere ,  
 „ illico ſacras preces flexis genibus incipiunt ,  
 „ cumque Sanctiſſimæ Mariæ nomen ter invo-  
 „ caſſent , aves veluti ratione præditæ ſuis can-  
 „ tibus acclamarunt , ac demum in altum evo-  
 „ lantes , ex oculis evanuerunt . Nec minor  
 „ fuit admiratio concurrentis populi , cum ad  
 „ tertium ligonis iſtum ex arido antro fons pe-  
 „ rennis aquæ proſiliit , ex qua varii variis af-  
 „ feſti morbis convaluere . His miraculis accen-  
 „ ſis animis inceptum Templi opus , & urgen-  
 „ te Dionyſio , ſequenti anno perfectum eſt .  
 „ At vero ſabati nocte , quæ ultimam Auguſti  
 „ Dominicam præcedit ſacram Virginis diem , cum  
 „ Dionyſius in Templo eſſet , Virginum chorum  
 „ conſpexit , inter quas unam pulcherrimam  
 „ diademate coronatam cum filio iu ulnis , quæ  
 omnes



„ omnes ad pilam Templi accesserunt, ac re-  
 „ pente ex oculis sublata. Illucescente die in  
 „ eadem pila Imago Virginis inventa. Græca  
 „ videbatur pictura: sedebat ceruleo velamine  
 „ aureis notis distincto cooperta sanctissima Ma-  
 „ ter, dextera ulna Filium tenens, erecta de-  
 „ xtera benedicientem, sinistra manu gruem ca-  
 „ pit. Tres coronas aureas duo Angeli impo-  
 „ nebant.

VIII. Verum enimvero duo in hac Ca-  
 jetani enarratione displicent. Nam primo insti-  
 tutam a clero, & populo Acensi sollemnem sup-  
 plicationem dicit, eo ferme tempore, quo Sa-  
 racenis Insulam vexantibus, locus vix erat fide-  
 libus publicas hæc ceremonias celebrandi. Se-  
 cundo Angelos triplicem coronam sustentantes  
 Cælitum opus asserit, quum satis aliunde intu-  
 entes pictam divinitus Deiparæ, ac filii imagi-  
 nem, Angelos vero hominis, & fortasse impe-  
 riti penicillo exaratos agnoscant. Jam vero de  
 Templo Virginis, quod humili quidem schema-  
 te constructum tunc fuisse reor, hæc subdit lau-  
 datus Auctor.

IX. *Templum hoc autem magnificè extructum de-  
 coratumque a Friderico Rege, qui cum Joanne Ran-  
 datii duce illac iter faciens, Virginem veneratus,  
 a tribus Episcopis illud consecrandum curavit, cu-  
 jus consecrationis cruces adhuc videntur; prædiis  
 etiam illud magnificè donavit, caputque omnium  
 Acis Ecclesiarum constituit. Et cum multas alias  
 Ecclesias, tum S. Joannis ad Nemus, S. Mariæ  
 a Scalis, & S. Lucie Templi illi addixit. Mi-  
 rum fuit, quod in illa Templi ampliatione accidit;  
 quippe cum id dilatare vellent, paries, in quo  
 Deiparæ depictum erat simulacrum, renovandus e-  
 rat;*



rat; Prius itaque tres tabellas ad illius Iconis formam depingendas curant. Sed mirum dictu, cum sero perfectæ essent, postero mane deletæ inveniebantur. Re sepius frustra tentata, machinis protrahere murum decernunt; restitit tamen ille, nec vi ulla proferri potuit. Demum per speciem Damiano Pastori fido clienti SS. Virgo apparuit, renunciat tempus esse, protrahendi parietem sine Iconis detrimento. Ergo dum organa aptantur, & funes expediuntur, alia potentiori dextera impulsus paries, ultro nullo duce ad alium se parietem adjunxit, in dextera Templi parte. Hæc porro recentioris licet ætatis, ne exciderent memoria, huc simul congeffi.

X. Maniace abeunte Græcos victoria reliquit; hinc passim Barbari eorum fuderunt acies, atque exercitu ex Africa accito omnia vastantes, tota demum Sicilia potiuntur, una excepta Messana, cujus obsidio diuturna ac memorabilis ob ingentem præsertim cladem a præfidiariis Græcis, civibusque sub Catacalo duce hostibus illatam, qua & Amiras Affasanus Abulopharus ac pene triginta Saracenorum millia periere. Post Amiræ mortem variæ in Sicilia turbæ inter Barbaros exortæ; adeunt Insulæ præfectura in minores principatus exinde divisa quampluribus invadendæ Tyrannidis aperuerit aditum. Anno Egiræ 430., inquit Sciohabedinus, die tertia Octobris unusquisque seditiosorum se ipsum præfecit alicui Civitati, Portui, vel castro; inter quos Dux Abdalla filius Manuech possidebat Trapanum, & alia vicina loca; Dux vero Aly Bincema cognominatus Binibhavussi occupavit Castriennem, Agrigentum, & alia loca; Binittammana sibi vindicavit Catanam, & Syracusas, & nonnulla alia loca.

H h h h h



*loca.* Egiræ an. ccccxxx. trigesimo octavo, & nono supra millesimum Vulgaris Æræ respondet; At quum *Amiratus* divisio post Affasani mortem evenerit, rectius cum Carusio (a) illam anno MXLI statuimus.

(a)  
*De rebus Sara.*  
*lib. 10. mem.*  
*Hist. Sicul.*

XI. Nec sane minores Orientali Imperio discordiæ per hæc ipsa tempora obvenerunt. Mortuo enim Michaelē Paphlagone ad Michaelē alterum Calaphatum illius fratris filium sceptrum defertur, quo post menses aliquot exauthorato, Zoes Augusta regimen assumpsit; Hinc Constātinus Monomachus tertius ab eadem Zoe ad Imperialē thalamū adscitus, Augustus acclamatur; qui variis, & perniciosissimis bellis distractus, de Sicilia tuenda vix cogitavit. Saraceni ergo audentiores facti, ad occupandam Messanam, auxiliaribus copiis ex Africa accersitis, sese comparant. Qua demum subacta, Græcorum in Sicilia Imperium omnino desit, ac Insula universa Saracenorum subiit jugum, quod nonnisi Northmannorum virtute depulit.

Humbertum Siciliæ Archiepiscopum circa idem tempus invenio S. Benedicti Monachum, vitæ sanctimonia, doctrinæ fama, multisque in Ecclesiam meritis illustrem. Hunc noster Grossus inter Catanenses Pontifices enumerat, Pirrus vero Panormitanis accenset; Sed ad Siculorum salutem ordinatum tantummodo a Romano Pontifice Lanfranchus asseruit; hinc universa Insula sibi illum vindicare, nulla vero peculiaris Ecclesia suis adscribere potest.

FINIS PRIMI TOMI.



## INDEX RERUM NOTABILIVM.

## A

- A** *Bulassanus* Siciliæ Amiras cum Joan. Zemisces Imper. pacem servat. 406. Totā Siciliam sibi vindicat. 407. Catanam primus inter Saracenos occupat. 408. In prælio cum Othone II. occiditur. 408.
- Abule* Opidum a Saracenis capitur. 407.
- Abulopharus* Siciliæ Amiras. 417.
- Academia* Catanensis instituitur. 135. A Charonda legibus munita. 163. Ab Alphonso Rege instauratur 29. A Marcello Consule dedicata 231.
- Achilleus*, seu *Achelles* locus in urbis Catanæ centro 311.
- Acis* fluvius describitur 39. *Acis* Pastoris amores. 87. In flumen sui nominis conversus 88.
- Adelcamus* Siciliæ Amiras 397.
- Adranum* Opidum a Romanis capitur 222.
- Adrianus* Imper. in Siciliam delatus Ætnæ montem conscendit 274. Ejus numi Cereri dicati in Sicilia cuduntur. 275.
- Æneas* ejusque ad Ætnam appulsus 110.
- Ægestani* pecuniam, & equitatum Atheniensibus tribuunt. 117. Cum Selinuntinis bellum gerunt. 173.
- Ægidius* Catanensis Deiparæ addictus. 413.
- Ætna* Thalia Palicorum Mater. 80.
- Ætna* Opidum ejusque situs. 31. & seq.
- Ætnæ* montis regio meridionalis. 33. Ætna mons Scriptoribus celebratus. 47. Ejus Incendia a quibus descripta. 49. vide *Incendii*.
- Ætas* Deorum quandonam fuerit. 51.
- Ætas* aurea dicitur a frumento. Ibid.
- Ætas* Heroum. 83.
- S. Agatha* Catanæ oritur. 276. Ejus *Æta* latina, & Martyrium. 281. Mors, & sepultura. 288. Festus natalis dies. 308. Ecclesia supra Sepulchrum. 305. Corpus Byzantium a Maniace translatum. 411.
- Agathocles* Syracusis Tyrannidem invadit. 214. Profectus in Libyam Pœnis bellum infert 205. Regis Libyæ titulo decoratus. 216. Occiditur a Syracusanis. Ibidem.
- Agatho* Sum: Pontifex Catanensis. 357.
- Agri* Catanensis fines. 30. Flumina 35. Fertilitas. 31. Opida. Ibidem.
- Agrigentum* contra Saracenos rebellat 404.
- Al-Achem* Siciliæ Amiras. 409.
- Alassanus* Siciliæ Amiras. 404.
- Alaricus* Gothorum Rex Siciliam tentat. 325.
- Alcassanus* Siciliæ Amiras. 403.
- Alcibiades* bellum Atheniensibus contra Syracusanos suadet. 173. Athenas ad se purgandum vocatus in Peloponnesum evadit. 179. Concionem Catanæ habet. 176.
- Allaba* Siciliæ Amiras, 397.
- Almedi* seu *Obedalla* Africæ regnum occupat Siciliæ imperium habet 403.
- S. Alphius* ac Fratres. 291. Quando martyrium passi. 293.
- Amalasuntha* pro filio regnum Italiæ administrat, indignè a Consobriano tractatur, & occiditur. 334.
- Amenanus* aliis *Amasenus* Catanæ Fluvius vulgo Judicello. 35. Ejus aquæ interdum evanescent. 36. Illius Najades Proserpinæ comites. 72.
- Amilcar* Carthaginensis Annibalis Pater ultimus in Sicilia Pœnorum dux. 225. Idaliū castellum prope Catanam tentat. 226.
- Amilcar* Gisconis filius Agathocle superat. 215.
- Amphinomus*, & *Anapia* fratres Pii ab Ætnæ incendio Parentes liberant 147.
- Amphitheatrum* Catanæ Chalcidenses condunt. 134. Theodorici tempore dirutum. 331.
- Anapia*, & *Amphinomus* fratres. 147.
- Andronus* insignis Tibicines Catanensis 135.
- Anno* Pœnorum dux. 207.
- Anthenion* Servorum Rex. 141. Regiis insignis indutus procedit 242.
- Antonius* Catanensis Episcopus. 400.
- Apollonia* in Agro Catanensi. 34.
- Appius* Claudius [Rom: Consul primus in Siciliam transmisit. 220.
- Aquilus* Consul servos debellat. 242.
- Ara* Palicorum, & lacus. 39.
- Arcadius* S. Stephani Ecclesiam Catanæ condit. 357.
- Arcens* Ænæ socius. 115.
- Archangelus* Octavius laudatur. 2.
- Archelaus* Catanam Dionysio prodit. 196.

Ar-



*Archimedes* suis machinis Romanos exagitat, 228. A Milite Romano occiditur. 230.

*Aristeus* agricolendi usum Siculos edocuit 85. Vitem in Ætna primus invenit. 86.

*Assafanus* Siciliæ Amiras 410. contra Maniacem ducit, ac vincitur 411. Occiditur 417.

*S. Athanasius* Methonensis Episcopus Catanæ oritur. 401.

*Athenienses* in Siciliam evocantur 165. Vario Marte pugnant 166. Messanam capiunt 169. Siciliæ dominium affectant 173. Catanam excipiuntur 128. a Syracusanis Duce Gilippo victi. 189. Captivi durissimè tractantur. 190.

*Aurelius Antoninus* Imp. Catanam bis venit 276.

## B

*Basilus* Græcorum Dux rem contra Saracenos in Sicilia fortiter gerit. 405.

*Bellum* Civile Romæ unde ortum habuerit. 247. Post mortem Cæsaris 251.

*Bellum* inter Catanenses, & Syracusanos 164.

*Bellum* Navale primum inter Syracusanos, & Athenienses. 186. Secundum, ac Tertium Ibidem Quartum ad fauces Syracusani Portus. 188.

*Bellum* Navale primum inter Carthaginienses, & Dionysianos e conspectu Catanæ. 198. Secundum in portu Erycino. 204.

*Bellum* Navale inter Octavianum, & Sextum Pompejum 254.

*Bellum* Navale inter Roman. & Carthaginē. 224.

*Bellum* inter Carthaginienses, & Timoleonem ad Crinifium flumen. 210.

*Bellum* terrestre inter Athenienses, & Syracusanos. 187.

*Bellum* inter Mametcum, & Timoleonem ad Symethum. 211.

*Bellum* Navale inter Græcos, & Saracenos 402.

*Belli* Punici rudimenta. 223.

*Bellum* Servile Primum 134. Secundum. 240.

*Bellisarius* ad Catanæ lictus cum classe 334. Catanâ potitur. 335.

*S. Beryllus* Primus Catanæ Episcopus a S. Petro ordinatus 262. An cum Apostolo Catanam venerit 263. An Martyr occubuit. 270. Ejus prædicatio, & mors. 264. Ejus Sepulchrum 270.

*Bonabdalla* Siciliæ Amiras 397.

*Binittthamena* sive Bethumenus Catanæ Præfeturam assumit. 417.

*Butera* a Saracenis. expugnatur. 398.

## C

*Cajus* Caligula in Siciliam venit, ludos Asticos Syracusis exhibuit. 261. Ætnæ fumum aspiciens pavefactus aufugit. 262.

*Calippus* Catanam frustra obsidet. 205. Messanam occupat tandemque occiditur. 206.

*Callistrates* Dux Equitum Atheniensium, ejus illustre facinus. 190.

*Calpurnius* Piso Rom. Consul Servos in Sicilia fundit. 236.

*Calvisianus* Siciliæ Consularis. 310.

*Camarinenses* contra Syracusanos Atheniensium auxilia advocant. 178.

*Campani* jussu Dionysii Catanam incolunt 194. Ætnam opidum occupant. 196.

*Carcer* S. Agathæ V. M; 2 S. Eupli M. 318. SS. Alphii, & Fratrum in Arce Cat. 292.

*Carinis* suos habuit Episcopos. 357.

*Carrera* Petrus laudatur? 258.

*Charondas* Catanensis Thuriis Chalcidensibus in Sicilia, suisq. Civibus leges condit, ac in Patria moritur. 162. Ejus mors variè refertur. 163. Illius leges de Publicis Magistris. Ibidem.

*Carthaginienses* in Siciliam veniunt, Bellum contra Dionysium movent 195. A Timoleonte vincuntur 210. Syracusas frustra obsidēt, 215. Cum Romanis vario Marte pugnant Tota Sicilia excedunt. 226.

*Catana* antiquissimæ foundationis 6. Juxta Thucydidem, aliosq. a Naxiis conditur. Ibid. Juxta Eusebium 3795. Mundi anno ortum habuit 15. Juxta Bochartum Parvam sonat. 7. 17. A Naxiis colonia augetur. 6. Eadē ac Chamasena juxta nonnullos. 10. Illius fundatio statuitur 15. 16. Ad radices Ætnæ sita 25. Frequentior incolis Messanâ, & Tauromenio. 26. Ab opibus Sapientia & Equestri militia a Pindaro commendatur. 26. A Tullio celebratur Ibidem. Et a Cluverio 27. Romanorum Præsidum sedes 28. Tertia Regni foror. 28. Regum Aragonensium sedes 28. Regni Caput 92.

Magni-



Magnificentior ex Terræmotus ruinis exurgit Ibidem. sub Hierone 2 suis legibus vivebat 220. Inter primas Romanis se dedit 222. Romanis suppetias contra Syracusanos misit. 229. Romanorum Colonia ab Octaviano Aug: aucta. 256. Sub Michael Imp. nondum a Saracenis subacta 398. Anno 975 tandem Saracenis cessit. 406.

*Catana* Evarchi Chalcidensis ducis uxor juxta Carnevalium 18.

*Catanus* Chalcidensium Dux ex Fazello Ibid.

*Catanus* Saturni, & Zanclos frater. 20.

*Catana* Urbs Archadiæ. 18.

*Catanenses* acris ingenii 22. Hieronis 1 tumulum solo æquarunt. 159. Ad Athenienses legatos mittunt. 175. Syracusanis subdolè societatem spondent. 177. Leontinensibus sanguine, & fœderibus conjuncti Ibidem. Ad patrias sedes sese recipiunt sub Dionysio 196. Contra Sex: Pompejum Octaviano adhærent. 255.

*Cato* Pompejanas partes, ac Reipublicæ in Sicilia tutatur. 247. Insulam relinquit Cæsarianis 248.

*Cereris* Templum intra Catanæ pomerium 22 Fabula, quid denotet 66.

*Ceres* eadem, ac Luna, & Isis 61. Legifera dicitur 62. Eadem, ac Ops, seu Vesta; Significat frumentum, Sicula, & Catanensis Ibidem. A Catanensibus culta 66. In Ætna tēdas accēdit 76. In Catanēsis numis, & in aliis Siculis obvia. 65. 275. Ennensis 238

*Cethegus* Siciliæ Parricius 344.

*Chalcidenses* e Naxo profecti Catanam Colonos deducunt Evarcho Duce. 133.

*Chalib* Siciliæ Amiras 404.

*Chamafena* a Cham condita, & ubi sita 9.

*Chromius* Gelonis gener victor in Olympicis 155. Pindaro celebratus Ibidem

*Ciapheas* Siciliæ Amiras 398.

*Civitas* Romana Siculis datur. 252.

*Civitas* locus munitus a Servis inter Paternionem, & Licodiam 237. Alia inter Adranum, & Symethum Ibidem.

*Classis* Carthaginiensis in Catanensi litore procellam patitur. 200. De Navibus Dionysianis triumphum ducit. 199. Syracusa-

rum Portum occupat 200.

*Classis* Atheniensium in Portu Catanæ 175.

*Cocalus* Catanæ Rex juxta nonnullos 123.

*Coloni* 10000. ab Hierone Catanam deducti 157.

*Compagum* usus Catanensibus Diaconis interdictus 352. Compagus quid? Ibidem.

*Constans* Imper. Syracusis Imperii sedem statuit, ibique occisus 357.

*Constantinus* Episcopus Leontinensis ad Rom. Pontificem legatus 390.

*Constantinus* Porphyrogeneta bellum infert Saracenis infelici exitu 405.

*Cyclopes* Siciliæ incolæ 7. 11. Sub Ætna sedes locant 12. Vulcani ministri 78. Statura, procures, viribusq: immanes 92. Monoculi Ibidem. Cyclopum mores. 103.

*Cyprianus* Diaconus Romanæ Ecclesiæ Patrimonii Rector 350.

## D

*D Amophilus* Ennensis homo in Servos crudelissimus 237. Ejus filia Catanæ a servis custoditur Ibidem.

*Daphnis* Bubulcus Ætnæ incola 116.

*Decius* Imper. Ecclesiā persequitur 278. Ejus Idolum a S. Leone Epif. deturbatum 376.

*Demosthenes* Atheniensium Dux 186.

*Demeterea* eadem, ac Ceres, seu Terræ Mater 21. Eiusdem nominis Catanæ Regio Ibid.

*Deucalion*, cū Pyrrha apud Ætnam servatus 53. Eius nomine Noe venit. 54. Homines rudes, & lapideos moribus informavit 54. Illius Etas. 55.

*Diaconi*, & *Subdiaconi* Catanenses 350.

*Dinocrates* in libertatem Siculos asserit. 216.

*Dionysius* Syracusarum Tyrannus 192. Chalcidicas Urbes invadit. 193. Carthaginiensibus bellum infert. 195. Rhegium expugnat 202. Concinnadis poematis operam dat Ibid. Bellum 2. Pœnis infert. 203.

*Dionysius* Minor Syracusis excedere cogitur, creditque post sexennium 204. II. à Syracusanis ejectus. 205. Tertio Syracusas invadit, pelliturque a Timoleonte. 207.

*Dionysiarhus* Proagorus Catanæ. 245.

*Dionysius* Prædo in Matris Virginis honorem Templum sub Ætna condit. 413.

*Dion* Syracusanus, Platonem redimit. 202.



Exulare cogitur 204. Redit, ac Patriam a tyrannide liberat 205. Secundo Patria exatus, mox revocatur, & a Calippo occiditur 205.

*Domninus* male inter Catanenses Episcopus locatur 327.

*Ducetius* Siculorum Dux Neetum in æquum campum transtulit, Palicam condit, Ætnam occupat. 160. Totius Siciliæ dominium affectat 161.

## E

**E**cclesia Catanensis a S. Petro Episcopum accepit. 263.

*Ecclesia* S. Mariæ de Bethlehem 305.

*Ecclesia* S. Joannis de Hospitali 340.

*Ecclesia* S. Mariæ Annunciatæ 409.

*Ecclesia* S. Luciae 384.

*Ecclesia* supra Sepulchrum Sanctæ Agathæ 305.

*Ecclesia* S. Mariæ Vallis Viridis 416.

*Ecclesia* Romana Patrimonium in Sicilia sub Isaurico amisit 362.

*Elisa* cum suis primus Siciliam incoluit 10. 7.

*Elpidius* Catanæ Diaconus mox Episcopus 344

*Elpidius* Siciliæ Præfectus 387.

*Empedocles* Agrigentinus Philosophus apud Ætnam moratur; Ejusq; mors. 161.

*Enceladus* Gigas sub Ætna damnatus 57.

*Enna* a Saracenis capitur 392.

*Epipole* ab Atheniensibus occupantur. 184.

*Episcopi* Catanenses Archiepiscopali dignitate decorati 263. Metropolitico jure donantur 401

*Episcopus* incerti nominis Catanensis sub Pelagio 1. Rom. Pont. 344.

*Episcopi* in Sicilia sub Saracenis 401.

*Episcopi* Siculi Nicæno Concilio interfuerunt. 323. & Sardicensi Synodo 324.

*Epiphanius* Catanensis Diaconus ad Adrianum Rom. Pontif. legatus. 290. Locum tenet Thomæ Archiepif. Sardiniae in Concilio Nicæno 11. 291. Heræses convellit, & laudatorium sermonem in fine Concilii pronūciat Ibidem.

*Epistola* Pelagii 1. Rom. Pont. ad Cethegum Patricium 344. Pelagii 2. ad Elpidium Catan. Episc. 348. Gregorii Magni ad Siciliæ Episcopos Ibidem. Ejusdem ad Justi-

num Patricium 349. Ejusdem ad Leonem Catanensem Epif. 351. 352. Ejusdem ad Joannem Syracusanum Episcop. 352. 353. Lucii Præfecti ad Imperatores. 371. Leonis 111. Rom. Pont. ad Carolum Imper. 394. Photii Const. Patriarchæ ad Euthymium Catan. Epif. 399: Phalaridis 137. 140

*Etymon* Catanæ. 17.

*Evarchus* Catanensis Coloniae deductor 18. 6.

S. *Everius* Catanæ Episcopus 304.

*Eunapion* Antiquus Siciliæ Rex 122.

*Euridemon* Atheniensium dux 185.

*Eurus* Servorum Rex Ennam occupat 235.

*Eugenius* Militum Magister Saracenos in Siciliam evocat. 396.

S. *Euplius* Diaconus Catanensis, & Martyr 310. Ejus Acta Græca 311. Mors, & sepultura 315. Annus ejus mortis. 316.

S. *Euplius* Diaconus, & Confessor 320.

*Euthymius* Catanæ Episcopus 398. Concilio Constantin. interfuit Photii schismate abjurato. 396.

## F

**F**abula Urbium, ac Populorum facinora representant. 31.

*Fatimidarum* familia in Africa 403.

S. *Felix* Thibarensis in Africa Episcopus Catanam venit. 321.

*Festum* S. Agathæ Sæculo 4. celebratum. 308.

*Fides* Christiana Catanam inuenta. 262.

*Fines* Catanensis Agri describuntur 30.

*Fortunatus* Catanensis Episcopus, 332.

*Fulvius* Rom. Consul contra Servos in Siciliam missus. 236.

## G

**G**aber Saracenus Siciliæ imperiū usurpat. 408

*Galathea* a Poliphemo adamatur. 88.

*Gelon* Syracusarum Rex. 150.

*Genfericus* Siciliam invadit. 329.

*Georgius* Catanensis Episcopus. 358.

*Georgius* Maniaces in Siciliam trajicit, Messanam, Syracusas, Catanam, aliasque Urbes expugnat, & Saracenos fundit. 410. 411. Corpora SS. Agathæ, Luciae, & aliorum SS. Byzantium transfert 411. Perduellionis insimulatus Sicilia excedit, 412.

S. Ge-



*S. Georgii* Ecclesia Catanæ a Maniace extructa 411.

*Giafer* Siciliæ Amiras. 409.

*Gigantes* Catanam condiderunt juxta nonnullos 11. Planas regiones ortū spectantes primo incoluerūt Ibidem. Sub *Ætna* damnati dicuntur 55.

*Græci* suis adscribunt Urbium præstantissimarum in Sicilia foundationes. 9. Ultimas in Siciliam colonias miserunt. 14. Cum Saracenis vario Marte pugnant 398. plures in Sicilia Urbes recuperant 405. Maniace abscedente a Saracenis funduntur 413. Græcum in Sicilia Imperium eversum a Saracenis 407.

*S. Gregorius* Papa monasteria in Sicilia cōdit. 344.

*Grimpia* idem ac Velum *S. Agathæ*. 305.

*Gylippus* Lacedemoniorum Dux Syracusas ap-  
pulsus cum Atheniensibus pugnat 185. Plem-  
myrrium Castellū illis eripit 186. Victoriā  
de hostibus reportat 187.

*Gymnasium* Catanæ *M. Marcellus* excitat, aut di-  
cat 231. Corporis exercitationibus, ac scien-  
tiis addictum 232.

## H

**H**echatæus Chalcidensium Dux a quo Catana  
Hechatæa appellata 19.

*Heliodorus* Magus Catanæ 368. Byzantium ad-  
ductus 373. Combuitur. 376.

*Heloris* Dux Rheginus Messanam obsidet 201.

*Heraclides* ad *Heliodorum* tenendum Catanam  
destinatus 372.

*Heræi* Montes ubinam siti? 115.

*Hercules* Siciliam universam peragravit. 14.  
Ad *Ætnam* usque processit. 84. Ejus in  
Sicilia præclara facinora. 85.

*Hermocrates* Atheniensis Dux Pacis inter Si-  
culos author 170.

*Hermocrates* Syracusanus Dux 186. Athenien-  
ses ad abeundum paratos astutia a propo-  
sito revocat. 188.

*Hiero* Syracusarum Tyrannus 151. Chalcidi-  
cas in Sicilia Urbes, & Catanam occupat.  
152. Cives patria expellit Ibidem. Catanā  
mutato nomine *Ætnam* nominavit; ipse  
vero *Ætnæus* dici voluit Ibidem. Catanæ  
moritur 156.

*Hiero* II Syracusarum Rex. 219. Mamertinos

fundit. Ibidem. Cum Romanis infeliciter  
pugnat fœdusque pepigit 220.

*Hieronimus* Syracusarum Rex Romanorum  
amicitiā spernit, mox Leontinis occidi-  
tur. 227.

*Himerenses* corpus *Stesichori* a Catanensibus  
repetunt, bellumq; ipsis indicunt. 143.

*Hipparinus* pulso *Calippo* Syracusanam rem-  
publicam optime regit. 206.

*Hippocrates*, & *Epicles* contra Romanos Sy-  
racusanos accendunt 228.

*Hippodromus* Catanæ a Chalcidensibus funda-  
tur. 135.

*Hispani* milites inter mercenarios a *Diony-  
sio* cooptantur 201.

*Horologii* solaris exemplar Catanā Romam ad-  
vectum 223.

*Humbertus* Catanæ Episcopus 418.

*Hybla* Gereatis in Agro Catanensi 30.

*Hybla* Major hodiè Paternio Ibidem. A Sa-  
racenis capitur 407.

## I

**S** Jacobus Martyr Episcopus Catanæ 361.

*Javan* Græcorum Author. 10.

*Ibrahimus* Siciliæ Amiras Syracusas cepit 400.  
Cosentiam frustra obsidet 403. Ultimus ex  
familia Aglabidarum Ibidem.

*Iceas* Syracusarum Tyrannus 217.

*Idalium* Castellum prope portum *Ulyssis* 46.

*S. Ignatius* Patriarcha Constant. 400.

*Imilco* Pœnorum Dux contra *Dionysium* 195.

*Ægestam* liberat, Messanam occupat 196.

*Incendium* *Ætnæ* primum, sub Sicanis 124.

sub Siculis. 130. *Phalaridis* ævo 138. *Pi-  
thagoræ* ætate 146. Sub *Hierone* primo 151.

*Olympiade* 75. 161. Sexto Belli Pelopon-  
nesiaci anno 168. Sub *Dionysio* Majore

197. *L. Sapiente*, & *C. Servilio* Cæpione

Coss. 233. *Servio* Flacco, & *Calpurnio* Coss.

234. *Æmilio* Lepido, & *Aurelio* Oreste

Coss. 238. *Domitio* Ahenobarbo, & *Fen-  
nio* Strabone Coss. 339. Antequam Cæsar

occumberet 251. *Octaviani Augusti* tempo-  
re 254. Post annum a *S. Agathæ* Marty-  
rio 294. Quale hoc incendium fuerit 298.

Circa Christi annum cccclx. 326. Sub Ca-  
rolo Magno 393.



*Inducia* inter Saracenos, & Græcos 405.  
*Inessa* sive *Ætna* Opidum 31. A *Phalaride* dolo occupatur 144.  
*Joannes* Catanensis Archidiaconus fit Episcopus Syracusanus 351.  
*Joannes* Episcopus Carinensis, aliis Catinensis Romano Concilio interfuit. 356.  
*Jovis* *Ætnæi* Aræ. 238.  
*Irenes* Imperatrix pacem Ecclesiæ restituit 387 cum filio Constantino inimicitias exercet, eumque capit, & excæcat. 393.  
*Julius* Cæsar de Pace cum Pompejo frustra tractat 247. Siciliam per legatos occupat. 249. Siculos Latinitate donat 249. Occiditur in Senatu 251.  
*Juliani* Monasterio Catanæ extracto S. Gregorius decem solidos annuos adsignat 354.  
*Julianus* Catanæ Episcopus Romano Concilio interfuit 358.  
*Jus* Latii erat Magistratum Romæ petendorum *Jus* 249.  
*Juris* jurandi ritus ævo Gregorii Magni 350.  
*Jusuphus* Siciliæ Amiras 409.

## K

**K** *At* *Ætna* sive *Catana*. 19.  
*Kat* *Ano* idest sub alto. Unde *Catana*. Ibidem.  
*Katane* e Græcis appellatur *Catana*. 20.  
*Katnam* idest: Juxta navem. 20.

## L

**L** *Abdalum* Castellum ab Atheniensibus in Epipolis excitatum 184.  
*Lacedæmones* auxilia Syracusanis mittunt 185.  
*Lamachus* Dux Atheniensis contra Syracus. 175.  
 Cum Callicrate Syracusano singulari certamine congreditur 185. Uterque occumbit. Ibid.  
*Latinitas* a Cæsare Siculis concessa. 146. Quid olim fuerit. Ibidem.  
*Latrones* Siciliam vastant sub Gallieno. 306.  
*Legatio* Catanensium ad Athenienses. 164. alia ad eosdem. 173. Leontinensium Gorgia Dux. Ibidem. Catanens. ad Romanos. 240.  
*Leo* Patricius Catanæ sedem fixit. 346.  
*Leo* primus Catanæ Episcopus apud Gregorium Papam delatus se purgat. 347. 349.  
*S. Leo* III. Rom. Pont. Catanensis. 258.  
*S. Leo* II. Catanæ Episcop: quo ævo vixerit. 364.

*Ejus* Acta ex Græco Encomiaste. 366. Ex Græcis Menæis 377. Latina ex Breviario Gallicano 379. Ejus Eremus sub *Ætna*. 384. Corpus Byzantium translatus. 385. Mors quo anno acciderit. 386. Ecclesia hodiè 384.  
*Leo* III. Catanæ Episcopus 409.  
*Leo* Opus Saracenos in Sicilia fundit 410.  
*Leontinum* a Chalcidensibus auctum 7. Ab Hierone deripitur 152. A Saracenis captum 397.  
*Lencotheæ* fluvius 45.  
*Levinus* Rom. Consul in Sicilia debellat 232.  
*Libycum* bellum Catanæ ævo Siculorum 131.  
*Limna* Opidum prope Catanam 34.  
*Lilybæum* a Dionysio tentatum 203. A Romanis longa obsidione premitur 228.  
*Lognina* seu Ongia statio 34.  
*S. Lucia* Catanam venit 308. ad S. Agathæ Sepulchrum matri sanitatem impetrat 309.  
*Lucius* Siciliæ Præfectus 369.  
*Lusius* Laberius Thermas reficit 275.  
*Lucullus* Sicil. Prætor Servos fudit 241.

## M

**M** *Achina* bellicæ a Dionysio institutæ 195.  
*Mago* Classis Pœnorum Dux 197.  
*Mago* Catanam obsidet 209.  
*Mamercus* Catanæ Tyrannus. 207. Messanam expugnat 211. A Timoleonte ad Symetum funditur Ibidem. Vitam laqueo finivit 212. Ejusdem numi 113.  
*Mamertini* Messanenses 217. Romanos in Siciliam vocant. 220.  
*Maniaces* vide Georgius  
*Manlius* Catanensis 250.  
*M. Marcellus* Syracusas frustra obsidet 228. Catanenses ut socios complectitur, & Catanæ Gymnasium dedicat 231.  
*Massæ* in agro Catanensi Ecclesiæ Romanæ attributæ 323.  
*SS. Martyres* Pontianus, & Socii 264.  
*SS. Martyres* sub Domitiano 274.  
*SS. Martyres* sub Severo, & Maximiano 276.  
*SS. Martyres* una cum S. Agatha 228.  
*SS. Martyres* cum S. Euplio passi 519.  
*S. Mariæ* Vallis Viridis Imago 413. 417.  
*S. Maximus* Senogalliensis Episcopus 356.  
*Menon* Agathocle interfecto Tyrannidem occupare contendit 216.

Messala















